



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>









©  
PRAELECTIONES  
ACADEMICAЕ PUBLICAЕ

IN

PHYSICAE

PARTES OPTICAS,

ET HIS COGNATAS,

COMMODA AUDITORIBVS METHODO

CONSCRIPTAE

A

GEORGIO WOLFFEGANGO  
KRAFFT,

PHYSICES ET MATHESIOS P. P. O.  
ACADEMIAR. SCIENTIAR. PETROPOLITANAE,  
ET BEROLINENSIS, MEMBRO.

PARS III.

*Edited by C. P. Schott*

~~\*\*\*\*\*~~  
TUBINGAE

SVMTIBVS JOH. GEORGII COTTAE,  
MD CCLIV.


Phys 207.61

1861, June 18.

Gift of

Mrs. Eliza Farrar

at Cambridge.



LECTORI BENEVOLO

S. P. D.

CHRISTOPH. FRIDER. SCHOTT,

Philosoph. practicæ, Eloqu. ac Poës.

Prof. P. O.



Prodit heic in lucem publicam  
tertium idque ultimum volu-  
men prælectionum Academi-  
carum in Physicam Theoreti-  
cam à Celeberrimo KRAFFTIO con-  
scriptarum, de quo Tibi, L. B. ratio-  
nem redditurus fuisset ipse, nisi præmatu-  
ra fata, quibus libro hoc fere penitus ty-  
pis exscripto occubuit, id impedivissent.  
Rogatus à Bibliopola, ut id officii in me  
susciperem ego, eò lubentius morem  
gessi, quo gratior mihi est occasio de

## PRAEFATIO.

Viro Optimo , quocum magna mihi intercessit necessitudo , cuiusque merita prorsus singularia semper in maximo pretio habui & etiamnum habeo , post mortem quoque Ipsius aliquo modo bene merendi.

Primum , de quo Te monendum puto , id est , ut ne existimes, volumen hoc inter partus posthumos esse referendum , ex adversariis Beati tumultuarie congestum atque compilatum , cui ipse ultimam manum admove , vel ad minimum limam addere , haud potuerit. Ipsæ enim libelli huius virtutes internæ , ordo lucidus , eruditio ubivis obvia haud vulgaris , nexus rerum inter se arctissimus , scribendi ratio pura & præcedentibus duobus voluminibus ex assè conformis , contrarium Te facile docebunt. Neque etiam fieri potuisset , ut intra tam breve temporis spatium , quod à morte KRAFF-

## PRAEFATIO.

**T**II effluxit, qui ante has novem septimanas diem obiit, libellus triginta plagulas continens, & pluribus præterea figuris æri incisus ornatus, vel conficeretur, vel etiam imprimeretur. Proinde confidimus, fore, ut facile fidei nobis sis habiturus, qui id ipsum confirmamus, cum exploratè nobis constet, Virum beatum non tantum omnia, quæ volumen hoc complectitur, conscripsisse, antequam decumberet, sed & pleraque pro ea, qua erat, accurate summa, cum typis mandarentur, correxisse ipsum, atque à mendis typographicis expurgasse.

Alterum, de quo nonnihil præfandum esset, ipsum huius voluminis argumentum concernit. Cum vero instituti sui rationem in hac etiam parte servandi, iam in præfatione secundæ parti præmissa exposuerit b. KRAFFTIVS, ubi ita loquitur: „Ultimam „

## PRAEFATIO.

„ hanc pertractationem parti III., pro-  
„ximè infecuturæ, reservo; in qua, de  
„motu aquarum, hoc est, *Hydraulica*;  
„de pernicitate lucis, hoc est, *Optica*  
„universa; de fluido aëris, hoc est,  
„*venti meteor*o; de volitatione ignium,  
„hoc est, *Electricitate* commodissimus  
„erit agendi locus; „ nihil habemus,  
quod ulterius addamus, quum hæc ipsa  
verba, *αὐτὸς ὁ συγγραφεύς*, omnia ea sistant,  
quæ in hoc libello pertractata deprehen-  
duntur.

Atque sic finire hanc epistolam pos-  
sem, nisi libellus sub ipsum Auctoris  
sui obitum in lucem editus, ut eius vi-  
tæ rationes ipsi inferantur, suo quodam  
peculiari jure postulare videretur. Qua-  
re & singularem apud Te, L. B. gra-  
tiam me initurum esse spero. Præci-  
pua paucis sic habe.

Natus

## PRAEFATIO.

Natus est Anno huius seculi primo, die xv. Iulii, Duttlingæ, quod oppidum ad fines Helvetiæ in ripa Danubii situm in hoc Ducatu haud incelebre est, patre usus, Sene iam Venerabili, apud Nagoldenses Sacrorum Antistite primario, Viro maximè Reverendo atque Doctissimo Dn. IOH. IACOBO KRAFFTIO, matre vero Nobilissima Matrona Dna. MARIA REGINA, nata HABELSHOFERIA; qui Ipsius parentes, perspectis ingenii dotibus, quæ ipsi inerant, prorsus eximiis, ad illas excolendas ipsumque bonis literis imbuendum nihil sibi fecerunt reliqui. Positis in ludo Sulzensi primis litterarum fundamentis, per complures annos fidelissima Parentis institutione usus est, à quo deinde cognato Habelshofero, Diacono Balingensi, in disciplinam traditus, sic profecit, ut anno seculi huius decimo septimo inter

## PRAEFATIO.

alumnos Principis, qui Blabyrae nutrium-  
tur, reciperetur clementissime, ubi praeter  
b. Bülfingerum Praefulem, & b. Seyboldum,  
Praeceptorem quoque coluit Summe Reverendum Weissenfee, Den-  
ckendorffensis iam Monasterii Praepos-  
tum Gravissimum, qui naturalem ipsi-  
us ad Matheseos & Physices studia im-  
petum persentiscens omnibus modis &  
doctrina & consilio ipsum iuvit huma-  
nissime, & eum praeterea ipsi favorem  
exhibuit, ut, quam tum iam compa-  
rare coeperat, rerum & artificiosarum  
& naturalium penum curae ipsius com-  
mitteret. Inde exacto triennio Beben-  
husam translatus ducibus beatis Viris  
Hochstettero, Weismanno, Canzio,  
suos profectus insigniter auxit, ut bien-  
nio post cum laude Musarum nostrarum  
sedem ingredi potuerit, in qua in-  
defessa industria audivit Philosophos  
tū temporis celeberrimos, beatos vi-

ros



## PRAEFATIO.

ros Creulingium , Roeslerum , Hagemajerum , Hallwachsum , & , qui solus superstes est , Summe Reverendum D. D. Klemmum , cuius sub Præsidio quoque dissertationem typis impressam , *Exercitia critica super quinque prioribus Evangelii Matthæi capitibus* sistentem , masculè & cum laude defendit. Summa verò cum voluptate ab ore b. Bülfingeri quoque pependit , qui , quas præ reliquis maximè deamabat , Physices & Matheseos doctrinas ipsi instillabat , ex quo tam vehemens his studiis totum se tradendi cupido ipsum incessit , ut eò unice omnes suas cogitationes converteret. Neque diu vetis defuit fortuna. Cum enim anno huius seculi vicesimo quinto supremos in Philosophia honores consecutus esset , illustris Bülfingerus , qui interea temporis Petropolim concesserat , eodem ipsum accersivit , quo etiam ob-

## PRAEFATIO.

tenta prius à Serenissimo Nutritore suo venia , celeberrimo Medico Dno. Duvernoy comitem itineris se adiungens eodem adhuc anno se contulit. In quo itinere multis cum difficultatibus conflictatus est. Etenim quum inclinato iam anni tempore peragratís Francofurto ad Moenum , Gieſſa , Marpurgo , Caſſellis , Hannovera , Hamburgo , Lubeca , Travemundæ Baltico Mari ſe commiſſet, moleſtiſſimam navigationem habuit, & ter tempeſtate exorta, amiſſisque minore malo & anchora, de ſalute ſua fere deſperans ad Revaliæ littus evaſit , unde traha veſtus, quod ex itinere reliquum erat, confecit. Petropoli ſtatim provincia Matheſin in Gymnaſio academico docendi publice in ipſum collata , & id præterea muneris datum eſt , ut in obſervationibus inſtituendis Aſtronomum Imperialem iuvaret. Quibus officiis

## PRAEFATIO.

officiis per integrum quinquennium ita defunctus est , ut suam & fidelitatem & scientiam probaret omnibus. Præterea verò opportunitatem , quam heic nactus erat , in Matheseos & Physices adyta altius pertingendi summo studio lucrificit , & ex usu & commercio , quo fruebatur , summorum virorum Bülfingeri , Hermanni , Bernoulliorum , Duvernoy , Majeri , Leutmanni , Bayeri , Goldbachii , Schumacheri & Euleri uberrimos reportavit fructus. Quo factum est , ut elapso hoc tempore in numerum Sodalium Academiae adscisceretur , ipsique Professio Matheseos universæ ordinaria demandaretur. Cumque haud multo post observationibus quoque astronomicis à se institutis inclaresceret , Observatorii Astronomici Director designatus est , munere autem hoc anno elapso nondum vacante , professionem Physi-

## PRAEFATIO.

cæ theoreticæ & experimentalis obtinuit. Cui muneri dum præerat non tantum aliquoties integrum Physicæ experimentalis campum frequenti audientium concursu emensus, sed & singularem adeptus est honorem, ut bis præsentē Augusta Imperatrice Anna, semel in conspectu Magni Russorum Ducis, sæpe autem coram splendidissimis diversarum gentium & orientalium & occidentalium Legatis, institutis rarioribus experimentis physicis, suam commonstrare eruditionem potuerit. Quæ scripto edidit, cum Academiae Petropolitanae Commentariis inserta sint, neminem literatorum latere possunt. Anno huius seculi trigesimo octavo matrimonio sibi iunxit ornatissimam Virginem Dominam ANNAM CATHARINAM Nobilissimi Viri Dn. MATTHAEI VELTENI, Academiae Scientiarum quondam à rationibus

bus

## PRAEFATIO.

bus oeconomicis, filiam, ex qua trium liberorum parens factus, ipsa ante biennium fati functa, filiolo autem uno singulari calamitate Nicri undis hausto, duos utroque parente orbos filium optimæ spei & filiam bimulam post se reliquit. Non una vice in Patriam revocatus est à Serenissimo Principe nostro, suam autem missionem haud ante obtinuit, quam id instantissime urgeretur, quod anno huius seculi decimo quarto contigit, & tanto quidem cum ipsius honore, ut etiam abfuturo locus inter membra Academiæ honoraria concederetur, & annua pensio ad dies vitæ ipsi solvenda decerneretur. Quo impetrato discessum suum, quantum fieri poterat maturavit, atque feliciter ac prima vice Baltico Mari traicte Wolgastiæ navem appulit, unde terrestri itinere Berolino, Witteberga, Lipsia, Iena, Coburgo, Bambergæ, Norimber-

## PRAEFATIO.

rimberga peragratis in Patriam rediit, à qua integros undeviginti annos abfuerat. Novum munus in Patria sibi commissum, Mathesin & Physicam tum in hac Universitate, tum in Collegio, quod heic floret, illustri, publicè tradendi bina oratione auspica- tus est, in quarum illa : *de monitis quibusdam ad Physicam experimentalem hodie etiamnum summe necessariis*, in hac verò : *de quibusdam borealium climatum prærogativis in observandis naturæ miraculis & instituendis observationibus physicis*, verba fecit. Quantopere novam hanc spartam per integrum decennium ornarit, non opus est pluribus differere, cum scripta ipsius apud nos quoque edita, inter quæ præter complures disputationes Institutiones ipsius Geometriæ sublimioris & hic ipse liber, cuius ultima pars heic comparet, eminent, id satis superque

loquan.

## **PRAEFATIO.**

loquantur. Quod ad ultima ipsius at-  
tinet, inde ab aliquo tempore insignem  
virium suarum prostrationem sensit,  
ex hepatis obstructione oriundam, quod  
malum cum indies maiora caperet in-  
crementa tandem lectulo ipsum affi-  
xit, ex quo cum intelligeret fatum si-  
bi imminere, pie se ad mortem com-  
posuit, & editis pluribus fidei suæ do-  
cumentis in Domino die xvi. Iul. postri-  
die natalis sui placide obdormivit.  
Quantus vir fuerit vita ipsius docet, &  
scripta confirmant. Vale, mi Lector,  
& hoc etiam labore ipsius summo cum  
Tuo fructu utere, mihi que fave.

Scripsi Tubingæ d. xviii.

Sept. A. MDCCCCLIV.

**ORDO**



## ORDO CAPITVM

I. De Motu Aquarum.	pag. 1.
II. De Motu Lucis directo five de optica.	60
III. De Motu Lucis reflexo five de Catoptrica.	132
IV. De Motu Lucis refracto five de Dioptrica.	171
V. De Meteoris ab igne & luce pendentibus.	270
VI. De Motu aëris, sono ac vento.	343
VII. De Electricitate.	402

CAP.



CAPVT I  
DE MOTV AQVARVM.

**I.**

& facta superius (*Part. II, Pref.*  
 & *Cap. I,*) partitione nostra  
 tractandum nunc erit in hac  
 Parte III, de *Mechanica fluido-*  
*rum*, quorum *Staticam* iam ab-  
 soluimus. Illa itaque est inuestigatio celeri-  
 tatis actualis omnium fluidorum, appella-  
 turque *Hydraulica generalis*, melius autem  
*Hydromechanica*, vel *Hydrodynamica*, intelli-  
 gendo sub aqua, his vocabulis contenta,  
 omnia fluida, tam elastica, quam non ela-  
 stica,

stica, quorum maxime celebria, Physicam occupantia, sunt *Aqua, Lux, Aër, & Materia Electrica*, hac tractatione methodo nostræ antea (P. II, 6.) expositæ conuenienter absoluenta.

## 2.

Ab initio igitur agendum erit de motu aquarum, aut aliorum fluidorum non elasticorum, quæ scientia *Hydraulica specialis* dicitur, & Hydrostaticæ cognitionem superius traditam supponit. (P. II, 93.) Mouentur autem aquæ, aut per propriam suam grauitatem, & pressionem aquarum superincumbentium; aut, cum machinarum Hydraulicarum ope eleuantur; aut cum eadem ab aëre contiguo premuntur, atque sic ad motum cientur. *Machinae Hydraulicae* eximio vsui sunt in vita humana, quibus nempe aqua præcipue eum in finem in altum tollitur, ut deinde porro hinc & inde commode deriuari & deduci queat; *Fontes salientes*, principum & diuitum deliciae, elegantissima oculis spectacula obiciunt; *fluminum cursus naturalis* ad naturæ cognitionem spectat; vtque adeo hæc scientia, ex quacunque illam parte contuearis, vel sit summe vtilis, vel maxime iucunda; vt proficiat & delectet.

## 3.

*Primum* igitur considerandus hic erit motus aquarum oriundus ex propria earundem graui-

gravitate, & pressione aquarum superincumbentium; quod cum fit: accidit illud vel per foramen solum vasi, quo continetur fluidum, infra libellam inflictum, quale foramen, ex quo effluunt aquæ in genere, *Lumen* vocari solet; vel per tubum, aut canalem aliquem, vasi adiunctum, quorum vtrumque separatim pertractari debet.

## 4.

Fluidum in vase clauso contentum inferius premitur a superiori versus omnes partes æqualiter; (P. II, 99.) hinc gutta quælibet conatur etiam omnes partes versus se mouere, atque tenet hinc celeritatem potentialem, huic pressioni conuenientem. Hanc igitur mutat in celeritatem actualem, & reuera mouetur, si obstaculum ab vna parte tollatur. Neque interest vbicunque obstaculum, vel pressio contraria æquiualens, tollatur: gutta enim eadem semper celeritate mouebitur, si fuerit eadem pressio, vel eadem altitudo fluidi stagnantis supra locum, vbi pressio præualet, remoto obstaculo. Celerior ergo oritur guttæ motus in profunditate maiori, ob maiorem pressionem; eadem oritur guttæ celeritas vbique, in eadem profunditate, ob æqualem hoc casu pressionem. (P. II, 98.)

## 5.

Vt ergo celeritas guttulæ, vbicunque erumpentis,

pentis, mensuretur: memores erimus regulæ generalissimæ celeritatis a potentia quacunque excitatæ,  $dc = \frac{pdt}{m}$ , (P. I, 127.) quæ, si potentia sit constans, vti hic supponimus, facili integratione mutatur in hanc:  $c = \frac{pr}{m}$ , quoniam massa  $m$  per se constans supponitur.

**Fig. 1.** Statuamus itaque vas prismaticum ABFE, cuius luminis, vel orificii aperti, diameter sit CD; atque egressa sit iam guttula CD dc, vnde superior superficies aliquantum subscidit, nempe ex AB in  $ab$ ; quæritur celeritas fluidi huius egredientis  $c$ . Pressio in hanc guttulam egredientem, fluidi homogenei, CD dc est  $CD^2 \propto EA$ ; (P. II, 98.) spatium percursum ab hac pressione est Dd, & massa promota est  $CD^2 \propto Dd$ ; tempus vero, quo hæc promotio massulæ contingit, est  $\frac{Dd}{c}$ . (P. I, 83.) His igitur omnibus in canone generali substitutis oritur  $c^2 = EA$ , aut vero  $c = \sqrt{EA}$ ; hoc est, celeritates, quibus guttulæ per lumen CD egrediuntur, sunt vti radices quadratæ ex altitudinibus ~~ante~~ stagnantis supra lumen EA. In eadem vero ratione sunt etiam celeritates grauium per EA libere decidentium; (P. I, 146.) guttula ergo quælibet exit ea celeritate, qua egrederetur, si per AE delapsa libere fuisset.

## 6.

Abstrahimus autem in præcedente demonstratione animum a partium fluidi cohæſione, quæ, licet exigua ſit, in omnibus tamen adest, (P. I, 302.) motumque aliquantum retardat. Præterea manifestum eſt, modo expoſitam celeritatem generari preſſione fluidi ſuperincumbentis, neque eandem particulas acquirere cadendo; non enim illæ tantum exeunt, quæ descendunt, ſed etiam quæ lateraliter affluunt. Ex Mechanicis porro notum eſt, corpus libere cadens ſemper eam acquirere celeritatem, qua ad priſtinam altitudinem motu retardato iterum aſcendere poteſt; (P. II, 184.) ergo idem etiam hic verum eſt, nempe guttulam effluere ea celeritate, qua ad altitudinem integram aquæ ſtagnantis ruruſus aſcendere poſſet. *Newtonus* quidem in prima editione *Principiorum Math. Philoſ. nat.* ſtatuit, guttulam effluere ea celeritate, qua ad dimidiam tantum altitudinem aſcendere poſſet: ſed in ſecunda eiſdem libri editione hanc ſententiam ſuam mutavit in eam, quam modo expoſuimus. Vid. *Celeberr. Dan. Bernoulli Hydrodynamica*, pag. 3.

## 7.

Poſuimus in demonſtratione, tempus, quo promotio maſſulæ contingit, eſſe  $\frac{Dd}{c}$ ;   
 A 2  quod

quod non verum est, nisi in motu æquabili; (P. I, 83.) aut vero in inæquabili etiam, sed infinite paruo; (P. I, 124.) ponimus itaque fluidi superficiem AB subsidere per spatiolum Aa infinite paruum, hoc est, effluxum fieri per foramen infinite paruum. Adductum ergo Theorema intelligi debet tantum de foramine infinite paruo, aut quod insignem aliquam tenet paruitatem. Si enim assumatur lumen finitæ cuiusdam diametri, celeritas erumpentis aquæ non nisi difficillimo calculo supputatur. Ulterius etiam assumimus potentiam prementem constantem, quod fieri nequit, nisi vas sit constanter plenum ad eandem aliquam altitudinem; quod in experimentis instituendis obtinetur, si ex amplissimo quodam vase aquæ in vasculum examini subiectum per canalem quiete deriuentur, atque huic superne tubuli laterales euacuant ad eandem aliquam altitudinem sint adiuncti.

## 8.

Atque hæc quidem valent pro egressu guttulæ verticaliter deorsum nitentis: sed comprobantur quoque etiam in eiusdem egressu horizontali. Similis enim hic adest pressio fluidi supraiacentis, & ab hac guttæ in quamlibet plagam diriguntur; (4.) ergo etiam horizontaliter. Sin igitur ad latus vasis aperiat lumen; per hoc erumpet fluidum iisdem

dem legibus, quibus descendit verticaliter, sola directione excepta. Considerari autem talis guttula horizontaliter prorumpens debet tanquam punctum graue horizontaliter proiectum, quod iam vidimus describere hoc casu Parabolam, in medio non resistenti; (P. II, 186.) ergo quoque fluidum horizontaliter profiliens eandem Parabolæ semitam ita describet, vt, si in vase aliquo AICK, Fig. 2. repleto ad AI vsque, lumen quoddam G ad latus inflictum fuerit infinite paruum, fluidum per illud sit egressurum in semita Parabolica GH, in qua est  $4AG \times GC = CH^2$ ; posita KD linea horizontali, & AG altitudine fluidi stagnantis supra aperturam G factam; atque hoc ita quidem eueniet, vt infra hanc venam aquosam GH quis consistere possit sine madescendi periculo.

## 9.

Quodsi igitur circa totam altitudinem CA fluidi stagnantis supra fundum horizontalem CD descriptus intelligatur esse semicirculus AEC, atque ex lumine G erigatur ad diametrum perpendicularis GM; erit ex natura Circuli  $AG \times GC = GM^2$ ; quod substitutum in æquatione priori præbet  $4GM^2 = CH^2$ , aut vero  $2GM = CH$ ; vnde iam omnia phænomena huius motus horizontalis consequuntur. Nam 1.) quia amplitudo iactus CH est  $2GM$ ; atque inter omnes per-

pendiculares a peripheria ad diametrum maxima est radius: erit iactus amplissimus, qui ex centro Circuli B egreditur, bisecta nempe tota altitudine CA in B, Parabolam BD formans. 2.) Quia perpendiculares ad diametrum a centro æqualiter distantes GM & FL sunt æquales, dabunt etiam lumina a centro B æqualiter remota G & F eandem iactuum suorum amplitudinem, nempe CH. 3.) Aqua sensibilibiter subsidente in AI, per effluxum continuatum, semper aliæ atque aliæ Parabolæ exsurgunt, quia altitudo fluidi supra lumen mutatur, & consequenter etiam celeritas, qua guttulæ profiliunt. 4.) Pro foramine quomodocunque posito F amplitudo inuenitur  $= 2\sqrt{AF} \propto FC$ . Quæ omnia Experimentis comprobantur.

10.

Inueniri potest hinc celeritas, qua guttulæ ex lumine profiliunt. Cum enim profiliant ea celeritate, ac si decidissent libere ex altitudine fluidi stagnantis supra lumen; (5.) atque hæc altitudo sit, ex gr. pro effluxu ex lumine G,  $AG = \frac{CH^2}{4GC}$ ; (8.) obseruentur in iactu aliquo horizontali venæ aquosæ amplitudo CH, & foraminis G altitudo GC supra fundum horizontalem CD: dabitur ita altitudo AG, vel altitudo celeritati huius effluxus debita. (P. I, 149.) Ita *Grauesandius* in *Phys. Elem. Mathem.* editis 1742, Tomo I,

P. 453.



P. 453, Experimentum adducit, in quo erant, altitudo luminis supra fundum, siue GC, 18 poll. amplitudo iactus autem, vel CH,  $34\frac{1}{2}$  poll. Ex quibus conficitur altitudo huic celeritati debita AG  $16\frac{1}{4}$  poll. quæ tamen reuera in Experimento fuit 18 poll. Ex quo pater, fluidum profilire minori celeritate, quam quæ debetur altitudini superficiæ supra lumen stagnantis, & prementis; quod vero mirum non est, cum tot immisceantur impedimenta, celeritati puræ remoram iniicientia, quot paullo infra memoremus.

## II.

Sin igitur, vti hucusque statuimus, lumen sit amplitudinis infinite parvæ, adeoque motus partium intestinus fere nullus, ex quo intrinseca quædam motus generalis alteratio consequi posset: tum veræ sunt propositiones hucusque adductæ in vasis etiam, non prismatice modo, sed vtcunque, formatis; quorum autem vasorum figura nequaquam negligi potest, si lumen in vsum vocetur magnitudinis finitæ; ob rationem inferius (16.) occurrentem. Nisi vero lumen sit amplissimum, sed aliquot tantum lineas in diametro occupans, sine notabili errore illud pro infinite paruo haberi potest; vti exemplo quodam ostendit *Cel. Dan. Bernoulli in Hydrodynamice pag. 39*, de diametro luminis, quæ sit  $\frac{1}{4}$  diametri vasis; sed in hoc casu si-

mul suadet, ut pro capienda amplitudine CD, vel CH, non sumantur primæ guttulæ exeuntes, sed eæ, quæ profiliunt, postquam aqua in vase iam aliquantulum subsedit; neque enim statim ab initio aqua profluit eâ velocitate, quæ debetur altitudini aquæ superstagnantis. *vid. l. c. pag. 55.*

12.

Perspectum nunc habemus, esse amplitudinem iactus  $CH = 2\sqrt{AG \propto GC}$ ; (8.) unde sequentia deriuabimus coniectaria. 1.) Si in diuersis casibus altitudines iactuum GC sint eadem: tunc esse amplitudines correspondentes CH in ratione subduplicata altitudinum fluidi supra lumen, hoc est, uti  $\sqrt{AG}$ . 2.) Quia vero radices quadratæ ex altitudinibus sunt uti celeritates fluidi proficientis in utroque casu: hinc in eadem altitudine iactus amplitudines sunt etiam uti celeritates, quibus fluida profiliunt. 3.) Quoniam amplitudo generaliter est  $2\sqrt{AG \propto GC}$ , in quam expressionem latitudo vasis non ingreditur: patet, amplitudinem ex vase latissimo, vel angustissimo, esse eandem; dummodo maneat AG, altitudo fluidi supra foramen G, & CG, altitudo iactus, eadem; uti antea dictum est. (11.) Neque etiam incurrit in determinationem amplitudinis iactus densitas fluidi; hinc eadem de fluido quocunque valet. 4.) Si fuerint duo vasa inæqua-

inæqualia altitudine aquarum, & basi vasis, sed quorum iactus in amplitudine sint æquales: erunt celeritates aquæ profilientis inverse vti radices quadratæ ex altitudinibus luminum supra fundos. Nam, si amplitudo iactus est vtrunque eadem, vel constans, erit  $CH = 2\sqrt{AG} \propto GC = 1$ , adeoque  $\sqrt{AG} = \frac{1}{2\sqrt{GC}}$ ; sed  $\sqrt{AG}$  est celeritas fluidi profilientis (5.): ergo patet propositum.

13.

Ponamus nunc fluidum exsiliire verticaliter sursum, id, quod nullo simplici vasis repleti foramine, sed tubo recuruo ABC, sursum verticaliter in C directo, obtineri potest, per quem partialiter tantum aqua fluit, ad assumendam directionem; erit in hoc casu regula generalis hæc: aquam verticaliter profilientem CD ascendere ad libellam aquæ stagnantis in vase EF. Cum enim fluidum, quaquaversus directum, e lumine infinite paruo, quale etiam hic supponitur, egrediatur ea celeritate, quam adeptum fuisset, si ex altitudine fluidi stagnantis decidisset, quæ hic est EA; (5.) & vero corpus graue decidens ex aliqua altitudine motu accelerato semper talem acquirat celeritatem, qua motu retardato ad eandem altitudinem potest pertingere: (P. II, 184.) patet, guttulas verticaliter profilientes ascensuras esse ad altitudinem FED, ex qua descendisse censentur.

tur. Quod idem etiam e natura tubi communicantis, ad D vsque protensi, illustrari potest. (P. II, 107.) Altitudo igitur fluidi profilientis ex lumine CD, æqualis semper est altitudini fluidi stagnantis in vase GE, ducta nimirum per lumen C horizontali CG. Neque quicquam hic refert, si tubus recurvus ABC sit quomodocunque inflexus, quia pressio semper eadem manet, modo non sit valde longus, sed interne optime politus, ad euitandum nimium fluidi attritum. Ex hoc itaque principio varii *Fontes salientes* explicantur, quorum specimina postea dabimus.

## 14.

Manifestum itaque est, guttulas verticaliter exeuntes deorsum egredi motu accelerato; sursum vero retardato; vti omnia reliqua grauia. Vnde accidit, vt vena aquæ deorsum tendens angustior fiat, & contrahatur; ascendens autem amplior reddatur, & dilatetur. Nam in descensu quælibet guttula præcedens celerius fertur insequente, sed huic connexa tamen manet, tam q̃b æris circumflui pressionem, quam naturalem cohæSIONem; ergo hinc distrahitur vena aquæ, & fit angustior, donec tandem discerpatur in guttulas innumeras, ab aëre irrum-pente, & ob varios impetus irregulares. Contrarium vero horum accidit in vena fluidi ascendentis, in quo præcedens quælibet gut-

guttula tardius mouetur sua insequente, atque adeo hac sua tarditate insequentem impedit. Omnis tamen hæc venæ contractio desinit, si aqua per tubum cylindricum effluat.

## 15.

Vidimus hucusque, fluidum profiliens verticaliter deorsum & sursum, atque etiam horizontaliter, eas sequi leges, quas inuenimus obtinere in motu corporis proiecti grauis. Minime igitur erit dubitandum, fluidum oblique profiliens, in directione quacunque, iisdem præscriptis obtemperare. Tale itaque fluidum describet pariter Parabolam, determinandam iisdem circumstantiis, quas supra (P. II, 179.) tradidimus, & experimentis, fonte mercurii oblique profilientis, instituendis optime comprobata. In tali igitur iactu fluidi is erit longissimus, qui profilit sub angulo semirecto; & qui ab hoc vtrinque æqualiter distant: eandem habent amplitudinem.

## 16.

Régulæ, quas adhuc de motu fluidorum tradidimus, veræ quidem sunt Geometricæ, posito lumine infinite paruo, & resistentia omni seposita. Quodsi vero Physice earundem executionem a natura factam contemplerur: hanc a regulis traditis multum abluere obseruabimus. Huius ergo Naturæ  
a Geo.

a Geometria discessus ut causæ indicentur, notanda sunt sequentia, quæ nervose excussit *Gravesande*, in *Physices Elementis Mathem. nouiss. editis*, pag. 454, omnium reliquorum Physicorum aut aperto, aut tacito, consensu. I.) Præter cohæSIONem particularum in fluidis ante (6.) memoratam, vena fluidi profiliantis sursum; exempli gratia, non manet æque lata, aut cylindrica, uti modo diximus, (14.) ob celeritatem continuo retardatam, quod in omnibus corporibus ascendentibus accidit. Nam, quæ venæ pars initio occupat pollicem cylindricum, in celeritate minori latius occupat spatium, ex impetu fluidi insequentis, & natura fluidorum impressioni cuicunque cedentium; ex quo retardatio motus consequitur, quæ nulla arte corrigi potest.

17.

II. Partes, quæ totum motum amiserunt, hærent in summo, & sustineri debent ab inferioribus, antequam ex latere defluant, quo fluidum insequens, & tota columna; retardatur. Hinc mercurius viuis verticaliter profiliens, grauior, magis deficit a libella, quam aqua; ille nimirum, prouti obseruaui, parte iactus sui  $\frac{1}{4}$ , hæc autem  $\frac{2}{9}$ . Corrigitur hæc retardatio, si oblique paullulum profiliat fluidum, quo vero spectaculi amœnitas tollitur; aut si digito obtureretur lumen,

men, & cito remoueat, quo facto primæ guttulæ iterum altius eleuantur. III. Aëris resistentia remoram iniicit fluidis motis, tam supra, quam ad latera; quod vero solus aër non faciat omnem resistentiam, ex eo perspicitur, quod neque in vacuo aqua profiliens ad libellam pertingit.

18.

IV. Deinde attritus adest in omni tubulo & epistomio, aut clauicula, quem aqua lateralis patitur interea, dum media libere pro-  
voluitur, vnde nouæ oriuntur irregularitates. Circa lumina igitur, vel foramina, notanda sunt hæc. Maior est frictio in foramine minori, quam in maiori. Sint enim duorum luminum diametri  $d$  &  $D$ ; frictiones  $f$  &  $F$ , quantitates fluidi exeuntis  $q$  &  $Q$ . Cum igitur frictiones sint vti superficies internæ laterales tubulorum, aut, in tubulis æque longis, vti peripheriæ, hoc est, vti diametri: erit  $f : F = d : D$ ; sunt vero quantitates fluidi prorumpentis vti areæ peripheriarum, hoc est, vti quadrata diametrorum, ergo  $q : Q = d^2 : D^2$ . Illa igitur proportione per hanc diuisa prodit  $\frac{f}{q} : \frac{F}{Q} = \frac{d}{d^2} : \frac{D}{D^2} = D : d$ . Ex quo patet, maiorem esse frictionis ad quantitatem fluidi rationem in lumine minori. Maior deinde etiam frictio est in celeritate fluidi maiori; quia

quia resistantia hic est vti quadratum celeritatis. (P. II, 242.) Hinc pro vasis altioribus maiora etiam requiruntur foramina; & fluidum magna celeritate actum ita in aërem impingit, vt omne abeat in guttas. Interim tamen magna foramina etiam motui obstant; quia maius fit pondus in summo quiescens, neque effluit in his propemodum illa sola aqua, quæ lumini respondet, sed vicina quoque, ob maiorem fluxum, quod motus irregulares reddit. Vltcrius adhuc figura tubulorum eiicientium conica noxia valde est, tam ob attritum auctum, quam ob motus inordinatos fluido sic inductos; optime fluxus, verticalis præcipue, & horizontalis, succedit, si adhibeatur cylindrus interne bene politus, qui rectus sit lamina tenui iterum optime polita, & conuenienti foramine pertusa; suadente *Grauesandio*. Mercurius, si proiici debeat, minus foramen requirit quam aqua, quia hac difficilius diuiditur, adeoque, tenuiter etiam exiens, filum suum bene seruat. Lumina igitur per experientiam determinari consuetissimum est, quia nulla adhuc regula pro iis a priori cognita habetur. Quibus omnibus addendum est V, quod in fluido, præsertim recta deorsum effluente, circa medium vasis detur superficies, reliqua depressior, quæ gurgitem quandam format, quia fluidum a lateribus satis cito non affluit, ex quo deinde fit, vt fluidi



di stagnantis non sit vbique eadem altitudo, neque adeo eadem particularum omnium egredientium celeritas. (5.)

19.

*Mariotte*, in *Traité du mouv. des eaux*, P. IV, Disc. I. pag. 439, experientia adiutus sequentem condidit tabulam, ex qua perspicere licet, ad quamnam altitudinem aquæ profiliant delapsæ ex variis altitudinibus aquæ stagnantis.

Altitudo aquæ salientis. 5 ped.	Altitudo aquæ stagnantis. 5 ped. & 1 poll. duodec.
10 - -	10 4
20 - -	20 16
30 - -	30 36
40 - -	40 64
50 - -	50 100
60 - -	60 144
70 - -	70 196
80 - -	80 256
90 - -	90 324
100 - -	100 400

iactus itaque 100 pedes altus requirit altitudinem aquæ stagnantis 100 ped. + 400 poll. aut 133 ped. & 4. poll.

20.

In fluidis ex propria gravitate per lumen aliquod effluentibus considerari etiam solet *quantitas fluidi*, quæ in quacunque directione,  
P. III. B certo

certo aliquo tempore, effluxit, si vas constanter ad eandem altitudinem maneat repletum. Hæc quantitas, ut exacte computetur, requirit summam Geometriæ cognitionem: sed in vasis prismaticis quamproxime tamen reperitur, si hæc quantitas fluidi, quæ effluxit, dicatur  $Q$ ; tempus, quo effluxus duravit,  $T$ ; area foraminis  $F$ ; altitudo aquæ stagnantis in vase, constans, uti dictum est,  $A$ ; atque statuatur  $Q = TF\sqrt{A}$ ; quia satis perspicitur, esse quantitatem hanc  $Q$  generaliter eo maiorem, quo longiori durat tempore  $T$ , quo maius est foramen  $F$ , & quo maior est celeritas fluidi egredientis, aut  $\sqrt{A}$ . (5.) Hunc in sensum *Gulielminus de aquarum fluentium mensura*, lib. II, prop. 1, dicit; esse  $Q$ , cæteris paribus, uti  $\sqrt{A}$ , in vase constanter pleno, quod experimento comprobavit, dum quantitatem aquæ egressæ pondere æstimavit. Secundum hæc fundamenta, & experimentum aliquod a *Mariotto* captum, Tabulam sequentem construxit *Gravesandius*. Nempe ex vase constanter pleno, per lumen semper idem, cuius diam.  $\frac{1}{2}$  poll. Rhen. duodec. effluxit pes cylindricus dictæ diametri

in alt. aquæ eadem	tempore min. sec.
4 ped. - - -	52
6 - - -	43
9 - - -	35

12	-	-	-	-	30
14	-	-	-	-	28
16	-	-	-	-	26
18	-	-	-	-	25
20	-	-	-	-	23
21	-	-	-	-	23

vbi, ob foramen semper idem, quantitas aque, quæ effluxit, est vti  $T\sqrt{A}$ , & hæc quidem æqualis pedi cylindrico, aut 1; ergo est in hac tabula  $T = \frac{1}{\sqrt{A}}$ . Ex generali æstimatione hac sequitur etiam, quod dicitur in *Mem. de l'Acad. de Paris 1668, p. 73*: Duo vasa cylindrica diuersæ amplitudinis, sed eiusdem altitudinis, & æqualium aperturarum, si semper plena maneant: in eodem tempore æqualem effundunt aquarum copiam, vbicunque fundus sit pertusus.

21.

Attendendum quoque hic est ad tempus illud, in quo vas prismaticum effluxu per idem foramen continuo euacuatur, quod vocatur *tempus euacuationis aut depletionis*, atque ita eruitur. Quoniam est  $Q = TF\sqrt{A}$ , erit ergo  $T = \frac{Q}{F\sqrt{A}}$ ; sed in vase prismatico est, posita huius base = B,  $Q = AB$ , quo substituto prodit tempus euacuationis  $T = \frac{B\sqrt{A}}{F}$ . Explicatur hinc elegans experimentum *Grauesandianum* hoc: accipiantur

tria vasa cylindrica A, C, & B, diametros æquales habentia, quorum altitudines sint vti 1, 3, & 4; in fundis vasorum A & B facta sint foramina æqualia, in vasis mediæ C autem fundo nullum sit foramen; vasa A & B impleantur aqua, & eodem momento foramina aperiantur, observabitur: si aqua ex B in C influat, hoc vas C eodem tempore impleri, quo A totum euacuatur. Nam quia vasa C & B sunt eiusdem amplitudinis, aut baseos, hinc repleto vase C effluxerunt  $\frac{3}{4}$  totius B, & superest adhuc  $\frac{1}{4}$  eius, hoc est, præcise tantum, quantum capit A; quæ  $\frac{1}{4}$  igitur cum eodem tempore effluat, quo A denuo repletum, quia omnia vtrinque sunt eadem: patet sensum experimenti hunc esse, ut ad effluxum omnis aquæ in B requiratur tempus duplum eius, quod requiritur ad tempus depletionis A; siue tempus illud est ad hoc vti 2 ad 1, quod etiam penduli ope observari potest.

## 22.

Absoluta igitur iam celeritate fluido impressa per propriam gravitationem, sed transcunt per simplicem aperturam: progrediendum erit ad transfluxum aquarum per tubum, aut canalem, vasi adiunctum; veluti supra tractationem hanc instituimus. (3.) Generaliter hic notari debet, celeritates aquæ ex tubo prismatice ampliori in angustiore

stiores fluentis esse in ratione inuersa amplitudinis tuborum. Fluat enim aqua ABFC Fig. 4 per canalem ampliorem primo, deinde in angustiore; & tempore quodam mutetur hæc quantitas in formam a B b; eritque cel. in A ad cel. in E uti Aa ad Eb, ob idem tempus; (P. I, 82.) sed ex Geometria est volumen  $AC^2 \propto Aa = DE^2 \propto Eb$ , aut vero  $Aa : Eb = DE^2 : AC^2$ ; ergo celeritas in A ad celeritatem in E uti  $DE^2$  ad  $AC^2$ , hoc est, in ratione reciproca amplitudinis tuborum. Hoc autem assertum duplici laborat incommodo non euitabili; primo enim motus circa latera vasorum magis retardatur quam in medio; (18.) secundo deinde aqua a fundo BF non admodum remota motum hic suppositum habere nequit, sed a peripheria centrum versus vrgetur. vid. *Celeberr. Bernoullii Hydrodyn. p. 36.* Hinc etiam *Gulielmus, de aquarum fluentium mensura lib. I, prop. 3.* hoc ita exprimit: in sectionibus eiusdem fluminis velocitates *mediae* sunt in proportionem reciproca sectionum. Deriuatur hinc explicatio Experimenti, quo certum est, motum fluidi ex vase, cum quo inferius angustior tubus sit connexus, eo magis accelerari, quo hic tubus est longior; maioremque adhuc effluere aquæ copiam si tubulus hic fiat conicus, inferne diuergens. Minime vero hic negligenda est atmosphærae pressio, quæ fluidum superius, in ampliori

B 3
tubo

tubo motum tardius, continuo apprimat ad inferius, motum celerius, atque sic utriusque fluxum promouet, ut vacuum oriri nequeat. Qua ratione idem hoc theorema applicari debeat ad usus Medicos, ut ostendatur ex. gr. medicamenta, sanguine recepta, operari in latera arteriarum; vix autem agere aliquid in parietes venarum; vid. *Celeberr. van Musschenbrœk Institut. Physf. p. 326.*

## 23.

In fontibus salientibus obseruatur sæpe numero, aquam aliquando facere iactum multo altiore quam antea, & prouti secundum regulas deberet fieri. Huius paradoxo solutio in eo posita est, quod hucusque considerauerimus aquam continuam durante effluxu, neque vacuo quodam aëreo separatam. Fit enim indicatus motus irregularis, si aëris portio vna cum aqua tubum ingrediatur prope scaturiginem, aut si rima sit in tubo aquam ducente. Hoc experimento obseruari potest, si in vase, quod tubo longiori instructum est, huic superne infligatur foraminulum; quod si digito obtureretur: tum aqua pura effluit per lumen inferius; si vero aperiatur: tunc exit aqua aëre mixta, & turbida, cum aliquo strepitu. Talis ergo aër inclusus simul cum aqua fertur ad orificium usque effluxus, per quod deinde crumpit, & elasticitate sua aquæ maiorem

iozem impetum conciliat, quo vero absoluto iactus ad ordinariam altitudinem statim redit. Ab eodem tali aëre hærente in curvaturis tuborum, per quos deducuntur aquæ, harum effluxus vehementissime retardatur, quod experti artifices, ideo talibus curvaturis imponunt cucurbitas recipiendo aëri destinatas; neque hinc mirandum est, cur aër venis animalis infusus præsentanei veneni instar occidat, cum sanguini circulum obeunti veluti firmissimus obex resistat. vid. *Celeberr. van Musschenbræk Institut. Phys. p. 326.*

## 24.

Si fuerit igitur fluidum ex vase quodam maiori, aut alueo, deducendum in alium locum, tubi, aut canalis, ope: semper requiritur, vt posterior hic locus priori sit humilior, aut centro terre propior. In plano enim horizontali fluidum stagnat; (P. II, 105.) vt ergo motum inducat, debet esse in plano inclinato illum locum versus, ad quem moueri debet, per quod planum inclinatum deinde sola sua grauitatis vi descendit, siue contineatur in tubo, siue autem in canali. Omne igitur fluidum in tubo aut canali motum, mouetur reuera in plano aliquo inclinato, atque omnibus huius motus regulis subiectum est, quas supra dedimus. (P. II, 142.) Quotiescunque igitur quæstio est de aquis ex vno loco in alium deriuandis:

libellanda sunt hæc duo loca, (P. II, 105.)  
 ut constet an posterior hic locus priore sit  
 profundior; quod si ita repertum fuerit:  
 aquæ eousque poterunt deduci. Quæ vero  
 ad operationem ipsam, aut praxin, huius  
 negotii spectant, breuiter huc redeunt: tubi  
 plumbei fortes eadem sunt, sed aqua per  
 illos deducta sanitati bibentium non condu-  
 cit, unde in hoc casu ab eis est abstinendum,  
 & lignei siue argillacei adhibendi. Deinde  
 alueo superiori tubus ita est inferendus, ut  
 aquas nec ex fundo, nec ex superficie, hau-  
 riat; ibi enim aqua plerumque est turbida  
 ex sedimento; huic autem infecta & leuio-  
 res impuritates innatant; unde etiam ad ar-  
 cendas tales sordes lumini canalis inferti cri-  
 brum ferreum stanno obductum imponitur,  
 immo ad percolandam aquam spongia ad-  
 mouetur, & alueus recto munitur. Vid.  
*Illustr. L. B. de Wolff Elem. Hydrostat. p. 427.*

25.

Si fluida per longos canales diu deducen-  
 da sint, duplex oritur incommodum; vnum  
 quidem, ut multo minor eorundem effluat  
 quantitas in tempore aliquo dato, quam  
 computationes ordinariæ præcipiunt. Ta-  
 lia enim fluida perpetuo atteruntur a tubo-  
 rum parietibus, eoque magis, quo hi sunt  
 asperiores; si præterea canales multis anfra-  
 ctibus sint inflexi, oritur in his retardatio sen-



sensibilis aquarum, dum harum particulae impactae resiliunt, & insequentes retardant. Ita observauit Desagulierius, in *Philos. Transact. Angl. n. 452*, per canalem 1000 vlnas longum  $\frac{1}{2}$  minorem copiam transfluxisse, quam calculus secundum *Mariotti* regulas exhibet. Alterum deinde est, vt fluida per canales mota horum latera premant, eademque disrumpant, nisi satis sint valida. Cuius quidem pressiois regulae altioris sunt indaginis, quam vt hic tradi queant; consuli vero possunt de ea *Mariottus, Traité du mouv. des eaux, p. 460*; *Job. Bernoullius, in Comment. Acad. Scient. Petropol. Tomo X, pag. 218*, aliique.

## 26.

Huic materiae analoga est tractatio de cursu fluminum, & eorum, quae de hoc in computationem mathematicam possunt venire. *Flumen* igitur, vel *Fluvius*, est aqua in canali, hoc est, tubo superius aperto, propria sua grauitate promota, fluensque per fundum ad horizontem inclinatum; (23.) in horizontali enim plano nullus ex grauitate motus exoriri potest. Porro dicuntur, *Alueus fluii*, ille ipse canalis semiapertus, per quem aquae currunt, fundo inclinato itaque praeditus, & ripis vtrunque munitus; & *status permanens fluii*, quando hic nusquam intumescit, neque vsquam detumescit. *Sectio* denique *fluminis* dicitur planum, secans

illud perpendiculariter ad fundum, vti  
Fig. 5. CDXF.

27.

De hoc itaque cursu & motu aquarum sequentia occurrunt notanda. Si flumen fuerit in statu permanente, tunc eodem tempore eadem aquæ quantitas per singulas sectiones fluit. Nisi enim in loco quocunque eadem aquæ quantitas continuo affluat, quæ ex eo defluit: detumescet illa, neque adeo status permanens in flumine dabitur; quod est contra hypothesin. Nam si ex. gr. per sectionem ABGE fluant in min. secundo 100 pedes cubici aquæ; in eodem tempore etiam eadem quantitas fluere debet per CDXF; alias aqua redundaret, neque esset in statu permanente. Veluti asserit *Gulielmus l. c. lib. I, prop. VI*, per sectiones diuersas fluminum quantitates aquæ eodem tempore fluentes sunt in ratione composita directâ sectionum, & velocitatum mediarum. Hinc, si sectio CDXF sit angustior illa sectione: maior erit huius celeritas; quoniam celeritates inuerse sunt vti amplitudines, hoc est, vti sectiones. (21.) Cum vero in alveo naturali, *wilder Bach*, infinitæ dari possint irregularitates, nullis legibus subiiciendæ: supponimus in hac tractatione, fluere aquam per canalem regularem, *Mühl-Graben*, qui terminatus sit lateribus inter se parallelis, & verticalibus; fundo plano, & inclinato, sed nullam

nullam exercente resistantiam aut attritum; aquam deinde in receptaculo AK eandem semper tenere altitudinem.

## 28.

Altitudo aquæ in tali alveo fluentis, recedendo a receptaculo, semper fit minor. Cum enim supponatur receptaculum constanter esse plenum, (26.) erit quantitas aquæ, per eius sectionem tempore Texiens, hæc:  $T \propto AE \propto AB \propto \text{cel. A.}$  (19.) Pari modo erit quantitas aquæ eodem tempore exiens per sectionem DF talis:  $T \propto AE \propto CD \propto \text{cel. C;}$  ob CF & AE æquales. Sed quia flumen supponitur in statu permanente: erit vna harum quantitatum alteri æqualis, vnde conficitur  $AB \propto \text{cel. A} = CD \propto \text{cel. C,}$  vel  $AB : CD = \text{cel. C} : \text{cel. A.}$  Quia vero labitur aqua in plano inclinato & acceleratur: erit  $\text{cel. A} < \text{cel. C;}$  ergo etiam  $CD < AB.$

## 29.

Si ex summitate aquæ stagnantis in receptaculo educatur horizontalis CH: tum erit Fig. 6. celeritas guttulæ cuiuslibet, profluentis in alveo, talis, qualis generatur ex lapsu libero per rectam ex guttula in horizontalem perpendiculariter ductam. Nam sit alvei sectio ABD, supra quam fluat aqua ABIC. Si nunc obtureretur initium alvei plano AC, in quo fingatur foramen infante parvum E: exi-

exfiliet ibi aqua celeritate per lapsum CE acquisita. (5.) Eadem guttula profluit deinde in plano inclinato per viam EF, atque in F acquirit celeritatem debitam altitudini GF, ducta noua horizontali EG; (P. II, 145.) sed antea, ab initio, iam habuit celeritatem debitam altitudini CE = HG: ergo in F habet celeritatem debitam altitudini HG + GF, vel ipsi HF. Omnia hæc autem pariter se habebunt, si remoueatur repagulum AC; ergo in F particula eam habebit celeritatem, ac si libere delapsa esset per altitudinem verticalem HF. Pater hinc simul, in quacunque sectione fluuii aquam fundo propiorem celerius moueri, quam eandem in superficie. F enim punctum habet maiorem altitudinem, celeritati suæ debitam, quam K; ergo etiam F celerius mouetur quam K. Interim tamen differentia harum celeritatum KF in progressu fluuii semper fit minor, quoniam altitudo fluuii semper decrescit. (27.) Tendunt adeoque duæ hæ guttulæ K & F continuo ad celeritatum suarum æqualitatem.

30.

Ad celeritatem aquæ in fluuio progredientis mensurandam, adhibetur instrumentum, Fig. 7. quale Fig. 7. depictum est; in quo P est corpus, setæ equinæ affixum, aqua paullo grauius; ex inclinatione igitur huius corporis, ad quadrantem, cui affixum est, cognita, repe-

reperitur calculo celeritas fluvii. Sed multis cautionibus obnoxia est hæc praxis. Optime autem hæc celeritasprehenditur, si obseruetur, quo tempore corpus in flumine natans datum aliquod spatium percurrat; quod fieri potest gallæ iniectæ ope, vti *Castellus* suaserit; vel aquam colore aliquo imbuendo, quod consilium est *Dobzenskii*, in *nova de fontibus Philosophia*, p. 92.

## 31.

Elegans est consideratio oscillationum fluidi in tubo quodam contenti, quæ ad motum deinde vndarum in fluido stagnanti excitatarum potest vtiliter applicari. Sit itaque tu- Fig. 8  
bus vtrunque apertus, ubique eiusdem amplitudinis, *ABCD*, teneat is duo crura *BA* & *CD* quomodocunque sursum inflexa, quales tubi communicantes esse solent; deinde repleatur quoad maximam partem mercurio viuo, & agitetur, vt mercurius ascendat & descendat, atque sic oscillationes peragat: obseruabitur, oscillationes tam maiores quam minores esse inter se isochronas, & earum quamlibet absolui eo tempore, quo pendulum simplex singulas oscillationes efficit suas, longitudinis  $\frac{L}{p+q}$ , si longitudo mercurii integra *ABCD*, iuxta axem mensurata, fuerit *L*, sinus inclinationis *ABC* *p*, & *DCB* *q*; posito sinu toto = 1. Cuius  
Thee-

Theorematis demonstrationem dedit *Celeberr. Dan. Bernoulli, Hydrodyn. p. 119.*

32.

Reliquæ huius experimenti circumstantiæ huc redeunt, ut 1.) illud extendi etiam possit ad casum, in quo pars BC vas quodcumque irregulare est, veluti vter aliquis fluido repletus, modo crura mancant cylindrica, æque ampla, monente *Celeberr. Dan. Bernoulli, l. c.* 2.) Crura debent esse non subito, sed lente, inflexa, ut ne per hanc inflexionem amplitudines mutantur, aut ex parte occludantur. 3.) An autem tubus aliquis vitreus, de quibus potissimum loquimur, ubique sit eiusdem amplitudinis, id hoc modo examinari potest: immittatur ipsi columnula mercurii viui, atque hæc per totum eius ductum lente moueatur, attendaturque, an ubique maneat eiusdem longitudinis vel non; erunt enim amplitudines longitudinibus inuentis reciproce proportionales. 4.) Oscillationes in tubo continuo fiunt minores, & ad quietem breui tempore redeunt, ob frictionem præcipue fluidi ad tubi parietes. 5.) Si crus foramine F perforetur, observauimus aquam inter oscillandum ibi effluentem. 6.) Si crura ad angulos rectos sint inclinata, habebitur longitudo penduli isochroni  $= \frac{l}{2}$ ; qui casus est primo omnium Auctorum a *Newtono* consideratus,

ratus, ad explicationem motus vndarum, Princip. Math. lib. II, prop. 44. 7.) Si crux utrumque faciat angulum  $150^\circ$ , erit longitudo penduli  $= L$ , ob  $p = q = \frac{1}{2}$ ; atque sic porro pro reliquis angulis.

33.

Vt nunc horum applicatio fiat ad theoriā vndarum, hæc quidem ita generantur. Si in fluido multum extenso, mari, lacu, fluuio lato, superficies, placida prius & plana, a vento, iniecto lapillo, vel alia causa, e situ suo horizontali deturbetur, ita ut cavitates & eminentiæ alternæ conspiciantur: hæc commotiones vocantur *Vndæ*. Tales itaque vndæ ad libellam se iterum componunt quidem, sed ex impetu concepto, cui nihil obstat, in ea manere non poterunt, quia fluidum impressioni cuicunque facile cedit; conveniunt itaque cum oscillationibus fluidi in tubo recurvo. Videntur quidem vndæ sese mouere ex vno loco in alium, ad magnam distantiam usque, sed hæc mera est fallacia sensuum; si enim in pari vndis agitatissimo e naue ancoris firmata proiciatur in aquas corpus natans: hoc plane non prouehitur, neque vllus alius in eo motus conspicitur nisi sursum & deorsum factus. Vndæ autem continuantur aliquandiu, etiamsi ventus cessauerit, ob impetum conceptum, per frictiones sensim sensimque sedandum.

34.

Vndæ igitur per circulum quoquouersum moueri videntur. Fiat enim in aquam horizontalẽ AD impressio violenta BGC; hæc fieri nequit, nisi aqua circumcirca eleuetur in BKF & CHE. Eleuata hæc aqua, extra æquilibrium posita, (P. II, 105.) subsidebit iterum, & quidem infra libellam, ob impetum conceptum; adeoque denuo eleuabit vndam sequentem, atque hoc fit per annulum in peripheria integra factæ impressionis initialis. Oritur itaque in hac integra peripheria aquarum alterna eleuatio & depressio annularis, in distantiam extensa, quæ oculos ita fallit, vt ipsæ vndæ e centro ad peripheriam subinde ampliores moueri, & progredi, videantur. Vocatur autem BF, vel CE, *latitudo vndæ*; quando ex CHE oritur depressio CIE, & per consequens ex depressione BGC eleuatio BMC, tum vnda visa est percurrisse totam suam latitudinem. Iam vero quid accidat vndis, si obstaculum aliquod ipsis opponatur: vid. *Gravesande Phys. Elem. Mathem. Edit. nouiss. p. 492.*

35.

Vndæ variæ, secundum varias directiones moueri visæ, sese mutuo non perturbant, quod amœnissimo spectaculo in stagno aliquo cerni potest. Quamcunque enim figuram aquæ superficies adepta fuerit ex  
motu



motu vndæ: in hac figura denuo eleuatio & depressio datur, vti etiam motus talis, qualis ad motum vndæ requiritur, nempe oscillari-  
 terius. Paret itaque, qua ratione vndarum celeritas secundum *Newtonum* determinetur. Sit vnda eleuata in K, & depressa in G; fiet vt illa postea æque deprimatur in L, & hæc attollatur in M. Igitur res eodem recidit, ac si in duobus tubis, sibi contiguis, aquæ verticaliter insistentibus, aqua oscillaret. Sed in hoc casu pendulum isochro-  
 num est æquale dimidiæ longitudini aquæ motæ, (31.) quæ huc applicata proxime est KBG: vnda igitur oscillationes suas perag-  
 git, hoc est, latitudinem suam percurrit, aut ab alto K in profundum L peruenit, eo tempore, quo pendulum longitudinis  $\frac{1}{2} KBG = \frac{1}{2} FKB = \frac{1}{4} FK BGC$ , vnicam oscillationem perficit.

36.

Secundo agendum erit de motu fluido-  
 rum, quæ machinarum ope eleuantur, adeo-  
 que *machinas Hydraulicas* requirunt. Harum antiquissima videtur esse *Cochlea Archimedis*; hic enim, cum in *Ægypto* commoraretur, docuit *Ægyptios* modum agros ope coch-  
 leæ hydraulicæ, a se inuentæ, irrigandi, vt habet *Diodorus Siculus lib. I, cap. 3, & lib. V, cap. 9*. Descriptionem vero huius ma-  
 chinæ tradens *Vitruuius, Architeſt. lib. X, cap. II*, nullam *Archimedis* facit mentionem,  
 P. III. C vnde

Vnde *Pervalle*, in notis ad hunc locum, merito videtur esse antiquius *Archimede* hoc instrumentum. Constructur autem circumvolvendo circa cylindrum tubum in forma helicis, aut cochleæ, qui cylindrus ita instructus, ad horizontem inclinatus, & circumactus, aquas, quibus submersus est, orificio helicis inferiori continuo haurit, superiorique iterum effundit. Possunt hæ cochleæ etiam multiplices esse circa eundem cylindrum; & parva vi multum aquæ attolunt, vnde ad integros lacus exhauriendos commode adhibentur. Aliæ eiusmodi machinæ sunt, *situle catenis annexæ*, & rotis elatæ, quæ ex vna parte aquam hauriunt, superius emittunt, atque dein ex altera parte inuersæ & vacuæ descendunt; *Rosarium*, quo rursus rotis moto globi coriacei, per cylindricum tubum traducti, aquas attolunt; *Rota tympano*, vel *situlis*, instructa; & plures adhuc, quæ facilius ex delineatione quam descriptione addiscuntur; & quas videre licet apud *Vitruvium*, lib. X, cap. 9, sequ.

## 37.

*Tertio* dispiciendum erit de motu fluidorum ab aëre contiguo pressorum, huiusque actione elevatorum; in quibus multo ingenio & veteres iam sunt versati. Declinabimus hunc modum per experimenta, unde

de varias deinde machinas explicabimus. Immergatur tubus vitreus; non nimis amplius, aquæ; obturetur deinde digito orificium superius, & extrahatur tubus: observabitur, hunc aquam receptam omnem intra se tenere. Nam submerso tubo in aquam, patet ex Hydrostaticis, fore ut is repleatur ad altitudinem factæ submersionis. (P. II, 107.) Quodsi vero deinde digito fortiter obturetur superne, atque extrahatur in hoc situ, manifestum est ex Aërometricis, (P. I, 384.) aërem externum pressionem exercere in orificium inferius apertum, tam fortem, ut aquam elevatam in tubo tenere possit ad altitudinem 32 pedum. Quodsi igitur aqua in tubo contenta non superet tot pedes, ab actione prementis aëris externi suspensa tenebitur, in vase, quod aëri transitum denegat. Cur vero in tubis amplioribus hæc aquæ suspensio non succedat, sed ea effluat: difficile videtur esse explicatu, quicquid aliqui dixerint de aëre sursum premente & viam sibi aperiente; *Sturm. Coll. Cur. p. 21*; de minori diametro sphæricularum aquosarum quam aërearum; *Hartshaker Cours. Phys. p. 151*; cuius contrarium statuit *Boyleus*, vid. *Journ. des Savans 1666, p. 425*, assumendo tamen illas his flexibiliores. Probabile est attractionem hic immisceri; cum enim attrahantur aquæ a vitro, (P. I, 242.) patet, si medietas aquarum inferiorum guttulæ hære-

ant adhuc, propter angustiam tubi, in sphaera actiuitatis attractionis, illas suspensas manere, secus autem fieri, si extra attractionem positæ fuerint.

## 38.

Præcedens tubus, cuius ope memorato modo fluidum ex aliquo vase hauriri potest, vocatur *Sipho*, *Heber*, *Ganskragen*, vid. *Harsdærff. Delic. Mathem. Tom. III, p. 342*; utque eo commodius ad hunc usum applicari queant siphones, parantur ita, ut in medio sint capaciores, quo plus aquæ vno haustu recipiant, sed in utroque extremo sint angustiores, ut nempe digito commode obturari possint, nec fluidi quid ante remotionem digiti effluat. Usus eorum egregius est in euacuandis liquoribus leuioribus, qui grauioribus supernatant, quod in operationibus Chemicis aliquando occurrit. Si fundus siphonis, amplior iam factus, occlusus sit lamina latiori, exiguis foraminulis pertusa, tum digito remoto aqua roris instar destillabit, adeoque ad hortos irrigandos commode adhiberi potest hoc instrumentum; vnde etiam tali casu *Stürmio* vocatur *Clepsydra rigatoria*, aliis *Vas irrigatorium*; de quo plura vid. *Coll. Cur. P. II, p. 113. sequ.*

## 39.

Capiatur iterum tubus cuiuscunque materiae, non nimis amplius, utrinque apertus, isque

isque inferiori suo orificio fluido immergatur ; superiori autem orificio admoueatur os, atque sic aër ex tubo hoc exsugatur, obseruabitur, fluidum in hunc tubum rursus esse ascensurum. Omnis enim suctio ita peragitur, vt & os, & pulmones, extendantur. Quoniam igitur oris ad tubum admoti ope aër in tubo contentus communicationem habet cum pulmonibus: sequitur, eum in hos dilatatos irruere, atque sic supra aquam in tubo fieri rariorem, dum nempe iam per maius diffunditur spatium. Superabit igitur aër exterior, in superficiem aquæ stagnantis premens, hanc debiliorem aëris interni pressionem, atque fluidum impellet vt in tubum ascendat. Æquipollet igitur hæc pressio fere illi; quæ aquam ad 32 pedes eleuatam tenere potest. (P. I, 383.) Hoc etiam Instrumentum vocatur *Sipho*, atque sub variis formis confici solet, obseruatis iisdem, quæ in priori siphone fuerunt annotata. Si repletus is fuerit, & ore remoto celeriter digito obturetur orificium superius, poterit extrahi e fluido, nihilque contenti liquoris effluet. Quo vero pateat, aquam a pressione aëris externi in siphone hædere suspensam: siphon repletus superne obturetur cera; aut talis, qui superne hermetice sigillatus sit, per infundibulum repleatur; suspendatur deinde inuersus sub campana Anthiæ Pneumaticæ, atque aër sedulo

exhauriatur, observabitur tum, aquam in siphone sustentatam nunc sensim sensimque effluere ; quod primus ostendit *Sturmius*, *Coll. Cur. p. 108.*

40.

Tubi inflexi, ex quacunque materia confecti, quæ aëri penetrabilis non sit, alterum orificium aquæ immergatur, alterum vero infra aquæ stagnantis libellam deprimitur. Si iam fugendo, aut quocunque alio modo, tubus hic, a parte orificii sui liberi, aëre suo euacuetur, observabitur, aquam per eum continuo fluere, quamdiu orificio submerso aqua suppetit. Sit enim aqua in vase stagnans BG, ducantur horizontales AH, DE, cum verticali BA; ponaturque altitudo Barometri aquosi =  $a$ . Si iam functione siphonis hic fuerit impletus modo prior, (39.) erit pressio in crure minori, ex C in orificium A nitens,  $CF - BA - a$ ; illa, ex aquis in CA contentis, internis; hæ duæ ab aqua externa & aëre simul; pressio autem in crure maiori, ex C in orificium E nitens,  $CD - a$ . (P. II, 98.) Sin igitur illa ab hac subtrahatur, remanebit pressio ex C versus E adhuc residua  $CD - a - CF + BA + a = CD - CF + BA = CD - CF + GF = FD + GF = GD$ . Hinc patet primo, transfluxum cessare omnem si fuerit  $GD = 0$ , quia hoc casu pressio ex C versus E cessat prævalere. Hoc autem fit, cum orificium

Fig.  
10.

cum E attollitur, vt veniat in libellam aquae stagnantis BG. Vnde notandus est error quorundam, qui effluxum cessare statuunt si E veniat in horizontalem alterius orificii AH. *Secundo*, pressionem aëris se destruat ut vtrique in B & in A. Fig. 11.

## 41.

Quamuis vero difficile explicatu sit, aë- Fig. 10.  
rem durante etiam effluxu premere tamen  
in E: id tamen experimenta cuincunt omni-  
no. Nam si aër ibi non premeret, cum in  
B & A premat sine dubio eodem modo, ac  
si aqua 32 pedum incumberet: deberet aqua  
ex E erumpere celeritate debita altitudini  
32 ped. + AB, quod experimentis vero  
plane contrarium est. Viderur quidem etiam  
sequi, aquam ad quamcunque altitudinem,  
etiamsi GD superet 32 pedes, effluere de-  
bere, quod tamen non fit. Sed notandum  
est, pressionem aëris efficere tantum, vt  
aqua in vtroque crure continua maneat,  
quod fieri nequit, si GD superet 32 pedes;  
vti *Sturmius* tentauit, deprehenditque, aquam  
sic non fluere, sed decidere vtrique ad al-  
titudinem 32 pedum, relicto vacuo inter-  
medio apud C. Vocatur & talis tubus in-  
flexus *Sipho*, *Zieber*, quorum adeo siphon-  
um iam tres indicauimus; nempe illum,  
in quem fluida ex legibus æquilibrî Hydro-  
staticis intrant, atque clauso orificio supe-

niori retinentur, quem praeinde *Hydrostaticum* appellabimus. Istum, in quem aqua sugendo ascendit, & ocluso orificio superiori iterum sustentatur, quem *Suctorium* appellare liceat. Denique hunc, in quem aqua sugendo inuitatur primum, sed per eum postea continuo fluit, quem *Hydraulicum*, aut *Fluentem*, nominabimus. Potest autem huius siphonis figura sic mutari, ut crura sint pro lubitu incuruata, & diuersis amplitudinibus praedita, eodem semper effectu. Pater ex modo dictis, altitudinem eius verticalem pro aqua 32 pedes non posse excedere; quae circumstantia neglecta plurimos veterum Auctorum in errorem coniecit, uti *Heronem*; *Iob. Bapt. Portam*; & *aquileges omnes usque ad Galileum*. Vid. *Sturm. Coll. Cur. Aust. p. 65*; dum nempe illi talis siphonis ope aquas e lacu supra montes altissimos deduci posse sibi persuaserunt, ex fuga naturae a vacuo; sed irritum semper successu; tali enim in casu natura vacuum non abhorret, cuius & *Barometrum* quodvis est testis.

## 42.

Cum aëris pressio destruat se vtrunque in effluxu huius siphonis, (40.) videri quidem posset, eundem etiam fluere debere in vacuo, quod tamen non fieri exactissimo experimento comprobatur *Celeberr. van Musschenbroek, Institut.*



*Instit. Physica* §. 1362. Aqua enim ob denegatam in vacuo pressionem continua manere nequit, (41.) sed ex utroque crure delabitur. Quamdiu igitur aer sub campana residuus ad parvam aliquam altitudinem aquam potest eleuatam tenere, comprimet eam adhuc, & siphon vi ponderis aquei prævalentis fluat in illa altitudine, in maiori vero minime fluat. Possunt crura huius siphonis etiam esse æqualia, quod primus detexit *Jordanus*, cuius *Stuttgartianus*, sed inventum celavit, donec illud a *Salom. Reislio*, Archiatro Wirtembergico, fuerit publicatum iussu Ducis Wirtembergiæ; sed detectum antea iam fuit artificium hoc a *Papino* in Anglia. Talis vocatur *Siphon Wirtembergicus*, vel *Reiselianus*, ACEDB, cuius commodum est, ut extra usum non euacuetur, neque prævia impletione, vel suctione, opus habeat. Creditum fuit, ante hoc inventum, necesse esse ut crus unum altero sit longius. Usus eius multiplices sunt; veluti ad varia fluida transfundenda; ad efficiendum ut aquæ æquabiliter effluant, insigendo natanti suberi talem siphonem, ut eadem semper eius altitudo maneat submersa, quod horologio construendo aptum est, si aqua in vas regulare destillet. Adhibetur idem quoque ad efficienda pocula vexatoria, quæ non plena retinent, plena vero effundunt, omnem aquam, descripta iam

Fig.  
12.

C s

ab

ab *Herone*, *Diabatarium* nomine; ex inferiori orificio bibere quis potest, quantum cupit, fugendo, quo facto autem flatu repellat fluidum, ut siphon euacuetur, & fluere cesset. Construantur quoque siphones *interrupti* di-  
**Fig.** *sti*, quorum *simplex* aliquis est, uti *Figura*  
**13.** docet melius quam descriptio; in quo si epistomium A referatur, aqua ibi contenta effluit, aëremque in B reddit rariorem, ut pressio naturalis & externi aëris in C prevalere iam queat, aquamque ex C in B at- tollere. *Compositi* siphones interrupti ex aliquot simplicibus componuntur, quibus putarunt aliqui eleuari posse aquas ultra 32 pedes, sed falso. Denique constitui possunt eiusmodi siphones, in quibus nulla suctione opus est, sed aër embolo extracto euacuat, & reliqua maneat ut ante.

## 43.

Capiatur tubus, cuius cavitati insertus sit embolus mobilis, omnem aërem probe excludens. Hic tubus, depresso ad fundum usque embolo, immergatur aquae, & embolus extrahatur, observabitur, aquam ingredi cavitatem tubi, omneque spatium ab ipso relictum implere. Talis machina, descripto se modo habens, & in praecipuis sui partibus cum antlia pneumatica conveniens, vocatur *Syrinx*, *Sprütze*. Manifesta est hic aëris externi actio. Nam, dum embolus

bolus attractus, & fundum relinquens, æ-  
rem externum irruere conantem, excludit:  
locum intra fundum & se vacuum efficit,  
vnde pressio æris externi fortior aquam in  
hunc locum vacuum, neque resistentem,  
adigit. Cum igitur pressio æris externi  
aquam altius nequeat attollere, quam ad pe-  
des 32 : (P. I, 383.) apertus est error hortu-  
lani cuiusdam Florentini, qui syringis ope  
aquam attollere conabatur supra 32 pedes;  
reperito autem irritum hoc conatu, ipse mira-  
tus rem *Galileo* exposuit, qui exinde pri-  
mam occasionem cepit pressionem æris di-  
stincte cognoscendi.

## 44.

Eiici iterum possunt aquæ per syringam  
haustæ duplici modo, *simplici*, per orificium,  
in quod ingressæ sunt; & *composito*, per ori-  
ficio inferiori altius positum. Si enim fun-  
dus syringis instructus sit orificio angustiori,  
quam tubus est, & embolus retroagatur cum  
vi aliqua: tum per idem foramen, quo in-  
gressa est, aqua profiliet, & celeritate qui-  
dem maiori, ob angustiam tubuli, per quem  
egreditur. (22.) Si vero aquæ per foramen  
fundo altius positum sint expellendæ, quod  
cylindrum cauum habeat insertum, tum  
*valvula* vel *assario*, *Klappe*, opus est fundum  
instruere. Hæc igitur, embolo sursum tra-  
cto, a pressione aquarum aperietur, & has  
ad-

admittet ; depresso autem embolo claudetur, & pressas aquas retinebit ; quæ igitur per foramen ubicunque factum profiliunt, & quidem eo celerius, quo maior vis est easdem comprimens. Ex quo fundamento fontes suctorii facti sunt, e quibus aqua, iteratis & reciprocatis attractionibus emboli, superius tandem prorumpit. His autem ita constitutis syrinx ab emboli attractione aquas hauriet, a retroactione sola vero expellet, adeoque alternis tantum vicibus, aut per intervalla, fluidum suum eiaculabitur ; ut itaque continuo iactu aqua profiliat : duplex talis adhibenda erit syrinx, ut, dum una haurit, altera eiciat aquam ; embolis vecte quodam ex una parte extractis, ex altera retroactis ; qualis machina si fiat, vocatur illa *Ctesibiana*, tantopere deprædicata a *Vitruvio*, *Architect. lib. X*, cui hodierna organa, extinguendis ignibus inseruientia, siue *Hydracontisteria*, *Feuer-Sprützen*, vnice suam debent originem. Cæterum syringis actionem pressioni aëris externi vnice deberi, experimento comprobatur, si embolus eius in vacuo extrahatur, syringe immersa aquis angusto tubo vitreo infusis, quarum depressio, ex haustu syringis, eo facilius oculis cerni posset, si quis fieret.

45.

Immo etiam moueri possunt fluida aëris facta

facta compressione aliqua, quocunque illa fiat modo. Ita profiliunt aquæ ex aucto aëris inclusi elatere, qui fortior est aëre externo; veluti si vas æneum repleatur ex parte aqua, tum vero aër in eo residuus antliæ pneumaticæ ope probe comprimatur, & postea epistomium vasi adiunctum aperiatur, aqua inclusa magno impetu in altum profiliet. Simili modo, sed magis recto, res peragitur in illo fonte saliente ingeniosissimo, qui *Fons Heronis* vocatur. Hic est vel simplex, vel compositus. Ille constat cylindro cauo BCKI, qui intrus diaphragmate GH Fig. 14. diuisus est in cameras duas, quas tubi ingrediuntur vti figura docet. Impleatur igitur, occluso epistomio, peluis cylindri superior BC aqua, quæ delabetur per tubum DE, cuius osculum in peluin hiat apud D, in cameram inferiorem EF, sufficientique copia hic collecta aëris partem expellet per osculum F in cameram superiorem BCGH, in qua hinc aër hoc iam artificio condensatur. Si igitur antea iam aliquid aquæ etiam infusum fuerit cameræ superiori, super hanc stagnantem aër compressus exstabit, & reserato epistomio per A expelletur, spectaculo satis iucundo; præcipue si vasculum superius vino tacite repleatur, inferius vero aqua; vt vinum aquæ ope profiliat. *Compositus* autem *Fons Heronis* multo pluribus constat partibus, commodius igitur, ipso experi-

perimento operatio eius demonstrabitur.  
 Refertur huc etiam *Pila Heronis*, quæ con-  
 Fig. stat sphaerula caua AB, cui insertus est tu-  
 15. bulus CD; huius ope, si aër primo fortiter  
 exfugatur, & deinde orificium D subito  
 aquæ immergatur, replebitur ex aëris ex-  
 terni pressione magna pars cavitatis aqua; cum  
 postea aër per D fortiter inflatur, ut aër su-  
 perior in sphaerula valde condensetur, tum  
 hic in fonticulo sibi iam relicto aquam rur-  
 sus expellet ad altitudinem eo maiorem, quo  
 magis aër fuit condensatus; unde inferuire  
 potest hæc machinula explorandæ fortitudi-  
 ni flatus oris. Aër inclusus ex calore pru-  
 narum viuarum, vel flammæ candelæ, cla-  
 sticitatem suam valde intendit; (P. I, 364.)  
 hinc præcedens pila aquas suas pariter eii-  
 cit, si imponatur aquæ calidæ; & similes  
 machinæ confici solent, quæ aut prunis can-  
 dentibus possunt imponi, aut candelas accen-  
 sas ad latus gerere, ut ex eadem causa aquæ  
 emittantur in altum.

## 46.

Supereft in his celebre adhuc experimen-  
 tum, quod *Mariottus* inuenit, *du mouv. des*  
*eaux* P. II, pag. 363. Lagenæ vitreæ, cuius  
 aliquod latus exiguo foramine sit pertusum,  
 inseratur superne tubus utrinque apertus,  
 eo quidem modo, ut suberî transfixus tubus  
 hic sursum & deorsum moueri commode  
 possit, ex hoc autem motu nullus aër lage-  
 nam

nam ingreditur, nisi is, qui per tubum apertum fluit. Repleatur hæc lagena aquis, atque tum obseruabitur, has ex foramine laterali largiter effluere, si orificium inferius tubi aperti sit supra hoc foramen lagenæ; si vero idem orificium tubi aperti fuerit infra hoc foramen: nihil aquæ effluere. Hoc experimentum ita explicatur. Consideranda est pressio in foramen E externa, & interna, quæ nimirum duæ sibi reluctantur, & quarum fortior aquas aut expellit, aut coërcet. In casu delineatæ figuræ pressiones aëris per tubum apertum AC, & super orificium E, vtrinque pro æqualibus sunt habendæ, neque adeo in considerationem veniunt; sed præterea nihil adest, quod premat, nisi altitudo aquæ CD supra foramen E. Ergo hæc erit mensura motus aquarum per E; quæ cum habeat in figura delineata situm positium; patet cur in hoc casu detur effluxus per E. Si vero deprimatur tubus infra D, fiet CD negatiua, vnde nihil effluet, sed dabitur pressio contraria, & tubus altitudine CD aqua replebitur, non repugnante aëre deorsum illabente; vnde patet quoque, cur aqua ascendens in tubo depresso, altius nequeat ascendere, quam in horizontalem ipsius foraminis.

Fig.  
18.

47.

Impleatur lagenula vitrea, angusto collo præ-

prædita, aqua pura; & calix vitreus, latiori orificio instructus, spiritu vini colorato; illius collum angustum immergatur superfici spiritus vini, atque observabitur, hunc per aquæ medium ascendere, & aquam descendere, ad modum filorum subtilissimorum, aut potius vaporis alicuius. Idem hoc experimentum succedit quoque, si loco lagenulæ adhibeantur tubi vitrei graciles; in amplioribus vero cessat hic effectus. Ascendit hoc modo non solum spiritus vini per aquam, sed etiam aqua per mercurium, aqua dulcis per salsam, calida per frigidam, vinum per aquam, aqua per lac; v. *Coll. Cur. P. II, p. 40*; atque in genere fluidum omne specificè leuius per alterum specificè grauius; verum ita quidem ascendunt, ut secum non permisceantur. Recenset hoc experimentum iam *Galileus in Mech. Dial. I, p. 64*; miraturque, cur in tali phiala aqua repleta inuersa aër non ascendat, descendente aqua, cum tamen etiam sit aqua leuior. (37.) Pro clepsydra horometra tales ampullas, vnâ vino, alteram aqua, repletas commendat *Dobrzenskius in noua de fontibus Philosophia, edita 1659, p. 44*, sed inutiliter fere. Tale autem instrumentum vocatur *Transcolatorium*, Gallice *Passevin*; vid. *Poliniere Experiences p. 28*; *Nolet, Phys. Exper. T. II, p. 280*. Spiritus vini etiam sola leui infusione cum aqua mixtus anguillarum instar



instar intra hanc decurrit, suisque spiris tenacitatem suam testatur; vti indicat *Barbave Chemie T. I, p. 315.*

## 48.

Hoc præcedens experimentum a variis circumstantiis ita redditur inuolutum, vt difficulter explicari queat; at vero ad illud illustrandum hæc possunt inferuire. Primo, non recurrendum esse putamus, aut cum *Sturmio*, l. c. ad particulas aquæ lubricas & glabras, aëris autem, lactis, & aliorum, ramosas, vt ita lacti per aërem, hoc est, ramofo per ramofum, iter non pateat; aut cum aliis ad maiorem aut minorem partium inter se diuisibilitatem, quæ supponi debet particulariter in vnoquoque fluidorum genere. Secundo, quæstio versatur in extricanda causa descensuum atque ascensuum fili modo factorum, non vero cum pressio maior & præualens ex ampliori vase quodam in inferius omne fluidum simul demittit ac infundit. Quærimus itaque, cur fluidum, in tubo superne clauso, contentum, supra aërem immediatum non effluens, (37.) adnotum deinde superficiem alterius fluidi filorum instar defluat, & tenuius similiter in altum attollat; hocque phænomenon ab attractione vniuersali commodissime deriuari posse putamus. Combinatarum enim superficialium superioris angustioris, & inferioris,

ris; particulæ se mutuo attrahent, aut non; fin hoc fuerit, manebit vtraque superficies in statu priori, non commiscebuntur, neque adeo descendant vel ascendent particulæ; vnde fit vt nec aqua, nec lac, ex angustiori tubo per aërem descendant, neque etiam mercurius per aquam, quia scilicet aëreæ particulæ non attrahunt aquosas, aut lacteas, neque aqua mercurium, vti ex aliis phænomenis constat. Sin autem particulæ se mutuo attrahant, veluti aqua & spiritus vini, aqua & vinum, aqua frigida & calida, &c. complectentur se illæ, atque mixturam vtriusque fluidi efficient, latitudinis etiam si inuisibilis; in qua igitur mixtura particulæ grauiores natabunt in leuioribus, & leuiores in grauioribus; quare, hoc initio mixturæ ab attractione facto, reliqua omnia secundum leges ordinarias peragentur, vt nempe grauiores subsidant, leuiores pressione aëris externi adiutæ ascendant. Atque hinc, quia multæ particulæ contiguæ inum aut summum petunt, formantur fila; hæcque tortuosa, quoniam particulæ obstantes aliquando cedent ad latera ab impulsu facto; quæ quidem fila optime conspicua fiunt in tubulo capillari valde angusto.

49.

Si pressiones vtrinque considerentur, aquæ  
 ex.

ex gr. AC, & atmosphærae externæ, quæ Fig. 16.  
 premit in B, dubium videri potest, qui  
 fiat vt aqua AC decadat, cum tamen pres-  
 sio aëris in eam agat, etiam per spiritum  
 vini BC, & hæc pressio illam sustinere pos-  
 sit ad 32 pedes, qua longitudine nostri tu-  
 bi multo sunt minores. Sed distingui hic  
 debet inter pressionem *mediatam* & *immedia-*  
*tam*; illa manet inuariata, & ob eam per-  
 durantem leuius fluidum in loca grauioris  
 attollitur; hæc autem sequitur leges ordina-  
 rias pressionis maioris minorem superantis;  
 quibus graua descendunt in loca inferiora.  
 Vnde etiam in tubo ABCD, in quo crus Fig. 17.  
 BC est horizontale, ex solo crure CD dela-  
 bitur aqua, & spiritus eousque ascendit;  
 quietis manentibus omnibus in BC; cum  
 scilicet in plano horizontali nihil moueatur  
 vi grauitatis; quod experimentum ingenio-  
 se instituit *Perillustr. L. B. de Wolff, Experim.*  
*Tomo I, §. 218.* Denique notandum est, mer-  
 curium non decidere e tubo, ex quo alia  
 fluida decidunt, quia nempe partes ipsius  
 fortiter & inter se cohærent, & a vitro at-  
 trahuntur, quod ex eo pater, cum tubus  
 vitreus tanta difficultate a particulis mer-  
 curii adhærescentibus purgatur. Deinde ob-  
 seruari potest ex his, quam subtiliter fluida  
 quædam diuidantur. Nam fila illa descen-  
 dentia & ascendencia nihil aliud sunt quam  
 series globulorum fluidi, mira paruitate præ-  
 dito-

ditorum, quos, nisi in tali serie continuas constituerentur, nudis oculis cernere nunquam liceret. Porro quoque sal commune, nitrum, & alia salia, quando in aqua solvuntur, diuiduntur in partes mirum ad modum subtilissimas. Cum enim aqua salsa filamentorum instar per dulcem descendit: (46.) sequitur quamlibet partem fluidi, invisibilem fere, salis aliquid secum ferre debere; quam parvæ autem sint hæ partes, nemo imaginatione assequi poterit. De applicatione tandem huius experimenti ad tubum *Toricellianum*, (P. I, 384.) vid. *Sturmius in Colleg. Cur. P. I, p. 15; & P. II, pag. 39*; atque, ad diiudicandas methodos Barometra recte conficiendi; *Perillustis Wolffius, Experimentor. P. I, §. 213.*

50.

Aquæ in scypho contentæ superimponatur charta rotunda, atque supra hanc infundatur vinum leniter, subtracta charta apparebit, vinum aquæ insistere sine permixtione. Hoc vero mirum esse nequit, quoniam iam superius fluidum, nempe vinum, levius est inferiori aqua, & hinc pressione sua nihil efficere potest. Si dicas, hic etiam a particularum contiguarum attractione mixturam effici; (47.) verum id quidem est, sed talis est hæc miscela, ut partes leviores sint superiores, inferius autem iam posite sint

sint gratiores, vnde nihil mutabitur. Sin autem celeriter, & vno ictu, infundatur vinum, aut fluidum leuius: tum permiscuntur fluida, quia particulæ aquosæ, per allisionem in motum irregularem adaectæ, particulas vini leuiiores circumdant vbique, easque irretiunt quasi; vnde color ruber aquæ deriuandus est, si vino fuerit permixta.

§ I.

Elegans est experimentum quod memorat Grauesandius, *Phys. Elem. Mathem. Tomo I, p. 477*, quo duæ syringes inter se iunctæ, ita vt embolus vterque simul intrudi possit, infra habent adiunctos tubos æquales, sed graciliores, & se mutuo ad angulum rectum penetrantes, vt in communi aliqua portione confundantur; quarum deinde vna repletur aqua rubra, altera autem aqua pura. Aut, quemadmodum factum legitur a *Du Fay in Memoires de l' Acad. de Paris 1736*, si adhibeantur duo infundibula A & B, epistomiis C, D, prædita, quibus apertis fluida proprio pondere pressa descendunt, & per canales ad angulum rectum se penetrantes, sed semiapertos, & vitro EFGH obtectos, transfluunt, vt oculis patere queat transfluxus. Si nunc ipsi A infundatur aqua rubra, & ipsi B pura, apertis epistomiis rubra transluet per viam AILM, pura autem per BKLN; & vix sensibilis aquæ vtriusque permixtio deprehenderetur. Occurrit

Fig.  
19

D 3.

adeo-

**Fig. 20.** adeoque hic reflexio particularum vtriusque aquæ ex collisione earundem facta; quæ hunc in modum demonstrari potest. Sit via particulæ rubræ AC, puræ autem BC, quæ simul exponant celeritates æquales vtriusque particulæ. Fiet ergo in C collisio earum obliqua; resoluatur ergo AC in DC ac EC; resoluatur etiam BC in DC ac FC; apparet, celeritatem DC manere saluam in particula vtraque, sed EC atque FC, sibi esse contrarias directe; quare particulæ, utpote elasticæ, resilient eadem celeritate. Post collisionem itaque particula, quæ descendit per A, retinebit celeritatem illæsam  $CG = DC$ , ab ictu autem accipiet celeritatem CE, quare vtriusque actione simultanea capiet viam CH diagonalem rectanguli EG, hoc est, reflectetur per viam CH. (P. I, 106.) Sin autem tubi non perfecte se penetrant, sed stringant, aut tangant, modo: tum rubra aqua transit per viam AILN, & pura BKLM; vnde, hac ratione instituto experimento, in errorem coniectus *Varignonius* priori phænomeno contradixit, in *Nouvelles Conjectures sur la pesanteur*, cap. 1. n. 16.

## 52.

**Fig. 21.** Fonticulus saliens egregius est hic, qui ita adornatur. Auferatur ex campana vitrea AD tubus BAC, & inuersa campana repleatur

aur aqua ad altitudinem paullo minorem quam AB. Iungatur iterum tubus prior BAC, contraque ingressum aëris muniatur. Restituatur nunc campana, & tubus BAC insistas vasi aqua repleto C; quo facto aqua campanæ infusa effluet per EF tubum, qui infra C multum debet protendi, ob rationem siphonis; (40.) hinc spatium BD aërem rariorem accipit, & consequenter aër externus pressione sua aquam per B insilientem reddit. Potest etiam aqua BE sugendo in F, in campanam allici. Si quodam artificio aqua per F profluens attingi posset in vas C, esset hæc machina perpetuum mobile. Commode adhibetur talis fons in tricliniis stratis, quia ab inclusis aquis nihil madescit; sed aqua colorata adhibenda est, ut eo melius illa a vitro distinguatur. Inventus dicitur a Comiers, in *Journal des Sav.* 1676, pag. 109; sed describitur aperte iam in *Dobrzenskii Noua de fontibus Philosophia*, edita 1659, pag. 48, triplici modo nitide depictus. Qui idem hic auctor pag. 64, hunc quoque describit fontem salientem. Hemisphærium cauum ABC aquæ superimponatur, & deprimatur; tum aër condensatus ascendet per tubum DE in globum superiorem, atque aquam ibi contentam premet, ut hæc per orificium B ingressa in F exsiliat iucunde.

Fig.  
22.

53.

Fonte saliente aliquo semel constructo,  
D 4 effici

effici potest, ut aqua profiliens varias induat formas, prouti lumini eiicienti aquas varii induuntur noui tubuli, diuersis foraminibus aut crenulis distincti; *Aufsätze*. Atque ex præmissis hisce principiis omnes reliquæ intelligi possunt machinæ Hydraulicæ, quotquot earum apud Auctores Præcticos occurrunt, veluti sunt, *vasa concordia*, *lampas*, quæ ad aliquot menses eandem semper affundat ellychnio quantitatem olei, cuius constructionem nouam inuenit *Boyleus*, *Journ. des Sav.* 1682, p. 356, atque ante hunc *Cardanus*, vid. *ibid.* *Memnonis statua*; variæ *clepsydre*, & horologia Hydraulicæ, occurrentia apud *Vitruuium*, *Archit. lib. X*; atque in *Journ. des Sav.* 1676, p. 110, talis, quæ inuari queat; *Tympana* aquis repleta, descensu suo horas indicantia, de quibus nouissime scripsit peculiari tractatu Anonymus; *Organum Hydraulicum*, ex aqua lapsu suo ventum producente; *Rota Bremenfis*, &c. de quibus omnibus consuli potest *Dechales in Mundo Mathem. Tom. III, pag. 145*.

## 54.

Afferemas adhuc problemata aliquot, quæ ex præcedentibus facile solui possunt; quorum primum hoc esto, quod occurrit in *Perill. L. B. de Wolff. Elem. Hydraul. §. 45*. Detur mihi vas prismaticum, de quo scio, illud tempore  $T$  horarum totum euacuari;  
cum



eum nempe aqua inferius ex orificio angustissimo, & pro infinite paruo habendo, effluit continuo; quæritur, quomodo huius vasis altitudo diuidenda sit, vt deinde hæc diuisiones singulas horas euacuatione indicent. Aut vero quæritur modus diuidendæ *Clepsydræ*, quibus ad distinguendum tempus Veteres vsi sunt. Quia tempus quo AD effluit, est = T; sit tempus quo BD effluit, = t; atque per regulam generalem in hoc

Fig.  
23.

$$\text{casu, (21.) erit } T : t = \frac{CD^2 \times CA}{FVCA} : \frac{CD^2 \times CB}{FVCB} \\ = \frac{T^2 VCB}{VCA},$$

quod facile possumus exsequi. Sit enim ex. gr. T = 5 hor; & quoniam CA in partes quascunque æquales diuidi potest: diuidatur commoditatis gratia in partes æquales 25, quadratum ipsius T, quod in omnibus aliis exemplis imitari licet, erit sic  $\sqrt{CA} = 5$ , adeoque  $t = \sqrt{CB}$ ; aut vero  $CB = t^2$ . Vt igitur nunc in hoc exemplo vas AD æquabiliter euacuetur, erit, ex supposito, tempus euacuationis AD 5 hor; euacuationis BD 4 hor; vt ita exinanitio AB in vna hora consequatur; tempus euacuationis ED 3 hor; ex quo exinanitio BE iterum fiet vnus horæ; atque sic porro. Sin igitur pro t supponantur successiue hi numeri, 5, 4, 3, 2, 1, orientur altitudines CB sequentes 25, 16, 9, 4, 1; hinc si, vt

D 5

suppo-

supponimus, tota altitudo vasis prismatici divisa sit in partes 25 æquales, erunt pro euacuatione horæ primæ AB assignandæ partes 9, differentia nempe inter 25 & 16; atque pariter, pro euacuatione horæ secundæ partes 7; pro horâ tertiâ partes 5, pro quarta 3, pro quinta pars vnica. Vnde simul manifestum est, superficiem talis fluidi, præscripta lege effluentis, descendere motu vniiformiter retardato. (P. II, 184.) Hoc Theorema est *Toricellii*, de motu projector. pag. 202; quod deinde *Picardus* experimento comprobavit, *Histor. Acad. scient. Paris. lib. I, cap. 4.*

55.

Postquam igitur semel compertum est, in quolibet vase habente foramen effluxus minimum, si non infinite paruum, aquam ex illo emanare illa velocitate, quæ acquiritur in corpore graui cadente per altitudinem, quam aqua residua habet: facile erit inuenire naturam vasis conoidici, foramine ipsius tanquam vertice deorsum spectante, quod hunc præstet effectum, vt quouis momento summa superficies aquæ residuæ descendat æquabili celeritate, hoc est, semper eadem. Sit enim curua quæsitâ CMDA, quæ circa axem BA rotata vas desideratum præbeat; sitque abscissa quæuis  $AP = x$ , semiapplicata  $PM = y$ , altitudo vasis AB

= 4

Fig  
24.

$= a$ , radius foraminis  $AD = r$ , semiapplicata suprema  $BC = b$ ; atque erit celeritas, qua superficies  $PM$  descendit, ad celeritatem, qua tum superficies in foramine  $AD$  egreditur, vti amplitudo foraminis ad amplitudinem vasis apud  $PM$ . (22.) Sunt autem hæc amplitudines circuli, ex rotatione circa axem  $AB$  geniti; hinc sunt vti quadrata suorum radiorum; & celeritas fluidi egredientis tunc est  $\sqrt{x}$ , (5.) erit ergo celeritas superficiei  $PM$  descendentis ad  $\sqrt{x} = r^2 :$

$g^2$ ; vnde fit cel.  $PM = \frac{r^2 \sqrt{x}}{y^2}$ . Cum igitur hæc celeritas debeat esse constans, & semper eadem, æqualis nempe illi, qua vas integrum repletum incipit effluere, quæ est  $\sqrt{a}$ ; ponendum erit  $\frac{r^2 \sqrt{x}}{y^2} = \sqrt{a}$ ; ex quo deducitur natura curvæ quæsitæ, quæ vas optatum efficere potest, nempe  $\frac{r^4 x}{a} = y^4$ ; quæ est Parabola biquadratica dicta. Vid. *Job. Bernoullii Dissert. Hydraulica, in Commentar. Acad. Petropol. Tomo X. pag. 256.* Quoniam in Italia fluuiorum extra alueos eruptiones valde sunt frequentes, præcipue in territorio Bononiensi, cuius pars optima & foecundissima fere iam est inundata: factum est vt hæc ciuitas plurimos tulerit viros doctissimos in Hydraulica scriptis suis eminentes, quales sunt *Gulielminus, Manfredius, Rondellus, Zanottus, Matteuccius, Baccialus,*  
&

## 60 CAP. II DE MOTV LVCIS

& alii, quorum libri maximo cum fructu legi possunt in hac doctrina. Vid. *Journal des Sav. d'Italie*, Tom. I, pag. 178.

### C A P V T II.

## DE MOTV LVCIS DIRECTO, SIVE DE OPTICA.

56.

**A**bsoluta nunc celeritate actuali fluidi aliquius non elastici, quorsum aqua primario refertur: agendum erit de celeritate actuali reliquorum fluidorum superius (P. II, 6.) indicatorum, quæ elastica sunt, ac *luce*, *aëre*, & *materia electrica*, comprehenduntur. Ab luce igitur hic faciemus initium; ex qua cum oriatur radius, qui triplex est, directus, reflexus, & refractus: (P. II, 6.) ille explicatur in *Optica*, iste in *Catoptrica*, hic in *Dioptrica*; quæ scientiæ hinc tribus capitibus erunt includendæ. Illi adiungeretur descriptio oculi, & œconomia visus; ad finem huius autem adiicientur meteora ignea, & a luce pendentia. Quamvis enim hanc diuisionem *Barrowius* in *Lecton. Opt. p. 2*, sibi non sequendam putauerit, quia in *Optica* de visione explicandum sit, quod tamen sine cognitione radii refracti præstari nequeat: facile tamen occurri huic incommodo potest,

est, si consilium *Rob. Smith*, *Optices systemate completo*, *Tractatu I*, qui inscribitur *Popularis*, ineamus, & demonstrationes ab experimentis deductas, iisque intellectu facilioribus, & leui instrumentorum apparatu instituendis, Geometricarum abstrusionum loco sufficiamus.

57.

Ante vero quam ad ipsum hoc institutum accedamus, quæstiones quædam, & opinionum recensiones, erunt præmittendæ. De natura lucis opinio est *Aristotelis*, & omnium *Peripateticorum*, eam esse accidens; nam qui lumen corpus esse, vel substantiam, dixerit; eundem etiam vacuum in naturam inducere debere; quam quidem obiectionem nos minime reformidamus. *Secunda sententia* est *Epicuri* quondam, & postea *Gassendi*, qui lumen esse putarunt effluuium quoddam substantiale, a corpore lucido iugiter dimanans; vt taceamus *Digbæum*, qui arte quadam a se colligi & præcipitari radios solares posse assererat. *Mem. de Trevoux* 1709, pag. 200. *Tertia* est *Cartesii*, qui lumen dixit esse impulsus materiæ ætherææ secundi elementi, qui oriatur ab agitatione viuacissima corporis lucidi. Qui igitur cum *Aristotele* lumen esse accidens putant, has fere adducunt rationes: vid. *Dechales* in *Mundi Math.* Tomo III, p. 456, edit. II. Aër dum ex-  
tend-

tenebris transit ad lucem: sine vlla diuisione  
aëris, sine vlllo motu, lumen ab ipso recipi-  
tur; idem hoc etiam a crystallo durissima,  
in aqua continua, excipitur; ergo in eo-  
dem loco inuenitur, in quo aqua; est ergo  
accidens receptum in corpore, in quo aliud  
omnino corpus admitti non potest; (P. I, 28.)  
porro, si lumen non sit accidens, sed sub-  
stantia tenuissima, omnia corpora diapha-  
na, aut pellucida, veluti crystallus, innu-  
meris poris peruia esse debent, nec poterit  
lumen transmitti nisi poros hos omnes in-  
ueniat in linea recta dispositos; & quod ad-  
dit *Du Hamel*, *Operum Philosoph. Tomo I*,  
particulæ ipsæ corporis in formam quincun-  
cis sint dispositæ. Sed in his falso suppo-  
nitur motum, vel diuisionem, reuera non  
adesse, vbi nobis nihil eius apparet; & de-  
inde, quanta sit porositas omnium corpo-  
rum, densissimi etiam auri, ita quidem, vt in  
vnoquoque corpore plus sit pororum quam  
materiæ propriæ, iam satis supra est osten-  
sum. (P. I, 35.) Constat præterea magnam  
copiam lucis a superficie vitri politissimi re-  
flecti, dum reliquum eius tantum per poros  
transire potest. (152.) Deinde, si lumen est  
substantia, tum instantanea eius diffusio  
comprehendi non potest: sed videbimus  
hanc diffusionem instantaneam hodiernis in-  
uentis Astronomicis esse refutatam. Tertio;  
si lumen esset substantia, tum parti-  
culæ

culæ quædam eius sibi mutuo occurrerent, viamque sibi præcluderent, & impetum sisterent; quod est contra experientiam, qua docemur, lumen lumini non obistere. Sed, quia particulæ lucis sunt elasticæ, illæ, quæ sibi directe occurrunt, permutatis celeritatibus resiliunt, neque adeo impetum sistunt; (P. II, 217.) quæ vero oblique colliduntur inter se, aliis etiam post collisionem celeritatibus & directionibus feruntur, nunquam tamen motus suos sistere possunt; lumen autem lumini ita obistere posse, ut a mutuo impulsu radiorum quidam aliorum deflectantur, nobis autem insensibiliter, negare nolumus. Quæ de imminutione solis, ex tanta lucis copia quotidie effluente; de immensa copia horum effluuiorum, ut totum uniuersum impleant; de astris nunquam in loco proprio spectandis; dicuntur: ad ea respondemus, circulationem lucis per totum uniuersum continuam esse statuendam, lucemque regredi ad fontem suum, solem, uti graua in altum proiecta recidunt in terram; vid. *Celeberr. Musschenbr. Essai de Physique*, p. 514; radiorum solis immensam esse subtilitatem, & raritatem etiam eo maiorem, quo longius progrediuntur; & vltimum agnosci hodie ab omnibus fere Astronomis. Vnde iam nihil obstat, quin statuamus, lucem esse substantiam, materiam corporalem: lon-

## 64 CAP. II DE MOTV LVCIS

ge subtilissimam ; quia omnes leges corporis sequitur, quales sunt, recta progredi, reflecti, hoc est, resilire ex occurſu corporis, refringi, vti lapis in aquas proiectus ; quæ accidenti competere minime possunt, experimentis autem manifestissimis luci tribui debent, nemo enim vnquam vidit ex. gr. frigus reflecti, vel humiditatem, aut siccitatem, siue colorem rubrum ; cætera accidentia in subiecto suo quiddam imprimunt, quod non statim deleri potest, lux autem, subducto corpore lucido, ne minimum quidem sui vestigium relinquit ; nec etiam vllum accidens ex vno subiecto in aliud commutare potest. Vid. *Barrowius*, pag. 4.

58.

Sed grauior quæstio occurrit hæc, qua ratione lux, a sole aut stellis ex. gr. ad oculos nostros propagetur, vtrum id fiat continuo per medium interpositum transitu, & per transportationem materiæ lucis, siue per effluvia longe subtilissima ad nos vsque pertingentia ; vel an hoc absoluatür mediū interpoliti duntaxat impulsu a massa lucida factō, aut per vndas ætheris ; quorum illius exemplum habemus in olfactu ; (P. I, 213.) huius vero in auditu, vti inferius indicandum erit. Quæ igitur quæstio tota huc redit, an visus cum olfactu, an vero cum auditu, debeat comparari. Hæret hic mentis anxius

*Bar-*



*Barrowius*, l. c. pag. 5, dum non capere se posse faterur, quomodo tantilla lux, exigua veluti lampas, tali tamdiu suppeditandæ effluuiorum incredibili copię par sit, vt non confestim exhauriatur, & euanescat; cumque lucis reflexioni & refractioni vix nudus impulsus satis faciat; atque tandem in id propendet, vt censeat vtroque subinde modo lucem procreari, tam per effluvia corporea, quam per continuum impulsum. Illud *Empedocles*, & *Epicurus*, quondam statuerunt, *Gassendus* postea, vna cum *Newtono*, sagacissimo cæteroquin & felicissimo lucis inuestigatore; hoc autem *Cartesius*, *Dioptrica* cap. 1; & *Hugenius*, *Tractatu de Lumine*. *Cartesio* quidem lux nihil aliud est, quam particularum insensibilium primi elementi, seu ignis purissimi, incitatissima agitatio, qua globuli ætherei secundi elementi vndeque premuntur, & ad lineas rectas impelluntur; qui igitur æthereorum globulorum impulsus lux ab eo vocatur. Atque hinc, vti putat, lux in momento diffunditur, non secus ac si quis extremo baculi stellas, aut solem, immediate tangeret, eodem instanti hunc motum perciperet. Quod ipsum quoque eleganti experimento illustrauit *Hugenius*; (P. I, 219.) sed cui sententię statim obiicit *Du Hamel*, *Astron. Phys. lib. I, cap. 1*, quid causę sit, cur globuli ætherei crystal- lum penetrent, non item papyrum, quæ

## 66 CAP. II DE MOTV LVCS

multo & laxior est, & magis peruia? obiicit etiam *Clarkius*, in *notis ad Robaulti Physicam*, pag. 178, ita futurum esse, vt lux ad omnia interualla propagetur in puncto temporis; obiicit *Celeberr. Musschenbroekius*, *Institut. Phys.* p. 454, ex hac hypothese fluere, vt nusquam esse queant tenebræ; obseruamus enim, pressionem fluidi in omnes directiones propagari, quam oculus apertus noctu etiam perciperet, quod experientiae tamen repugnat; obiicimus etiam nos porro, in subsidium hic vocari ætherem, vanum illud *Cartesii* figmentum, cuius existentia nulli sensuum potest comprobari.

59.

Sed hoc idem adhuc argumentum summus *Newtonus* ad explicationem hanc refellendam affert, *Princip. Philos. Nat. Mathem. lib. II, sect. 8, prop. 41*; de quo vide etiam *Whistonum*, *Prael. Physico-Mathem.* p. 267, vbi demonstrat ille, impulsus eiusmodi *Cartesianos*, cum per foramen in conclaue sint ingressi, ad latera statim diuergere, atque ad omnes conclauis angulos penetrare debere; quoniam scilicet quaelibet medii elastici particula, in statum maioris condensationis redacta, non solum secundum eam plagam, vnde erat compressa, sese restituat, sed particulas quoque vicinas quaquauerfus ad motum impellat. Vnde fit, vt sonus per foramen

men in conclaue immiffus in omnibus huius locis æquali fere vi exaudiat; radii lucis aurem, per foramen in conclaue intromiffi, lucem in vna tantum directione repræfentent. Adde, quod fonī propagentur parī facilitate per tubos incuruos, ac per rectos; fed lumen nunquam compertum eft vias curvas ingredi, in eodem fcilicet medio, aut in vmbra ſeſe inflectere, vid. *Newtoni Optica*. Vnde maxime apparet, quæ ingens diuerſitas intercedat inter propagationem ſonī & lucis.

## 60.

Lucem igitur ex quolibet corpore lucente pernicioſiſſima velocitate exire, & per effluvia ad oculos noſtros rapidiſſime moueri, ſequentibus probant *Newtoniani*, aliique, rationibus certe grauiffimis. *Primo*, ex obſervatis ſatellitum Iouis eclipſibus hoc a *Rømero*, *Caffino*, *Halleo*, fuit demonſtratum. Sit enim A ſol, circa quem moueatur terra in circulo BCDE; ſitque orbitæ Iouis pars QP, in qua huius globus F, & ſatelles intimus ipſum circumiens in ſua orbita GHN. Proiciet ita corpus Iouis vmbra FS, in quam ſatelles ingreditur, adeoque immerſionem patitur, in G; egreditur autem, atque emerſionem celebrat, in H. Satelles autem hic reuolutionem ſuam circa Iouem peragit proxime in horis  $42\frac{1}{2}$ , vid.

Fig.  
25.

*Whiston* Praelect. Astron. pag. 210. Cum itaque, terra existente in B, emerſio hæc conſpici poſſit, pater, manente illa in B, poſt elapſas nouas  $42\frac{1}{2}$  horas, nouam obſeruatum iri emerſionem, atque ſic porro. Sin autem poſt  $m$  tales reuolutiones terra peruenierit motu ſuo annuo in C, fere ad coniunctionem ſolis & Iouis, manifeſtum eſt, effluere interea tempus  $42\frac{1}{2} m$  hor, vt emerſio conſpiciatur in M, poſita  $HM = HB$ ; ſed vt eadem incurrat in oculos apud C; longius remotum, maius tempus requiri, quo nempe ſpatium adhuc MC percurritur a luce renata ſatellitidis, ſi modo lux ſucceſſiue mouetur. At vero hoc ipſum obſeruatum eſt iam ſæpiſſime ab Obſeruatoriis exactiſſimis, veluti *Celeberr. Bradleio*, qui tempus hoc, quo radius lucis integram orbis annui diametrum peruolat, deprehendit eſſe  $16' 26''$ , adeoque dimidium, quo nempe radius lucis a ſole ad nos pertingit,  $8' 13''$ . Quæ obſeruatio celeberrima cum quibusdam obiectionibus premeretur, eandem ab his perfecte liberarunt *Halleius & Poundius*, *Philosoph. Transact. Num. 214 & 361*. Quomodo experimento decidere ſuaſerit *Galileus* motum lucis aut iſtantanæum aut ſucceſſiuum, vid. *Mechanice Dial. I, p. 39*.

*Secundo*, Astronomi nostræ ætatis detexerunt in stellis fixis aberrationes quasdam, quæ nec ab earundem parallaxi annua, nec a refractionibus, nec ab aliis causis, derivari possunt, nisi ab hac unica, quæ a motu lucis stellarum successivo depromitur; quod præcipue ostendit *Celeberr. Eulerus*, in *Dissert. inserta Commentariis Acad. Scient. Petropol. Tomo XI, pag. 150*; & simul etiam *Celeberr. Bradleyus*, *Philosoph. Transact. Num. 406*. Porro quoque lucem in motu particularum suarum positam esse, ex eo etiam perspicimus, quia nihil aliud est quam ignis per rectas delatus lineas, oculosque ingressus; (P. I, 335.) sed omnis ignis in summo motu particularum suarum positus est; omnia ardentia & lucentia nobis cognita ab hoc motu consumuntur ac tandem deficiunt, quod ab emanatione lucis & materiæ combustæ fieri necesse est. In fulmine etiam, velocissime moto, caput eius & finem distinguimus; quod *Galilei* est argumentum, *Mechanica Dial. I, pag. 40*. Solis lucem, radiis tantum non parallelis ad nos delatam, vitri, & speculi, caustici ope faciliter ab hoc parallelismo detorquemus, quod sine motu radiorum peragi non posset. Separamus quoque & diuidimus radios solis per vitra concava, & prismata; dirigimus eosdem quorsumcunque volumus; immo radii per di-

versa pellucida accelerantur & retardantur; quæ omnia sine motu concipi non possunt. Vid. *Celeberr. Musschenbroekii Institut. Phys.* pag. 462.

62.

Fig.  
26.

*Cartesius* autem motum lucis credebatur esse instantaneum; & ad hoc probandum sequens adhibebat argumentum, teste *Hugenio*, *Tratatu de Lumine*, 1690 edito, pag. 4. Sint A sol, B terra, huiusque orbitæ pars BED; C luna, cum orbita sua CGMN; atque erit sic iam luna terræ in perfecta oppositione posita cum sole. Si nunc lumini tempore opus est ad spatium percurrentium, veluti unius horæ, ut perveniat ex B ad C; sequitur, terra hærente in B umbram, quam efficit, aut interruptionem lucis, nondum pervenisse ad C, sed perventuram demum esse post tempus, 1<sup>h</sup>; cum vero nova hora opus habeat ad regrediendum ex C in terram, bihorium ante elaberetur, quam umbræ initium in luna spectari ex terra poterit. Sed interea terra progreditur in orbita sua ad E, ut percurrat arcum BE 4' 56"; terra igitur in E sita videbit lunam eclipsatam in C, multum vero extra oppositionem iam positam, quod contra omnes est observationes. Si assumantur  $AE = AB = 12000$  diametris terrestribus;  $BC = 30$  eandem, angulus  $EAC = 0^\circ 5'$ , inveniatur angulus  $AEC = 145^\circ 0'$  adeoque  $CEG = 35^\circ$ .

$\approx 35^\circ$ , qui certe valde esset sensibilis. Sed quam facile videmus falsum hic esse *Cartesium*. Ponit enim hanc propositionem: si motus lucis a terra ad lunam, tempore vnus horæ absoluendus, est contra experientiam: tum consequens est, quod lux moueatur in instanti. Negatur itaque hæc consequentia; nam si non requiratur plus temporis quam vnus minuti primi, tum CEG non erit nisi circiter  $35'$ ; si non requiratur plus temporis quam  $10''$ , idem angulus erit circiter  $6'$ , id quod obseruationibus exactioribus omnino conuenit generaliter, at motum quidem lucis incitatissimum, non autem plane instantaneum, deposcit.

63.

Neque etiam de *Newtoni* sententia demouemur per ea, quæ in *Opusculis varii argumenti*, *Berolini 1746 editis*, pag. 169, magno acumine contra eam sunt prolata; tentabimus enim diluere obiectiones profundissimi Auctoris responsionibus sequentibus. Primum argumentum est, si natura in translatione sonorum nullis effluuiis vtitur, sed ob distantias maiores alterum propagationis modum (58.) hic eligit: sequitur, eandem ad res multo remotiores cognoscendas eo magis hoc altero modo vsuram esse. Non sine summa ratione negamus hic consequentiam, quia gratis supponitur, naturam hanc optionem instituere ob maiores distantias;

E 4

quis

quis enim, quæso, hoc nobis cognitum dabit? Nonne suauitas odorum, qui efflantur ex aromatibus insulæ Ceylan, procul etiam in oceano sentitur? ad distantiam ergo haud inconuenienter assumendam illam; ad quam sonus impetuosissimus tormentorum bellicorum exauditur, nempe 90 milliar. Italicor. aut  $22\frac{1}{2}$  mill. Germ. vid. *Celeberr. Musfchenbroeckii Institut. Physicæ p. 613.* Contra verum autem ex hac analogia quis ita argueret; si olfactus & auditus ad eandem se distantiam extendunt; sequitur, vtrumque fieri eodem modo. Facile etiam est aliam excogitare analogiam sensuum, in qua visui tribuuntur effluuia. Res enim sentimus nobis aut contiguas, aut remotas; illas immediato contactu, vti in *tactu*, & *gustu*; hæ sunt aut intra atmosphæram nostram, aut extra eandem; si illud fuerit, sensatio fit æris ope, per effluuia ab aëre vecta, vti in *odoratu*, aut per impulsum in aëre translatum, vti in *auditu*; si hoc exstiterit, excluso æthere, cuius figmentum reiicimus, per ordinem naturæ recidimus in effluuia immediata, non vecta iam aëre, sed a corpore lucente ingenti festinatione emissa. Tales autem analogiæ nimis sunt metaphysicæ, quam vt in physicis tuto statui quid ex illis possit.



64.

Secundum ita se habet : *Newtoniani* vacuum statuunt ; sed per emanationem lucis omnia spacia coelestia ita rursus hac materia constipant, ut illa demum sint plenissima, adeoque sibi contradicunt ; quoniam nusquam ne punctum quidem concipere licet , ad quod non indefinenter infinita radiorum multitudo tam ex sole , quam ex stellis , penetret. Respondemus , *Newtonum* statuisse vacuum , sed *disseminatum* , vix vero *coaceruatum* , quorum illud raritas radiorum , in ratione duplicata distantiarum a sole crescens (85.) plane non destruit , sed mirum potius adiuvat. Deinde , cum dicitur , ab omni corporis lucidi puncto ad quodvis mediū punctum lucis aliquem radium dirigi ; hæc ordinaria Opticorum suppositio , ut admitti queat , duplicem exigit limitationem , indicante *Barrowia* , *Lectio. Opticar. p. 7* ; unam , ut puncti nomine non intelligatur punctum Geometricum , neque etiam omne Physicum , sed tantum admodum exigua quædam particula , qualem ferme minorem sensibus assequi nequeamus ; alteram , ut non in quolibet temporis instanti , nec in omni reali temporis portuluncula , cogitemus hoc accidere , sed in tempore aliquo nobis insensibili. Quibus omnibus itaque vacuum *Newtonianum* maxime iterum restituitur , & contradictio imputata evanescit.

E s

65.

65.

Tertium habet : si materia lucis tanta pernicitate omnia spatia cœlestia peruolat; hæc erunt in statu perturbatissimo , ex quo planetis atque cometis maxima opponetur resistentia. Sed statum hunc perturbatissimum ex raritate lucis continuo incremente, ex immensa particularum lucis paruitate , & ex directione cuiusvis particulæ rectilinea, cum reliquis fere parallela , perspicere equidem non possum , adhibita præsertim limitatione *Barrowiana* modo allata (64). Quam vero nihil sit impetus ille, quem edere potest acruus quidam particularum lucis in corpus magnum & densum, ex legibus collisionis corporum facile deduci potest.

66.

Quarto in theoremate *Newtoni* , quod supra adduximus , (59.) negatur sonum a foramine per totum conclauē dispergi, quoniam nemo in angulo conclauis sedens corpus sonorum in ipso foramine collocatum sit iudicaturus. Sed vti hic nihil contra demonstrationem *Newtoni* ipsam monetur , at vero ad experimentum conclusioni contrarium prouocatur : ita pace viri summi hoc experimentum agnoscere non possumus. Illud enim multipliciter à me institutum semper à me euicit, vt , in quocunque angulo vel pun-

puncto conclavis clausi constitutus essem, ibi & semper sonum a foramine ad me profectum esse iudicare debuerim; ex quo ad reliqua etiam circa hoc theorema prolata faciles oriuntur responsiones.

67.

Quimo, quod a flumine continuo radiorum lucis oriturum detrimentum solis spectat: huic supra iam est occursum. (57.) Neque particularum lucis exilitas quicquam in se tenet, quod naturæ genio non esset accommodatissimum. Ex Boyleo ex. gr. discimus, vnum granum cupri solum diuidi posse in minutias adhuc visibiles 22788000000; vid. *Celeberr. Musschenbr. Institut. Phys.* p. 19; hæc vero multum adhuc aberunt ab ultimis particulis, in quas cuprum a natura diuiditur; ad has igitur obtinendas non erit nimium multiplicare numerum positum adhuc per 1000000, atque obtinebimus iam granum cupri diuidi posse a natura in partes 22788000000000000. Si nunc ponamus integrum radium a sole ad nos exporrectum constare ex particulis 10000000000000000000, quod assumit *Celeberr. Autor*, pag. 179, & pondus etiam tenere vnus grani, tum deducetur particula lucis  $\frac{1}{3}$  particulae cupri, in quo illi, quibus natura intimius perspecta est, nihil, vt spero, absurdi deprehendent.

68.

Tandem nullo modo explicabile esse asseritur, quomodo duo, pluresue, radii ex diuersis regionibus, tam incredibili celeritate sibi occurrentes, in motu se non perturbent, siue per minimum foramen in cameram obscuram ingrediantur, siue ope speculi, vel vitri, vltorii in foco se mutuo decussent; vbi tamen nulla prorsus alteratio in singulorum directione percipiatur. At vero nemo negauerit, in eiusmodi angustiis lucem valde debilitari, vbi tam in arcto stipati alii alios excludunt, sed modo nobis insensibili, vt plurimæ tantum parti transitus concedatur. Vnde enim, nisi ab hac causa, eritur, vt sol per foramen acus subtilissimæ mucrone papyro inflictum illæsis oculis conspici queat? ob radios nempe in tanta angustia sibi obsistentes & debilitatos; ob quam eandem causam fit quoque, vt corpus paullo a foco antroorsum vel retrorsum remotum statim exardescere desinat. Si denique sagacissimus Auctor firmamentum theoriæ suæ potius quærit in summo consensu suæ huius explanationis cum phænomenis: nos potius illa explanatione nitemur, quæ inserta est *Commentar. Academ. Petropol. Tomo XI, p. 150*, in qua phænomena a motu lucis successiuo orta summo acumine explanantur; non enim vsque adeo verum esse puta-

putamus, ut secundæ semper cogitationes sint sapientiores.

69.

His ita præmissis, condimus iam sequentem *Lucis* descriptionem: Lux est ignis, e corpore lucido subtilissime, & perniciosissime, in eodem medio per lineas rectas, vel directe, vel reflexe, vel refracte, vel inclinate, in oculos nostros incurrens, atque sic efficiens, ut res extra nos positas videamus ope oculorum. Vbi quidem per *medium*, vel *diaphanum*, vel *pellucidum*, omne illud corpus intelligimus, quod radiis lucis transitum permittit, *opacum* vero, quod non; (109.) illius generis sunt aër, aqua, reliqua fluida fere omnia, vitrum, crystalum, gemmæ, adamantes; huius vero lignum, lapides, alia corpora densiora fere omnia, planetæ. Orta hic est controuersia inter *Democritum* & *Aristotelem*; ille censuit, si medium hoc nullum esset, vel per spatium vacuum radii lucis deferrentur, tum formicam in cælo repentem conspici posse; a cuius sententia non abhorreret *Keplerus*, qui visionem medio impediri credidit. *Aristoteles* autem contendit, per vacuum, si quod esset, plane nihil videri posse. Pro *lucido* autem habemus omne id, quod suo lumine proprio radiat, aut ex se immediate lumen eicit; pro *illuminato* vero, quod alieno lumine radiat;

radiat; vnde simul perspicitur, corpus illuminatum pro lucido haberi posse, si ad causam primam solam respicias, eosdem enim illud cum hoc habet effectus. Noctu aliquid lucis emittere videntur corpora alias obscura, mare ventis agitatum; dorsum felis, collum equi, contra ductum capillorum trita; lignum, caro, piscis, putrescens; muscæ quædam volantes; oculi quorundam animalium; globus vitreus velociter circumactus & manu tritus; vermes lucentes in ostrearum squamis, vid. *Journ. des Savans* 1666, pag. 340 & 375, nec non 1667 pag. 113, ubi legitur, dari in insulis Antillis muscas lucentes, quibus dum viuunt, 15. dierum tempore, incolæ candelarum ope vti possint; lapides quidam calefacti; *l. c.* 1683. p. 81, & plura alia, quæ nihil aliud sunt, quam phosphori naturales. *l. c.* 1719, p. 101. Cum igitur lux efficiat, vt res extra se positas oculus videat: patet simul, sine luce nihil posse videri. Sed etiam nimius lucis splendor lædit oculos, & visionem impedit, humoresque necessarios exsiccat; vt *Democritus* clypeo æneo, contra solem posito, aciem oculorum sibi retudisse legitur, vt subtilius naturæ secreta rimari posset; & milites *Xenophontis* e niuis nimia refulsione graues noxas contraxerunt.

70.

De subtilitate particularum lucis partim iam dictum est, (67.) partim etiam eadem cognoscitur ex eo, quod spectator supine iacens in terra, per foramen chartæ ac inflictum; totum fere hemisphaerium cœleste contueri potest. Ponamus foraminulum hoc capere 10 capillos humanos, atque per illud transire 10 milliones particularum lucis, qui numerus quam exiguus sit pro capacitate totius hemisphaerii in oculos incurrit; adæquabunt ita 10 diametri capilli humani totidem milliones diametrorum particulæ lucis; hæc itaque non erit nisi  $\frac{1}{1000000}$  diametri capillaris. Sed crassissima hæc adhuc est positio, cum per foramen tale plus quam billiones particularum forsân in oculos adueniunt. Candela accensa in apice turris posita noctu ad distantiam  $\frac{1}{2}$  miliaris Germanici conspicitur quaquaversum & ab omni parte, adeoque nullus in hac tanta sphaera, diametri vnus miliaris, locus physicus est, qui a flammula non accipiat suas particulas; quæ ipsæ etiam per vitra, & adamantes penetrant, quorum pori adeo sunt angusti, vt nullo hucusque microscopio detegi potuerint.

71.

Celeritas lucis exinde colligitur, quod ea inde a sole ad terram peruenit tempore  
8' 13'',

8' 13'', (60.) hoc est 493''; est autem distantia terræ a sole 20618 semidiam. terrestr. pro parallaxi solis horizontali 10''; celeritas igitur lucis tanta est, quæ in 1'' percurrat 42 semid. terrestres. Semidiameter vero terrestris est 19615782 ped. Paris. aut. 20302398000 scrupul. pedis Rhenani; ergo 42 tales lux percurrit in 1'', hoc est, 852700716000 scrupulos pedis Rhenani. Nouimus, globum e tormento bellico explosum absolueret in eodem tempore 600000 scrup. ped. Rh; erit igitur celeritas talis globi ad celeritatem lucis uti 1 ad 1421168.

72.

Vt igitur de luce & eius motu agere distincte possimus, atque mirandas eius proprietates eruere: necesse est ut partes illius, ab immenso agmine quasi ditulsas, separatim consideremus, earundemque naturam indagemus. Talis lucis pars, vel fibra quasi quædam, a sole ad nos extensa, a reliquo autem solis lumine separata, vocatur *radius lucis*, quem definiunt etiam *Dechales*, per totum illud lumen, cuius partes connexionem aliquam dependentiæ inter se obtinent, quæcunque illa fuerit; *Iac. Gregorius, Opticæ promotæ pag. 1*, per lineam rectam, in qua discurrunt corpuscula ignea, e corporibus lucidis ortum habentia; *Barrowius, l. c. pag. 3*, per lucem a puncto radiante vel lucido, in medio



medio aliquo protensam ; aliū per lucem in lineis rectis delatam ; vnde , ob ingentem subtilitatem lucis , quilibet radius lucis per lineam rectam optime repræsentari poterit , non quidem Geometricam , sed cuiuscunque exilitatis Physicæ. (64.) Ab hisce radiis solaribus terram non foueri tantum & illuminari , sed omnes etiam planetas circumduci in suis orbitis , & circa axes suos , credidit *Hartsekerus* , *Curs. Phys.* pag. 238.

## 73.

Ad talem solis radium contemplandum atque examinandum nihil magis conducit quam camera obscura , quæ , vi vocis , est locus vbicunque summa sollicitudine tectus atque obscuratus , immo , quod *Newtonum* fecisse aiunt , intus holoserico nigro obductus , in quem nulla lux , nisi a sole per exiguum , modo maius modo minus , foramen intrare potest , qui deinde remoto omni alio lumine peregrino solus potest obseruari , ab oculo in tenebris constituto. Huius inuenti auctor ab omnibus celebratur *Iob. Bapt. Porta* , Neapolitanus , qui certe in *Magia naturalis Libro XVII* , cap. 6 , anno 1609 primum editæ , illud dilucide describit ; de tali camera , tanquam re quadam noua , loquitur *Boyle* , in *Commentat. Proæmiali* , p. 13 ; anno 1667 edita. Diuidi potest hæc camera obscura in opticam , quæ nudo foramine

P. III. F præ-

prædita est, sed paruo, pisi magnitudinem haud excedente; *dioptricam*, cuius foramen multo maius est, sed lente conuexa munitum, quæ imagines multo reddit distinctiores, & *Portæ* pariter iam erat cognita; in *magnam & immobilem*, quæ in integro conclavi exstructa est; *paruam & portatilem*, qualis etiam vocatur *cistula parastatica*. vid. *Wolff. Dioptr. p. 284*. Vfus earundem multiplex est, dum inferuiunt iucunditati, quia obiecta externa, vel etiam pictura, a sole probe illuminata, quod posterius fecit *Sturmius Colleg. Curiosæ pag. 7*, in linteo expanso, vel charta extensa, distincte, & natiuis coloribus tincta, depinguntur quasi; & nitidissime repræsentantur; sed situ inuerso posita; hic situs erigitur, si foramini inserantur duæ lentes, vel speculi concaui, plani, aut prismatis vitrei ope; exprimit eadem etiam motus navis, hominum, fulgura sclopeti explosi, ita vt pictura dici possit talis repræsentatio, quam nulla ars humana exprimere queat. Inferuiunt observationibus Astronomicis eclipsium, ac macularum solis, delineationibus rerum exactissimis, & ad vitium faciendis; præcipue autem explicandæ visioni, & naturæ lucis; quorum illud primus fecit *Keplerus* in *Paralipom. ad Vitellionem cap. 5, p. 168, & 178*; hoc autem *Newtonus* in *Optica*. Eadem imagines retroagi quoque possunt ad parietem papyro alba

alba obductum per speculum concauum, quod *Grauesande docet*, in *Physices Element. Mathem. Tomo II*, §. 3304, & *I. B. Porta* invenit, *Magiæ Nat. lib. XVII*, cap. 6. Inversæ autem depinguntur imagines, quia in foramine nudo radii manifesto se decussant; lens autem convexa in suo foco omnes imagines inuertit, vti infra independententer ab his demonstrabitur.

## 74.

In cameram igitur obscuram intromittatur per exiguum foramen radius solaris, obseruabitur, lumen admissum propagari per aërem a foramine vsque ad corpus aliquod opacum, viæ eius oppositum, in linea recta lucida, quæ iaceat in directum cum foramine & sole ipso; quæ recta examinari potest extensione fili serici tenuissimi; aut etiam oculo prope extremum radii admoto, qua ratione rectitudinem regularum examinare solemus. Vocatur talis radius, immediate ex lucido profluens, *radius directus*, de quo *Optica* in specie sic dicta agit, quæ est scientia visionis directæ, factæ per radium directum. Illa enim, quæ generalis est, versatur generaliter etiam circa lineam visiuam. Hinc igitur apparet, lumen moueri & propagari in linea recta; secundum regulas generales *Mechanicæ*, tamdiu, donec ab aliis viribus impressis motus

eius alteretur , si nempe maneat intra *idem* diaphanum , vti hic in aëre eiusdem densitatis. Fluit hinc per se, *primo*, nihil videri , quod oculo non iaceat in directum; *secundo*, radios ex eodem puncto radiante exire diuergentes; *tertio*; quodlibet obiecti punctum radios innumeros quaquaueversum diffundere; vnde fit vt scintilla lucens minima in omni puncto superficiei sphaericae circumiacentis videri possit , cuius centrum scintilla occupat; interiecto autem obice, in eadem linea recta, cesset videri.

75.

Radius solaris excipiat in camera obscura speculo plano , deprehendetur radius hic a speculo retroactus, & quidem in linea iterum recta, sic, vt angulus, quem radius incidens cum plano speculi format, sit æqualis illi angulo, quem radius retroactus format cum eodem speculi plano. Est hæc altera, elegans sane, lucis proprietas, legibus mechanicis generalibus plane conformis, quod nempe corpus a corpore repercutiatur, quæ vocatur *Reflexio*; & radii ea pars, quæ a sole, vel alio lumine, ad speculum pertingit, dicitur *radius incidens*, angulusque formatus ab hoc cum planitie speculi, *angulus incidentiæ*; reliqua vero radii portio retroflexa, appellatur *radius reflexus*, & angulus cum plano speculi factus, *angulus reflexionis*.

*flexionis.* Fit autem reflexio lucis hac lege, quod generaliter tantum hic indicamus, ut *primo* angulus reflexionis æqualis semper sit angulo incidentiæ; & *secundo*, vterque radius cum perpendiculari ad planum, in puncto reflexionis ducta, sit in vno eodemque plano. Hæc reflexio fundamentum sternit illi Optices parti, quæ *Catoptrica*, vel *specularia*, audit, atque est scientia visionis reflexæ, seu illius, quæ fit per radios reflexos. Instituitur experimentum variis modis; si semicirculus in gradus diuisus supra speculum erigatur; vel si tubus reflexus speculo sub æqualibus vtrinque angulis applicetur verticaliter; vbi, cum radius incidens per vnâ tubi partem intrat, per alteram iterum exit.

## 76.

Radius solaris in camera obscura oblique incidat in aquam vase contentam, vel etiam in vitrum solidum, obseruabitur, hunc medium hoc densius non via in directum continuata permeare, sed in ipso introitu a recto itinere deuiare, & quasi frangi. Est itaque hæc tertia radiorum lucis proprietas, quæ *Refractio* appellatur, & semper locum habet, quotiescunque radius lucis ex medio tenuiori, quale aër est, in medium densius, quale est ex. gr. aqua, transeat, vel vice versa. Exemplum huius

refractionis quotidianum est, cum baculus rectus aquæ ex parte, sed oblique, immergitur; hoc enim casu is, vbi aërem relinquit, & aquam intrat, fractus esse videtur. Eidem huic radiorum lucis refractioni adscribendus est effectus, quo moneta vasis fundo imposita, & a margine, oculo interea fixo, occultata, in conspectum redit affusa aqua. Ex quo patet simul, fieri posse vt radio refracto videat quid oculus, quod directo cernere haud possit. Talis ergo radius, a via priori recta deflexus, dicitur *refractus*, qui nouam denuo fundat scientiam, illam nempe, quæ est visionis refractæ, & potissimum lentes vitreas, ex quibus telescopia, microscopia, vitra caustica, construuntur, considerat, hincque vocatur *Dioptrica*, vel *Anaclastica*; quamuis *Aristoteles* per *ανακλασιν* intelligat & refractionem & reflexionem radiorum. vid. *Barrow*. l. c. pag. 6.

77.

Radius solaris, tenuissimus, in camera obscura excipiarur a scissura duabus aciebus chalybeis terminata, is hanc transibit, sed exceptus in distantia 5 aut 6 pedum a charta alba denuo, sistet imaginem suam, at vero ad vtrumque latus hærebit adiunctum adhuc lumen debile, lumini in caudis cometarum simile, cum sensibili distantia. Demon-

monstratur hoc experimento lucis proprietates quarta, vi cuius radii lucis, iuxta corpora solida transeuntes, iterum a via recta declinant, & ad latus deflectuntur. Vocatur hæc, *Inflexio*, *Inclinatio*, *Diffraçtio*, radiorum, quæ primum a *Grimaldo*, circa annum 1666, detecta, sed melius exculta deinde est a *Newtono*.

78.

His fundamentis omnium disciplinarum Opticarum subiungenda est descriptio brevis oculi, organi illius visionis, & instrumenti totius corporis animalis longe nobilissimi, quod visibilia quæcunque animæ nostræ repræsentat. Descriptio quippe non Anatomica, sed, quæ instituto nostro explicandæ visionis conveniat. Hic quidem sphaera satis exacta esset, diametri  $11\frac{1}{2}$  lin. ped. Paris. nisi antrorsum tunica quædam pellucida promineret, retrorsum vero eadem adhæreret aliquantum nervo optico. Externe defenditur a duabus *palpebris*, inferiore & superiore, mobili utraque, & munita in extremo serie pilorum, qui *cilia* vocantur, ad auertendas externas sordes & animalculas. Iam globus hic, tunicati cepis instar, variis circumdatus est involucris, quæ *tunicas* vocant Anatomici. Extimum tribus constat partibus, prima, quæ *tunica cornea* dicitur, prominente extra bulbum oculi ad similitudinem vitri, quæ horologia portatilia con-

teguntur, est cornu instar pellucida; hæc in recens natis infantibus multo est crassior, planior, & rugosa, minusque splendoris; hinc, quia præterea humor aquosus illis deest, primis quatuor vel quinque septimanis nulli eorum vident. Huic annexa est tunica *adnata* vocata, quæ alba est, & reliquam oculi partem eousque ambit, donec capiti inferatur, quæ pars postrema huius inuolucris appellatur tunica *sclerotica*. Interius involucrum ex parte posteriore vocatur tunica *choroëides*, vel *vuaq*, quæ sua nigredine oculi interiora perfecte obscura reddit; in parte anteriore autem, vbi a cornea aliquantum distat, habet *iridem*, variis coloribus cinctam, fuscam, cæsiâ, fuluam, &c. pro temperamenti varietate, atque ætatis; ex fibrillis muscularibus contextam, qui per corneam translucent. Iris in sui fere medio tenet foraminulum rotundum, apertum, quod dicunt *pupillam*. Interius deinde *choroëides* obducta est tunica *retina*, vel *retiformi*, subalbida in ætate media, ex meris subtilissimis neruulis expansa, qui tandem omnes desinunt in *neruum opticum*, cerebro insertum.

79.

Quicquid spatii interiacet corneam inter atque iridem, illud vocatur *camera anterior*, quæ repleta est humore nihil fere ab aqua differente, qui & hinc *humor aquosus* dicitur.



tur; aqueum hunc communiter dicunt, sed hæc vox plane non est Latina, quod observatur in *Mem. de Trevoux*, 1703, m. Nov. Reliquum spatium, ab iride ad retinam usque, appellatur *camera posterior*, hæc pupillæ proximum tenet *humorem crystallinum*, lenticulæ microscopicae instar efformatum; cuius partem posteriorem formæ Hyperbolicæ statuit *Keplerus*, *Dioptr. prop. 60. & Paralipom. p. m. 167*. Quod ab hac camera deinde superest ad retinam usque, illud impletur humore nouo, qui *vitrei* nomen habet, & mediæ consistentiæ est inter aquosum & crystallinum, cæterum vero summe pellucidus. Hæ singulæ partes optime repræsentantur per *Oculum artificialem*, quales ex ebore contrui solent. Si vero quis ad viuum singula contrui velit: is oculum bouinum congelatum medium bisecet, atque sic examinet. Hoc artificium nesciuisse *Cartesium*, patet ex eius loco, *Dioptr. cap. 3*, in quo dicit: *Si qua arte posset oculus ita secari, plano per mediam pupillam transeunte, ut nullus ex eo liquor efflueret, nec vlla pars loco moueretur, talis eius sectio appareret, qualem hæc figura repræsentat*; annotante *Godofr. Bidloo*, de oculis, & visu variorum animalium, pag. 2, qui simul suadet, ut talis oculus capiti adhuc insertus congeletur, exemptus deinde & bisectus in aqua tepida a glacie solvatur.

80.

Varia autem annotanda adhuc sunt, quæ oculum respiciunt. *Primo*, pupilla tam admirabili prædita est structura, ut a fortiore luce coarctetur, a debiliore autem dilatetur; cuius facile experimentum capitur, si quis ad fenestram collustratam in speculo pupillam suam aspiciat, atque tum subito manibus ad tempora applicatis obscuritatem aliquam circa oculos efficiat. Hanc principalem causam esse putauit *Fabry*, *Synopsi Opt.* quod interdum stellas non videamus, non quasi lumen solis eas debilitaret, sed quod ob coarctatam pupillam radii ab iis hanc nequeant ingredi sub angulo satis sensibili. *Secundo*, aquosus humor perpetuo resorbetur, atque renouatur; piscibus etiam plerisque deest, utpote quibus videtur, in aqua submersis, inutilis esse. *Tertio*, humor crystallinus iterum incomparabili mechanismo ita suspensus est, ut pro rei necessitate ad retinam accedere, vel ab ea recedere, possit; mollior etiam, & magis conuexus, est in iuuentute, durior & planior in senectute; oculo ereptus candelæ accensæ imaginem inuersam in charta alba depingit; ut reliquæ lentes microscopicae solent. *Quarto*, chorœides in pecudibus non prorsus nigra est, sed liuida, unde in illis etiam pupilla non est atrii coloris. *Quinto*, nihil repræsentationi obiectorum externorum in retina nocet,

cet, quod hæc non fit perfecte plana, vti charta, vel linteum, in camera obscura. Ostendit hoc experimento magnifico *Maximilianus, Archidux Austriae*, vti testatur *Schei-nerus, Rosa Vrsina, lib. 2*, ita inquires: in palatio suo Oenipontano maximum globum, ad semidiametrum multorum pedum, extruxit, in quem introgressi admittebamus rerum externarum per lentem conuexam in parietem concavum species, quæ ob id ipsum longe ordinatius, & ampliore spatio, videbantur distinctius compositæ, quam si in superficiem aliquam planam allapsæ essent.

## 81.

Quo magis itaque iam patet, totum oculi ædificiolum hoc consilio esse factum, vt sit firmum, tam in se, quam aduersus iniurias externas; quorum illud efficiunt cornea cum sclerotica validam concamerationem comprehendens, hoc autem palpebræ cum ciliis; porro vt sit venustum; singularem enim gratiam oculis largitur eorundem symmetria, hinc & inde æquali distantia locatorum, nec non iris cum pupilla, præcipue autem largiuntur palpebræ, mediocriter & leniter apertæ; vel potius aliquantum submissæ, ac innumera alia, ex quibus animi indices dicuntur oculi; denique vt scopo suo sit ex asse satisfaciens; omnia enim eo conuersa sunt, vt obiectorum externorum, tam pro-  
pin-

pinquorum quam remotorum, imagines distinctissime repræsententur, atque in retina depingantur; oculus adeoque est camera obscura perfectissima, (73.) sed in compendium redacta, ad quod humores, ut nempe radii illapsi eo citius concentrentur per refractionem, optime conducunt. Et mirum sane est, diu cameram obscuram, legitimamque oculi structuram, ante fuisse cognitam quam utriusque similitudo observaretur, explicantibus Physicis visionem, in genuina oculi cognitione, per radiationem & emissionem specierum visibilium in nervum opticum, minime vero per depictam imaginem, quam *Cartesius*, post quidem *Keplerum*, admirandus adhuc allegat, *Dioptr. cap. 5, p. 87*; vid. præcipue *Heinlinus*, l. c. p. 705, § 716, ubi oculum cum camera obscura comparat tandem. Ab hac itaque obiecti cuiusvis pictura luminosa spiritus visorii, qui in nervo optico resident, afficiuntur, per quos quasi ad iudicium animæ de illis absoluendum præsentem sistuntur. Sola enim impressione, aut passione, ab obiecto illata, visio non peragitur; alias enim & specula viderent plana & sphaerica, aliæque res, quibus species visibiles imprimuntur. Interim tamen absolute & Geometrice perfectus oculus nec est, nec esse potest. Deberet enim omnes radios e puncto lucido exeuntes congregare in vnum aliquod retinæ punctum, adeo-

adeoque hinc habere figuram aliam Geometricam, in partibus æque ac in toto, quam sphaericam; qualis vero in corporibus mutationi quotidianæ obnoxiiis locum non habet. vid. *Iac. Gregorium*, *Geometr. parte univers.* p. 132.

## 81.

Quæstio apud veteres agitabatur, & in varias quidem partes diuisa, num visus absolueretur radiorum ex oculis emissionem, an vero eorundem ab oculis receptione. Visum produci à radiis emissis, qui dein ab obiecto reflexi redeant ad oculum, Stoicorum mens fuit; *Empedocles* autem, *Plato* in *Timæo*, & *Euclides*, solam emissionem statuerunt; veluti hic dicit *Perspectivæ suppos. 2*, ea videntur, ad quæ visus perveniunt. Ex sententia *Pythagoræ* species visibiles exeunt ex obiectis, quæ valde extensæ sunt cum modo emittuntur, donec ad id parvitatæ reducantur, ut oculis subire, & a mente sic percipi queant. Inter hos *Galenus*, mediator esse volens, putabat ex obiecto pariter atque ex oculo effluvia egredi, quæ sibi obviam irent, sese amplecterentur, per *συναγωγήν*, corradationem, atque sic redeuntia oculum subirent, mentemque afficerent. Sed omnes hæ sententiæ ita comparatæ sunt, ut hodie nec in suspensionem veri venire possint. Itaque secundum *Aristotelem*

telem omnis visio peragitur radiorum receptione, introitu in oculos materiæ lucis subtilissimæ, (73.) ab obiectis defluentis, oculosque percellentis, quæ sententia olim erat *Democriti* atque *Epicuri*. Nam simili operatione omnes reliquæ eueniunt nobis sensationes, non quippe vt sensus in obiecta ferantur, sed vt hæc sensoriis sese imprimant. Nec quicquam in oculo deprehendimus, (78.) quod prædicta ratione posset emanare; is enim ad recipiendam lucem aptissimus est, sed ad progignendam & eiaculandam haudquaquam comparatus; alias enim in obscuro etiam res possemus videre. De *Tiberio* quidem hoc enarratur a *Suetonio*, p. 209, edit. *Gronouiane* 1698; sed hic, & similes alii, casus non satis sunt examinari atque explorari, quam vt fides ipsis tuto adhiberi possit. De equis, vulpibus, multis auibus, & felibus inprimis, generalis est assertio, quod noctu videant; sed *Godofr. Bidloo*, de oculis & visu var. animal. pag. 14, felem oculis plane priuauit, & noctu eam esurientem recta, sine vlllo anfractu, cum impetu ad depositam alicubi in conclauis escam decurrisse obseruauit; vnde conclusit, olfactu suo acutiore hæc peragere animalia, quæ visui inepte tribuuntur. A tergo denique lux ad oculos nostros refertur, quorsum nulla emissio radiorum fieri potest, si speculum adhibeamus.

Quæri etiam solet, cur duobus oculis præditi rem tamen non videamus duplicem sed vnicam tantum? respondet *Keplerus*, *Diopt. prop. 62*, quia sensorium vtrumque similiter sit affectum; vestigium enim, quod dexter oculus sua affectione imprimit quasi sensui communi, plane idem esse, quod sinister imprimit sua; hinc nisi similiter vtrinque oculus vterque afficiatur, quod fit ex. gr. si alteruter digito ex situ naturali detorqueatur, objecta videri duplicia. Tribuunt hoc quidam, ex sententia *Galen*i, concursui nerui vtriusque optici; sed veram hanc causam esse non posse probat *Grauesandius*, *Phys. Elen. Mathem. tomo II, p. 806*, ex *Chamæleonte*, vnum oculum ad cœlos, alterum ad terras, dirigente, adeoque necessario objecta duplicia inueniente, quamuis idem, vti in homine, in ipso obseruetur nerui optici concursus. Putat adeoque hoc phænomenum soli deberi experientiæ, & consuetudini, quæ constanter nos docuit, inde a pueritia vsque, duas similes nervorum sensationes proficisci ab re vnica, adeoque duas sensationes cum idea vnica confundi. Idem quoque, *p. 805*, similiter ad hanc alteram quæstionem respondet, cur erecta videamus objecta, quæ tamen in retina teneant picturam sui inuersam? hoc nempe iterum oriri a continua  
ex.

experientia & consuetudine, quia videre est  
 artificium, usu acquisitum, & quia ideam  
 obiecti æque distincte considerare possumus,  
 siue obiectum fuerit erectum siue inuersum.  
 Ingeniose responder ad eandem hanc quæ-  
 stionem *Hainlinus*, *Opt. p. 717*; sicut in spe-  
 culo quod dextrum est, imagini sinistrum fit,  
 nec quisquam tamen iudicio inter dextrum  
 ac sinistrum fallitur: ita nec hic metuendum,  
 vt inuersionem hanc sequatur inuersa visio.  
 Tertio notabile phænomenum habemus in  
 sole & luna, dum nempe hæc ex. gr. pro-  
 pe horizontem versans maioris diametri ap-  
 paret, quam quando altius ascendit, quam-  
 vis præcise contrarium reuera obtineat, de  
 quo conuincimur si eandem telescòpio in-  
 tueamur, aut ex charta nuda complicato  
 tubo; aut micrometro dimetiamur. Attri-  
 buit hoc vir acutissimus, *l. c. pag. 809*, quod  
 luna oriens in vicinia montium & campo-  
 rum, arboribus vel aliis rebus propinquis  
 obsistorum, versari videatur, ad quarum re-  
 rum distantias inscii diametrum lunæ com-  
 paremus, quam, cum in meridiano versa-  
 tur, cum nulla re comparare possumus quo-  
 ad distantiam, adeoque multo maiorem iu-  
 dicemus ex hoc errore, quam reuera est.  
 Aliam vero huius causam allegat *Rob. Smith*,  
 in *Opt. System. compl.* cuius extractus legitur  
 in *Actis Lips. 1741, pag. 23.* Adscripserunt  
 aliqui, vt *Gassendus* huius phænomeni caus-  
 sam



ſam pupillæ ſeſe dilatanti & contrahenti;  
*Journ. des Sav. 1673, p. 254. Cartefius* allega-  
 tam prius rationem fere ſecurus eſt; & li-  
 magna circa hanc quæſtionem orta inter Re-  
 gis, & *Malebranche*, quorum ille ex refra-  
 ctione, a vaporibus in horizonte orta, au-  
 ctam lunæ imaginem in retina putabat; *l. c.*  
*1694, pag. 85. Hic autem, Recherche de la ve-*  
*rité, lib. I, cap. 9, p. m. 66,* ita ratiocinatur:  
 lunam, cum oritur, putamus longiſſime,  
 immo ultra horizontem ſenſibilem, ad di-  
 ſtantiam 10 milliar. a nobis remotam; quan-  
 do vero ad aliquam altitudinem aſcendit,  
 eandem nobis putamus eſſe proximam, ve-  
 luti ad diſtantiam 1 milliaris; cum vero in  
 utroque momento eundem ab ipſa accipia-  
 mus angulum opticum, & ſciamus per ex-  
 perientiam, quæ ſub eodem angulo viden-  
 tur, eorum remotius eſſe maius, tacite  
 ſubiungimus hanc illationem in animo, adeo-  
 que maiorem eſſe in horizonte credimus.  
 Multis hinc & inde reciprocatis ſcriptis  
 tandem Academia Regia Scientiarum ſenten-  
 tiæ huic acceſſit, ſcripto atteſtato, contra  
 quod autem prior valde proteſtatus eſt.  
*Journ. des Sav. 1694, p. 235.*

84.

Referri huc etiam debent varia illa viſus  
 accidentia, e quibus dicitur homo *Oculis Va-*  
*lens*, qui pro ratione diſtantiarum clare &  
*P. III.* *G* diſtincte

distincte videt tam remota, quam vicina; *Presbyta*, qui vicina confuse, remota distincte videt, quod senum plerumque vitium est; *Myops*, qui vicina distincte, remota confuse videt, quod iuventutis plerumque est vitium; aut eorum, qui vitam sedentariam agentes literis incumbunt, vel aliis subtilioribus artificiis oculos ad propiora assuefaciunt. Hæ duæ denominationes sunt *Aristotelis*, *problem. sect. 31, quest. 14 & 15*. Nec desunt exempla hominum, qui vno oculo presbytæ sunt, altero myopes, quale refert *Dechales*, *Opt. p. m. 412*. *Lusciosus* dicitur, qui neutra distincte, sed omnia confuse, cernit; *Νυκταλωπες*, qui in crepusculo melius vident, quam in plena luce. Valentes oculis fiunt, qui a pueritia venationibus, aucupio, nauigationibus, itineribus, sunt dediti, oculos assuefacientes ita ad remota; sed quia identidem cibum capere, cum hominibus prope colloqui, oportet, manet oculus in exercitatione ad propiora etiam respiciendi. *Kepl. Dioptr. p. 117*.

85.

Nunc tandem properabimus ad Theoremata, Problemata, atque etiam Experimenta quædam Optica; quæ vsus tam in scientiis, quam in vita humana, habent insigniores. Lux igitur, cum sit materia fluidissima, & tenuissima, certam quandam habebit

bit densitatem, aut *intensitatem*, quæ est quantitas ipsius vis illuminatricis. Cum igitur, in medio aliquo non resistenti, a puncto luminoso A propagatur per radios divergentes ABD, & ACE, erunt ipsius intensitates in ratione inversa duplicata distantiarum ab A. Nam quantitas radiorum, in spatio ABC comprehensorum, intensitatem ibi aliquam lucis efficit; & minorem producit, cum eadem quantitas extenditur in maius spatium ADE. Et hæ intensitates quidem in B & D sunt uti sectores similes ADE, ABC, (P. II, 95.) hoc est, uti  $AD^2 : AB^2$ . Lumen autem per radios parallelos delatum intensitatem constanter eandem retinet; per convergentes autem similiter ut ante auget. Hinc, ex cognita ratione distantiae planetarum a sole, ratio intensitatis lucis solaris in unoquoque determinatur. Sed probe notandum hic est, quod aer intensitatem luminis per ipsum propagati insigniter minuat atque debilitet; uti ex eo apparet, quia radii in cameram obscuram immissi tramitem lucidum visibilem efficiunt, qui certe ex reflexione in particulis æreis facta, atque hinc ex imminuta, & ad oculos versa, luce exoritur; unde generaliter simul patet, lucis particulas multo minores esse particulis æreis.

Fig.  
27.

**Fig. 28.** Si duos supponamus radios AB & AC, ex eodem puncto A egredientes, tali quidem angustia, vt angulum BAC forment vnus minuti secundi, posito B recto: tum hi duo radii AB, AC, ad sensum paralleli in planum BC incidere statuendi sunt. Quod ex eo patet, quia nullum huius quantitatis angulum sensibus assequi, aut distinguere, possumus. Hinc igitur, vbicunque BC, se habeat ad BA vti 1 ad 206266; ibi radii ex A in BC incidentes habendi sunt pro parallelis. Est enim  $BC:BA = \text{tang. } 1'' : \text{sinum totum, per hyp.} = 48481 : 10000000000 = 1 : 206266$ ; vnde constat propositum. Tangens autem  $1''$  acquiritur ex *Rhæti Canone Magno*, ad allegatum sinum totum. Diameter pupillæ satis dilatatæ tenere solet diametrum  $\frac{1}{7}$  digiti Rhenani; punctum igitur ab hac distans 0,15 miliaris Germanici, vel circiter  $\frac{1}{7}$  eiusdem, radios in eandem parallelos mittit, computando pro milliari Germanico 22800 pedes Rhenanos, cum *Varenio, Geograph. Gener. part. I, lib. 1, cap. 4, pag. 29*. Si laxari aliquid velimus, satis tuto supponere possumus, radios etiam e puncto sub angulo  $30''$  egredientes ad sensum adhuc esse parallelos. Atque tum erit  $BC:BA = 1454441 : 10000000000 = 1 : 6875$ , vt adeo, sub eadem pupillæ di-

lata-

latatione, requirantur 115 pedes pro distantia puncti, ex quo radii in pupillam paralleli illabuntur. Quanto magis ergo radii solis ex puncto quodam eiusdem exeuntes in spatium etiam aliquot milliarium German. omnes inter se erunt paralleli? Sequitur exinde porro, si distantia duorum obiectorum BC fuerit 1, atque utriusque intervalum à me 206266, tum in hoc loco illa duo obiecta mihi apparitura esse tanquam contigua, non disiuncta, hoc est, me habiturum esse distantiam BC pro puncto. Deregitur autem deinde microscopio hæc distantia, unde fit, ut per hoc instrumentum appareant non contigua, sed interrupta, quæ nudo oculo videntur contigua. Idem hoc vero in distantia 115 falsum esse deprehendi.

## 87.

Angulus ille BAC, quem intercipiunt duo radii BA, CA, ab extremis obiecti punctis in centrum pupillæ ducti, vocatur *angulus Opticus, visorius, aut magnitudo vel diameter obiecti apparens*. Ita si ex. gr. BC. fuerit sol, tum radii CA, BA, ab utroque eius extremo in oculum A ducti constituent angulum sensibilem BAC, aliquando  $31^{\circ} 38''$ , alia vice  $32^{\circ} 43''$ , qui dicitur *angulus solis opticus, aut diameter solis apparens*. Multum enim interest, an radii educantur ex vno solis puncto ad pupillæ integram diametrum;

Fig.  
29.

an vero ex duobus punctis solis extremis ad pupillæ punctum ; hoc casu radii efficiunt angulum sensibilem ; illo autem insensibilem , aut sunt paralleli. Iam vero generale Opticorum axioma hoc est : quæ sub æquali angulo optico videntur , apparent æqualia ; quod vero videtur sub maiori , apparet maius ; sub minori , minus ; quo *Euclides* iam vsus est in *Perspect. supp. 6.* dicendo : æqualia videntur , quæ æqualibus angulis spectantur. Cum enim ex æqualitate vel inæqualitate imaginis in retina expressæ (81.) de æqualitate aut inæqualitate obiectorum vnice iudicare possit anima ; patet veritas huius axiomatis. Sol ex. gr. & luna æquales nobis apparent , quamuis vera magnitudine in immensum fere differant , quia nobis efficiunt eundem angulum opticum. Index horologii quiescere nobis videtur , quia angulum opticum in tempore paruo mutat insensibiliter. Hinc etiam turris parti superiori literæ inscribi possunt , quæ oculo inferius posito literis inferioribus appareant æquales.

88.

Fig.  
30.

Idem obiectum AB in vicinia C maius ergo nobis apparet , quam in longinquitate D. Ibi enim illud videmus sub angulo optico BCA , hic autem sub BDA ; sed prior maior est , ergo in priori casu obiectum etiam  
maius

maius apparet. Præcedens axioma, cum hoc theoremate, non negat quidem *Lamy*, *Traité de Perspective*, sed statuit id exinde oriri, quia radii obiectorum magis remotorum minus premant oculum; pressionem vero hic inconuenienter vocat in subsidium. Eiusdem obiecti AB magnitudines apparentes, si fuerint valde exiguae, sunt quam proxime in ratione inuersa distantiarum. Nam illæ sunt vti anguli optici BCA, BDA; qui, si sunt valde exigui, habebunt se vti ipsorum tangentes  $\frac{AB}{AC}$  &  $\frac{AB}{AD}$ , hoc est, vti AD ad AC. Quæ autem obiecta AB & FE sub eodem angulo optico ADB videntur, habent magnitudines distantis suis proportionales. Sunt enim triangula DAB, DFE, similia; & hinc  $AB : FE = DA : DF$ .

89.

Fieri etiam potest vt duæ rectæ inæquales quomodocunque AB & BC, sub aspectum cadant tanquam æquales; si in directum illæ fuerint sitæ. Infinitis modis solvi potest problema hoc, quod vnico tantum aliqui Auctores soluunt. Nempe, cum quauis multipla ipsius AB, ex A describe arculum apud O; hunc ex C interfeca cum quauis æquemultipla ipsius BC in O, erit O punctum quæsitum. Quia enim sic est  $AO : CO = AB : BC$ ; erit angulus AOC bisectus.

Fig.  
31.

Etus per OB, per *Euclidis prop. 3, elem. VI*, vnde AB & BC inæquales, aspicientur ex O sub duobus angulis opticis æqualibus, hoc est, apparebunt æquales.

90.

**Fig.** Subtensa AB eadem aliqua circuli cuius-  
 84. dam, ab omnibus peripheriæ punctis C, D, E, eiusdem magnitudinis apparentis conspicitur. Sunt enim singuli anguli ACB, ADB, AEB, & reliqui omnes, in eodem segmento ACDEB, ergo æquales, per *Euclidis prop. 21, elem. III*, vnde idem obiectum AB sub eadem magnitudine apparente conspicitur. Hinc etiam in spectaculis comicis commode subtensa actoribus præ scena, arcus autem spectatoribus pro theatro, accommodatur.

91.

**Fig.** Si oculus O positus sit intra parallelas AE,  
 83. BD, hæc in longinquo conuergere ipsi videbuntur. Distantiæ enim parallelarum, reuera eædem, AB, ED, oculo in O apparent sub magnitudinibus apparentibus AOB, EOD, quarum hæc minor fit, quo longius parallelæ producuntur; ergo distantiæ remotiores apparent oculo minores, adeoque parallelæ videntur conuergere. Et si longitudo parallelarum sit tanta, vt angulus DOE maior non sit quam  $1''$ , abibit DE in punctum, (86.) & parallelæ videbuntur



sur plane coire ob extremam longitudinem, per hanc fallaciam opticam. Hinc fit ut spicae agrorum longius remotæ densiores appareant positæ, quam viciniore; intervalla enim earum sub minori angulo optico cernuntur, quam harum. Est hæc iam *Euclidis propositio 6, Perspectivæ*. Atque si linearum  $AE$ ,  $BD$ , oculo  $O$  debeat apparere parallelismus, requiritur ut rectarum loco adhibeantur duo arcus Hyperbolici similes & æquales, sed diuergentes.

92.

Ita planities etiam  $ABCD$ , oculo alius in  $C$  posito, extrema versus apparebit eleuatio-  
Fig. 34.  
 rior. Nam radius  $DO$  eodem modo oculum afficit, ac si ex  $E$  veniret, quia oculus iudicare non potest distantiam  $OD$  longiorem esse quam  $OC$ . Cum ergo  $D$  videatur in  $E$ ,  $C$  in  $F$ ,  $B$  in  $G$ , atque hoc in singulis reliquis punctis ita accadat: apparet, superficiem planam videri tanquam incuruatam  $AGFE$ , & extrema versus altiore. Hinc mare ad litora stantibus in extremis videtur eleuatum; atque hinc etiam vocari solet: *altum*; quamvis reuera sit horizontale. Ex eadem ratione fluit quoque hoc: altitudinum maiorum, veluti turrium excelsarum, partes superiores, ex pari fraude Optica, debere videri inclinatas antrorsum.

Amplitudo tota anguli optici, sub qua altitudo, vel distantia, aliqua in oculos incidere potest, continetur intra angulum rectum. Nam in linea infinita  $AZ$ , cui oculus  $O$  perpendicularis imminet, capiat<sup>ur</sup> portio quantumvis magna  $AB$ , quam angulus opticus  $AOB$  comprehendit, qui minor erit recto, ob rectum ad  $A$ . Ergo, quæ vno obtutu oculus colligere potest, intra ambitum anguli recti continentur; aut, omnium angulorum opticorum maior dari non potest, quam rectus; neque imago in retina maior quam qualis ex hoc enascitur; unde etiam intelligitur, quare obiectum magnum & propinquum vno obtutu conspici nequeat. Probatur idem etiam experimento, si in plano horizontali delineetur angulus rectus  $AOB$ , is bisecetur per  $OC$ , atque in punctis indicatis paxilli recti infigantur, & verticales. Nam si oculum admoueas ad  $O$ , vt bacilli  $O$  &  $C$  se tegant: nullum extra crura anguli recti positum obiectum in oculum incurrere obseruabis.

Intueatur vnus oculus sphaeram; non poterit maiorem huius portionem visui includere, quam quæ determinatur tangente  $OA$ . Videt igitur oculus in  $O$  partem hemisphaerii

hemisphaerii superioris, quæ definitur angulo  $ACB$ , & inferioris tantundem; hoc est, illam totius sphaeræ portionem, quam indicat angulus  $2ACB$ . Sed ob rectum ad  $A$ , angulus  $ACB$  semper recto minor, & consequenter  $2ACB$  hemisphaerio minor; oculus igitur hemisphaerium integrum nunquam conspicit, nisi sit in distantiam infinitam a sphaera locatus. Quo magis autem oculus remouetur a sphaera, eo minor fit angulus  $O$ , & eo maior angulus  $ACB$ , &  $2ACB$ ; hinc eo maiorem sphaeræ portionem oculus obtutu comprehendit, quo longius ab illa distat. Est hoc iterum *Euclidis, Perspect. prop. 23*. Aliter autem se res habet, cum ambobus oculis sphaeram visu haurimus. Haud difficulter enim colligitur, quando diameter sphaeræ distantiae oculorum est æqualis, tum nos contuituros esse præcise dimidium sphaeræ; plus autem, si distantia oculorum sit maior, minus vero, si hæc sit minor, diametro sphaeræ. Vid. iterum *Euclides, l. c. prop. 25*.

## 95.

Si linea recta centro pupillæ in directum posita sit: tum illa non aliter oculo apparebit ac punctum vnicum. Nihil enim, præter punctum oculo obuersum, adest, quod radios in hunc spargere possit. Ita etiam superficies recta, & corpus, illa oculo  
in

in directum posita, hoc secundum vnicam sui hedram oculo obuersum, apparere debent ex eadem ratione oculo vti linea recta, ac vti superficies. Et pariter arcus qualiscunque iterum veluti recta; sphæra, vti circulus; corpora etiam angulosa e longinquo visa rotunda videntur; cum anguli in magna distantia visi euanescent. (86.)

96.

**Fig.** Incidat imago solis AB per foramen rotundum IL, ad planum DC, in camera obscura axi solis NM perpendicularare; formabitur in hoc plano a radiis extremis ALC, BID, imago rotunda, lucida, DC, sed dilutior, & minoris intensitatis, in extremis D & C, viuacior autem in medio circa M, quia nimirum ad confinia D & C non omnes e sole radii pertingere possunt; veluti radius ex *p* pertingit solum ad *q*, & sic reliqui etiam. Per medium foraminis K ducantur radii prioribus paralleli GKb, & HKa; quoniam igitur AC & aH sunt paralleli: censebimus emanare ex eodem solis puncto A; atque ita quoque BD & bG. (86.)

Iam vero in spatium GH ex quouis omnino solis puncto radii perueniunt, per centrum foraminis K, adeoque illustrius hoc est, & veram solis imaginem continet. Quæritur itaque, quid pro utroque spatio DG, CH, subtrahendum sit toti diametro DC, ut habeat

habeatur sola diameter imaginis solaris  $GH$ . Illud autem spatium annulare, latitudinis  $DG$  &  $CH$ , veram solis imaginem ambiens, quia umbræ quid continet in se, & ex hoc ipso constat luce dilutiore, vocatur *Penumbra* imaginis solaris. Quoniam ergo per construct. est  $DG = IK$ , &  $CH = LK$ ;  $IK$  autem  $= LK$ ; patet, esse diametrum imaginis solis sine penumbra  $GH = DC - DG - CH = DC - IK - LK = DC - 2IK = DC - IL$ ; a diametro igitur integra solis & penumbrae observata  $DC$ , subtrahenda erit diameter foraminis, ut ita relinquatur sola  $GH$ . Est ergo deinde angulus  $GKH$ , ortus ex bisectione radiorum in ipso foraminis centro  $K$ , & æqualis angulo  $AKB$ , ipsa diameter solis apparens, quæ ex captis mensura, recta  $MH = \frac{1}{2} GH$ , &  $KM$ , ob angulum rectum in  $M$ , inuenitur per Trigonometriam planam, inferendo, uti  $KM$  ad  $MH$ , ita sinus totus ad tangentem anguli  $MKH$ , cuius duplum dabit quæsitam diametrum apparentem solis pro eo tempore, Vid. *Manfredii Gnomon merid. Bonon. pag. 8.* Foramen igitur tale veram solis imaginem immediate non commonstrat, nisi sit infinite paruum.

97.

Omne punctum lucidum  $A$  radiat in pupillam  $BC$  per conum luminosum,  $ABC$ , Fig. 39.  
cuius

eius vertex A, & basis pupilla. Quia enim ex puncto A ad quoduis pupillæ punctum licet ducere radium rectum: & hæc circularis est, patet assertum; & ille quidem horum radiorum, qui per centrum pupillæ transit AD, dicitur *Axis opticus*. Concluditur hinc, visibilia remota apparere obscura, nec bene distincta; quia nempe quodlibet eorum punctum radios emittit diuergentes, qui pro duplicata ratione distantiae debilitantur; (85.) vnde etiam pictores, remota indicaturi, illa obscurius & indistincte depingunt. Ex hac eadem ratione fallaciæ etiam visus oriuntur sequentes, vt nempe conclauiæ parietibus dealbatis vestita, agri & montes niue tecti, minores appareant; corpora, sub crepusculum obscuriora, remotiora credantur; vt flammæ noctu visæ propiores videantur quam reuera sunt.

98.

**Fig.** Si punctum luminosum A radiet per foramen angulare BCD, tum figura luminis, bcd, in plano foramini parallelo excepta, similis erit figuræ foraminis; ex transitu enim lucis per singulos foraminis angulos oritur corpus lucidum pyramidale, de quo ex Geometria constat, omnes sectiones eius inter se parallelas esse sibi similes.

99.

Quo lumen solis, per foramen CDE quodcunque transmissum, remotius a foramine, plano huic parallelo, excipitur: eo magis ad circulum accedet. Testatur hoc experientia quotidiana; videmus enim lumen solis per rimulas quascunque, per hiatus inter arborum folia, transmissum efformari in circulum, cuius phaenomeni quaeritur ratio. Haec nulla alia est, quam quia sol ipse circularis est. Hinc enim radii a sole AB illapsi in foraminis, ex. gr. triangularis, punctum C, formant conum ACB a sole, atque alium oppositum aCb. Punctum E ita format conum a sole AEB, cum opposito cEd; & similiter punctum D illum ADB; & hunc eDf. Iam vero patet, si prope foramen sectio horum conorum oppositorum fiat, foramini parallela, tum fere prodituros esse vertices eorum, vel exigui admodum circelli, qui figuram aperturae referent. Sin vero longius a foramine talis sectio absolvatur: tum, orituros esse circulos multo maiores, aequales, sese interfecantes, quorum extremi arcus ab vna figura circulari eo minus recedent, quo magis sectio distat a fenestra; praesertim si accedant adhuc sectiones circulares ex punctis intermediis  $\alpha$ ,  $\beta$ ,  $\gamma$ , factae, vti ex delineatione patescit, qua eiusmodi circuli, aequales  
sed

ſed maiores, in plano quodam deſcribuntur, in quo ipſo etiam iacet triangulum  $CED$ , cuius ſingula puncta illis totidem centra ſubminiſtrant.

100.

Ad omnem puncti phyſici perfectam viſionem requiritur, vt illud exiſtat in vtriusque axis optici concurſu. Probatur hoc experientia, cum ſcripturas legimus; licet enim totam intueamur paginam ſimul, nihil tamen eius non confuſe percipimus, exceptis aliquot tantum ſyllabis, quas diſtincte videmus in ſucceſſione aliqua, cum per oculorum motum eas continuo in concurſum axium opticorum collocamus. Deinde, ſi viſibile quod eſt in concurſu axis vtriusque optici, tum illud in punctum medium retinæ vtriusque, adeoque in vtrumque nervum opticum ipſum immediate, operatur, huncque perfectius afficit. Porro, quicquid perpendiculariter, aut fere ita, motu ſuo agit: illud fortius agit obliquo. (P. I, 115.) Denique, obiectum illuſtre perpendiculariter incidens in lentem conuexam, qualis eſt humor cryſtallinus, perfectiſſime depingitur pone illam; oblique autem incidens confuſiſſime. Hinc fit, vt oculo magnam rerum multitudinem videamus, iſque habeat campum ampliſſimum, ad res videntas clare tantum ſed confuſe & indiſtincte; valde



valde autem paruum & arctum est illud spatium, quo in tanto campo frui licet ad visionem exercendam distinctam. Illud autem superuacaneum tamen non est, sed summe necessarium erat, ut ne, quæ distincte contemplari & debemus & volumus, nimis diu & laboriose sint quaerenda. Hic autem axium concursus in oculo valente multum extendi voluntarie potest, a dimidio nempe circiter ad centum & mille pedes. Atque ita etiam si ambobus oculis sanis punctum aliquod aspiciamus, distantia ipsius ab oculorum utroque, h. e. ipsius locus, aestimatur secundum contorsionem axium utriusque oculi, iudice *Iac. Gregorio*, *Opt. promota pag. 39.* Sunt enim bini dati oculi animantibus, non in compensationem alterius amissi, cum natura nihil iacturae destinet, sed ad distantias rerum notandas, ex sensu contortionis oculorum. *Keplerus Paralip. in Vitell. p. m. 159.*

101.

Quoniam vero ipse hic axium opticorum concursus merum est punctum: nihil contueri distincte possemus praeter punctum unicum, nisi radii extra axes, angusto tamen admodum interuallo ab his distantes, ab axibus iuuarentur quasi, adeoque his fere æquipollerent. Hinc Optici, per concursum axium opticorum, pro arbitrio no-

P. III,

H

stro

fito determinandum, ducunt lineam rectam, oculis parallelam, quæ ipsis vocatur *Horopter*, hoc est, limes, aut terminus, distinctæ visionis; tum prope huius concursus punctum accipiunt hinc & inde spatiola valde parua, radios in oculum emittentia, qui cum axe fere coincidunt, spatiolum tamen arctum aliquod finitæ magnitudinis efficiunt distincte videndum, atque dein axiomatis loco pronunciant: quicquid in retina depingitur, eius nihil distincte videri, nisi quod fuerit in illa intersectione, quam format horopter cum recta ex retinæ puncto per centrum crystallinieducta.

102.

Fig. 42. Ita si oculi vtriusque ducantur axes optici DA, EA, concurrentes in A, & per A recta BC oculis parallela, erit hæc BC horopter huius visionis. Ac parallelus quidem horopter oculis ducitur, vt is horum vtrumque æqua fortitudine, & vtrinque etiam similiter, afficiat. In parua ab A distantia radiet punctum *a* in oculum, quod quidem hac radiatione sua conum efficiet supra pupillam, (97.) qui refractionibus post pupillam contrahetur in focum *a*; ob vicinitatem vero cum axe EA, *a* determinabitur etiam, ducendo solam rectam *aa*, per centrum crystallini transeuntem. Si nunc quæstio sit, vbinam oculus punctum *a* impres-

sum

sum extra se videat? respondetur, id ibi fieri, vbi formatur intersectio horopteris cum recta, ex retinae puncto  $a$  per centrum crystallini ducta, hoc est in  $a$ . Si igitur horoptere in  $A$  iam determinato, obiectum in loco intermedio  $G$  extra horopterem statuatur, quod depingatur in retina per  $\beta$  &  $\delta$ , illud oculus dexter videbit in  $B$ , sinister autem in  $C$ , per axioma præcedens; (101.) duplex igitur hæc visio erit, sed confusa etiam, quia hi radii non iuuantur ab axibus, nimis nimirum remotis. Quod experimentum facile captu est, si, amborum oculorum obtutu in obiectum remotum defixo, stilum tenuem e regione nasi oculis interponas, quem tum duplicem, sed confusum, videbis. Vel sint etiam duæ candelæ,  $C$ ,  $B$ , quæ a charta perforata  $G$ , tribus pedibus distent, & ambo oculi sint in  $D$  &  $E$ , qui simul visuri candelas foramen  $G$  duplex conspicient. Pater hinc etiam, cur oculus res, quas distincte videt, non duplices, sed vnica tantum videat, quia scilicet eas videt, non in duplici, sed in vnico, loco, nempe in concursu axium; sed interim tamen duplex imago ad cerebrum affertur ex vnico loco, quid hic consilii? (83.) Pater porro vtrumque oculum concurrere ad visionem distinctam, neque alterutrum eorundem ferre semper otari, vt ad eius operationem nullo modo attendamus, quæ *Cassendi*, di-

citur fuisse sententia, in *Decales Mandt Math. Tomo III. Opt. p. 411, & p. 442*, vbi docetur horopterem per instrumentum exprimendi modus.

103.

Oculus in tenebris constitutus flammam, facis ex. gr. accensæ, e longinquo visam, maiorem putat, quam reuera est, & rotundam. Longe enim a flamma remotus nequit distinguere flammam ipsam a splendore, in aëre exorto, & flammæ circumfuso, adeoque hunc flammæ ipsi inscius adiicit, & consequenter flammam maiorem esse putat, quam reuera, pro suo angulo optico, appareret; rotundam esse putat, quod aër illuminatus formam sphaericam assumit, ac si a puncto lucido illuminaretur; nisi flamma teneat figuram valde oblongam. Candela noctu, depressis paululum palpebris visa, apparet radios lucidos proiicere; cuius causa in superciliis sita est; horum enim pili politi, speculorum cylindricorum more efficiunt illam coruscatam repercussionem. *Hainl. Opt. p. m. 734.*

104.

Motum sequentibus modis videre possumus. *Primo*, si oculo immoto diuersæ partes retinæ successiue ab eodem obiecto afficiantur, vti ex. gr. muscam volantem video; ac vti nauigantibus litora moueri videntur, quia nauem putant quiescere reuera, dum  
nul-

nullum impetum ea facit, & res in ea omnes rélatiue quiescunt. (P. I, 65.) *Secundo*, si pro obiecto distincte cognoscendo opus sit motu oculorum; *tertio*, si motis nobis ipsis obiectum quoddam situm erga nos suum non mutet; veluti dum luna nobiscum, aut sol, ambulare, progredi, regredi, videtur; *quarto*, si quoddam diuersis successiue partibus corporis alicuius immobili respondere videamus, veluti vmbra in luna aut sole moueri intelligimus, aut indicem in horologio; *quinto*, si corpus quod successiue sub maiori aut minori angulo optico percipiamus. Motum autem per se, & immediate, nec videri posse, nec esse obiectum oculi, ex eo patet, quia, cum locus non sit visibilis, nec etiam mutatio loci talis esse queat.

105.

Quæ velocissime mouentur, nisi fuerint valde lucida, nullo modo videntur. Constat etenim experientia, bombardarum globos, si transuersim spectentur, plane non videri; si autem spectentur secundum lineam in qua mouentur, videbuntur quamdiu eadem oculi parti respondent. Illud autem fit, quia per reflexionem lucis in oculum factam videri deberent; at vero in corpore celerrime moto cessat talis reflexio antequam ad oculum vsque protendatur, cum amoto globo tollatur reflexio, consequenter nulla fiat visio.

106.

Quæ celerrime feruntur, si videantur, totum, per quod feruntur, spatium complere videntur. Multis hoc confirmari potest experimentis. Chordæ tensæ, vehementiori-  
que impulsu celerrime vibratæ, totum spatium, ad quod se extendunt, vibrationibus occupare videntur. Accensus titio in orbem agitatus integrum circulum lucidum absoluit. Fulgur dimidium sæpe cælum occupat, cum tamen simul in eo spatio non reperiatur. Hæc omnia & similia explicantur ex eo, quoniam imago obiecti retinæ impressa non obliteratur in instanti, sed aliquamdiu perseverat; quodsi igitur ea tamdiu persistat, donec corpus in circulo motum ad prius punctum redierit, ut iam novam impressionem faciat, & modo ante factam redintegret, hocque accadat in singulis circuli punctis; tum certe integrum circulum lucidum videre debemus; aut si in linea recta moueatur corpus valde lucidum, atque a singulis punctis factæ impressiones aliquo tempore perdurent, quo corpus celerrime motum insignem aliquam viam absoluit, tum corpus lucidum videbitur totum hunc tramitem descripsisse.

107.

Fig. Si duo obiecta A & B, inæqualiter ab oculo  
43. O immoto remota, primo in « conjuncta videantur

deantur, deinde vero inæqualibus celeritatibus moueantur in rectis AC, BD, determinare illud, quod in hoc motu apparens sit futurum. Sit celeritas A talis, ut in minuro secundo percurrat  $a$  pedes, B autem  $b$  pedes: (P. I, 81.) Post tempus ergo  $m$  secundorum erit A in C, ut sit  $AC = ma$ , & B in D, ut si  $BD = mb$ ; reducamus iam motum hunc utrumque ad spatium aliquod commune  $\alpha\beta$ , cuius distantia ab oculo O sit pro lubitu assumpta  $= r$ , sintque distantiae veræ ab oculo  $OA = r$ ,  $OB = R$ ; atque erit in triangulis similibus OAC & O $\alpha\beta$ ,  $r : ma = 1 : \alpha\beta = \frac{ma}{r}$ ; & pariter  $R : mb = 1 : \alpha\gamma = \frac{mb}{R}$ ; igitur post  $m$  tempus A apparebit oculo in  $\beta$ , B autem in  $\gamma$ , in distantibus  $\alpha\beta$ ,  $\alpha\gamma$ , allegatis; & in hac figura quidem post  $m$  tempus globus remotior B præcedet viciniorem A via  $\beta\gamma = \alpha\gamma - \alpha\beta = \frac{m(br - aR)}{Rr}$ ; eritque celeritas apparens remoti B ad celeritatem vicini A  $= \alpha\gamma : \alpha\beta = \frac{b}{R} : \frac{a}{r}$ , scilicet ut spatia apparentia eodem tempore  $m$  percurfa.

108.

Videamus nunc varios casus, quibus hoc problema potest accommodari. *Primo*, si celeritates utriusque corporis fuerint æquales, erit  $a = b$ , adeoque post  $m$  tempus remotior

H 4

globus

globus præcedet viciniorem quantitatem  $\frac{ma(r-R)}{Rr}$ , hoc est, quantitate negativa, ob  $r < R$ ; adeoque remotius pone sequetur, & tardius moueri videbitur; eruntque celeritates apparentes remoti & vicini inter se uti  $r$  ad  $R$ . *Secundo*, si celeritates fuerint distantis proportionales, erit  $a : r = b : R$ , adeoque  $br = aR$ ; consequenter globus remotior præcedet viciniorem quantitate nulla, hoc est, corpora manebunt coniuncta, & eadem celeritate apparenti videbuntur moveri. Si fuerit *tertio*,  $r = 1$ ,  $R = 9$ ,  $a = 3$ ,  $b = 1$ , erunt celeritates apparentes remoti & vicini,  $= \frac{1}{9} : 3 = 1 : 27$ . Simili methodo facile deduci potest, si obiectum aliquod sit immotum, sed oculus mobilis, illud post momentum huic regressum apparituum esse.

109.

Corpus *Opacum* est, quod nec ipsum per se lucem emittit, nec etiam transitum lucis radiis permittit. Causa autem, ob quam corpora quædam talia sunt, non est inopia pororum, vndique in lineis rectis apertorum; sed, vel inæqualis partium densitas, vel pori aut vacui, aut aliena materia repleti, quibus fit, ut radii luminis inter transeundum innumeris reflexionibus & refractionibus, propter inæqualem attractionem, in ipso corpore perpetuo detorqueantur, donec



nec tandem in ipsas corporis partes incidunt, & penitus restinguantur. Vid. *Clarkius*, annotat. ad *Physicam Rohaulti*, P. I, cap. 27, p. 180. Vnde si interruptio partium repleatur materia aliqua, quæ partibus ipsis par sit, aut non multum inferior, densitate: corpora opaca pellucere incipiunt, uti charta, linteum, oleo aut aqua illita; vitrum vero in pulverem redactum, aut aqua ipsa in multas bullulas coacta, ex pellucidis fiunt opaca.

## 110.

Cum igitur, uti silentium soni, ita etiam *Umbra* sit lucis, priuatio, ob interpositum corpus opacum; eaque vel priuatio totalis, uti sunt tenebræ densissimæ, vel umbra mera; aut partialis, qualis umbra non est nisi lux debilitata, quæ videri adhuc potest, veluti si globus vitreus aqua repletus, soli oppositus umbram tenuem proiicit; cum tenebræ meræ, quia nihil lucis emittunt, videri plane non possint: patet, quodlibet corpus opacum post se in partes luci oppositas, proiicere umbram, in directum positam cum radiis, a quibus illuminatur; quia nempe in has partes a lucido nulli pertingere possunt radii. Ingeniose autem docuit *Keplerus*, *Dioptr. prop. 14*, umbras contra solem proiicere, ope quidem corporis pellucidi, nempe cubi crystallini. In tali

H 5

enim

enim sit apud B, in superficie cubi, corpusculum opacum B; radii igitur oblique incidentes, & umbram extrinsecus ambientes, incident iuxta AB, refringentur in C, atque ibi maximam partem reflectentur in D, ubi, post novam refractionem, umbram terminabunt in directione DE, quæ contra solem in A positum progreditur. Pronum quoque est intelligere, omne opacum tot habere umbras, quot adfunt lucida illud illuminantia; umbramque esse intensiorem, si lumen fuerit intensius. Insuper adhuc umbra sphaeræ opacæ, quæ lucidæ exposita est, erit cylindrica, si hæc illi æqualis, conica, si hæc maior, & calathiformis erit, aut coni truncati formam referens, si hæc fuerit minor. Cæterum umbra non mouetur, nam in priuationem motus non cadit; videtur autem moveri moto vel lumine, vel opaco.

## III,

Fig. 45. Sphaera opaca T minor exposita sit sphaeræ luminosæ maiori S, in distantia centrorum ST; quæritur illius arcus illuminatus BIF, & huius arcus illuminans AHE. Problema hoc exemplo particulari maiori luce perfundetur; ponamus ergo T esse terram, S vero solem. *Primo* manifestum est, radios vtrinque illuminantes ultimos E F & AB, esse vtriusque globi tangentes; ex punctis contactuum ducantur ergo radii SA, TB, qui

qui cum AB in A & B rectos efficient; tum sit quoque GD parallela ipsi AB; atque erunt quoque D, & KTB, recti. *Secundo* igitur in triangulo rectangulo SDT, fiat, vti ST ad sinum totum, ita SD, quæ est differentia radiorum vtriusque globi, ad sinum ang. ITK. Est autem, pro parallaxi solis horizontali 10'', distantia solis a terra ST = 20626 semidiam. terrestr. & semidiameter terræ ad semidiametrum solis vti 109 ad 10000, vid. *Grauesande Phys. Elem. Mathem. p. 1013*; hoc est, vti 1 ad 92; sin igitur fuerit radius terræ = 1, erit radius solis = 92, & differentia radiorum SD = 91. Erit igitur

log. ST - - -	4. 3144150
log. sin. tot. -	10. 0000000
log. SD. - - -	1. 9590414

---

11. 9590414

---

log. sin. KTI - 7. 6446264

cui respondent in Tabulis  $0^{\circ} 15' 13''$ , vt adeo angulus complementi DSH =  $89^{\circ} 44' 47''$ . cuius mensura arcus AH, & huius duplum AHE, arcus illuminans, =  $179^{\circ} 29' 34''$ . Idem angulus KTI addatur ad rectum KTB, prodibit angulus ITB, vel arcus BI =  $90^{\circ} 15' 13''$ , cuius duplum BIF erit arcus illuminatus  $180^{\circ} 30' 26''$ ; in hoc ergo casu pars illuminans solis minor est hemisphæ.

hemisphærio solis, & pars illuminata terræ maior est hemisphærio terræ. Ex qua solutione simul patescit, si sphæræ fuerint æquales, fore & partem illuminantem & illuminatam æquales; si vero sphæra illuminans sit minor, tum eius partem illuminantem maiorem esse ipsius hemisphærio, & illuminatæ minorem suo hemisphærio.

112.

Ex eadem delineatione perspicui quoque facile potest, quomodo ex iisdem datis longitudo vmbre veræ TC a centro sphæræ opacæ, five etiam axis coni huius vmbrosi GC, inueniri debeat. Instituaturs enim analogia, vti DS, differentia semidiametrorum, ad ST, distantiam centrorum, ita BT semidiameter sphæræ opacæ, ad TC;

log. DS — — 1. 9590414

log. ST — — 4. 3144150

log. TC — — 2. 3553736

cui respondent in tabulis  $226\frac{66}{100}$  semid. terrestres pro distantia apicis C vmbre terrestris a centro terræ T. Quodsi vero axis solis vmbre GC requiratur, ex angulo TBG = ITK computanda est recta TG, eaque ab inuenta TC auferenda.

113.

Vmbre porro auxilio altitudinem solis supra horizontem in tabula horizontali reperire

perire possumus, cui stilus verticaliter est infixus. Instituatur enim sola hæc analogia, uti longitudo umbræ est ad altitudinem stili, ita sinus totus est ad tangentem altitudinis solis supra horizontem. Possumus etiam ex ædificii, turris, vel alterius obiecti eleuati, umbra in planiciem proiecta metiri eiusdem altitudinem; si in eadem planicie erigamus stilum arbitrariæ magnitudinis, huiusque umbram longitudine capiamus. Erit enim sic, uti longitudo umbræ stili ad altitudinem huius, ita longitudo umbræ obiecti ad huius pariter altitudinem, ob triangula utrinque similia; & hac ratione quidem *Thales* iam apud *Ægyptios* pyramidum altitudines ex umbra earum est dimensus; *Laërt. lib. I.* Quod idem etiam problema *Euclides*, & quomodo pariter, sine sole, ope speculi altitudo quædam cognosci possit, suæ *Perspectivæ* siue *Opticæ* inseruit, *Theorem. 18 & 19.* Manifestum autem hinc esse potest, quod, sole supra horizontem gradibus 45 eleuato, umbræ obiectorum omnium obiectis ipsis suis sint æquales; & quod sole occasum versus inclinante, aut ab ortu parum remoto, umbræ sint longiores, crescentes ibi, hic decrecentes, unde vesperi semper, secundum *Virgilium*, maioresque cadunt altis de montibus umbræ. Tandem quoque, ob ipsos hos usus umbræ *Geodæticos*, umbra diuidi solet in *rectam* & *versam*; illa est, quæ  
 fit

fit in plano horizontali, ab obiecto verticaliter erecto, quales sunt hominis stantis, arboris, turris, montis; hæc vero, quæ fit in plano verticali, ab obiecto horizontaliter posito, vti brachii ab homine extendi, stili muro horizontaliter infixi.

## 114.

In camera obscura ponamus res propinquas distincte super charta repræsentari, vt nihil desit; iam vero si res etiam remotæ debeant recte exhiberi: mutatio necessario est instituenda aut chartæ, aut lentis; illa enim propius ad lentem debet admoueri manente lente; aut hæc debet vel planior reddi, vel ad chartam accedere, manente charta. Vnde mutationem contrariam inducendam esse aut chartæ, aut lenti, patet, si rebus longinquis iam nitide depictis, de rebus propinquis idem etiam desideretur; quorum vtrumque experientia æque certa ac facili constat. Cum igitur oculus camera obscura sit perfectissima, (81.) in quo retina chartæ, humor crystallinus autem lentis, vices gerit: euident est, si res propinquæ in retina depingantur eximie, hoc est, oculus res vicinas rectissime videat, commutationem oculi pariter requiri, vt longinqui quid recte is contueatur. Hæc commutatio ergo referenda erit aut ad retinam, aut ad humorem crystallinum.

115.

Si referatur ad retinam, hæc modò accedere debet ad humorem crySTALLINUM, modò ab hoc recedere, prouti distantia obiectorum hoc vel illud exigit, quod non fieri posset aliter, quam ut totius oculi figura mutaretur. Hoc autem minus probabile esse putant ex eo, quia in reliquis animalibus mutatio hæc similiter se habere deberet, in balæna autem sclerotica nimis dura sit, quam ut variationi posset esse obnoxia; nec deinde muscoli ad hoc perficiendum adsunt, nec etiam vnquam tantam conciliare oculo liceret contractionem, aut prolongationem, quæ requiritur ad visionem distinctam in distantius aliquot pollicum & centum pedum, in quibus homines nonnulli eodem acumine vident, duplicanda enim fere sic esset oculi longitudo. Vid. *Grauesande Phys. Elem. Math. p. 803.*

116.

Supereſt igitur ut neceſſaria hæc oculi mutatio peragatur in humore crySTALLINO ſolo, & dupliciter quidem. Requiritur quippe, ut hæc lens naturalis aut planior poſſit reddi, & contuexior; aut vero ad retinam adduci, vel ab ea abduci; hoc eſt, ut ea vel translatione in oculo, vel mutatione ſuæ figuræ, deſideratum effectum præſtet obiecta remota æque ac propinqua  
diſtincto

distincte videndi; vtrumque autem a ligaminum ciliarium opera effici posse, ostenditur *l. c. p. 804*. Sed & vtrumque aliquando requiritur, dum nempe retina quandoque figura sua compensare debet, quod translatione nequit. Vid. *Musschenbr. Institut. Phys. §. 1211*. Omnis igitur mutatio in oculo fit aut amplificatione vel coarctatione pupillæ; aut in figura humoris crystallini, aut in eiusdem accessu vel recessu respectu retinæ.

## 117.

Ponamus nunc oculum myopis; is vicina distincte, remota confuse, videbit. (84.) Intueatur ergo hic obiectum vicinum omnino nitore, tum vero cupiat perspicere obiectum remotum: requiretur, vt humor crystallinus vel planior reddatur, vel ad retinam propius accedat; vel vtrumque simul concurrat; (114.) quæ autem cum fieri nequeant in tali oculo: is remota omnia videbit confuse & intricate. Oritur itaque hoc vitium ab eo, quod humor crystallinus nimis remotus est a retina, nec figuram suam sufficienter potest complanare, aut situm propiorem a retina assumere. Iuuabitur autem myops lente concaua oculo admota, quod partim experientia quotidiana ostendit, partim etiam oculus artificialis *opticus* (79.) commodè demonstrat; docente *Dechales*,  
*Munda*



*Mundi Mathem. p. 390. seqq.* idem quoque melius videbit remota, si respiciat per exiguum foramen; chartam acicula perforatam; aut palpebris tantum semiapertis. Hinc etiam oritur, ut myopes in luce debiliore legere possint literas, quam presbytæ; propiora enim lucem oculis reddunt magis intensam quam remotiora. (85.)

118.

Consideremus nunc oculum presbytæ, in vicina confuse, remota distincte videt. (84.) Intueatur ergo hic obiectum remotum exactissime, tum vero cupiat perspicere obiectum propinquum: requiretur, ut humor crystallinus vel conuexior reddatur, vel a retina longius recedat, vel utrumque simul concurrat. (114.) Quæ autem cum fieri nequeant in tali oculo: is vicina omnia videbit confuse & intricate. Oritur itaque hoc vitium ab eo, quod humor crystallinus nimis vicinus est retinæ, nec figuram suam sufficienter potest rotundare, aut situm remotiorem a retina assumere. Iuuabitur autem presbyta lente conuexa oculo admota, quod partim iterum experientia quotidiana ostendit, partim etiam oculus artificialis *opticus* (79.) commode demonstrat; eidem aliquid quoque adiumenti affert, si per foramen tenue obiecta vicina aspiciat. Ob rationem antea allatam (117.) presbytæ luce fortiori ad recte videndum opus habent.

Fig. 46. Adiiciamus his adhuc sequentia ; problema *primum*. Data sit turris AF , & in aliqua ab hac distantia hortus , cuius latitudo sit CD ; quæritur , ex quonam puncto huius turris aspici debeat hortus hic , vt ex eo appareat latissimus , quantum fieri quidem potest. Producat DA in directum ad E , vt fiat  $AE = AC$  ; tum diametro ED describatur semicirculus , qui turrim secabit in puncto quæsito B. Ex hoc enim angulus opticus CBD , eductus in extrema horti , maior erit quouis alio , qui ex alio turris puncto gigneretur , veluti CGD. Vid. *Acta Erud. Lips.* 1709 , pag. 465. Deinde duplex experimentum : signentur in tabula nigra tres circelli albi , horizontaliter siti , ad altitudinem oculorum , & distantes inter se , quilibet ab alio , circiter integrum pedem. Respiciatur propius , sed vnico tantum oculo , primus , ita vt oculus in hunc intendat , atque hic sit in axe optico ; videbuntur nihilominus reliqui duo circelli , ad dextram positi , licet non ita distincte. Recede iam sensim sensimque , oculum semper defigendo in circellum primum ; accidet fatis cito , vt desinas videre circellum intermedium , licet videas adhuc cum primo tertium ; quod signum est , dari in organo visus aliquam partem , quæ non sit visiva , vel dari aliquam retinæ partem , quæ non sit apta

apra ad videndum, nempe ea, cui inferitur nervus opticus; vti dicit *Dechales* in *Mundi Math. Opt. p. m. 383.* consentiente *Celeberr. Musschenbr. Institut. Physicæ p. 519,* qui addit, imaginem hoc casu in nervi optici medium, quod cauum sit, incidere, vnde nequaquam fibrillarum extremitates afficiantur. Debetur insigne hoc experimentum *Mariotto*; qui illud iam anno 1668 ad *Pecquetum* perscripsit, in *Operum 1717 editorum,* p. m. 498. Idem autem *Dechales* *Mundo suo Mathem.* inseruit primæ editionis, anno 1674. Si acus teneatur proxime ad oculum, & erecta conspiciatur, sed obscura, ponatur charta, cœrulei aut cinerei coloris, foramine exiguo, pili magnitudine, perforata, & fenestram illuminatam versus, aut candelam accensam, directa, parum ultra acum: iam acus apparebit inversa, quod ex motu acus aliquo optime erit diiudicandum; eadem apparebit, extra chartam posita, atque eo maior; quo propius foramini admouetur. Habet hoc experimentum *Fabri*, *Synops. Opt. pag. 25,* atque sic explicat. Objectum illustre AB proiicit in fundum retinæ discum lucidum HL, per foramen tenue C, & crystallinum FG, quid mirum ergo, si discus lucidus appareat? cum autem illustres radii per foraminulum traiectioni in acum DE, corpus opacum, incurrant, quid mirum, si umbra inde in pro-

I 2

iecti

Fig.  
47.

## 132 CAP. III DE MOTV LVCIS

iecti disci lucidi medium proiciatur? & erecta quidem, cum radius BDFL caput aciculæ in L partem superiorem denehat, alter autem in H, partem inferiorem; in retina igitur situs aciculæ erit erectus, ergo videbitur in situ inuerso; videtur autem maior, quasi sub angulo ACB; videtur denique trans foramen C, quia videtur per eosdem radios, per quos apparet obiectum AB; videtur itaque eodem modo, ac si in IK inuersa posita esset; quæ omnia machinula quadam expressit *Eustach. Diuini*, in loco cit.

## C A P V T III.

### DE MOTV LVCIS REFLEXO, SIVE, DE CATOPTRICA

120.

**Q**uid sit *lux reflexa*, vel *radius reflexus*, supra iam fuit indicatum; (75.) immo traditum ibi quoque est, quid sit *Catoptrica*, & quænam sit ipsius Lex generalis, quæ toti huic scientiæ substernit fundamentum. Pauca igitur adhuc explicandæ hie restant definitiones. *Speculum* est omne corpus lævigatum & politum, sed lumini imperuium, quod lucem illapsam ordinate, sine confusione, & in directione aliqua communi, reflectit. Omnia quidem corpora lucem aliquam-

quantum reflectunt, quia alias non viderentur; sed in speculis hæc reflexio fit ordinate, & sub vna eademque directione aliqua communi radiorum. Tale præbet nobis aqua stagnans & quieta, fundo opaco prædita, quæ rusticorum quondam erant specula, secundum illud *Virgilii Ecl. II, v. 25*: Nec sum adeo informis; nuper me in litore vidi, cum placidum ventis staret mare; quod idem præstat aqua pura, ad parvam altitudinem patinæ stannæ, vel alteri laminæ, superfusa, & congelata; vid. *Harsdœrfferi Delic. Mathem. & Phys. P. II, p. 245*. Insignem vero specula tenent antiquitatem; utitur enim illorum similitudine iam *Bias*, vnus septem sapientum, qui 608 annos ante Christum natum vixit, circa tempora *Jeremiæ Prophetæ*, cuius celebratur sententia: contemplare velut in speculo actiones tuas. De iisdem habent varia *Plutarch. de placit. Phil. lib. 4*; *Aristot. Meteor. lib. 3*; *Seneca, Nat. Quest. lib. I, cap. 3*. Originem speculorum *Cicero* refert ad *Æsculapium*, de nat. deor. cap. 3; & *Praxiteles*, ætate *Pompeii M.* primus fecit argentea, *Plin. lib. XXXIII, 9*. Ex ære autem polito videntur facta fuisse specula antiquissima, quorum vsus seculo demum XV fuit relictus, & vitro accommodatus, cui obscurum operculum esset subiectum, quod radiis transitum denegaret. vid. *Journ. des Savans 1719, pag. 141*. Vitrum

I 3

enim

### 134 CAP. III DE MOTV LVcis

enim ad specula esse aptissimum, docent *Isidorus*, *Origin. lib. XVI, cap. 15*, & *Plinius*, *lib. XXXVI, cap. 26*. Ex speculorum igitur superficie varia, oritur etiam varia ipsorum nomenclatura. Hæc enim superficies, si fuerit plana, speculum vocatur *planum*; si convexa, *convexum*, si concaua, *concauum*. Quia autem rarissime deprehenduntur alia, quam quæ sphæricam teneant aut concauitatem, aut conuexitatem: hinc si superficies fuerit sphærica, appellatur speculum *sphæricum*, vel *convexum*, vel *concauum*; si cylindrica, dicitur speculum *cylindricum*; si conica, *conicum*. *Parabolica* denique, *Hyperbolica*, aut *Elliptica*, audiunt illa specula, quæ tales referunt superficies, de quibus vero solliciti heic non erimus.

121.

**Fig.** Ponamus speculum esse convexum *FCG*,  
**48.** atque in illius punctum *C*, a puncto radiante *A*, incidere radium *AC*, erit hic *radius incidens*, vel *linea incidentiæ*; *C* *punctum incidentiæ*; hic radius, quoniam imperuia ipsi est superficies *FCG*, reflectetur secundum rectam *CB*, quæ dicitur, *radius reflexus*, vel *linea reflexionis*. Perpendiculares, *AI*, *BK*, ad speculi perimetrum, dicuntur *Catheti*, illa quidem *AI* *cathetus incidentiæ*, hæc autem *reflexionis*; in punctum incidentiæ vero perpendicularis *HC* quibusdam vocatur *cathetus*

*thetus obliquationis* ; vnde patet , in speculo sphaerico cathetos hasce omnes transire per speculi centrum. Porro dein angulus minimus , quem efficit radius incidens cum speculo plano , aut cum tangente in puncto incidentiae speculum curvilineum , vocatur *angulus incidentiae* , & similiter angulus BCK *angulus reflexionis* ; qui duo anguli semper sibi sunt aequales. Auctores nonnulli etiam angulos , quos incidens & reflexus efficiunt cum catheto obliquationis , appellant *incidentiae* & *reflexionis* ; sunt enim & hi duo inter se aequales , quoniam complementa sunt priorum ad rectum angulum.

122.

Fieri itaque potest , ut radio reflexo videamus obiectum quod , illud ipsum vero radio directo contueri nequeamus. Veluti , si positum sit obiectum in A , oculus existat in O , inter utrumque vero detur paries opacus FG , sed speculum planum iaceat in DCE ; incidet certe magnus radiorum numerus , uti quaquaversum , ita etiam in C , punctum incidentiae iam futurum , a quo reflectentur iidem , sub angulo aequali , in oculum O , adeoque visibile reddent obiectum A , quia similiter , & eodem plane modo , cum intensitate lucis & coloribus suis illud oculo spectandum exhibent , quale illud foret , si immediate radii oculum sub-

Fig.  
49.

intrarent. Videt igitur oculus hoc modo obiectum A per radium reflexum OCA, quod per directum OA efficere nequit, ob interpositum obstaculum opacum FG; quod idem accidit etiam, si obiectum nobis a tergo sit positum. Alii vero radii, ceu AH, HI, obiecti imaginem ad oculum non deferent, quia hi, in punctum aliud incidentiæ H illapsi, sub æqualibus quidem pariter angulis AHE & IHD incidunt & reflectuntur; sed reflexus HI oculum iam præterlabitur, neque eundem afficit. Vnde patet, pro obiecto aliquo A vnicum dari punctum incidentiæ C, ex quo radius reflexus in oculum O pertingat. Hinc si quis cereum accensum per speculum intueatur vno oculo: poterit digiti apice tegere punctum incidentiæ, vt cereus oculo dispareat. Dicitur vero vnicum punctum incidentiæ cum aliqua latitudine. Nam quodlibet punctum radians emittit pyramidem parvam in speculum, cuius vertex est illud ipsum punctum, cuius deinde reflexi diuergentes tot ab oculo capiuntur, quot a pupilla capi possunt; vnde non vnicum punctum sed integram imaginem videmus.

123.

Quomodo lex Reflexionis per experientiam probetur, supra (75.) expositum fuit. Videamus itaque alias demonstrationes a priori



priori petitas. *Prima est Vitellionis, Perspect. prop. 20, lib. V*, petita ex via breuissima; vid. *Tacquet Catoptr. p. 392. Ptolemaeus idem statuit lib. 1, de speculis; & Hero Mechan. v. A. E. 1701. p. 20.* Altera est, & quidem Mechanica, *Cartesii*, ex Principio resolutionis & compositionis motuum desumpta. (P. I, 106.) Effluat ex puncto radianti A radius AC, in superficiem politam, sed imperuiam HCE; conabitur ille in C continuare suam viam per CG, in directum iacentem cum priore AC, celeritate ex. gr. = CG; (P. I, 41.) quod vero cum ipsi denegetur, resoluamus hanc celeritatem in duas collaterales, superficiei speculi perpendicularem CD, & parallelam CE, & absoluto rectangulo CDGE, punctum in C concipi iam potest, ac si moueretur simul directionibus & celeritatibus CD, ac CE. Illa vero consummari nequit, sed retroagetur in directione CF = CD; hæc autem non mutatur: fiet ergo motus secundum diagonalem CB, absoluto rectangulo CFBE; sed hac ratione, ob triangula rectangula similia CBE & GCD, erit angulus ECB = ang. CGD = ang. ECG = verticali angulo ACH; incidens ergo angulus ACH, & reflexus BCE, sunt æquales. Hanc demonstrationem eleganter per pondera expressit *Iob. Bernoulli*, in *Actis Erud. Lips.* 1701, pag. 19. Porro, quoniam omne triangulum in vno eodemque plano existit: per 2, XI,

Fig.  
90.

*Elem.* erit triangulum  $BCA$ , in vno plano; rectæ autem  $CF$  &  $CE$  etiam sunt in eodem aliquo plano, & perpendiculari quidem ad superficiem; & in eodem hoc plano est motus compositus ex vtraque  $CF$  &  $CE$ , nimirum  $CB$ ; ergo planum  $BCA$  est in plano hoc ad speculum perpendiculari, hoc est, in eodem plano, in quo est  $CF$ .

124.

*Tertia* demonstratio desumpta est ex Principio Generali *Illustris Maupertuisii*, *Essay de Cosmologie* pag. 41; Quotiescunque mutatio quædam in natura accidit, toties quantitas actionis, necessariæ ad hanc mutationem, inter omnes possibiles est minima. Est autem quantitas actionis productum ex massa corporis in eiusdem celeritatem, & spatium percursum. Sit igitur puncti ex  $A$  emanantis massula  $m$ , celeritas, quæ æquabilis, vel constans, est  $= c$ , spatium percursum  $AC + CB = s$ ; erit actionis hic impensæ quantitas  $mcs$ , minima omnium possibilium, hoc est, ob constantes  $m$  &  $c$ , & solam  $s$  variabilem, pro alio atque alio puncto incidentiæ  $C$ ,  $mcds = 0$ , vel  $ds = 0$ . Vnde per facilem calculum deducitur sinus anguli  $FCB = \sin$ . anguli  $FCA$ , aut vero  $FCB = FCA$ , vel, quod in idem recidit,  $ECB = HCA$ . Ex consideratione Ellipseos summam huius viæ minimam ingeniose deducit *Hon. Fabry*, *Synops.*

*nops. Opt. pag. 64*; sed omnium facillime ea ita demonstratur. Sint primo anguli  $m$  &  $n$  æquales, & demissa perpendicularis  $BD$  producat in  $F$ , ut sit  $BD = DF$ . Erunt igitur omnes  $BC$  &  $FC$ ;  $BE$  &  $FE$ , inter se æquales. Continuetur iam  $AC$  in  $F$ , erit  $AC + CB = AC + CF = AF$ . Sed est  $AE + EB = AE + EF$ , quæ summa iam maior est quam  $AF$ , per 20, 1, *Elem. Euclidis*. Ex quo clarum est, omnes illos Auctores, qui post *Fermatium* ex idea viæ minimæ legem hanc reflexionis deduxerunt, attigisse tantum casum aliquem particularissimum Principii Generalis *Maupertuisiani*, minime vero penetrasse in eiusdem vniuersalitatem ipsam. Hæc probatio, quamuis ad causas finales, & regnum sapientiæ, sit referenda, (P. I, 12.) quas *Physicæ* expulsas voluit esse *Cartesius*; supponit enim, naturam sibi proposuisse hunc finem, ut in omnibus adhibeat, ad edenda opera sua, actionem minimam: rectissime tamen admittitur hodie, cum natura hic non sumatur *proprie*, sed per *Metonymiam* efficientis, id est, pro Auctore naturæ. Vid. *Tacqueti Catoptr. p. 394*. Fallere autem hanc deductionem in speculō cauo, quod ait *Hon. Fabry, Synops. Opt. p. 65*, plane non sequitur. *Newtonus* autem *Optices lib. II, Part. 3, prop. 8*, multis rationibus grauissimis euincit, lucis reflexionem non attribuendam esse impactioni, aut collisioni, eius

Fig.  
52

Fig. 50. eius cum particulis corporum solidis, sed viribus quibusdam repellentibus, quæ ex politis corporibus emanant, ipsorumque superficie innotant, & extra hanc agunt; ex qua causa rectam CF deducit, quæ æqualis sit rectæ CD, si superficies eadem vi repellat radium, cum qua accessit. Vid. *Gravesandii Institut. Philos. Newt. pag. 241. & Clarkii Annotationes ad Robaulti Physicam, p. 186.* Cæterum patet ex hisce omnibus, radium, qui in speculum perpendiculariter incidit, ipsum etiam in se reflecti.

## 125.

Radii igitur reflexi ope non videmus obiectum radians ipsum, sed eiusdem tantum idolum seu phantasma quoddam, quod vocari solet *objecti imago*, atque est ex definitione *Barrowii, Lect. Opt. p. 4*, lux ab obiectis ipsis reflexa, vel refracta, ita ut rursus in vnum locum, talemque situm recolligatur, qualem tunc obtinuit, quum ab originali proflueret obiecto, directoque oculum versus itinere procederet, quo fit, ut similiter obiecta vera, sed tanquam alibi collocata, repræsententur. Itaque per radium reflexum cernimus obiecta vera per suas imagines, alioque in loco ac in quo reuera sunt; quem locum ut in quolibet casu possimus determinate indicare, præcipuum ac vnicum fere est Catoptrices problema. Cum nunc

nunc oporteat, ut radii incidentes diuergentes recolligantur alicubi in vnicum punctum, vbi nempe locus assignandus deinde sit imagini: optime hic determinabitur ex concursu duorum tantum radiorum reflexorum, sed infinite sibi vicinorum, qui tantquam fasciculi, aut penicilli, integri assumuntur pro puncto imaginis aliquo recte sistendo.

126.

Sit ergo speculum curuilineum concavum quodcunque AMD, punctum B radians, radii duo incidentes, diuergentes, infinite vicini, BM, Bm, quorum reflexi MF, mF, concurrant in F; erit in F locus imaginis puncti radiantis B; positisque CM, Cm, radiis osculi punctorum M & m, BM radio incidente =  $y$ , & in hunc demissa perpendiculari CE, ME =  $a$ , erit MF

=  $\frac{ay}{2y-a}$ , per *Hospitalii Analys. inf. parvor.*

§. 113; & *Barrowii Lection. Opt. IX, §. 13.* Quia vero non consideramus nisi specula circularia, (120.) erunt iam MC, mC, radii illius circuli =  $r$ , adeoque CE =  $\sqrt{r^2 - a^2}$ . Porro deinde etiam solorum illorum radiorum habemus rationem, qui prope axem CM incidunt, vnde CE pro nihilo habenda, approximando tantum, & facilioris demonstrationis gratia, ex quo fit  $a = r$ , ut iam

Fig.  
52.

iam in his suppositionibus habeatur  $MF =$

$\frac{ry}{2y-r}$ ; vnde pro quouis speculo sphærico  
concauo punctum concursus F facili constru-  
ctione obtineretur. Bisecetur enim radius circuli  
in N, & quia punctum concursus F nunc ca-  
dit alicubi in axem veluti in f, erit  $MF =$   
 $Mf$ , adeoque  $MF - MN = MF - \frac{1}{2}r =$   
 $NF = \frac{\frac{1}{2}rr}{y - \frac{1}{2}r}$ . Sit igitur radius incidens

bM, fere in axe CM constitutus, & capia-  
tur tertia proportionalis ad  $y - \frac{1}{2}r$  (bN)  
&  $\frac{1}{2}r$  (CN), erit illa Nf, qua posita ex N  
in f dabitur hic locus imaginis quæsitæ f, vid.  
*Newtoni Optica, axiom. VI.*

127.

**Fig.** Si speculum fuerit planum AD, erit in  
**53.** eo  $r = \infty$ , quia linea recta censetur esse ar-  
cus circuli, cuius radius est infinite magnus;  
adeoque locus imaginis in radio reflexo erit  
ibi, vbi  $MF = \frac{ry}{r}$ , quia  $2y$  euanescit re-  
spectu ipsius  $r$  infiniti. Hinc  $MF = -y =$   
 $-BM$ , quæ adeo cadit in partem opposi-  
tam, ob signum negatiuum adiunctum, quia  
scilicet radii reflexi MN, mn, hoc casu di-  
vergent, & post speculum in F producti  
concurrunt ad imaginem ibi formandam;  
quale punctum F, ex quo radii emanant di-  
vergentes FMN, Fmn, vocari etiam so-  
let

let *Focus imaginarius*, aut *virtualis*, vel *punctum dispersionis*. Hinc igitur in speculo plano imago obiecti videtur pone speculum posita, cuius situs facile hac opera detegitur. Ex obiecto radiante B demittatur cathetus incidentiæ BP, eaque producatu-  
 nec sit  $PF = PB$ ; erit F locus imaginis quæsitæ pro oculo in N constituto; nam ob rectos ad P; nec non  $PF = PB$ , per construct. & MP communem, erunt trian-  
 gula PFM & PBM similia & æqualia, unde  $FM = BM$ , yti requiritur. Hinc itaque manifestum est, verum esse axioma antiquissimorum Opticorum, in speculo plano quouis hæere locum imaginis ibi, vbi reflexus productus cum catheto inci-  
 dentia, pariter producta, concurrit. Pessime vero illi tam, quam multi recentio-  
 rum, axioma hoc extenderunt etiam ad specula curvilinea, quem errorem correxerunt *Barrowius*, *Leç. Opt. IX*, §. 13; *§ VI*, §. 19; *X*, §. 27; *Keplerus*, *Paralipom. ad Vitell. pag. 56*; & *Steuinus*, *Oper. Mathem. p. 571*; vid. quoque nostra *Dissert. inserta Commen-  
 tar. Acad. Scientiar. Petropol. Tomo XII, p. 248*. Falsum itaque est, in omni speculo locum imaginis ibi reperiri, vbi datur intersectio catheti incidentiæ cum radio reflexo; in solo enim plano speculo hoc obtinet, in cauo autem ipsa figura errorem ex catheto inci-  
 dentia & producto monstrat; atque verus

fig.  
ima-  
sa.

## 144 CAP. III DE MOTV LVCI9

imaginis locus in omnibus speculis generaliter ibi est positus, vbi duorum radiorum incidentium infinite vicinorum reflexi sese mutuo interfecare intelliguntur.

128.

**Fig.** Ante vero quam ad reliqua accedamus,  
**54.** explicabimus problemata quædam huc referri solita. Nempe, Radio incidenti AC in speculum conuexum assignare suum reflexum. Producaturs is in D, fiatque arcus  $CE = CD$ , & ducatur ECB, erit CB prioris reflexus. Ducta enim tangente circuli FG per C, erunt anguli verticales DCB, ECA, æquales; sed, ob tangentem FG, sunt anguli FCD & GCE æquales: qui ablati a prioribus æqualibus efficient angulum incidentiæ ACG & reflexionis BCF, etiam æquales. Similiter hoc peragitur, si radio incidenti HC in speculum cauum tribuendus sit reflexus. Continuetur enim radius incidens HC in E, & arcui EC fiat æqualis arcus DC; erit ducta CD prioris reflexus; demonstratio enim eadem est.

129.

**Fig.** Datis duobus punctis A & B extra spe-  
**55.** culum planum FCD, inuenire punctum C, in quod radius ex A incidens inde reflectatur in B. Demittatur perpendicularis ad speculum AD, quæ continuetur in E, vt sit DE



$DE = AD$ , ducaturque recta  $EB$ , secabit ea speculum in puncto quaesito  $C$ . Nam triangula  $ACD$ ,  $ECD$ , sunt aequalia; hinc  $m = n$ ; sed verticales  $n$  &  $p$  sunt aequales; ergo etiam  $m = p$ . Idem hoc problema sic etiam proponitur: datis supra speculum planum altitudinibus oculi, & obiecti, invenire punctum incidentiae vel reflexionis  $C$ . Applicari hoc solet in ludo globorum eburneorum, *Billard* dicto. Sit enim globus impellendus  $A$  ab altero propellente  $B$ ; quaeritur directio  $BC$ , secundum quam motus debet fieri propulsionis. Lusoribus nota est haec regula; nempe baculo propulsorio metiuntur  $DA$ , cui aequalem assignant  $DE$ , & deinde in propulsione ad  $E$  punctum, animo conceptum, collineant.

130.

In dato angulo obliquo  $KAC$  efficere, Fig. 16.  
 ut globus  $B$ , ad parietem elasticum  $CA$  missus in  $D$ , post aliquot reflexiones iterum ad primum locum, per priorem viam, redeat. Requiritur hic, ut post ultimam reflexionem in  $G$  globus apud  $H$  faciat angulum rectum, ut ita in  $H$  reflectatur per viam, qua incurrit, eandem  $GK$  (124.) Sin igitur ponamus, angulum acutum apud  $A$  esse  $\alpha$  graduum, reperientur anguli incidentiae & reflexionis apud  $G$ ,  $90 - \alpha$ ; apud  $F$ ,  $90 - 2\alpha$ ; apud  $E$ ,  $90 - 3\alpha$ ;  
P. III. K apud

apud D,  $90 - 4a$ ; atque sic porro, quoniam ex gr. in triangulo FGA, angulus externus  $G = F + A$ , hoc est,  $90 - a = F + a$ , aut  $90 - 2a = F$ . Igitur  $90$  dividantur per angulum  $a$ , quotus dabit numerum reflexionum, & residuum exhibebit angulum BDC, sub quo globus ab initio erit ad parietem impellendus. Ponamus  $a$  esse  $20^\circ$ , atque erit quotus  $4$ , indicans reflexiones totidem; residuum  $10$ , dabit angulum BDC. Habentur enim sic anguli apud D  $10^\circ$ , apud E  $30^\circ$ , apud F  $50^\circ$ , apud G  $70^\circ$ , quoniam igitur est HGA  $70^\circ$ , & A  $20^\circ$ , erit angulus GHA necessario etiam  $90^\circ$ , adeoque rectus. Vid. Tacqueti Operum Mathematic. Catoptrica, pag. 409.

131.

Fig. 174. Dati speculi sphaerici concavi APB invenire diametrum PF. Metire chordam speculi AB, atque eius sagittam EP, ex medio chordae E in polum speculi P; atque erit, ex natura circuli,  $EP : \frac{1}{2}AB = \frac{1}{2}AB : EF$ ; cui EF, cognitae iam, si addas sagittam EP, habebis integram diametrum speculi PF.

132.

Fig. 18. Speculi plani ope altitudinem accessibilem arboris, turris, aut aedis, metiri. Speculo in C horizontaliter collocato, tantum ab

ab eo recede donec apicem altitudinis  $A$  in speculo contuearis ; tunc cape altitudinem oculi  $DE$ , distantiam tuam a puncto reflexionis  $CE$ , & distantiam altitudinis quæsitæ ab eodem,  $CB$  ; & quærat<sup>r</sup>ur ad  $CE$ ,  $DE$ , &  $BC$  quarta proportionalis, quæ erit altitudo quæsitæ  $AB$ . Demonstratio patet ex natura reflexionis, vi cuius anguli apud  $C$  sunt æquales, & triangula  $CED$ ,  $CBA$ , similia.

133.

Accedimus ergo iam ad phænomena speculorum explicanda, quod ex superioribus facile fieri poterit. In speculo igitur plano, primo, obiecti imago tanto intervallo pone speculum apparet remota, quanta est distantia obiecti ipsius ante speculum, cuius quidem ratio iam reddita fuit ante; unde, obiecto ad speculum propius accedente, illud oculo etiam propius accedit. (127.) Secundo, imago similis & æqualis est suo obiecto. Cum enim oculus, circa  $Nn$  constitutus, imaginis punctum  $B$  cernit ex loco  $F$ , per reflectos radios  $FN$ ,  $Fn$ , idem sane agit, ac si punctum  $B$  directe contueretur, quoniam ob triangula  $PFM$ ,  $PBM$ , hinc & inde similia & æqualia, omnes etiam cæteræ rectæ, omnesque reliqui anguli, hinc & inde inter se æquantur, quorum eadem est constructio, si obiectum  $B$  pluribus adhuc con-

Fig.  
53.

K a

iter

ſtet punctis ſibi adiunctis. Imago igitur ſic plane in oculum radiat reflexe, quomodo radiaret directe, ſi modo in locum F eſſet translatum. Hinc itaque uſus inſignis eſt ſpeculorum planorum in contemplanda facie noſtra, cuius aſpectus omni alio modo nobis eſſet impoſſibilis. *Tertio*, omnes homines, obiectum idem in ſpeculo plano contuentes, illud in vno eodemque loco poſitum vident; quia, ob fixum obiectum, pro ſingulis reflexis radiis, ſingulos oculos ferientibus, eadem manet cathetus incidentiæ, atque idem imaginis locus; hinc etiam duobus oculis obiectum vnum, nec geminatum, videtur. *Quarto* autem in eodem dextra apparent ſiniſtra, & vice verſa; imago enim ex. gr. mea videtur mihi in ſpeculo directe obuerſa, vnde, quæ mihi dextra eſt manus, ibi neceſſario ſiniſtra eſſe debet. *Quinto*, in eodem horizontaliter collocato obiecta ſuperiora quaſi demerſa videntur, hominesque capite deorſum, pedibus ſurſum, vergentes; vnde etiam arbores, ædificia, ad ripam fluuii ſita, inuerſa apparent; ita, eodem in laqueari poſito, homines apparent eleuati, ſed iterum inuerſi.

134.

**Fig.** Si ſpeculum planum CE inclinetur ad horizontem CA ſub angulo ſemirecto: obiectum AB verticale apparebit in eo horizontaliter.

zontale. Ducantur enim ex A & B in speculum catheti incidentiæ AD, BE, quibus æquales sint continuatæ Da, Eb, erunt punctorum A & B imagines in a & b; (127.) adeoque obiecti ipsius imago tota ab. Iam figura EbaD cogitetur rotari & circumplicari circa ED; congruet ea vbique cum EB AD, ob rectos in E & D, EB = Eb, & DA = Da; hinc angulus a = BAD; sed hic est semirectus, ob rectum BAC, & semirectum C; ergo etiam est a semirectus, consequenter æqualis ipsi DAC; hinc ab & CA parallelæ; cum igitur CA sit horizontalis: erit etiam talis imago ab. Ex conuerso patet etiam, si AB sit horizontalis, illam in speculo apparituram esse verticalem; & si AB parum deflectat a situ horizontali, ut globulus descendere in ea possit: futurum esse ut eius imago parum deflectat a verticali, puteturque in hac globulus sua sponte verticaliter ascendere; præsertim si tubus loco rectæ AB adhibeatur, & speculum in cistula obscura occulteretur, sed globulus cum tubo bene illuminentur; quale spectaculum, a circumforaneo factum, *Tschirnbusio* quondam illudit, vid. *Medicina mentis*, P. II, p. 196; quod quidem prismate etiam vitreo, uti hic factum fuit, potest perfici. Hinc igitur, si speculum planum, magnum, ita inclinetur in alto, & progrediariis hoc versus, horizontaliter moueri videberis secundum longi-

rudinem tuam, & si brachia agites, volans, aut potius natans; ad quem effectum *Ptolemæus* & *Vitello* duo specula adhibent.

135.

**Fig. 60.** Si obiectum AB fuerit speculo CF parallelum, & æqualiter distans cum oculo; tum *linea reflectens* speculi DE erit obiecti dimidia. Sit enim oculus in ipso obiecti puncto A, vt cum eo æqualiter distet: apparebit imago GH obiecto æqualis, & æqualiter remota pone speculum; (133.) radiabit ergo in oculum quasi per radios GA, HA, sub angulo optico GAH. Sed ob triangula similia ADE, AGH, est  $DE : GH = AD : AG = AD : 2AD = 1 : 2$ ; ergo DE, linea reflectens,  $= \frac{1}{2} GH = \frac{1}{2} AB$ . Hinc patet, si AB repræsentet ipsum hominem, qui imaginem suam contueatur, & A oculum ipsius, illum se contueri totum posse in speculo, secundum altitudinem & latitudinem, si speculum vtrunque horum sit dimidium; partes enim CD, & EF, speculi erunt superflue. Idemque continget in qualibet a speculo distantia collocato, quia distantia AD hanc proportionem non ingreditur.

136.

**Fig. 61.** Si speculi inclinatio mutetur, sed radius incidens maneat idem: radius reflexus duplo angulo variatur. Nam ponamus speculum habere primo situm AB, incidentem esse DC, eius reflexum CE; mutetur iam spe-

## REFLEXO, SIVE DE CATOPT. 135

speculi inclinatio in FG, & radius incidens; veluti ex sole demissus, maneat, erit iam reflexus CH. Sed est  $a + b = c + d$ ; &  $b = d + e$ , ex natura reflexionis; ergo, subtractis his ab illis, remanet  $a = c - e$ ; est autem  $e = a$ , qui sunt verticales; ergo  $a = c - a$ , &  $c = 2a$ . Variatur vero radius reflexus angulo c; ergo eius variatio  $= 2a$ . Radius igitur reflexus duplo celerius mouetur quam speculum, vti in camera obscura facile hoc observatur.

137.

Si speculi alicuius fragmenta, vel plura specula plana ipsa, ita collocentur, vt omnia sint in vno eodemque plano, tum in illis vnum obiectum non nisi semel videbitur. Cathetus enim incidentiæ hac constitutione non mutatur. Plura autem specula plana ita statues, vt in singulis imaginem tui videas, si in arcu circuli illa collocentur, tanquam totidem chordæ, oculusque sit in arcus centro. Radii enim sic omnes, qui in medium cuiusque speculi cadunt, erunt ad hæc perpendicularæ, adeoque ipsi in se reflectentur; (124.) ergo tot imagines reflexæ ad oculum redibunt, quot sunt specula.

138.

Phænomena speculi plani angularis ABC, quod nempe circa B complicari potest libri instar, atque ad angulum quemuis ABC aperiri, in his consistunt. Efficiat illud angulum

Fig.  
62.

gulum rectum ABC sua apertura, qui bisectus sit per BD, atque in hac bisectionis linea sit obiectum D, vna cum oculo O; apparebit obiectum per reflexionem triplicatum, adeoque, his reflexionibus annumerando obiectum ipsum, quadruplicatum. Demittendo enim cathetos incidentiæ DH, DI, & in his productis capiendo HE = HD, nec non IG = ID apparebunt oculo duæ imagines E & G; tertia vero F apparet oculo ex reflexione in alterum speculum BC facta, sed infinite parua, quod experimenta probant contra *Tacquetum*, *Operum Mathem. Catoptrice prop. 40.* Constituent igitur hoc casu tres imagines E, F, G, & obiectum ipsum D, quadratum perfectum. Si minorem angulum constituent eiusmodi specula ad se inclinata, ex simplici, & repetita, reflexione pluries etiam spectabitur obiectum, ipsum nempe, & imagines ipsius, simul numerando, sub

apertura graduum      numero

180	—	—	2.
120	—	—	3.
90	—	—	4.
65	—	—	5.
60	—	—	6.
50	—	—	7.
45	—	—	8.
40	—	—	9.
30	—	—	12.



139.

Explicatis nunc plerisque speculorum planorum experimentis, accedendum est ad reliqua, nempe ad specula sphaerica convexa & concava. Horum vero enodationes, si-ve aut figurarum ductibus, aut calculorum numeris, absolvere illas velis, vtrumque profecto offendes longe radiosissimum, ac insuperabilis fere laboris. Quare subsistendum nobis hic erit in sola expositione phaenomenorum, exceptis paucis, quae aut figuræ aut calculo locum admittant. In speculo igitur sphaerico convexo si obiectum aliquod consideretur, apparebit illud circumstantiis sequentibus. 1.) Obiectum apparebit intra speculum; 2.) vnicum; 3.) erectum; 4.) minus obiecto ipso. 5.) Imago obiecti remotioris minor est imagine viciniore. 6.) Imago eiusdem obiecti in speculo minoris sphaeræ minor est imagine in speculo sphaeræ maioris.

140.

Ponamus speculum sphaericum convexum esse AD, cuius arcus centrum C; & speculi arcus ipse bisectus in M: vocantur, punctum hoc medium M speculi *polus*; recta MC speculi *radius*, vel huius duplum speculi *diameter*; & recta per polum centrumque ducta speculi *axis*; vnde intelligitur, quid sit speculum convexum minoris diametri,

K 5

aut

Fig.  
52.

aut minoris sphaerae, & speculum conuexum maioris sphaerae. Cum igitur inuentus fuerit (126.) concursus duorum radiorum incidentium infinite vicinorum MF, axi pro-

ximorum,  $\frac{ry}{2y-r}$ , pro speculo concauo: idem concursus applicabitur ad speculum conuexum, ponendo  $y$  negatiuum; ex quo

in hoc fit  $MF = \frac{-ry}{-2y-r}$ , vel  $\frac{ry}{2y+r}$ . Cum

itaque hic valor ipsius MF maneat positius, adeoque teneat eum ipsum situm, quem ipsi tribuimus,  $y$  vero assumat contrarium: emer-

Fig.  
63.

get iam alia figura pro speculis sphaericis conuexis, in qua est speculum ipsum AMD, polus M, axis, vel radius, MC, radius incidentis BM, & alius infinite vicinus Bm, reflexi vero MN, mn, qui retro producti

concurrunt in F, ut fit  $MF = \frac{ry}{2y+r}$ ;

vnde reflexi MN, mn, erunt diuergentes, quorum punctum dispersionis, vel focus

imaginarius, est in F, intra speculum, vnde ratio apparet phaenomeni 1; & quia nul-

la alia datur reflexorum intersectio, praeter hanc vnicam, hoc est, nullus alius locus

imaginis, patet etiam ratio phaenomeni 2, nempe ab hisce speculis obiecta non multi-

plicari. Porro, ex substitutione numero-

rum minorum, aut maiorum, facile obser-

vari potest, valorem ipsius MF fieri minorem, quo maior statuitur  $y$ , vnde oritur pha-

phænomenum 5. Vſus horum ſpeculorum eſt in obiectis minute depingendis, quippe quæ minute quidem, ſed ſingulari exactitudine in his repræſentantur; vnde etiam error exortus eſt veterum, aſſerentium, diebus canicularibus tali ſpeculo, aquis ſubmerſo, oculis cerni ſirium prope ſolem poſitum: ſolis enim, non huius ſtellæ fixæ, imago eſt, quæ ita in ſpeculo apparet.

## 141.

Speculi ſphærici concavi phænomena generalia ſunt ſequentia. 1.) Radiis ſolaribus expoſita comburunt obiecta, ad certam aliquam diſtantiā iſſis admota; 2.) obiecta quædam, certa in aliqua diſtantiā extra tale ſpeculum poſita, in eo plane non apparent oculo intuenti; 3.) quorundam obiectorum imagines repræſentantur in aëre pendulæ; 4.) amplificanti & augent obiecta propius iſſis admota; 5.) denique prout in maiori aut minori ab illis diſtantiā res quædam locantur, eæ modo inuerſæ, modo erectæ, in illis ſpectantur. Maxime nota eſt horum ſpeculorum proprietas prima, vi cuius radios ſolares, viis inter ſe parallelis concavitatem ingredientibus, in anguſtum ſpatium coarctant, atque ſic radiorum hic collectorum ope obiecta comburunt. Vocantur ob hunc effectum *ſpectula cauſtica*, vel *uſtoria*; locus autem ipſe, in quo fit radiorum collectio,

otio, & in quo solo combustio succedit, vocatur *Focus* talis speculi caui, vel *punctum vstorium*.

142.

**Fig.** Quoniam in speculis concauis concursus  
**52.** radiorum duorum incidentium, axi vicinif-

simorum, MF, est in genere  $\frac{ry}{2y-r}$ ; (126.)

& radii a solis puncto quolibet in speculum incident paralleli: (87.) ponendum erit  $y = \infty$ , (127.) ex quo hoc casu est  $MF = \frac{1}{2}r$ . Radii ergo axi vicinissimi, paralleli, focum constituunt in dimidia parte radii speculi. Cum vero præterea incident radii ab axe speculi plures remotiores quam qui axi sunt vicinissimi: quæritur ad quamnam distantiam a polo speculi radii hi paralleli, & remotiores, efficaces adhuc sint ad focum constituendum?

143.

**Fig.** Concipiatur ergo tale speculum cauum so-  
**64.** li expositum HBDE, in quod incidat a sole radius AB, axi DC parallelus, sed remotior a polo speculi D, qui cum semidiametro huius BC faciat angulum quemuis ABC, cuius sinus =  $s$ , cosinus =  $c$ , posito sinu toto = 1; atque erunt anguli ad B æquales, ob reflexionem; sed  $ABC = DCB$ , ob parallelismum; ergo BFC triangulum est æqui-

cru-

crurum, & sinus anguli  $BFC = 2sc$ ; hinc  
 sinus  $BFC (2sc) : BC (r) = \sin. CBF (s) :$   
 $FC \left(\frac{r}{2c}\right)$ , unde  $DF = r - FC = \frac{2cr - r}{2c}$ ,  
 quæ est distantia radii in axem incidentis  
 apud  $F$  à polo speculi  $D$ . Ponamus esse  
 $ABC 60^\circ$ ; erit  $s = \frac{\sqrt{3}}{2}$ ,  $c = \frac{1}{2}$ ; quare  
 $DF = 0$ , hoc est, si radius  $AB$  incidat sub  
 inclinatione  $ABC 60^\circ$ , ut nempe arcus spe-  
 culi  $DB$  sit totidem graduum, incidet radius  
 reflexus  $BF$  in polum  $D$  ipsum. Si idem  
 radius incidat axi vicinissimus, erit  $s = 0$ ,  
 $c = 1$ , hinc  $DF$ , concursus reflexi cum axe,  
 $= \frac{1}{2}r$ , uti antea (142.) ostensum.

144. Cum itaque radius axi vicinissimus con-  
 currat cum axe ipso in quarta parte diamet-  
 ri  $G$ ; & radii reliqui cum eodem concour-  
 rant remotius a  $G$ , versus  $D$ , quo maiorem  
 habent inclinationem: dabitur focus  $G$ , non  
 quidem puncto unico constans, sed aliqua  
 latitudine præditus, quæ est  $FG = \frac{1}{4}r -$

$DF = \frac{r - cr}{2c}$ , atque adeo dependet à cosi-  
 nu inclinationis  $ABC$ ; eritque hæc latitudo  
 foci ad radium speculi ipsum  $= FG : DC$   
 $= 1 - c : 2c$ . Sit ex. grat. inclinatio, vel  
 arcus speculi  $DB$ ,  $= 9^\circ$ , erit  $c = \frac{2877}{10000}$ ,  
 quare  $FG : DC = 123 : 19754$ , vel  $FG$   
 $= \frac{1}{817} \frac{1}{2} \text{ radii } DC$ , siue aberratio radiorum  
 refle-

reflexorum; quod cum sit spatium valde adhuc angustum, in respectu ad diametros speculorum, quæ confici solent: hinc artifices specula caustica ita conficiunt, ut arcus DB, speculi totius dimidius, sit  $9^{\circ}$ , & consequenter tota speculi latitudo HE sit chorda subtendens arcum  $18^{\circ}$ ; si enim specula maioris arcus fabricarentur: reliquum supra hos  $18$  gradus omne inutile esset ad comburendum; id quod *Kircherus* experimentis confirmavit.

145.

Exposito nunc tali speculo cauo directe radiis solaribus, qui ad sensum paralleli incidunt: formabitur focus, non in puncto, sed in circello diametri FG; atque erit intensitas luminis incidentis ad intensitatem luminis in foco, uti area circelli FG ad aream circuli comprehensi circa chordam speculi HE, (85.) hoc est, uti  $FG^2$  ad  $HE^2$ , aut in ratione duplicata latitudinum foci & speculi. Ita speculum causticum Villettianum, inferius memorandum, (148.) describente *Bærbavio*, *Elementor. Chemicæ*, tomo I, pag. 225, habebat  $FG = \frac{1}{4}$  pol. &  $HE = 43$  pol. Paris. erat igitur in eo intensitas luminis solaris incidentis ad intensitatem eiusdem in foco  $= \frac{1}{4} : 1849$ , vel uti 1 ad 7396, aut in foco 7396 vicibus plus ignis, quam in aëre a sole tunc calefacto. Contrarium acci-

accidit in speculis cauis parabolicis; in quibus nempe omnes omnino radii, axi paralleli incidentes, in unico puncto vsiuntur, & consequenter intensitatem ignis solaris multo magis augment, vnde tantopere illa exoptantur, nondum enim hucusque rite potuerunt elaborari. Ex allata modo proportionem sequitur etiam; si duo speculorum causticorum arcus eundem teneant numerum graduum, adeoque specula sint similia, illud maiorem radiorum excitare intensiorem, quod habeat latitudinem, vel chordam, maiorem. Et quia focus radiorum axi vicinissimus est; radii, vel  $\frac{1}{2}$  diametri, cognoscitur simul, specula caustica diametri maioris ad maiorem distantiam comburere.

146.

Quia igitur effectus hic combustionis dependet a radiorum reflexione primum, & secundo eorundem coagulatione; hæc vero a figura rotunda quæ, illa vero a quovis corpore radios reflectente, exoritur: patet specula talia confici posse e metallo polito quovis, e stanno etiam; ligno vel gypso, sed deauratis; e ligno stramine obducto; ita *Nennmannus*, quidam Ingeniarius, dicitur Viennæ anno 1699 confecisse speculum vistorium ex charta duriori, cui stramen agglutinatum erat, quod omnia metalla ad fluxum reducit. Ex mureto nigro speculum causti-

experimentum confecit Boyleus, amplum certe, sed quod ne lignum quidem accendit, ob radios fere nullos reflexos; (P. I, 370.) neque alia marmora ullum effectum alium dederunt. Vid. *Diction. de Math. & Phys. tit. Miroir.*

Manifestum ex his est, quantum erraverit *Euclides*, Geometrarum alias princeps, *Specularium*, vel *Catoptrices*, theor. 31, & cum eo veteres omnes, qui focum speculi caui

Fig. 65. in centro eiusdem esse statuerunt, inducti hominiquinio. Sit diameter solis AB,

speculum CD; ab illius quocunque puncto, ut A, transeant radii per centrum speculi F, qui omnes, in se reflexi, in centro F colliguntur; ergo in centro F est focus, & stupa ibi opposita accenditur. At vero ad focum constituendum non sufficit radiorum defusio in punctum, sed etiam quodlibet foramen camera obscura focum ardentem efficeret; deinde consideravi tantum radios eos, qui per centrum speculi transeant, neglectis omnibus illis, qui iuxta hoc præterlabuntur, & maximam partem conficiunt; neglecto igitur foci loco efficacissimo quæsiuit & invenit debilissimum. Sit enim area speculi

Fig. 66. EDG = S, area obiecti radiantis HCI = L; iant puncti A in obiecto omnes radii incidentes super S ad focum concurrunt; ergo

A



A punctum ad focum subministrat radiorum numerum, qui est  $S$ ; punctum B eundem numerum, & C parem, suppeditat; numerus itaque radiorum omnium in foco concurrentium est  $S \propto L$ . In casu Euclideo autem A subministrat vnicum radium ad focum; B iterum vnicum, & C vnicum, & sic reliqua puncta; ergo numerus radiorum in F concurrentium  $= L$ . Est igitur numerus radiorum in foco vero ad numerum radiorum in foco Euclideo, vti  $S \propto L$  ad  $L$ , hoc est, vti  $S$  ad  $1$ , vel vti infinita puncta, qualia sunt in area  $S$ , ad vnicum punctum; unde focus hic posterior nullus est in respectu ad priorem.

148.

Referendæ huc sunt historiae *Archimedis*, & *Precli*, quorum ille naues Romanorum, duce *Marcello*, Syracusas obsidentium; hic vero naues *Vitaliani*, Constantinopolin obsidentis, talibus speculis combussisse refertur. Sed, *Kirchero* obseruante, speculum Syracusanum debuisset focum habere ad distantiam 30 passuum, hoc est, diametrum maiorem quam 120 passuum, vel 360 pedum, qualia specula nemo hucusque elaborare nec ausus est vnquam; narrationes deinde horum factorum, ab antiquis Historicis traditæ, ita comparatæ sunt, vt, quo magis ad earum fontes & primos auctores accedat:

P. 41,

L

60

eo incertiora deprehendas, vnde & pro fabulosis habentur. Vid. *Porta, Magie naturalis*, lib. XVII, cap. 15. *Tacquet Catoptricæ* prop. 38. Extat sub *Archimedis* nomine liber de speculis vistoriis, ex Arabico translatus Latine, ab *Ant. Gogava*; occurrit hic liber etiam in *Archimede Maurolyci*, sed *Ptolemæo* tribuitur; hunc autem suppositum esse ex eo apparet, quia mentionem facit *Apollonii Pergæi*, *Archimede* multo iunioris. *Fabricii Bibl. Græca lib. III, cap. 22*. Nostræ ætatis specula caustica celeberrima, de quorum veritate certo constat, cum prioribus effictis non comparanda, sunt sequentia.

1.) *Manfred. Septala*, *Mediolanensis*, ad 15 passus asseres dicitur combussisse speculo parabolico; *Schotto, Mag. Univ. P. I, p. 419*.

2.) *Villette*, *Lugduno-Gallus*, quatuor confecit præcipua talia instrumenta, quorum primum Regi Persarum oblatum est a *Tavernierio*; secundum a Rege *Daniæ* emtum; tertium Regi *Galliæ* dono datum, latitudinis 34 poll. quartum denique elaboravit, quod chordam teneret 43 poll. distante foco a polo ipsius 3 ped. 7 poll. vid. *Journal des Sav. 1679, p. 335*; foci diameter erat in hisce 8 aut 9 lin. in *Septalio* autem 3 poll. *l. c. 1666, p. 313*. vnde vix parabolicum fuisse existimari potest.

3.) *Garouste* aliud fecit, in observatorio *Parisiensi* depositum, latitudinis 5 pedum 1 poll. *l. c. 1685, p. 466*.

4.) *Tschirn-*

*Tschirnbusius* quoque celebris est in his, quam præcipue in elaborandis vitris causticis emineret, speculum enim causticum perfici curavit, quod omnibus aliis palmam præriperet; vid. *Acta Lips.* 1687, pag. 52. 5.) *Gartnerus*, Saxo, maxima talia *Dresdæ* ex ligno confecit, cavitare deaurata, quæ insignes edunt effectus. 6.) *Hartsækerus* quoque fecit eadem excellentis potentiae. 7.) *Maginus* adhuc memorandus hic est, cuius speculum maximum erat latitudinis 20 poll. *Journ. des Sav.* 1666, p. 313. 8.) *Regiomontanus* construxit speculum annulare, ex portione parabolica factum, cuius margo circularis maior continebat 5 pedes, minor 3, & profunditas speculi erat 2 ped. vid. *Doppelmaierus von den Nürnberg. Mathem.* pag. 23; quod ipsum speculum primum omnium in Germanica fuisse videtur. Observationes cæterum variae docuerunt, quo speculi materia frigidior sit, eo maiorem esse vim foci; hinc tempore hiberno, sereno, & frigido efficaciora sunt ea quam æstivo, quia frigus materiam speculi constringit; ut eo minus radiorum in poris absorbeatur; hinc in æstate ardentissima 1705 *Homburgius* nullam fere efficaciam ex illis elicuit; etiam si enim sint validissima, fumo tamen tenui candelæ ardentis inducta expectationem fallunt. Id vero habent incommodi specula caustica, ut, cum objecta examinanda directe ipsis de-

beant opponi, hæc post fusionem factam decidant, & vltiori ignis cœlestis actioni hac ratione se subducant. Extra focum in mediocri aliqua distantia calorem etiam mediocre præbent hæc specula, quem ægrotis valde salutarem statuit *Gertnerus*, qui eodem oua ranarum viuentia reddidit & exclusa.

149.

Focum speculi caustici propagare quidam conati sunt, ad quamvis distantiam, plani auxilio, in quod focus incideret, sed irrito conatu; nam hoc a calore intensissimo tali aut funditur, aut dissilit; vt taceamus, ærem etiam tali propagationi multum obesse. Alii idem aggredi voluerunt ope duorum annulorum parabolicorum apertorum, quorum communis esset focus, & posteriorem annulum minorem vocarunt infundibulum solis; *Kolbanſi Opt. p. 175*; talem propagationem pollicitus est *Porta*, qua nempe comburi obiecta ad distantiam infinitam possent, non per punctum, sed lineam rectam protensam, quam *istoriam* dixerunt, productam per speculum, aut vero etiam per lentem vitream: sed repugnat his omnibus scientia optica, neque quicquam horum promissorum in actum fuit deductum vnquam. Vid. *Kepleri Dioptrice, præp. 56 & 106*. Speculum, quod ipsum se comburat, construere quidam hoc docuerunt modo; fiat spe-

Fig. 67. culum parabolicum CAEBD, cuius focus in

in F; abscindatur portio AEB, apposito fundo plano AB, in quo sit focus F; ex cuius igitur actione fundus comburetur.

150.

Pertinet huc etiam problema sequens: Fig. 68.  
quæritur ad quamnam distantiam soli admo-  
vendum esset obiectum, ut sol in illud ra-  
diis directis idem efficiat, quod apud nos  
reflexis, & in foco collectis. Sit intensitas  
caloris apud nos in aëre a sole calefacto = I,  
in foco autem apud nos = i; distantia ter-  
ræ a sole AB = a, distantia quæsita AE = x;  
atque erit  $I : i = x^2 : a^2$ , (85) unde  $x = \frac{a\sqrt{I}}{\sqrt{i}}$ .  
Sit ex. gr. ut ante, (145)  $i = 7396I$ ,  
 $a = 22000$  semidiam. terræ, eruetur  $x = 256$   
semidiam. terræ, vel  $AB : AE = 86 : 1$ ,  
aut  $AE = \frac{1}{86} AB$ , in planeta igitur mercu-  
rio sol directis radiis eundem calorem exci-  
tabit, quem apud nos speculi caui focus ar-  
dentissimus radiis collectis producit; hinc  
etiam non desunt, qui planetam hunc totum  
vitreum esse iudicent.

151.

Accedamus nunc iterum ad reliqua phæ-  
nomena speculi caui, (141.) ad quorum il-  
lustrationem perpendendum est, in his di-

stantiam imaginis a speculo MF esse  $\frac{ry}{2y-r}$ , Fig. 52.

(126.) ex quo valore quatuor possunt oriri.

Primo enim hæc MF potest fieri infinita, ut  
L 3 radii

### 166 CAP. III DE MOTV LVCIS

radii reflexi speculo egrediantur paralleli, si fuerit  $y = \frac{1}{2}r$ , aut vero punctum radians in foco speculi. Hinc fit vt lampade in foco huius speculi accensa lux ad insignem distantiam proiciatur, ad plateas noctu illuminandas, non tamen ad distantiam infinitam, quo sensu abusi quidam literas lunæ inscribere meditati sunt; nam aër, & omne medium, immo reflexio ipsa, radios mirum debilitant. Radii tales paralleli emanantes, alio speculo cauo rursus excepti, in huius foco iterum vniuntur & vrunt, quod Viennæ factum legitur, ope duorum speculorum ex lamina orichalcica factorum, & carbonum candentium. *Secundo*, hæc MF euadere potest in  $r$ , seu radium speculi ipsum, si ponatur  $y = r$ , aut punctum radians in centro speculi; hoc itaque casu radii se non leniter mutuo contingent, aut lambent, sed ex abrupto secabunt, quia e centro omnes perpendiculariter in speculum incidunt, ac in se reflexi centrum perrumpunt, vti in foco *Euclidis*; (147.) nulla igitur excitabitur imago conspicienda, nihilque poterit distincte videri, vti innuit *phenom.* 2. Si oculus in centro statuatur: is ipse se videbit diffusum per totam speculi superficiem. *Tertio*, eadem MF potest manere affirmatiua, vt eundem situm teneat, quem ipsi tribuimus in Figura 52, ex eadem nempe parte puncti radiantis, si fiat  $2y > r$ , aut vero  $y > \frac{1}{2}r$ ,  
hoc

hoc est, si punctum radians ultra focum fuerit positum, & oculus paullo remotior, quo casu obiectum in aëre pendulum apparebit, sed inuersum, vti innuit *phenom. 3.* Hinc ensis strictus, speculo obuersus, alium ex eo prodeuntem repræsentat, quo caput percutere licet impune; manus manui iungitur: flamma candelæ accensæ tangi digitis potest sine noxa. Quarto denique MF fieri potest negatiua, vt nempe concursus radiorum fiat ex parte opposita puncti radiantis, quo facto obiecta apparebunt intra speculum posita.

152.

Vitrum politum, ex vtraque superficie planum, illuminetur a sole libere admissio: hoc facto obseruabuntur in lacunari conclauis duæ distinctæ imagines reflexæ, & lucidæ, vna fortior, altera debilior, remotæ inter se, atque eædem manentes, siue pannus niger vitro supponatur, siue manibus illud eleuetur. Ita etiam specula cava præcipue duplicant obiectum longius remotum, lucidum, siue vno, siue vtroque, oculo illa aspiciantur. Multiplicatio hæc obiectorum noctu apparet optime, si parua flamma speculis admoueatur, vel interdiu etiam nitida acus oblique detineatur; neque solum bis, sed vel pluries illa cerni potest, si speculum admodum oblique inspiciatur. Ca-

rent autem eadem omnia specula metallica, quæ & chalybea vocantur. Habet talia phænomena *De la Hire, in Comment. Acad. Paris. 1699, p. 75; & Du Hamel, in Astron. Phys. lib. I, cap. 2.* Ostendunt hæc experimenta, vitrum, & reliqua corpora diaphana, non omnes radios illapsos transmittere, sed magnam eorum copiam quoque reflectere, & quidem in vtraque superficie, superiori & inferiori. Formatur itaque prima imago ex reflexione facta in superficie superiori; altera ex reflexione facta in superficie inferiori, præsertim si pannus niger supponatur, tum enim oritur speculum completum; quia vero hæc imago debilior est priore, manifestum fit radios reflexione, & refractione, multum debilitari, interim tamen ab huiusmodi radiis reflexis vitri *Tschirnbusiani* caustici lignum accensum fuisse legitur in *Actis Erud. 1691, p. 519.* unde etiam quidam septem tantum reflexionum patientes eos esse dixerunt, post quas deinde plane extinguantur. *Fabri Synops. Opt. p. 70.* Eidem huic causæ debetur quoque, ut in vitro plano, soli libere exposito, duas liceat aspicere huius imagines; qui aspectus, ut oculis parcat, trans vitrum fumo obductum peragi debet; nam in prisma vitreo, quod aciei suæ incumbit, & planam superficiem sursum porrigit, una tantum conspicitur solis imago, ob deficiens nempe planum reflectens inferius.



Ex priori etiam experimento deducere examen licet exactissimum vitri plano - plani, an nempe vna superficies ad alteram perfecte parallela sit, nec ne; quod *De la Hire* quoque monet *l. modo c. pag. 89.* Exponatur enim tale vitrum soli libero; & attendatur, an imagines a radiis vtriusque superficiei reflexæ eundem semper inter se servant situm & distantiam, quomodocunque vitrum conuertatur: quod si ita fuerit, vtraque superficies altera alteri erit parallela. Aliud experimentum adhuc prius confirmans, hoc est: lens vitrea plano - conuexa soli obuertatur sua planitie, atque apex digiti in spatio anteriori versus solem hinc & inde moueatur, obseruabitur tandem, in apice huius digiti formari focum, distinctum quidem, sed ita debilem, vt nec fomitem accendat. Quia enim superficies plana soli obuersa, radiis in eam perpendiculariter incidentibus, nullum reflexione focum potest excitare, euidenter hinc apparet, focum conspicuum deberi vnice superficiei concauæ interiori & posteriori, cum & distantia huius foci a vitro ea sit, quæ præcise ab hac concauitate interna proficisci debet. Ita lentis plano - concauæ etiam anterior talis datur focus, si concauitas soli opponatur, nullus vero, si planities.

Specula cylindrica & conica imagines rerum obiectarum mirum in modum deformant; possunt vero etiam reciproce obiecta quævis, data opera, ita deformata delineari, vt ea deinde, talis speculi ope aspecta, in formam suam naturalem & legitimam restituantur; quales delineationes deformatae ab artificibus construi solent. Generaliter autem specula cylindrica res secundum eorum longitudinem obiectas in longum extensas, secundum latitudinem vero in arctum constrictas, exhibent. Conica autem specula obiecta sibi opposita secundum longitudinem semper magis magisque constricta & acuminata repræsentant. Ostenduntur etiam specula semicylindrica concaua, quæ a radiis solaribus per reflexionem efficiunt lineam lucidam, axi parallelam, in minori intervallo quam  $\frac{1}{4}$  diametri. Potest enim tale speculum secari in innumeros arcus circulares, qui omnes radios solis reflectunt in focum; ex quorum focorum continuatione oritur recta illa linea lucida, quæ lucem tenet quidem, sed minime comburit, quia pauciores radii in punctum aliquod idem colliguntur, quam quot ad effectum combustionis sunt necessarii.

## CAPVT IV.

DE MOTV LVCIS REFRACTO,  
SIVE, DE DIOPTRICA.

155.

**S**UPPOSITIS hic illis quæ supra fuerunt dicta: (76.) aggrediemur nunc *Dioptricam*, quæ & *Anaclastica*, ad refringendo, & *Mesoptica*, a radio per medium diuersum viso, vocari solet; atque est scientia visionis refractæ; in qua excolenda, atque in summam admirationem vsque promouenda, recens hæc ætas nostra omnes antiquos Philosophos superauit quam longissime. Huius itaque trademus *Definitiones* necessarias, *Principium* fundamentale, & *Applicationem* ad media, diuersæ consistentiæ aut densitatis, præcipue autem ad vitra, ex qua oriuntur quoque *Colores*, describendi ad inuentionem *Newtonianam*. *Refractio* ipsa optime definitur a *Dechales*, *Mundi Math. Tomo II, pag. 643*, quod sit deuiatio luminis a linea recta, per quam propagari vltcrius debuit, propter diuersam mediorum densitatem.

156.

Definitiones trademus linearum ductu me- Fig.  
lius quam verborum elocutione. Sit igitur 69.  
in spatio R medium rarius, vti aër; in D au-  
tem densius, vti aqua, vel vitrum; termi-  
natur

natum vtrumque recta AB. Sit præterea *radius* quilibet *incidens* CE, qui in medio, hoc densiori viam rectam non persequetur in EF, sed deuiabit, atque propagabitur in EG. Quod patebit ab experientia, si tota superficies aliqua refringens AB obtegatur velamine opaco, relicto solo foraminulo apud E; quo facto nullum radii incidentis, in camera obscura, lumen erit in EF, sed in sola EG. Hisce igitur stabilitis, erunt, EG *radius refractus*; E *punctum incidentiæ* vel *refractionis*; CEA *angulus incidentiæ*. Erigatur ex puncto incidentiæ E ad superficiem refringentem AB perpendicularis EI, inferius producta in H; atque erit *axis incidentiæ* EI, *axis refractionis* EH. Porro veniunt Anguli, & quidem *angulus inclinationis*, secundum Keplerum, maxime notandus, IEC; *angulus refractus* HEG; & *angulus refractionis* FEG. Præterea, si radius refractus EG ad axem refractionis EH magis accedat, quam incidens continuatus EF: hæc refractionis dicitur facta *ad perpendicularem*; si vero contrarium accidat, *a perpendiculari*; vel *ad axem*, & *ab axe*. Hæc omnia eodem modo se habebunt in radio per vtrumque medium curva distinctum transeunte, si puncti incidentiæ ducatur recta tangens, quæ deinde ipsius AB loco haberi debet.

157.

Refractionis potissimum in usus vocatur vari-  
rios

rios vitri probe politi ope, aut cryſtalli puriſſimæ, aut glaciei etiam interdum, quibus corpusculis forma aut circularis, aut plana, artis ope fuit inducta; & quæ vocantur *Lentes* opti-  
*tes* opti-  
 cæ, ob ſimilitudinem; aut *ſpecilla*, ob uſus. Cum autem rariffime iis tribuatur alia curuedo, quam circularis, aut plana, & circularis ſit duplex, conuexa, aut concaua: hinc ſuperficies harum lentium ſunt vel 1, plana, vel 2, conuexa, vel 3, concaua, ex quarum ſingularum binarum, ob duplicem cuiusque lentis ſuperficiem, combinatione oriuntur ſequentes ſpecies ſex lentium opti-  
 carum ordinariorum; nempe 1, lens plano-plana, aut vtrinque plana; 2, plano-conuexa, vel ſemi-lens; 3, plano-concaua; 4, conuexo-conuexa, vel vtrinque conuexa; 5, conuexo-concaua, aut meniscus, ſiue lunula, ob lunæ ſimilitudinem; 6, concauo-concaua, aut vtrinque concaua. Præter hæc lentes autem in Experimentis conſiderantur etiam ſphæræ vitreæ, aut aqua repletæ; aut etiam lentes aquam in ſe continentes, quas commendat *Newtonus Princip. p. 210.* nec non coni vitrei, qui, cuspide in ſolem directæ, in oppoſito pariete albo iridem depingunt; quos primus elaborauit, atque hanc inuentionem produxit, *Geruaſius Mat-  
 müller*, Imperatoris Romani Opticus, vid. *Hertel, de poliendis vitris, pag. 33.* Sciri quoque deber, quid ſit *Axis lentis*, recta nempe trans-

transiens per medium lentis, & ad vtramque superficiem perpendicularis; cuius extremitates vocantur *poli* aut *umbilici* lentis. Radii denique, per refractionem aliquam a via sua digredientes, aut conuergunt, aut diuergunt; si accidar illud, locus in quo continuari in vnum coniunguntur, dicitur *punctum concursus* radiorum, vel *Focus realis* eorundem; si vero hoc contingat, tum locus, e quo dimanant radii, & disperguntur, vocatur *punctum dispersus* radiorum, vel *Focus imaginarius* aut *virtualis*.

158.

Ad probandam lentem Opticam, eam obverte, vti docet *Kohlbanfius*, *Opt. pag. 323*, ad obiectum rectilineum: si rectitudo non fuerit incuruata, praesertim immediate ante, & post, euerſi situs stationem conspecta: scias lentem istam esse figuræ nobilis. Lentes ordinariæ cum omnes sint sphaericæ: erit earundem aut conuexitas, aut concavitas, portio sphaeræ alicuius, certæ & determinatæ diametri: hæc igitur, quot inuenietur esse pollicum, aut pedum: tot etiam pollicum vel pedum dicitur esse lens ipsa; & si vtriusque conuexitatis, vel concavittatis, diameter deprehendatur eadem: tunc lens dicitur esse *equaliter conuexa*, vel *concaua*; si diameter non inueniatur vtrinque eadem, vocatur lens *inequaliter conuexa* vel *concaua*.

159.

159.

Causæ Physicæ refractionis in luce, de quibus prolixè & profunde agit *Dechales*, in *Dioptr. lib. I, p. 644*, postea, in explicatione phænomeni huius, occurrent. Hoc itaque detegitur, & ad mensuram reuocatur, in pellucido corpore, Dioptrices vsui omnium commodissimo, vitro, sequenti modo facilissimo, a *Keplero* primum inuento, *Dioptrices eius pag. 1.* Paretur cubus, vel etiam parallelepipedum, ex vitro bene polito *ABFGDE*, quod corpus inferatur duobus asserculis ad angulum rectum iunctis *ANOMP*, in quibus latitudo communis *ACN* excedat latus cubi *AC*, altitudo autem *ON* eadem quæ cubi; longitudo vero *OM* multo maior. Atque sic instrumentum hoc anaclasticum obvertatur soli *L*, in quacunque huius altitudine supra horizontem, notenturque extremitates umbræ, quæ oritur a supremo ligno *AN*, tam per radium non refractum *CI*, aut *NQ*, quam refractum *CH*, aut *AR*. Jam in triangulo rectangulo *CEI*, dantur *EI* & *EC*, dabitur itaque etiam per Trigonometriam angulus  $E\hat{C}I = K\hat{C}L$  angulo inclinationis; deinde in triangulo rectangulo *CEH* dantur *EH* & *EC*, consequenter etiam angulus *ECH*; vnde postea ratio horum angulorum, hoc est, anguli inclinationis & refracti, innotesceat. Pro indaganda  
refractio-

Fig.  
70.

refractionis ratione in fluido pellucido adhibendum erit vasculum cubicum hoc liquore repletum, & in reliquis eadem methodo procedendum. Aliud adhuc instrumentum, idem hoc observandi, describit *Keplerus*, l. c. & varias diuersas vias habent diuersi Auctores: sed nos in explicata hac acquiescemus.

160.

Experimenta igitur modo indicato instituta pepererunt tabulam sequentem, quam ex *Zahnii Oculo artif. f. 228*, contractam adducimus, continentem refractiones ex aëre in vitrum observandas:

			Angulus					
Inclinationis.			Refractus.			Refractionis.		
0°	—	—	0°	—	—	0°	—	—
1	—	—	0	40 <sup>1</sup>	—	0	20 <sup>1</sup> .	—
5	—	—	3	20	—	1	40.	—
10	—	—	6	39	—	3	21.	—
15	—	—	9	57	—	5	3.	—
20	—	—	13	12	—	6	48.	—
25	—	—	16	23	—	8	37.	—
30	—	—	19	29	—	10	31.	—
35	—	—	22	30	—	12	30.	—
40	—	—	25	34	—	14	36.	—
45	—	—	28	9	—	16	51.	—
50	—	—	30	45	—	19	15.	—
60	—	—	35	18	—	24	42.	—
70	—	—	38	50	—	31	10.	—
80	—	—	41	5	—	38	55.	—
90	—	—	41	52	—	48	8.	—

Ex



Ex hac igitur tabula apparet *primo*, si angulus inclinationis sit nullus, angulum etiam refractum esse nullum, hoc est, radium perpendiculariter incidentem non refringi, vel transire irrefractum. *Secundo*, angulum refractum semper minorem esse angulo inclinationis; quod in aliis pellucidis similiter se habet; unde generaliter dicitur, radium ex medio tenuiori in densius incidentem LCI refringi ad perpendicularem CE, per CH; in radio autem incidente ex medio densiori in tenuius accidere contrarium, ut nempe refringatur a perpendiculari. (156.) *Tertio*, angulum refractionis HCI esse quam proxime subtripulum anguli inclinationis ECI, ad gradus inclinationis 20 usque; in reliquis autem nimis ab hac ratione abire. *Quarto*, sinum anguli inclinationis cuiusque esse ad sinum respondentis anguli refracti, exacte, & semper, in ratione eadem. Ita ex. gr. sinus anguli inclinationis,  $1^\circ$ , & respondentis anguli refracti  $0^\circ 40'$  sunt 1745 & 1164; sinus vero inclinationis  $70^\circ$ , & respondentis anguli refracti  $38^\circ 50'$  sunt 93969 & 62705, quæ duo paria numerorum sunt in eadem ratione, cuius quippe exponens est 1, 49. Unde porro fuit *quinto*, esse, in transitu radii ex aëre in vitrum, sinum anguli inclinationis ad sinum anguli refracti, uti 1745 ad 1164, hoc est, quamproxime uti 3 ad 2.

161.

Quamuis autem refractionis radiorum ipsa per cognitionem historicam veteribus iam cognita fuerit; est enim inter *Aristotelis* problemata, in quo de remorum apparente curvitate quaeritur; atque fertur etiam existisse *Archimedis* liber, de annulo sub aquis viso, vid. *Hugenii Dioptr.* p. m. 1: Philosophica tamen, ac Mathematica, huius phaenomeni cognitio nostro demum aëvo fuerunt producta. In priore quidem proportionem, (160.) quod nempe sit angulus refractionis tertia pars anguli inclinationis, acquieverunt veteres Optici, *Alhazen Arabs*, & *Vitello*, ad *Keplerum* usque, qui idem hoc principii loco assumfit, ex quo reliqua demonstraret; vid. eius *Dioptrice*, axiom. 7, pag. 3. Veram autem horum angulorum proportionem quaerendam esse, non in angulis ipsis, sed in secantibus angulorum eorundem, primus deprehendit *Willebrordus Snellius*, vid. *Newtoni Princip.* lib. I, prop. 96, cuius liber de hac rescriptus ineditus mansit, sed a *Cartesio* lectus fuit, unde hic primus hanc veritatem publicavit in *Dioptr. suae* cap. 2, §. 7, p. m. 75, facta in secantium locum substitutione sinuum conveniente. Igitur ab illo *Snellio*, *Batauo*, inde a seculi circiter tempore, compertum habemus, experimenta docere, quod radii lucis ita refringantur, ut sinus angulorum inclinationis & refracti sint in ratione constanti,

stanti, & eadem, pro eodem medio, diuersa autem pro diuerso medio. Vid. *Acta Lips.* 1682, p. 187.

162.

Discimus hinc radio cuilibet incidenti assignare suum refractum Geometrice, ductis nimirum lineis. Sit enim AB superficies vitri, cui superne incumbat aër; & sit radio-  
rum aliquis, ex aëre in vitrum hoc incidens, DC, quæritur, quomodo ducendus & delineandus sit huius refractus CE. Describatur ex puncto incidentiæ C, quolibet radio CF, circulus FE, atque ex F parallela ipsi AB, quæ sit FG; diuisa igitur FI in tres partes æquales, capiantur earundem ex I in H duæ, atque ibi erigatur perpendicularis HE, ad cuius punctum E ducatur radius refractus CE quæsitus. Patet enim fore sic, demissa perpendiculari EK, sinum anguli inclinationis ad sinum anguli refracti vti  $FI : EK = FI : HI = 3 : 2$ , per constructionem, vti esse debet. Hanc solutionem imitando consequi possumus eadem promptitudine radium refractum pro incidente ex medio densiori in rarius, si occasio id postulauerit.

Fig.  
71.

163.

Refractionibus variorum corporum pelucidorum per experimenta obseruatis, pro-

M 2

diit

# 180 CAP. IV DE MOTV LVCIS

diit tandem tabella sequens, quam contraximus ex *Newtoni Optica lib. II, parte 3, prop. 10.* Est nempe ratio sinus anguli inclinationis ad sinum anguli refracti, quæ generaliter dicitur *Ratio Refractionis*, pro radio luminis flauo, de quo infra agetur, ex aëre in

Aëre	vti	3201	ad	3200	=	1000	: 999.
Aqua pluuiæ		529		396	—	748.	
Spiritu vini rectif.		100		73	—	730.	
Glacie	-	-	-	-	—	713.	
Oleo vitrioli		10		7	—	700.	
Oleo oliuarum		22		15	—	682.	
Oleo lini		40		27	—	675.	
Vitro communi		31		20	—	645.	
Electro		14		9	—	643.	
Crytallo de rupe		25		16	—	640.	
Crytallo Islandica		5		3	—	600.	
Adamante		100		41	—	410.	

In vitro eandem rationem inuenit vti 3 ad 2, *Hugenius Dioptrice pag. 5*; in aqua pluuiæ vti 250 ad 187, vel 4 ad 3, *Cartesius de meteoris cap. 8, §. 10*; quæ cum præcedentibus optime consentiunt. In glacie purissima hæc ratio inuenta est a me vti 1000 ad 713, in *Commentariis Acad. scient. Petropol. Tomo XIV, pag. 220.* De aëris refractione notandum est, intelligi eam debere de radio ex inani incidentem in aërem, qui habeat densitatem infimæ partis atmosphæræ, vti monet *Newton. l. c.* De mirabili refractione Crytalli Islandicæ, in qua  
radius

radius etiam perpendicularis refringitur; & reliqui radii, oblique incidentes, duplicem patiuntur refractionem, ut in duos radios diuidantur: vid. *Hugenius de Lumine*, cap. 5.

## 164.

Ut eandem hanc naturæ pulcherrimam legem per rationem, & a priori, demonstrarent varias vias ingressi sunt Philosophi.

*Willebrordus Snellius*, primus huius rei inuentor, eandem ita explicuit, teste *Is. Vossio*, de *natura & proprietate lucis*, edit. 1663, pag. 36.

Fig. 72.

Sit vas parallelepipedum aqua plenum  $AELY$ , oculus in  $O$  positus obiectum in  $E$  situm non videbit in loco suo, sed altius in  $G$ ; quamobrem alius in aqua est radius verus  $AE$ , alius apparens  $AG$ . In reliquis, qui ad

perpendicularum non inspiciuntur, eadem est ratio.

Sit enim res oblique spectata  $R$ ; ea per  $RS$ , inde per  $SO$ , refracte ad oculum venit.

Jam vero etsi lux intra aquam per  $RS$  fluat: tamen per  $LS$ , in directum ipsius  $O$ ,

manare apparet, & oculus rem non in  $R$ , sed in  $L$  se videre existimat, in perpendicu-

lari  $MR$ . Vnde efficitur etiam hic esse intra aquam radium verum  $RS$ , & apparentem

$LS$ . Statuit igitur *Snellius*, Deum hanc legem dedisse radiis diuersa media permean-

tibus, ut omnes radii veri & apparentes eandem semper inter se seruent analogiam.

Pergit deinde *Vossius* pag. 39, leges quibus

incidunt & retunduntur radii a corporibus; ex ipsorum corporum densitate sunt petendæ; in adamante, engyscopiis adiutus, comperisse mihi videor, radium apparentem dimidia fere parte breviorē esse radio vero. Radius apparens brevior est vero in vitro parte  $\frac{1}{3}$ ; in aqua  $\frac{1}{4}$ ; in aëre  $\frac{1}{80}$ ; siphon curvus, (tubus cylindricus parum incurvatus,) oculis peruius non erit, si in aëre teneatur; si vero aquæ immergatur, fiet pervius, & cum reuera curvus sit, iam videbitur rectus. pag. 44. Ad hæc si nunc attendamus, facile nobis apparebit, quomodo *Cartesius*, lecta ista explicatione *Snellii*, potuerit refractionis legem exprimere per constantem rationem sinuum. Sunt enim secundum *Snellium* in triangulo RLS, ex voluntate Dei, latera, vel radii RS : LS in ratione constante. Est autem ex Geometria RS : LS = sin. RLS : sin. SRL = sin. SLM : sin. NSR = sin. NSL : sin. NSR = sin. OSP : sin. NSR. Sunt autem sin. OSP & sin. NSR sinus anguli inclinationis & anguli refracti : ergo hi sinus in ratione constante. Assumpto etiam centro S, & radio SM, patet esse SL secantem anguli MSL = ASO ; & SR secantem anguli MSR ; unde perspicitur ; *Snellium* per secantes exhibuisse, quod *Cartesius* reduxit ad sinus ; vid. *Newtoni Principia*, lib. 1, prop. 96, schol.

165.

*Newtoni* explicatio refractionis, petita ex *rincip. lib. I, prop. 96*, huc redit, ut radius IC æquabiliter motus, sed oblique incidens, ex medio rariori in superficiem corporis pellucidi densioris AB, prius transire debeat per huius sphaeram attractionis, exporrectionem ad distantiam aliquam minutissimam *ab*. Ad hoc medium refringens cum radius pertingit in C, prosecuturus viam in recta ICD, incipit attrahi a corpore densiori secundum perpendicularem CH; deinde cum venit in F, secundum FG, atque hinc fortius semper attrahitur, ob maiorem continuo propinquitatem, & acceleratur; est enim plane in eo casu positus, ac si punctum quoddam per IC fuisset projectum, ibique simul inciperet in id agere potentia absoluta, perpendicularis ad superficiem AB, ex quo describere debet lineam parvam Parabolicam CFE, tam in introitu, quam denuo in exitu, per spatium attractionis pellucidi lateri utrique adhærens, ad similitudinem omnium corporum projectorum, sed a potentia nova affectorum. (P. II, 178.) Patet igitur, radium incidentem peruenire ad superficiem refringentem ipsam AB motu accelerato, deinde vero actum, quantum fieri potuit a vi attrahente, in linea recta viam suam continuare, per corpus pellucidum ipsum, & æquabiliter.

Fig.  
73.

**Fig.** Hoc itaque præsupposito incidat radius  
**74.** ED ex medio rariori in densius AB, ita quidem, ut ultima ipsius directio sit hæc ED; mouebitur itaque is in medio hoc densiori celeritate maiori quam antea, sed æquabiliter. Exponatur celeritas in medio rariori præcedens per quamcunque  $FD = c$ , & resoluator in laterales orthogonales FG & FH. In his celeritatibus FH vel GD nihil mutationis accidit, quia attractio agit secundum solam FG; cum igitur radius ED transsit per superficiem in medium ipsum densius, celeritas eius superficialis non mutatur, quam ergo ponamus  $DK = DG = HF$ . Sed mutatur celeritas FG, aut HD, & augetur quidem ita, ut, posita hac celeritate priori  $HD = DL$ , noua celeritas partialis aucta nunc sit DM. Absoluto igitur rectangulo KDMI, erit diagonalis DI celeritas radii in medio densiori, quam ponamus  $= C$ . Quodsi nunc Geometrice inquiramus, quomodo se habeat finus anguli inclinationis ad finum anguli refracti, inueniemus in triangulo HDF, posito finu toto  $= 1$ ;  $c : 1 = HF : \sin. HDF = \frac{HF}{c}$ ; in triangulo MDI autem  $C : 1 = MI : \sin. MDI = \frac{MI}{C}$ ; erit ergo finus HDF : fin. MDI, hoc est, finus anguli inclinationis ad finum anguli refracti,  $= \frac{HF}{c} : \frac{MI}{C} = C \propto HF :$



$= C \propto HF : c \propto MI$ . Est autem  $MI = DK = DG = HF$ , *per construct.* Ergo sinus anguli inclinationis ad sinum anguli refracti  $= C : c$ , aut in ratione eadem & constante pro quavis inclinatione, vti Experimenta docent. (160.) Quia autem ille angulus semper maior est hoc: (l. c.) patet, necessario requiri, vt celeritas radii in medio densiori sit maior, quam in rariori, adeoque sinus dictorum angulorum esse in ratione inuersa celeritatum per media.

167.

*Cartesius, Dioptr. cap. 2, refractionem se-* Fig.  
*quenti modo considerat. Sit ex. gr. aquæ* 75.  
 superficies AB, in quam iniiciatur oblique  
 pila C per CD, celeritate CD, resoluenda  
 in laterales orthogonales CI, CK; manebit  
 celeritas lateralis pilæ intra aquam CI, vel  
 KD, inuariata, cui igitur ponatur æqualis  
 DL. Sed celeritas ID mutatur in minorem  
 DH, quia pila partes quasdam aquæ corpo-  
 re suo e loco mouere debet, vt transitum si-  
 bi paret, adeoque cum his collisionem exer-  
 cet, quæ sine celeritatis decremento fieri ne-  
 quit. Abibit igitur pila per DE, hoc est,  
 refringetur *a perpendiculari*; (156.) quod ex-  
 perimento comprobauit *Celeberr. Nolet, Le-*  
*çons de Phys. Experim. Tomo I, pag. 272; per*  
*ictum bombardæ explosæ. Aliter autem se*  
 habere refractionem lucis asserit, quæ, quon-

iam nullas aquæ partes e locis suis dimoveat: celerius etiam in medio densiori feratur, veluti per DG; quanto enim firmiores & solidiores exiguae partes corporis pellucidi sint: tanto facilius ipsi etiam easdem transitum permittere; & sicuti globus eburneus liberius voluitur supra marmor, quam supra lutum, facilius supra terram duram & solidam quam mollem & herbosam: ita etiam lumen facilius per crystallum, quam per aquam aut aërem, diffundi. Lumen itaque ferri per diagonalem DF, adeoque refringi *ad perpendicularem*. Videmus igitur *Cartesium* causam auctæ celeritatis quærere in pellucido corpore ipso, cum *Newtonus* eandem deducat ex vi attrahente corporis extra ipsum exporrecta, intus vero nihil mutante; porro illum maiorem radii refracti statuere celeritatem, aut maiorem vim refringendi, in corpore densiori quam in rariori; videmus porro, in hac etiam explicatione esse sinus Inclinationis & Refractionis in ratione inversa celeritatum; sed miramur, *Cartesium* hic statuisse diuersam lucis celeritatem, quam tamen in instanti propagari alias existimauit. (62.)

168.

Hoc ut eo exactius rimari possimus, videamus ante, quamnam corporum *vis refringendi* habeat mensuram, aut quantitatem, vel cognitionem mathematicam. Ponamus  
in

in hunc finem cum *Newtono*, *Opt. lib. II, parte 3, prop. 10*, esse superficiem refringentem **Fig.**  
 AB, in quam incidat radius IC, sub angulo 76.

ACI admodum exiguo, ut primum elementum vis refractivæ eruere inde possimus, sitque sinus anguli inclinationis  $\text{DCI} = m$ , anguli refracti  $\text{ECR} = n$ , & celeritas radii per IC = 1, æqualis adeo celeritati per AC; deinde fiat  $\text{CB} = \text{CA} = 1$ ; refringetur ergo utcumque hic radius incidens per CR, ob celeritatem attractione externa auctam ex CD in CE. Sed est (166.) celeritas per IC (1.) ad celeritatem per CR =  $n : m$ ; ergo celeritas per CR erit =  $\frac{m}{n}$ ; & huius pars BR, attractioni externæ antecedenti debita;

$$= \sqrt{(\text{CR}^2 - \text{CB}^2)} = \sqrt{\left(\frac{m^2}{n^2} - 1\right)}$$

$$= \frac{\sqrt{(m^2 - n^2)}}{n}, \text{ quod ergo erit elemen-}$$

tum celeritatis per attractionem acquisitæ. Est autem vis refringendi uti BR; quo maior enim in eodem temporis momento infinite parvo est hæc: eo maior etiam est illa; sed celeritas, effectus nempe huius vis in tempusculo indicato, est uti  $\sqrt{\text{BR}}$ , veluti in gravitate, & omni reliqua attractione potentiarum accidit; (P. I, 139.) adeoque quadratum celeritatis est uti BR, hoc est, uti vis refringendi, quæ igitur mensuram tene-

bit

bit ipsius  $\frac{m^2 - n^2}{n^2}$ , indicantis magnitudinem absolutam vis refringentis in aliquo corpore, competentem omnibus particulis simul sumtis; sed ut eadem eruatur pro particulis singulis, de quibus quaestio hæc versatur, ut neinpe harum eruatur vis refringendi: evidens est, illam per numerum particularum in corpore refringente, aut vero per densitatem huius, esse diuidendam. Ex quo obtinemus quantitatem vis refringendæ vniuscuiusque particulæ minimæ in corpore aliquo, posita corporis densitate  $= d$ , hanc sequentem  $\frac{m^2 - n^2}{dn^2}$ .

169.

Ex his itaque præmissis explicatio *Cartesii* subsistere nequit. Sumamus enim aquam, & vitrum commune; erit in illa (163.)  $m = 529$ ;  $n = 396$ ;  $d = 1000$ ; (P. II, 120.) & hinc vis refringendi in aqua  $= 7845$ . Erit deinde in hoc  $m = 31$ ;  $n = 20$ ;  $d = 2580$ , qualem densitatem in tali vitro *Newtonus* expertus est; vnde simili calculo producit vis refringendi in vitro communi  $= 5436$ , minor priori vi refringente in aqua, quæ fuit 7845, cum tamen vitrum sit corpus aqua densius, & hinc faciliorem luci permittat transitum, adeoque, ex *Cartesii* sententia, maiorem producere debeat vim refringendi; vnde

unde conficitur, *Cartesii* explicationem experientiae esse contrariam. Particulæ vitri sine dubio minus turbant motum lucis, quam particulæ succini aut electri, quia illud densius est: interim tamen hoc tenet multo maiorem vim refringentem, nempe 13654, cum illud hanc habeat tantum 5436. Accedit huc etiam illud, quod monet *Leibnitius*, *Autor. Lips. 1682 p. 188*, quod experientia doceat, radium lucis post superatum intergrum medium densius AY ferri in recta parallela RT cum radio prius incidente OS, adeoque recuperare pristinam celeritatem, quod globus in marmore primum, deinde per fasciam huic impositam densiorem, aut magis villosam, postea in reliquo marmoris, promotus facere nequeat.

Fig.  
72.

170.

*Fermatius*, perpendens in radio directo & reflexo lucem moveri a puncto in punctum per viam breuissimam, & consequenter etiam in tempore breuissimo, quia, ob celeritatem lucis in eodem medio eandem, longiori etiam viæ opus esset longiori tempore, conclusit tandem, fore ut lux in motu etiam refracto sequatur, non quidem viam breuissimam, quam experimenta ipsi denegant, sed tamen tempus breuissimum. Huic principio iunxit alterum, contrarium *Cartesiano*, & *Newtoniano*, quatenus cæterum attractio ipsi

ipsi nec incognita erat, nec ingrata, *Mau-*  
*pertuis Oeuvres*, pag. 49, nempe radium lu-  
 cis celerius moueri in medio rariori quam in  
 densiori, quod valde quidem verisimile erat,  
 hunc quippe celerius moueri in medio mi-  
 nus resistenti vacuo & aëre, quam in magis  
 resistentibus vitro, aqua, crystallo; quod  
*Hartſækerus* hac similitudine expressit, *Cursus*  
*Phys.* pag. 89, lucem celerius transire per  
 magnam multitudinem infantum, quam vi-  
 rorum robustorum. His præmissis funda-  
 mentis ita ratiocinatus est: ex puncto dato  
 Fig. I, in medio rariori, debeat radius incidens  
 76. peruenire ad datum punctum R, in medio  
 densiori, per refractionem, quæritur vbinam  
 in C debeat incidere? Demissis perpendicu-  
 lis in superficiem datam AB, medii densio-  
 ris inferioris, ponantur  $AB = a$ ,  $IA = b$ ,  
 $BR = c$ , &  $BC = x$ , erit  $CA = a - x$ ;  
 fitque celeritas radii in medio rariori  $= p$ ;  
 in densiori  $= q$ ; deducuntur hinc rectæ  
 $IC = \sqrt{a^2 - 2ax + x^2 + b^2}$ , nec non  $CR$   
 $= \sqrt{x^2 + c^2}$ ; atque in motu æquabili erunt  
 tempora, per  $IC = \frac{\sqrt{a^2 - 2ax + x^2 + b^2}}{p}$ ,  
 per  $CR = \frac{\sqrt{x^2 + c^2}}{q}$ ; (P. I, 83.) quo-  
 rum itaque summa debet esse omnium alio-  
 rum possibilium minima. Exinde, per *me-*  
*thodum de maximis & minimis*, deducitur

$$\frac{CA}{IC}$$

$\frac{CA}{IC} \cdot \frac{BC}{CR} = p:q$ ; aut vero, sinus anguli inclinationis est ad sinum anguli refracti in ratione directa celeritatum. Hoc autem plane contrarium est sententiæ priori; (166.) Vnde, stantibus asserto *Cartesii*, & *Newtoni*, in refractione radius lucis non mouetur per datum spatium in tempore minimo; nec etiam in medio rariori mouetur celerius, quam in densiori.

171.

Hæc ulterius ita demonstro, vt appareat *Fermatium* non tanta cura refractionis œconomiam explicuisse, quantam *Cartesius* huc impendit; neglexit enim ille phænomenum superius secundum, (160.) angulum refractionis, si motus fiat ex medio rariori in densius. Ad hoc si attendamus: contradictorium est assumere celeritatem radii incidentis maiorem quam radii refracti, quod *Fermatius* fecit. Fig. 74. Sit enim radius incidens ED, cuius celeritas exponatur per rectam pro lubitu assumptam FD, & cuius inclinationis HDF sinus sit *m*, posito sinu toto 1. Iam, sine omni alia suppositione Physica, celeritas hæc FD resolui poterit in duas laterales orthogonias FG & FH. (P. I, 109.) Porro sine omni alia peregrina hypothesi celeritatis pars FH, vel GD, manet intacta, dum radius vno continuo actu ex D fit refractus  
DL

DI. Erit igitur pro huius motu componendo  $DK = GD = FH$ , & erecta perpendicularis  $KI$  erit locus Geometricus omnium refractorum radiorum ex  $D$  in hoc casu possibile. Ex præsuppositis autem est, in triangulo  $FDH$ ,  $1 : FD = m : FH = m$ .  $FD = GD = DK = MI$ ; & in triangulo  $DMI$  habebitur  $DI : 1 = MI (m. FD) : \sin. IDM = \frac{m. FD}{DI}$ . Cum itaque in refractionis negotio angulus hic debeat esse minor angulo inclinationis  $FDH$ , & consequenter etiam sinus illius minor sinu huius: debet necessario, ad explicanda phænomena, esse  $\frac{m. FD}{DI} < m$ , adeoque pari necessitate requiritur ut sit  $FD < DI$ ; hoc est, celeritas in radio incidente minor celeritate radii refracti; cuius cum *Fermatius* assumeret contrarium, patet, eundem principalis phænomeni fuisse oblitum; in ipsius enim similitudine, quam assumpsit de viatore, parum huius interest an ad perpendicularem accedat, siue ab ea recedat, sed in lucis transitu experimenta hoc non liberum relinquunt. Manebunt igitur hæc inconcussa, non assumi posse radium lucis celerius moveri per medium tenuius, & tardius per densum; nec deinde radium ex loco in locum transire per duo diuersa media breuissimo tempore.



172.

Cum igitur in refractione adornanda natura neque sequatur viam breuissimam, neque etiam tempus breuissimum: merito quaeritur, an ergo natura hic nullum sibi eligat optimum, nullum sapientissimum, nullum minimum, nullam parsimoniam? Respondetur autem, omnino hoc fieri in praesenti etiam casu; sed illud, quod minimum est in transigenda aliqua refractione lucis, non esse viam aut spatium, non esse tempus, sed esse *actionem*, quae consentientibus omnibus Philosophis pro mensura habet productum ex massa, celeritate, & spatio corporis moti. Deducimur itaque ad explicationem refractionis *Perillustri Dem. De Maupertuis*, qui hoc ipsum primus statuit, quod modo dictum est, in *Oeuvres pag. 52*, per quam lex refractionis, naturae conueniens ita deducitur. Incidat radius FD, cuiuscunque longitudinis, & refringatur per DI; demissis perpendicularis FG & IK, ex datis punctis F & I, ponantur  $GK = a$ ,  $GD = x$ , adeoque  $DK = a - x$ ,  $FG = b$ ,  $IK = c$ , celeritas radii in medio tenuiori apud F  $= m$ , in densiori apud I  $= n$ ; erit sic spatium  $FD = \sqrt{(b^2 + x^2)}$ , & spatium  $DI = \sqrt{(c^2 + a^2 - 2ax + x^2)}$ . Ex principio igitur *actionis minime* debet esse, ob massulam particulæ lucis utrobique constantem, & eandem,  $m. \sqrt{(b^2 + x^2)} + n. \sqrt{(c^2 + a^2 - 2ax + x^2)} = \text{minimo}$ ; unde

P. III. N per

## III CARTIV. DE MOTV LVCH

per regulas calculi infinitesimalis oritur

$$\frac{n \cdot x \cdot dx}{FD} = \frac{nK \cdot dx - x \cdot dx}{D} ; \text{ hoc est } \frac{n \cdot GD}{FD} = \frac{n \cdot DK}{DF} ; \text{ aut vero } \frac{GD}{FD} : \frac{DK}{DF} = n : m, \text{ vel}$$

sinus anguli inclinationis ad sinum anguli refracti  $= n : m$ , in ratione inversa celeritatum, prouti natura postulat. (171.)

173.

Remittimus ad peculiaria scripta reliquas explicationes Refractionis, nempe Primo, *Barroni & Desbates*, quam, utrinque eandem, describit hic, *Dioptrics* p. 152, ille in *Leit. Opt.* atque *Celeberr. Musfibenbrækins* in *Elem. Physice*, pag. 283, Edit. 1734. Secundo *Leibnizii*, qui *Fermatio* quidem suffragari videtur, sed contra *Cortesium* sequitur; vid. *Acta Erud.* 1682, pag. 185, atque *Celeberr. Euleri* *Dissert. de principio minime actionis*, pag. 35. Tertio *Joh. Bernoulli*, qui *Newtonianæ* explicationi magnam pondus adhibet in *Actis Erud.* 1701, pag. 19. Quarto denique *Celebertimi Clairaut*, qui *Newtonianæ* explicationi maxime fauet ex merito, in *Commentar. Academi. Scient. Paris.* 1739, pag. 259.

174.

Aëri inesse vim refringendi valde sensibilem, experimentis in Anglia factis comprobatum fuit, cum per prisma vitreum curvum, exhausto aëre, inspiceretur objectum remotum

tum ad 2588 pedes, ope telescopii, quod obiectum deinde, admissio aëre in prisma, locum priorem suum per 10½ poll. mutauit; idem factum quoque est cum aëre intra prisma condensato; vid. *Celeberr. Musschenbrækii Essai de Phys.* pag. 524; & *Oratio Eiusd. præfixa experimentis del Cimento*, pag. XXIII. In Acad. Scient. Parisiensi dubitarunt quidam de hoc phænomeno, ex factis pariter experimentis: quæ cum deinde exactius instituerentur, dubium fuit sublatum; vid. *Hist. de l'Acad. des Scient. de Paris*, 1700, p. 113; nec non *Memoires eiusd.* 1719, p. 330.

175.

Ab aëris itaque ipsius diuersa consistentia omnino, & maxime, petenda est lucis *Refractionis Astronomica* dicta, quæ in Astronomia maximi est momenti. Lux enim siderum egressa fertur primum per vacua cœlestia, donec in A attingat extremam nostram atmos- Fig.  
 sphaeram, in qua refringitur ad perpendi- 77.  
 cularem AE, adeoque viam sibi capit AB. Quodsi igitur tota atmosphæra diuidatur in plura strata concentrica: erunt hæc semper densiora, quo propiora sunt terræ; (P. I, 403.) adeoque radius semper magis accedet ad perpendicularem, vt ita infinite multa talia strata transeundo viam sequatur curuilineam ABCO, quæ *curua solaris* dici solet. In huius directione vltima CO oculus radium

N 2

ad

ad se peruenire arbitratur, & consequenter obiectum lucidum, quod reuera in S positum est, in producta OC, aut in F, situm esse putat.

176.

Est enim axioma Dioptricum, locum obiecti radiantis aestimari ex directione, in qua radii visorii pars vltima oculum intrat, quicquid in medio itinere inter rem & oculum per refractionem mutetur; quia oculus nequit percipere, quid radiis per occursum mediorum extra se accidat, sed putat, illos pergere in eandem semper plagam, in qua viam suam finiunt. Vid. *Kepleri Dioptr.* p. 96. Vnde iam perspicitur, sidera omnia per refractionem altius attolli, neque in vero loco a nobis cerni, nisi quando sunt in vertice nostro. Erit præterea variabilis hæc lucis per atmosphæram via, quia & aëris consistentia indies mutatur, teste Barometro; & modo plures, modo pauciores, in eo hærent vapores atque exhalationes, vario modo lucem refringentes. Ita cæto nubilo obiectum terrestre etiam longe remotum per telescopium fixum contuentes altius positum deprehendimus, quam tempore sereno; quamuis contrarium horum sentire videatur *Keplerus*, l. c. pag. 65, experimentumque afferat, quod vero huc nihil facit.

177.

177.

Hæc refractionis Astronomicæ doctrina antiquis plane fuit incognita. Hinc mira ipsis videbatur eclipsis lunæ, sole adhuc in occiduo; hinc orta est admiratio *Ptolemai*, cum æquinoctium in eodem die obseruaret bis; & *Hollandorum*, cum solem 17 diebus citius supra horizontem eleuatum cererent in *Noua Sembla*; hinc etiam oriuntur crepuscula quotidiana. Eadem autem hæc cognitio in *Alhaseni*, & *Vitellionis*, *Opticis* quodammodo est indicata, sed ita, vt crediderint radium per ætherem recta profectum in solo extimo atmosphæræ strato refringi aliquantum, sed deinde porro recto tramite ad nos peruenire. Primus *Tycho* easdem sensibiles esse & deprehendit, & ab iis sibi cauit, tam in luna quam in fixis, quod testantur *Keplerus*, *Dioptr. pag. 65*, & *Longomontanus Astron. Danicæ pag. 125*. *Gemma Frisius* quidem negauit a se vllas vnquam obseruatas fuisse refractiones; sed *Tycho* hoc afsecutus est, quod crassum illius instrumentum, baculum nempe *Astronomicum*, effugit. *Kepl. l. c. pag. 61*. Primum autem creditæ fuerunt refractiones nocentes altitudinibus non nisi ad  $45^{\circ}$ , donec *Cassinus senior* eas ad Zenith vsque extendi deprehendisset; qui idem porro ex obseruationibus variis didicit, refractiones ab Aequatore Polum versus semper increfcere, ob densiorem sine

dubio aërem hic quam ibi, ita ut prope Aequatorem sint  $\frac{1}{2}$  minores, & prope Polum duplo fere maiores, quam Parisiis; ad quod accedit quoque *Longomontanus l. c.* Unde conclusum fuit, solem sub Polo multo citius apparere debere quam post sex menses, & crepusculum ibi dari fere perpetuum.

178.

Descendimus itaque iam ad applicationem refractionis variam, & *primam* quidem, quando ista fit per medium diuersum unicuique ex vna etiam sola parte terminatum, ex altera autem in indefinitum abiens. Cui fini obtinendo incidat radius AB in medium

Fig. 78. tale circulariter terminatum GB, prope axem AGCF, ut AB & AG, BF & GF haberi queant eiusdem fere longitudinis, sitque in medio densiori infinito radius refractus BF, concurrens cum axe in F; ductis itaque rectis uti figura commonstrat, ponantur radius incidens  $AB = a = AG$ ; refractus  $BF = GF = x$ ,  $BH = y$ , radius curvaturæ circularis  $CB = r$ ; ratio refractionis  $m:n$ . Atque erit in triangulis similibus ABH, ACD,  $AB(a):BH(y) = AC(a+r):CD = \frac{a+r}{a} \cdot \frac{y}{x}$ ; in triangulis similibus BFH, CFE, habebitur,  $BF(x):BH(y) = CF(x-r):CE = \frac{x-r}{x} \cdot \frac{y}{x}$ ; unde conficitur  $\frac{a+r}{a} \cdot \frac{y}{x} :$

$x-r \cdot y$

$\frac{x-r.y}{x} = m:n$ , arque deducitur  $x = GF = \frac{m a r}{m-n, a-nr}$ ; in qua sola expressione continentur iam omnes casus infiniti, qui dari possunt in hac re, adeoque etiam omnia illa theoremata particularia, quæ apud plerosque scriptores Dioptricos in hoc negotio, non sine fastidio, occurrunt.

179.

Dabimus igitur aliquot tantum exempla. Sit radius incidens AB axi parallelus, dico illum concurrere cum hoc ultra centrum C. Est enim sic  $a = \infty$ , hinc  $GF = \frac{m a r}{m-n, a} = \frac{m r}{m-n} > r$ , quod statim in oculos incurrit. In eodem autem casu radiorum incidentium parallelorum, est, uti vidimus,  $GF = \frac{m r}{m-n}$ , hoc est, GF ad radium sphericitatis  $r = m : m - n$ . Si superficies GB sit plana: poni debet  $r = \infty$ , hinc  $GF = \frac{m a r}{-nr} = -\frac{m.a}{n}$ , quod indicat, focus F cadere in partem oppositam, adeoque radiorum refractorum non dari focus realem, sed solum imaginarium, aut virtuale. (157.) Ex his paucis poterit in reliquis etiam omnibus simili perspicuitate iudicium ferri.

180.

Si oculus O, in medio densiori constitutus, obiectum in rariori positum aspiciat, Fig. 79.

N 4

hoc

hoc apparebit illi minus , quam reuera est. Nam , sit ab obiecto vnus incidens AF , eiusque refractus FO ; alter incidens BG , & refractus GO : apparebit res ipsa AB oculo sub angulo optico , aOb , productis scilicet refractis OF in *a* , OG in *b* ; est autem angulus aOb minor angulo AOB , & ex maioritate vel minoritate huius anguli optici iudicat oculus de magnitudine obiectorum ; (87, & 176.) ergo patet propositum. Hominibus itaque sub aquas submersis , aut piscibus in his natantibus , obiecta minora apparent externa , quam reuera sunt ; aut etiam si animus ex consuetudine cognitum habeat angulum opticum rei eiusdem in eodem medio visæ , obiecta apparebunt ipsi remotiora , quam reuera sunt. Contrarium ergo accidere debet , si oculus fuerit in medio rariore , obiectum in densiori. Hinc planum , cui cubus vitreus politus imponitur , ad dimidiam altitudinis partem attollitur ; fundus vasis aqua pleni pariter attollitur ; & pisces , aliaque corpora sub aquis posita , propiora videntur quam reuera sunt ; pertinet huc , qua ratione pisces sub aqua natantes sclopeto sint petendi. Vid. Nolet , *Leçons de Physique* , tome I , pag. 286.

181.

*Secundam* refractionis applicationem faciemus in medio diuerso vnico , sed vtrinque:  
circu-



circulari figura, terminato, quales sunt lentes dioptricæ vocatæ, superius descriptæ. (157.) De hisce demonstraui in *Commentar. Acad. Scient. Petropol. tomo XII, pag. 260*, si vnius conuexitatis DBE semidiameter sit  $CI = r$ ; alterius conuexitatis DAE semidiameter  $CH = R$ , distantia GA puncti radiantis G a superficie lentis anteriori  $= p$ , crassities lentis  $AB = d$ , ratio refractionis  $= m : n$ , esse radii incidentis valde propinqui ad axem GA punctum concursus, seu focum F, ibi, vbi est  $BF = n R (\overline{r-d.m.p} + \overline{r+p.n.d}) : \overline{m-n. (1-d.m.p + r+p.nd)} + m R (\overline{m-n. p-nr})$ . Ille autem radius, qui in axem GAF ipsum incidit, quia perpendiculariter incidit, & egreditur, (157.) irrefractus per omnem lentem transit, adeoque pro norma reliquorum assumitur. Sin igitur crassities lentis negligi possit in respectu ad reliquas quantitates præsentis, erit  $d = 0$ , &  $BF = n p R r : (p.m-n.R+r-nRr)$ . Porro erit pro lente vitrea, in qua  $m : n = 3 : 2$ , (163.)  $BF = \frac{2 R r p}{R p + r p - 2 R r}$ ; & pro lente vitrea æqualiter conuexa, in qua  $R = r$ , erit  $BF = \frac{r p}{p-r}$ . Quæ omnia quidem ad sequentia facillime demonstranda hic supponimus.

Fig.  
30.

182.

Radii igitur ex rariori medio in densius incidentes, & deinde in idem cum priori

N 5

iterum

iterum elapsi, veluti fit in radiis vitrum vtriusque terminatum permeantibus, sequenti legi obediunt, si vitrum fuerit plano - planum, vel vtrinque lineis rectis parallelis terminatum. Quoniam tale vitrum æquipollet lenti vitreæ eiusdem semidiametri, scilicet vtriusque infinitæ: adhibenda hic erit formula antecedens  $BF = \frac{r \cdot p}{p-r}$ ; sed est hoc casu  $r = \infty$ , ergo erit hic  $BF = -p$ . Igitur, cum crassities talis vitri negligi plerumque possit, radii ita rursus exeunt, ac si ex eodem puncto A propagarentur, consequenter punctum concursus habent negativum, aut focum imaginarium. (157.) Si proinde radii incidant paralleli, posita nempe  $p = \infty$ : tum hi paralleli vitro iterum exhibunt. Vbi vero accadat, ut crassities vitri talis plano - plani nequeat negligi, tum adhibenda erit formularum præcedentium (181.) illa, quæ generalior est, &  $d$  adhuc intra se continet.

## 183.

Radii autem transeuntes per lentem vitream conuexo - conuexam, vel conuexo-planam, hoc primo efficiunt, ut habeant focum realem, aut punctum concursus, in lentis axe positum. (157.) Hoc experimento probatur, quo talis lens charta, aliquot foraminulis perforata, obducitur, & libera soli

Soli obuertitur, adnota alia charta alba & plana; sic enim obseruatur, radios solis per foramina chartæ prioris transeuntes, hanc posteriorem chartam remouendo vel adiouendo, in talem situm posse colligi, vt omnes simul non nisi vnicum punctum lucidum efforment. Vel etiam, si radius solaris amplior in cameram obscuram immissus tali lente excipitur, vbi ille pone hanc in visibile punctum vnicum, in aëre sine pariete conspicuum, colligitur, e quo deinde radii diuergentes porro exeunt, atque vltius propagantur. Atque hoc experimento docemur etiam Phyllice formare, & præsens sistere, *punctum radians*, quale est hic ipse focus in aëre pendulus, non Geometrice, sed cum aliqua latitudine, consideratus, radios eiiciens diuergentes; (85.) cum solis radii, ob ingentem distantiam non diuergentes, sed ad sensum paralleli ad nos perueniant. Ex quo patet, in Experimento illo radios a charta obducta residuos lentem penetrantes in puncto congregari; in hoc autem omnes visibilem atque integrum formare focum, qui est vertex coni sui luminosi.

## 184.

Ex formulis antecedentibus (181.) eadem hæc sequenti modo deducuntur. In lente conuexo - conuexa inæqualium diametro-  
rum

rum, positis omnibus radiis non adeo procul ab axe incidentibus, & neglecta crassitie lentis, est in lente vitrea  $BF = \frac{2Rrp}{Rp + rp - 2Rr}$ .

(181.) Quoniam vero hæ lentes plerumque sunt eiusdem vtriusque diametri, ponatur

Fig. 30.  $R = r$ , vnde fit  $BF = \frac{rp}{p-r}$ ; ex quo apparet, focus hic dari realem, modo sit  $p > r$ ; deinde discimus hinc etiam determinare distantiam foci a lente, vel constructione Geometrica, vel facili calculo Arithmetico. Si autem casus sit de Sole, cuius radii incidentes pro infinite longis haberi possunt, ponatur ulterius  $p = \infty$ , vnde fit iam  $BF = \frac{r\infty}{\infty-r} = \frac{r\infty}{\infty} = r$ ; ut itaque in lente vitrea, æqualiter conuexa, radii solares prope axem incidentes focus suum habeant in distantia semidiametri conuexitatis in lente. In lente autem plano-conuexa ponatur similiter primo  $R = \infty$ , eruetur  $BF = \frac{2rp}{p-2r}$ ; vnde talis lens focus habet fere duplo plus distantem a lente quam prior. Porro ponantur radii solares pro incidentibus, erit iam denuo  $p = \infty$ , vnde  $BF = 2r$ , exacte duplo maior quam in præcedenti lente. Quæ omnia eadem prodeunt, si ponatur  $r = \infty$ , hoc est, si in plano-conuexa lente conuexitas radiis incidentibus obuertatur, atque hinc in utroque hoc casu manet focus inuariatus, quod experimenta etiam euincunt.

185.

Hucusque focum lentis considerauimus factum a solis illis radiis incidentibus, qui axem lentis proxime quasi stringunt. (181.) Videamus vero nunc, quid accadat aliis, longius ab axe incidentibus, vbi quidem casum supponamus simplicissimum, in lente plano-conuexa, semicirculari, cuius dimidium per axem sectum sit quadrans  $cBD$ , Fig. 81. & radii incidentes  $GH$  axi paralleli. Ponatur vitri semidiameter  $cI = r$ , anguli inclinationis  $GIC$  sinus  $p$ , cos.  $q$ , posito sinu toto  $= 1$ ; atque erit anguli refracti  $EIK$  sinus  $= \frac{3p}{2}$ , cosinus  $= \frac{\sqrt{4 - 9p^2}}{2}$ , quia radius perpendiculariter incidens irrefractus per vitrum transit, adeoque apud  $I$  solum refringitur ex vitro in aërem. Ex his duobus angulis datis inueniatur eorundem differentia  $LIF$ , aut  $IFC$ , ex quibus in triangulo  $IFC$  deducitur, per Trigonometriam,  $BF = cF - cB = \frac{3r}{3q - \sqrt{4 - 9p^2}} - r$ .

186.

Ex hac formula consequitur, radium incidentem in ipso axe, aut proxime eum, vbi nempe est  $p = 0$ ,  $q = 1$ , esse  $= 2r$ , vti antea deduximus. (184.) Notetur autem in hoc problemate, anguli inclinationis  $GIC$  mensuram esse ipsam arcum lentis  $BI$ , ob radios

radios axi parallelos incidentes ; quot itaque graduum erit angulus inclinationis : totidem quoque erit arcus BL Adhibeatur itaque calculus , & inuenietur, posito angulo inclinationis , vel arcu

BI	esse	BF
0°	—	$\frac{260}{100} r.$
10	—	$\frac{197}{100} r.$
15	—	$\frac{180}{100} r.$
20	—	$\frac{171}{100} r.$

Ex hac tabella manifestum est, focum radiorum axi vicinorum esse remotissimum a lente ; nimirum 2r distantem a superficie lentis ; radios remotiores autem GH ab axe, foco suo propius continuo accedere ad eandem superficiem , quia BF continuo decrescit ; mutari autem sic focum ex puncto in circellum diametri sensibilis , nempe  $\frac{260}{100} r.$ ,  $\frac{197}{100} r.$ ,  $\frac{180}{100} r.$ , sub angulis inclinationis, vel arcibus BI, respectiuis 10°, 15°, & 20°. Cum vero in lente conuexo-convexa focus principalis distet dimidia parte huius lentis : (184.) de illa similiter possumus iudicium ferre. Hic igitur radiorum incidentium ab axe remotorum discessus a foco, in unicum punctum F redigendo ; vocatur radiorum refractorum aberratio , atque docet, radios incidentes , ab axe aliquantum remotos , ad focum constituendum plane esse inutiles & super-

superuacuos; qui nempe hunc nimis dilatant atque extendunt, quam ut officio suo fungi possit, quod est, radios in vnicum punctum aut Geometricum, aut Physicum, colligere.

187.

Lens igitur vitrea conuexo-convexa, vel conuexo-plana, exponatur radius solaribus ita, ut ipsius axis cum directione radiorum coincidar; si dein corpus combustibile pone hanc lentem in legitima distantia locetur, observabitur, illud comburi. Oritur hic effectus ex eo, quia, per modo demonstrata, radii solares per tale vitrum transeuntes, antea dispersi, nunc congregantur, atque ob hanc ignis collectionem, magnamque intensitatem, (85.) violenter vrunt. Hinc etiam vocatur illud punctum, in quo solo hæc combustio locum habet, *Focus* talis lentis, & lens vitrea ipsa respectu huius effectus dicitur *lens caustica* vel *ustoria*. Si propter aberrationem radiorum non satis arte colligantur radii solares: tum antequam ad focum perveniant, obicitur eis alia adhuc minor lens convexa, quæ *lens collectina*, vel *vitrum collectivum* dicitur, cuius ope radii iam minus adhuc sparium colliguntur, propius ununtur, adeoque vehementius vrunt. Hanc vim comburendi adscribendam esse radiorum congregationi manifestum est ex eo, quia

quia tales lentes causticae ex glacie quodque pellucida confectae eundem edunt effectum, dummodo forma lenticularis accurata ipsis concilietur; immo aqua repletæ sphaeræ vitreae idem efficiunt; & specula quoque caustica præparantur, (146.) quæ non nisi ex ligno excavato, stramine nitido accurate obducto, aut etiam nitide deaurato, constant. Lentes tales plano-convexæ ad duplo maiorem distantiam objecta comburunt quam convexo-convexæ; (184.) & quoniam radii sub maiori angulo quam  $10^{\circ}$  incidentes ad focum constituendum sunt inutiles: (186.) integer arcus circularis lentem causticam comprehendens maior non confici solet quam  $20^{\circ}$ . Sed dantur etiam lentes vitreae duorum diversorum focorum, si nempe alterutra superficies lentis habeat diversam convexitatem, duplici radio debitam.

188.


Facile autem patet, eo maiorem prodire effectum tam vitrorum quam speculorum causticorum, quo maiorem illa excipiant numerum radiorum, hoc est, quo ampliora sint, aut maiorem habeant chordam suæ convexitatis, quæ etiam diameter eorundem vocari solet; ac deinde, quo angustius sit spatium foci, in quod radii coguntur. Cum itaque *Tschirnhusius*, primus lentium causticarum maiorum inventor, vidisset, focum

ed



ab iis fieri iusto capaciorem; qui nocens ignis intensitati, cogitavit de foco hoc magis contrahendo; lentique suæ principali parallelam adiunxit aliam minorem, *collectivam* vocatam, qua omnes radii per principalem iam transgressi denuo exciperentur; ita enim deprehendit postea focum reddi multo angustiores, ut cum antea teneret diametrum 9 linearum, hæc esset nunc tantum 4 lin. cum præterea novus hic focus propior est vitro quam ante, commodiores efficit etiam observationes instituendas.

189.

Veteribus etiam vitra caustica cognita fuisse deduxit *De la Hire* in *Commentar. Academi. Paris.* 1708; p. 135, ex loco *Aristophanis* in *Comœdia*, cui titulus *Nubes*, act. II, scena i. *Plinius* quoque *Nat. Hist. lib. 36*, loquitur de sphaëris vitreis, quibus soli expositis cutem egrotorum Medici comburant; *Lactantius*, libro *de Ira Dei*, cap. 10, mentionem facit sphaërarum vitrearum aqua repletarum, solique expositarum, quibus ignis in summo etiam frigore accendi queat. Vid. *Dissertatio de Experimentorum Physicorum scriptoribus nostra* §. I. Primus autem, uti specula, (148.) ita præcipue etiam vitra caustica insignis magnitudinis elaboravit, non indicatam methodo; *Tschirnbusius*, diametri scilicet, vel chordæ concenteratis, 3 & 4 pedum,   
*P. III.*  *que*

quæ describit in *Actis Erud.* 1691, p. 517; & 1697, p. 415. Tale vitrum causticum *Tschirnhusianum* asseruatur in Pinacotheca Academiae scientiarum Petropolitanae. . . . Constat illud duobus vitris, Principali, & Collectiuo. In principali inueni distantiam foci a superficie 543 partium; quarum 100 efficiunt pedem Londinensem, & diametrum huius foci circularis  $4\frac{2}{3}$  part. idem, quantum iudicari potest, vtrinque eiusdem est conuexitatis, & chordam huius tenet 186 part. crassitiem autem 17 part. In vitro collectiuo solo inueni distantiam foci a superficie 160 part. diametrum autem foci 2 part; hoc quoque vtrinque eiusdem est conuexitatis, & continet chordam 62 partium, crassitiem vero 6 part. Superficies vitri vtriusque, regulis ferreis iunctorum, parallelæ sunt, & distant inter se 338 part. cum tota machina est composita ex utroque vitro, focus communis distat a superficie vitri collectiui 91 part. & foci compositi diameter adhuc est 2 part. Arcus integer, quem vitrum principale continet, est  $21^{\circ}$ . Aliud vitrum *Tschirnhusianum* celebratum fuit in *Notis Lips.* 1744, nro. XCI, diametri 2 ped. 4 poll. a *Lehmanno* hereditibus relictum; tertium, diametri 3 pedum, quod Dux Aurelianensis a *Tschirnhusio* sibi comparauit, describitur ab *Hombergo*, *Comment. Acad. Scient. Paris.* 1702, p. 147; quantum tale vitrum, & eiusdem cum priori diametri,

metri, Cassellis afferuari legitur apud *Fon-tenellium*; *Eloge de Mr. Hartsoeker*, p. 283; quinrum denique Imperatori Leopoldo fuit oblatum, vid. *Eloge de Mr. de Tschirnhaus*, l. c. pag. 177. Quibus adiicio lentes alias magnas, aqua repletas, quas describit *Hertelius*, *de vitris poliendis*, p. 51.

## 190.

Effectus vitrorum causticorum, vti etiam speculorum, qui sumuntur ab obiectis impositis carboni duriori, probe excubito, aut porcellanae, vel lateri, primo hæc generaliter edocuerunt. Corpora nigra citius comburuntur quam alba, veluti creta, quia scilicet illa parum lucis reflectunt, unde etiam vestes nigrae in solis aestu magnum & incommodum calorem contrahunt. Omnia obiecta ipsorum violentiae permessa aut liquefcunt, aut in vitrum mutantur, aut in calcem abeunt, aut in auras per modum fumi disperguntur. Lunæ etiam plenæ radii nullum effectum nec in thermometrum edunt. vid.

A. E. 1

sub aqua  
manent  
bones  
munic  
feriore  
quod in  
bones

lignum tenerrimum  
ir quidem integrum  
ipparer intus in car-  
tic aquæ non com-  
n caloris gradum in-  
ligno accendendo,  
quis contiguæ in car-  
d. *Buerbaue Chemia*,

*P. I, pag. 248.* Ignis in foco collectus dissipat arenam per ipsum transiectam ad ventimodum, obseruante *Hartsækerø*, *Curs. Phys. pag. 85*; & focus lentis in diametro 13 poll. allisus ad tenuem laminam elasticam, ex pariete firmo prominentem, huic vibrationes inducit teste *Hombergø*, *Mem. de Paris 1708, pag. 25*; deinde ex foco speculum versus editus sonus augetur, indicante *Sturmio*, *Coll. Cur. P. II, p. 157.* Intra brevis minuti spatium metalla in hoc foco fusa cadunt, vt & semimetalla omnia explorata hætenus. Imago solis speculo plano excepta, atque ab hoc reperiussa in speculum causticum, aut reperiussa etiam ab aquis, facit focum eiusdem fere violentiæ ac radius directus. Metalla omnia vitrificantur, si porcellanæ imponantur.

191.

Aurum quidem huic foco expositum liquefcit in sec. 4, & in vitrum rubinos referens abiit *Tschirnhusio*. Sed *Hombergius* vsus vitro tripedali (189.) exactissime in hæc inquirens, deprehendit, triplicem auri puri hic dari mutationem; abire in auras per fumum, transire in vitrum, & proflire in aërem per granula minutissima. Aurum igitur & argentum volatilia sunt in hoc igne cœlesti, vti reliqua metalla talia sunt in igne nostro terrestri. Aurum purum spiritu salis calcinatum, & fustum deinde in foco, multum fumi eicit, atque tandem in vitrum violacei colo-

coloris mutatur. Si massa auri exponatur foco, vitrificatio non statim apparet, sed sensim formatur sub guttula liquefacta ubi prius in puluerem redactum fuit, quod optime succedit, si tale aurum aliquando a foco parum remoueatur, ne puluis dispergatur, ut charta excipi possit. Argentum purum multo magis fumat quam aurum, & si plumbo fuerit depuratum non abit in vitrum, quod hoc solo casu fit si antimonio depuretur. Vtrumque horum metallorum, semel sub foco coelesti fusum, multo difficilius deinde ab igne vulgari liquefcunt, neque etiam tam cito postea soluuntur. Ignis enim solaris est ignis purissimus, minime mixtus materiis oleosis ligni, hinc etiam magis violentus est quam culinaris, & in metallis post fusionem a sole pori fiunt minores, & materia magis compacta; vitrum ex auro factum leuius est auro. His experimentis *Hombergianis* obiecit *Hartskerus*, recto suo nomine, vid. *Eloges de Fontenelle*, T. II, p. 283, aurum per se non mutari in vitrum; sed id accidisse *Hombergio* tantum ex mixtis auro puluisculis renuissimis carbonis, cui aurum in foco erat impositum; ad quod respondit hic, sic futurum esse, ut etiam argentum plumbo depuratum abire debeat in vitrum, quod tamen minime fiat. Porro vitrum *Tschirnhusianum* conuertit aurum cum terra porcellana mixtum in vitrum purpureum;

## 214 CAP. IV DE MOTV LVCIS

magnetem & hæmatitem in ferrum. Silices calcinati in fluorem redigi non possunt, cum calce viua autem, si misceantur, fluorem acquirunt; secundum *Frid. Hoffmanni Demonstrat. Phys. curios, Dem. IX.*

192.

Deinde iidem effectus specialiores observari fuerunt sequentes. *Primo*, Hyacinthus liquefactus est in 133 secundis temporis, quæ secunda in sequentibus retinebimus. Topasius ex Silesia in calcem mutatus post 628. Carbunculus liquef. in 4. Opalus in 23. Achatius mutavit colorem in 5. Reliqui lapides pretiosi, genuini, orientales, non funduntur, sed colorem, nitorem, & polituram perdunt, vti factum est in adamante post semihorii tempus. vid. *Journal des Savans 1684, p. 66.* In foco vitri caustici Magni Ducis Hetruriæ dissipatus tandem fuit adamas in auras. *Giorn. d. Italia, Tom. 8, pag. 232;* ab igne ordinario autem adamas nullum detrimentum capit, sed potius melior euadit. *Rieger, Introd. ad not. rerum nat. & artes. Tom. I, p. 219.* Idem accidit in Granato, qui tamen in igne culinari fortissimo ruborem suum conseruat, teste *Henckelio.* Lapis Lazuli albescit in 7; in spumam versus post 32. Lapis fissilis, vel Ardosisia, vitrefactus est in 3, in vitrum nigrum, ex quo fila quoque duci possunt. Lapis sclopeta-  
rius

## REFRACTO, SIVE DE DIOPTRICA. 215

fius vitrificatus in 60; & calculus humanus, calcinatus post 2, abiit in vitrum pariter post 60. Pumex, liquefactus in 9, mutatur in vitrum candidum & pellucidum. CrySTALLUS, calcinata in 11. Asbestus, seu Amianthus, in terrestri igne incombustibilis, liquefit in 7, abit in vitrum subfului coloris post 110; talis Silesicus liquefit in 27; Saxonicus in 2. Alumen plumosum liquefit in 14. Corallia rubra nigrefacta fuerunt in 6, & calcinata in 875.

193.

*Secundo*, Argenti minera liquefit in 3; nummus argenteus perforatus in 24, vncialis Saxonicus in 3. Ferri minera liquefit in 15; ferrum ipsum ea in parte, qua ad focum admouetur, mox incandescit, & sine mora liquefit; lamina tenuis perforatur in 6; frustum vetusti ferrei lebetis liquefit in 40. frustum ensis in 23; & elater horologii portatilis perforatus in 9. Cupri scoria liquefacta alia in 14, alia in 8, alia in 4. Minera cupri liquefit in 8, & vitrificata. Calculus orichalceus perforatus in 6. Lamina cuprea statim excandescit, & mox liquefit in 42. Stanni minera liquefit in 123. Massa stanni, 3 poll. crassa, statim liquefit, in 3 perforatur, in albissimum puluerem abit, & deinde in vitrum. Idem fit in massa plumbi, quæ in vitrum pellucidum transuertitur. Antimonium, combustum in vase clauso, fumos

emittit, & tandem in pulverem subtilissimum transit.

194.

*Tertio*, terra, miraculosa dicta, liquef. in 12. Ex fistula tabacaria frustum vitrefactum in 8. Latres & regulæ in vitrum flavum deliquescent in 45. Testæ ex ollis longo usu duratis in vitrum abeunt nigro - flavum; gleba terræ in flavum aut nigrum; vas argillaceum, aqua repletum, dum hæc ebullit, colliquescit. Crucibuli solidissimi pars in vitrum fusa est in 8. Porcellana Sinensis liquefacta est in 18; Iapanensis mutavit colorem post 22, & liquefacta est in 106; Dresdensis vero liquefacta est in 265; unde hæc durissima præcedentium est iudicata. Cæmentum, ex quo ædificantur fornaces ad fundendum ferrum, vitrificatur in 52, ut ita potentia huius ignis præstet in momento, quod annorum spatio ignis ordinarius summus vix efficere valet. Lignum petrefactum liquefit in 13; viride, & humectatum etiam, aut celeriter per focum transmotum, subito ignem concipit, & exardescit; cineres eius deinde mutantur in vitrum, sine addito sale. Ossa mutantur in vitrum opacum, cum tamen illorum cineres tam potenter igni terrestri resistent in catinis decimasticis. Ebur calcinatur in 195. Cornu cerui in eodem tempore. Manus moveri potest



potest per ralem focum sed celerius 1, nisi laedatur. Magnesia liquefacta fuit in 20. Argilla, arena, marmor, Iaspis, Porphyrites, silices, lateres, hæmatitæ, creta, gypsum, plumbago, liquecunt; & in vitrum vertuntur. Pateræ Romanæ frustum rubrum incipiebat fundi intra 3, & in guttas stillabat intra 100. Columnæ Alexandrinæ Pompeianæ frustum vitrificatum est post 50. Aqua denique extemplo efferuescit, ut ova iniecta fiant edulia, cancri rubescant, pisces, gallinæ, coquantur, quarum carnum saporibus quibusdam delicatiores visi fuerunt; sed breui omnis euaporat. Pix, resina, sulphur, sub aqua vlnam alta posita, liquefiunt. Consuli possunt de hisce, *Fontenelle Eloques Tschirnbusii & Hartsockeri*; *Bœrhauii Chemia* P. I, pag. 248; *Acta Erud. Lips.* 1687, p. 52; 1691, p. 517; 1697, p. 414; *Journal des Savans* 1666, pag. 311; *Liebknechti Diatribe de speculis caust.*

195.

Si assumamus vitrum *Tschirnbusianum* diametrum habere 4 pedum, (189.) focumque esse diametri 2 partium, qualium 100 faciunt pedem, cuiusmodi focum supraprehendimus, (l. c.) erit intensitas lucis solaris ordinariæ ad intensitatem ipsius in hoc foco uti  $2^2$  ad  $400^2 = 4 : 160000 = 1 : 40000$ , hoc est, erit in foco 40000 vicibus plus ignis quam in aëre a sole libero calefa-

O 5

cto;

cto; in foco autem *Villettiano* deprehendimus tantum 7396 vicibus plus ignis; (145.) unde se habet præstantia illius ad præstantiam huius uti  $5\frac{4}{10}$  ad 1; hinc mirandum non est, multo maiores edidisse effectus illud quam hoc. Sed præterea speculis causticis præferuntur vitra sequentes ob rationes. Illorum politura debet esse exactissima, si bonæ sint notæ, at vero huius facillime in iis fit iactura; operosam quoque postulant fabricam; incommodamque habent directionem; denique vitra usum etiam habere possunt in examinandis corporibus sub aqua demersis, quod specula facere nequeunt, quia suum focum sursum in aërem proiciunt.

196.

Vitra vitoria usum quoque possunt habere in exhibendo lumine datæ alicuius intensitatis. (85.) Lucis enim intensitas, vel densitas, est inverse uti volumen spatii, quod eadem lux occupat; (P. II, 95.) radii autem incidentes naturales, & refracti per vitrum, excipi possunt in pariete opposito sic, ut in circulum aliquem designatum ante cogantur, & præcise hunc repleant, accedendo sensim sensimque ad focum, aut recedendo ab ipso. Sit igitur vitri caustici, quod radiis naturalibus spatium porrigit, diameter = 1, circuli autem, quem radii aliquantum conden-

sati

fati explent, diameter  $= a$ ; eritque intensitas lucis naturalis (I) ad intensitatem concentratæ  $= a^2 : 1$ ; vade hæc erit  $\frac{1}{a^2}$ . I.

Exempli loco sit lux lunæ in terram, & huius in illam. De hac constat ex Astronomia, quod sit ad istam vti 14 ad 1. Quodsi igitur obtinere queamus, & oculis præsentem sistere, lucem, quæ 14 vicibus densior sit luce naturali lunæ: habebimus oculis expositam talem lucem, qualem terra spargit in lunam. Atqui hoc fieri potest modo præcedente, in quo poni debet modo  $a = \frac{100}{374}$ , vel  $\frac{1}{3\frac{3}{8}}$ , hoc est, posita diametro vitri 500 partium, debet esse diameter circuli in pariete 133, habebitur lux quæsitæ; vti docet *Perillustis L. B. de Wolff*, in *Pref. ad Hertelii librum de poliendis vitris*.

## 197.

Si in camera aliqua etiam non obscura radii e candela accensa prodeuntes cadant in lentem conuexam vitream, & post hanc teneatur charta alba in distantia foci a lente, observabitur, flammam candelæ apparere nitide depictam in superficie chartæ, sed situ inuerso positam; idem etiam accidit cum ædificiis longe remotis, si a sole fuerint illuminata. Ex quibus patet, corporis lucidi singula puncta esse puncta radiantia, eaque singula suum peculiarem habere focum; quare

quare ibi, vbi communis hic omnium datur focus, dabitur quoque imago depicta obiecti radiantis, sed inuerso situ posita, quia radii vitrum penetrantes sese decussant dum focum constituunt. Idem quoque patet, si ope talis lentis per radios solis residuos, dum eclipsin patitur, foramen ligno inuratur, quo casu hoc non erit circulare, sed phasin eclipsios referens. Hac via etiam artifices mechanice inuenire solent distantiam foci lentium vitrearum, dum chartam nitidam his admouent aut amouent tam diu, donec distantiam inuenerint, in qua obiecta longe diffusa distincte depinguntur. Euidens igitur est, focos speculorum & vitrorum causticorum, ardentissimos cum soli exposita sunt, nihil aliud esse quam ipsissimam solis imaginem, minime autem puncta indiuisibilia. Obiecti enim quodlibet punctum

**Fig. 81.** A, emittit radios in totam lentis CD superficiem, qualis radius compositus vocatur *penicillus opticus*; illi radii omnes colliguntur in aliquo foco *a*; atque ex hoc exeunt simili modo ac ex A, vnde oculus eodem modo afficitur siue aspiciat punctum A vel *a*, & in *a* est imago puncti A; quod cum de punctis obiecti intermediis omnibus pariter verum sit: euidens est, totam imaginem apparere in *a b*, in foco lentis communi, sed inuersam. Hinc itaque lentes conuexae omnes obiecta radios physice parallelos im-

mitten-

mittentia depingunt in foco principali, aut axis, inuersa.

198.

Capiatur sphaera integra ex vitro confecta, eaque solis radiis obuertatur, atque obseruabitur, radios etiam hanc penetrantes focum esse formaturos, distantem a sphaera quarta parte diametri quam sphaera tenet. Hoc statim sequitur ex formula generali superius (181.) tradita, si in ea accommodare ad hunc casum ponantur  $R = r$ ,  $d = 2r$ ,  $m = 3$ ,  $n = 2$ , &  $p = \infty$ , vnde producit ibi  $BF = \frac{1}{4}r$ . Ex quo patet, quae dicta sunt antea de sphaeris vitreis comburentibus veterum. (189.) Patet porro, falli *Vitellionem*, qui in *Optica* sua putauit radios solis parallellos tali sphaerae incidentes colligi & focum formare intra sphaeram, in ipso eius centro. Docent porro & experientia, & calculus per formulam generalem, si ratio refractionis  $m : n$  ponatur  $4 : 3$ , qualis est quamproxime in aqua, focum a sphaera aquis repleta distare  $\frac{1}{4}$  diametri parte, consequenter sphaeram aqua repletam habere focum duplo remotiorem quam vitrea.

199.

Quoniam radii paralleli incidentes in lentem conuexam conuergunt in punctum fixum F, nempe in focum; etidens est, radios ex hocfoco F egredientes, & lentem penetrant-

Fig.  
81.

netrantes, sequi viam pristinam suam, adeoque post hunc introitum parallelas iterum exire; ynde si in foco lentis cuiuscunque collocetur punctum luminosum, huius radii post refractionem euadunt paralleli; quia radii eadem lege recedunt e foco, qua ad illum accedunt. Hinc opo lentis conuexæ, vel sphaeræ etiam vitreæ, aut aqua repletæ, aut etiam speculi concaui, in quorum nempe focus lumen positum fuerit, hoc per insignem distantiam propagari potest, minime tamen ad ingentem, aut infinitam, de qua somniarunt aliqui, ob vitrum, & aërem ipsum, luci valde resistentem. (85.) Hoc interim artificio commode vtimur ad construendas lucernas, quæ noctu lucem lampadum accensarum ad notabile interuallum proiciunt, ad plateas illuminandas, ad pisces aut cancos noctu congregandos, atque ad alios vsus.

200.

Si capiamus vitrum ex vna parte planum, ex altera vero pluribus planis hedris, versus se inuicem inclinatis, terminatum, atque per illud obiectum aspiciamus: apparebit hoc toties multiplicatum, quot dantur in altera superficie hedræ inter se inclinatæ. Vitrum indicato modo elaboratum vocatur *Polyedrum*, aut vitrum *Polygonum*, & multiplicatio obiectorum oritur ex eo, quod a  
singulis

singulis hedris radii ab eodem obiecto exeun-  
 tes sigillatim refracti oculum spectatoris in-  
 grediuntur. Si in multitudine obiectorum  
 apparentium digito tangere velis obiectum  
 verum, is aut ita locandus est, vt digitus ad  
 singulas imagines applicatus videatur; aut  
 polyedrum moueatur in gyrum, & obser-  
 vetur, quænam imago locum non mutet,  
 illa erit verum obiectum. Artifices etiam  
 solent efficere tales picturas, quæ, cum nu-  
 do oculo inordinatæ appareant, trans tale  
 polyedrum visæ in ordinem & situm debi-  
 tum restituantur; quales *pictura Magica* ap-  
 pellari solent. Talem habet Academia Scient.  
 Petropolitana, quæ Imperatoris Petri II  
 effigiem exhibet, vid. *Commentarii illius Tomo*  
*IV, pag. 202.* Alius quondam artifex effecit  
 Imperat. Leopoldi faciem, teste *Zabnio, pag.*  
*510.* *Niceron* duodecim Imperatores Turci-  
 cos depingi curauit, qui per polyedrum in-  
 specti imaginem Regis Galliæ Ludov. XIII  
 repræsentant. Polyedrum foramini camerae  
 obscuræ insertum imagines pariter multipli-  
 cat. Detectum est microscopiorum ope,  
 muscarum aliorumque insectorum oculos  
 fabricatos esse ad formam talium polyedro-  
 rum, vnde conicere licet, obiecta quæuis  
 illis apparere multiplicia, quo insigni & pla-  
 ne admirando artificio securitati earum con-  
 sultum est, quoniam oculos tenent non in  
 cavitæ sua mobiles, & circumuertendos,  
 vi?

vti in reliquis animalibus fit. Conficiuntur etiam alia vitra plano-plana, quæ plurimas in alterutra superficie tenent cavitates paruas sphaericas; talia vocantur *vitra Polyoptra*; multiplicant enim æque, pro numero harum cavitatum, oblecta, sed ea sub minori forma repræsentant, cum præcedentia polyedra magnitudines rerum non mutant.

261.

Obducatur vitrum concavum vtriusque generis (157.) charta aliquot foraminibus pertusa, & in lumen solare liberum perforatur, observabitur, tantum abesse vt radii hoc vitrum transeuntes in vnicum locum colligantur, vt potius dispergantur, siue plana, siue caua, superficies soli obuertatur. Monstra hoc experimentum radios solis parallelos in vitrum concavum incidentes egredi diuergentes, vel habere focum non realem, sed virtuale, aut negatiuum, vel habere punctum dispersus. (127.) Huius phaenomeni non confirmatio solum, sed mensura etiam, consequitur ex formula superiori generalissima, (181.) ad singulos hos casus applicata, quare plura circa hoc non monenda putamus, nisi illud vnicum, radium solis transeuntem per vitrum cauum, hoc ipso transitu debilitari, quia per radios diuergentes exit, adeoque intensitatem suam continuo diminiuit (85.) Si de Meniscis fermo  
merit.



fuerit, duo primaria de his, ex iisdem formulis, deduci poterunt theorematata, *primum*, meniscos eiusdem radii æquipollere, & eosdem effectus edere, cum vitris plano-planis, si nempe radii incidant paralleli, & crassities talis lentis negligatur. Et *secundum*, si meniscorum diametri conuexitatis & concauitatis sint diuersæ: easdem æquipollere lentibus modo conuexis, modo concauis, pro diuersa ratione diametrorum conuexitatis, aut concauitatis; vnde ratio apparet, cur a multis Opticis menisci lentium loco fuerint aut propositæ, aut vsu ipso adhibitæ.

202.

Adducendum hic est Theorema Dioptricum & valde elegans, & magnæ vtilitatis, quod habet *Hugenius*, *Dioptr. prop. 20, p. 53*, & nos hoc modo proponemus atque demonstrabimus. Sit lens vtrique inæqualiter conuexa C, in qua ratio refractionis  $m : n$ , & cuius crassitudo negligatur; sitque radiorum axi PD parallelorum incidentium focus in eodem axe lentis O: quæritur, ex quonam axeos puncto P radii in lentem incidere debeant, vt ii colligantur in punctum pro lubitu datum D. Dico, hoc punctum P ita inueniri, si ad DO & DC quæraturs *Fig. 83.*   
 tia proportionalis, quæ ipsa erit DP; vbi notari debet, in variis casibus hanc DP semper iacere debere in eandem plagam cum   
*P. III.* P DO.

DO. Huius demonstratio ex præmissis adornatur sequens. Supra (181.) dictum est, positis  $PC = p$ , radiis conuexitatum lentis  $R$  &  $r$ , & neglecta crassitie lentis, esse  $DC = npRr : (p. \overline{m-n. R+r} - n.Rr)$ . Sit igitur hæc  $DC$  data  $= a$  constanti; atque exinde eruitur quæsitæ  $p = PC = anRr : (a. \overline{m-n. R+r} - n.Rr)$ . Pro parallelis autem radiis incidentibus determinatur  $CO = nRr : \overline{m-n. R+r}$ ; atque ex his inuentis iam determinentur valores ipsarum  $DO$ , aut  $a - CO$ ; atque  $DP$ , aut  $a + PC$ ; atque deprehendetur, verum esse assertum. Ex hoc theoremate potest determinari punctum  $P$  ita situm, vt illius radii, ab axe non nimis remoti, in puncto quolibet dato  $D$ , in quo nempe oculus constitutus esse ponitur, concurrant, atque exinde oculum ingrediantur & afficiant.

203.

Aspiciatur nunc obiectum quoddam per lentem conuexam, oculo intra focum posito: apparebit illud erectum & auctum magnitudine; posito autem oculo in foco ipso, illud apparebit confusum; sed constituto oculo post focum, videbitur inuersum. Si vero similiter aspiciatur obiectum trans lentem concavam: apparebit illud erectum quidem, sed imminutum. Hunc in finem ponamus, esse lentem crassitudinis contemnedæ  $CAB$ ,  
per

per quam oculus in D constitutus aspiciat  
 obiectum EN; & huius lentis focus pro ra-  
 diis incidentibus parallelis sit O, adeoque  
 oculus D intra focum positus; ut vero radii  
 ab obiecto incidentes colligantur in loco da-  
 to D, ibique oculum ingrediantur, sit pun-  
 ctum concursus quæsitum P; radius itaque  
 NB, mente productus in P, refringeretur in  
 datum oculum D, atque erit simul hæc pro-  
 portio,  $DO : DC = DC : DP$ . (202.) Du-  
 catur porro recta irrefracta DN, atque eui-  
 dens iam est, esse magnitudinem obiecti ap-  
 parentem, sub angulo EDn visam, (176.)  
 maiorem vera; & secundo obiectum appa-  
 rere erectum, quia n ad easdem partes ap-  
 paret, ad quas iacet N. Tertio autem, quon-  
 iam anguli parui sunt inter se uti eorundem  
 sinus aut tangentes, erit obiecti magnitudo  
 apparens ad eiusdem magnitudinem veram  
 $= CDB : CDA$ , (87.) vel uti CB ad CA,  
 aut uti CB.NE : CA.NE. Est autem,  
 ob triangula pro similibus habenda, CB :  
 NE = PC : PE; nec non NE : CA =  
 ED : DC; multiplicatis ergo terminis utri-  
 usque huius proportionis habebitur CB.NE :  
 CA.NE = PC.ED : PE.DC, unde hoc  
 valore substituto oritur CB : CA = PC.ED :  
 PE.DC. Sed ex præmissis est DO : DC = DC :  
 DP, aut componendo, CO : DO = PC :  
 DC, quæ multiplicata per ED : PE = ED :  
 PE præbet CO. ED : DO. PE = PC. ED :  
 P 2 PE.

PE. DC, quæ ratio iterum substituta efficit  
 $CB : CA = CO : ED : DO$ . PE. Est igitur  
 in hoc casu obiecti magnitudo apparens ad  
 eiusdem magnitudinem veram vti  $CO : ED : DO$ . PE, quæ singulæ quantitates tam ex na-  
 tura lentis, quam ex dato situ oculi & ob-  
 iecti, determinari possunt. Sit ex. gr. lentis  
 semidiameter conuexitatis = 4 ped. distan-  
 tia oculi a lente DC = 1 ped. & distantia  
 oculi ab obiecto ED = 10 ped. Erit di-  
 stantia foci parallelorum radiorum a lente  
 $CO = 4$ ,  $DO = 3$ , & hinc  $DP = \frac{1}{3}$  ped.  
 vnde  $CB : CA = 40 : 31$ . Si visibile sit  
 valde remotum, poni potest  $ED = PE$ ,  
 atque tum erit magnitudo apparens ad ve-  
 ram =  $CO : DO$ .

204.

Oculus sit in ipso foco O positus, qui  
 quoniam est radiorum incidentium paralle-  
 lorum : peruenient sic ad oculum radii tan-  
 tum paralleli ab obiecto in lentem inciden-  
 tes, vnde NB concipi debet axi EP paral-  
 lela; sed parallelorum incidentium punctum  
 concursus P distat in infinitum; ergo poni  
 debent pro hoc casu  $DO = 0$ ,  $DC = CO$ ,  
 $ED = EO$ ,  $PE = DP = OP = \infty$ ; & qui-  
 dem  $PE = \infty$ , si obiectum sit propinquum;  
 vnde oritur  $CB : CA = CO.EO : 0.\infty$   
 $= \frac{CO.EO}{\infty} : 0 = 0 : 0$ ; quæ ratio cum ni-

hi

hîl detegat, mutetur ea in aliam æquipollentem, quod facile fit. Est enim ex priorî proportionē (203.)  $DO = DC^2 : DP$ , qui valor substituatur, & prodibit ratio æquipollens hæc  $CB : CA = CO. ED. DP : DC^2. PE$ , in qua iam substitutis valoribus modo positis fit magnitudo apparens ad veram vti  $EO : CO$ ; vnde oculo posito in foco obiectum propinquum apparet auctum in diametro sua secundum dictam rationem; si vero obiectum fuerit valde longinquum, & distantia  $EO$  quasi infinita, tum dicta ratio est vti  $\infty : CO$ , hinc obiectum valde remotum apparet oculo in foco  $O$  posito tanquam in infinitum auctum:

205.

Ponatur nunc oculus in axe lentis iterum constitutus, sed ultra focum radiorum parallelorum distans; verget igitur iam  $DO$  in partēs contrarias, atque etiam proinde  $DP$ , quæ easdem semper partes sequitur cum  $DO$ , (202.) vnde figura diuersa orietur, in qua autem puncta  $D, O, P$ , idem Fig. 85. denotant, quod ante, & consequenter rursus est  $DO : DC = DC : DP$ ; erit igitur punctum  $P$  sic inuentum oculo in  $D$  respondens, & radii omnes ex  $P$  in lentem incidentes ad oculum  $D$  refringentur. Sit iam obiectum sub his radiis inclusum  $EN$ ; si  $DB$  continuetur in  $n$ , & ducatur ex oculo P 3 recta

recta irrefracta DAN; constat, vti prius, visibile cerni situ erecto, & rationem CB ad CA manere pariter eandem cum inuenta priori; si modo locatum sit obiectum inter lentem, & punctum oculo respondens

Fig. 86. P. Cum vero locatum sit obiectum vltra hoc punctum P, tum illud apparebit inuersum, atque auctum in priori ratione; nisi positum sit in ipso P, in quo in infinitum quasi augetur, ob  $PE = 0$ . Quæ omnia vltcrius explicata vide apud *Hugenium* in *Dioptrica*, prop. 36 & 37. Eadem rursus methodo demonstratur, cauam lentem obiecta oculo repræsentare erecta, sed minuta; si modo punctum P, hoc est, punctum radios ad oculum deferens, ex eadem, qua prius, proportionem recte ante definiatur in axe, vti fecit *Hugenius* l. c. prop. 38.

206.

Præcedens lentium conuexarum proprietas, qua nempe obiecta trans se inspecta augent, vsum admirandum habet in *Microscopiis simplicibus*. Est enim in genere *Microscopium* aut *Engyscopium*, tale instrumentum Dioptricum, per quod obiecta minutissima, sed propius oculo admota, valde aucta & distincta spectari possunt. *Simplex* vocatur, si constet illud vnica lenticula, aut sphaerula vitrea; *Compositum* vero, si idem perficiatur plurium lentium vitrearum ope. Quamuis  
autem

autem inuenta sint etiam instrumenta Catoptrica huic scopo inferuientia, tamen hæc semper lenticulam tenent adiunctam, neque omnem approbationem meruerunt. *Campus* deinde microscopii vocatur illud spatium omne, in quo obiecta conspiciuntur. De sphaerulis notari debet, quod eæ etiam si aqueæ sint obiecta augeant, sed minus tamen quam æquales vitreæ. Simplex itaque microscopium ita solet adornari, vt obiectum aliquod paruum statuatur in distantia foci a lenticula admodum exigua vitrea, ex cuius parte opposita oculus deinde proxime admoveatur, atque sic obiectum aspicit. Cum vero, per experientiam, res aliqua nudo oculo valenti apparere soleat distincta in distantia circiter 8 pollicum, quod etiam *Hugenius* assumit, *L. c. prop. 59*; & iam res eadem per lenticulam inspecta oculo fiat propior: erit rei diameter hæc, quam *auctam* vocamus, ad diametrum illam, quam *veram* dicimus, in ratione inuersa distantiarum ab oculo, (88.) hoc est vti 8 ad distantiam foci lenticulæ in pollicibus expressam, quam tantisper appellabimus  $f$ ; adeoque erit diameter aucta  $= \frac{8}{f}$  veræ. Sed in tanta propinquitate oculus nudus rem non posset contueri distincte; cui autem defectui medetur lenticula, quæ efficit, vt rei in foco positæ radii incidentes omnes in oculum ingrediantur paralleli, (184.) qui distinctam visionem

efficiunt. Adest igitur in microscopio simplici visio *distincta* rei *propinquæ*, in quibus omnis eorum virtus & excellentia consistit. Ita si ex. gr. lenticula habeat distantiam foci  $\frac{1}{2}$  poll. erit diameter rei auctæ = 40 diametris veris, adeoque hæc diametrum quadragies augebit. Vt porro objecta quævis commode in distantia requisita ad talem lenticulam admoueri, & in suo situ immota teneri, prætereaque sufficienter illuminari, possint: tam variæ ab artificibus excogitatae sunt, & quotidie adhuc excogitantur, structurae, vt eas recensere nequeamus. Eminent vero inter illas, quæ debentur viris ingeniosissimis *Leeuwenhæckio*, *Iohanni van Musschenbræck*, & *Culpeper*, quæ famam nactæ sunt ob commodissimum quem præstant vsum. Quomodo autem tales lenticulae exiguae comparentur, docet iterum *Hugenius*, *l. c. pag. 173*, liquefaciendo nempe tenue filum vitreum lampadis ope, quæ olei loco spiritu vini repleta est, & pro ellychnio tenet fasciculum tenuissimorum filorum argenteorum, vt ne fuligine inficiantur lenticulae ita liquefactæ; & quia sphaerulae multo minores confici possunt, quam lenticulae: hinc illæ optime ad microscopia adhibentur.

207.

Vtriusque generis lentes simplices frequentissime ad corrigenda oculorum vitia,



vitia, (118.) in quo casu *perspicilla*, *Brillen*, vocantur. Huius inuentionem *Francisc. Redi* tribuit monacho *Alexandro Spinae*, circa annum Christi 1285 factam, vti legitur in *Journal des Savans* 1679, pag. 52, cum veteribus, quantum constat, nihil quicquam huius usus cognitum fuerit. In horum vero locum surrogari posse laminam, vtrique oculo applicatam, duobus folis foraminulis perforatam credidit *Fabry*, l. c. 1666, pag. 629, sed minus consentiente experientia. Microscopia vero indicata aliquantum fuerunt a *Seneca*, *Natural. Quæst. lib. 1, cap. 3*, dicente, *poma per vitrum aspicientibus multo maiora sunt*; quod idem repetit de pila aquis repleta, *cap. 6*. Ipsius vero inuentionis annus incertus est, vti aliarum fere omnium. Non dum autem anno 1618 microscopia simplicia existisse apparet ex eo, quod *Hieron. Syrturus*, qui de origine & fabrica telescopiorum illo ipso anno librum edidit, non fuisset silentio præteriturus tam insigne inuentum, si iam tum cognitum fuisset. Certant de hac inuentione *Fontana* & *Drebbelius*, circa annos 1625 & 1621, de quo vid. *Hugenius Dioptr. pag. 170*. Sphærulas aqueas in usum microscopii primus adhibuit *Steph. Gray*, *Philosoph. Transact. num. 221, & 223*; scilicet cavitati sphaericæ, vtrinque tenuissimo foramine, per quod aqua non effluit, pertusæ infundendo aquæ guttulam, & per foraminula

transpiciendo; aut sphaerulae vitreae aquam infundendo. Eidem micrometrum addidit *Hautefeuille*, *Journ. des Sav.* 1704, pag. 32; ac denique microscopium confecit, quod simul etiam esset paruum telescopium, *Iobelot*, *Mem. de Trevoux* 1719, Sept.

208.

Mirabilis autem est, teste *Hugenio* l. c. microscopiorum effectus, ex quo naturalium rerum cognitio multum lucis accepit. In his est observatio manifesta circulationis sanguinis, quam primus monstravit *Leeuwenhækius* in anguillulae cauda pellucida, quæ sanguinem globulis subrubentibus constantem, quorum quilibet ex sex aliis compositus est, celeri motui per canaliculos arteriarum currentem ostendit; demiserat autem anguillulam vivam in tubum vitreum aqua semiplenum, cui extrinsecus microscopium applicabat ea parte, qua cauda vitrum tangebat. Lucunda est etiam animalculorum observatio aquae guttulis innatantium, in quam zingiber, piper, aut aliud quid odoris acrioris, diebus aliquot demersum fuit; quod idem fit quoque in semine coriandri, in nuce moschata, cinamomo, nec non in succo betulae post 5 aut 6 dies, vid. *Journ. des Sav.* 1678, pag. 346; item anguillarum aceti, quæ uti pisces natant, & foetus ex se excludunt. Illa animalcula ex aëre allici, propter

propter odorem, verisimile est, quia variis aliis rebus in aqua maceratis eadem formæ reperiuntur, sed clauso vasculo nullæ apparent; facile autem ob insignem paruitatem in aëre sustinentur, (I, 391.) cum minimis puluisculis multo minora sint; hinc multa ipsorum millia sæpius in pulmones demittimus ignari. In aceto autem deprehensum fuit, animalcula illa non in omni, quantumvis bonæ notæ, aceto conspici, & in hieme mori, non factò inerti aceto; necantur hi vermiculi ab iniectis aliquot guttis vini. Vid. *Regnault Entret. Phys.* p. 223, & *Boyle, de infido experim. successu*, p. 58 & 129. Lac exiguis globulis pellucidis constare apparet in liquore pellucido natantibus. Mittq insectorum minimorum tot mirabiles formas; alas papilionum & culicum plumulis exiguis obsitas; atque sub alis hisce degentes vermiculos & pediculos, teste *Frid. Hoffmanno, Demonstrat. III, Phys. curios.* vbi legitur quoque, situm conspici vt copia exiguarum plantularum capsulis etiam seminalibus gaudentium; mitto quoque puluisculos in mediis florum apicibus hærentes, qui nihil aliud sunt, quam folliculi transparentes, ea materia pleni, ex qua apes ceram conficiunt, pedibusque suis affixam in aluearia deferunt. Omnium vero mirabilissimum putandum est, quod in semine animalium masculorum immensa multitudo animalculorum, piscium, more,

more; natet, eius fere formæ, quam ranæ habent nuper natæ, ac nondum pedibus auctæ. Maculæ in parietibus urbium dealbatis oriundæ non a fumo aut puluere oriuntur, sed filuam plantularum & musci per microscopia sistunt, docente *Reaumur*, *Mem. de Paris* 1729, p. 186. Ex omnibus plantis in putredinem abeuntibus nascuntur varia insecta, solo microscopio visibilia. Salvia sæpe noxia deprehensa fuit non lota, dum nempe cooperta erat insectis minimis. *Hooke* in sua *Micrographia* tradit sequentia: acies nouaculæ acutissimæ obtusa & dentata apparet. Vrticæ folium consitum est aculeis tenuissimis, quorum basis liquore venenoso est repleta, qui se vulnusculis ab apice factis inserit; quod eodem modo se habet in aculeis pulicum, pediculorum, apum, &c. Idem observauit quoque, capillos humanos fere rotundos, conicos, pellucidos, sine filamentis, & cavitatibus destitutos; pulicis saltem absolui crurum ope, non autem alarum; carbones habere ingentem numerum pororum, vnde nigredinem eorundem deriuat, quia scilicet ex his poris nulla lux potest reflecti, & nigredo est absentia lucis. Plura vid. in *Dictionnaire uniuersel de Math. & de Phys.* Tomo II, pag. 159; nec non, *Bakeri zum Gebrauch leicht gemachten Microscopio*, quæ versio Germanica prodiit Tiguri 1753.

209.

Vt denique de *tertia* applicatione refractionis agamus, de lentibus nempe vitreis, seu mediis vtrunque terminatis, aliquot inter se combinatis, capiantur duæ lentes, concaua altera, altera conuexa, atque, illa prope oculum posita, hæc altera manu admoueatur aut remoueatur; accidet tandem vt inueniatur talis situs harum lentium, vt objecta longinqua, per vtramque lentem visa, appareant erecta, distincta, & amplificata. Hoc experimentum casu fortuito ab artifice multum in poliendis vitris laborante excogitatum, vti quidam putant, primam dedit originem *Telescopiis*, a perfecte vidento ita dictis, seu *Tubis Opticis*, quæ sunt instrumenta ex lentibus vitreis, speculis etiam interdum, composita, per quæ remota tanquam vicina spectari possunt; vel, quæ longinquorum efficiunt accuratam visionem. Reuera autem talis tubus nil aliud est quam camera obscura oblonga, in qua objecti imago, non in charta, sed microscopio simplici, hoc est, lenticula conuexa, vel concaua, excipitur atque aspicitur, cuius experimentum iucundum institui potest in camera obscura, cum oculari conuexo aut concauo; sunt enim & lentes concauæ microscopia, si effici queat, vt radii in eas incidunt conuergentes. Melius itaque succedit hæc visionis perfectio, si vitrum vtrumque

tubo

tubo intus obscurato , & nigro colore obducto , includatur in distantia debita , ne radii peregrini eos , qui ab obiecto in oculum proficiscuntur , turbent. Illud vitrum , quod in tali tubo admoueri debet oculo spectatoris , vocatur *vitrum oculare* , alterum vero , quod versus obiecta dirigitur , *obiectiuum* ; & , si pluribus vitris constet tubus , omnia anteriora vocantur *ocularia* , solum vero vltimum , quod prius , *obiectiuum*.

210.

Quoniam autem plures dantur modi vitrorum politorum ope remota tanquam vicina spectandi , sequentia hodie præcipue celebria sunt telescopiorum genera. *Primum* est *Tubus Hollandicus* , seu *Galileanus* , quia in Hollandia primum fuit constructus , a Galilæo autem primum ad observationes Astronomicas adhibitus ; constat is , vti in præcedenti experimento indicatur , lente oculari concava , & obiectiua conuexa , ita collocatis , vt illius focus virtualis præcise collocatus sit in huius foco reali. Sed brevis vsus huius tubi docuit , quod , quo magis obiecta amplificat , eo minorem obiecti partem oculus vno obtutu comprehendat , hoc est , quod *Campum* habeat angustum. Quamuis autem huic defectui obuiam ire aliquantum possimus , suadente *Hugenio* , *Dioptr. p. 132, prop. 48* , claudendo nempe oculum ante ,  
quam

quam tubo is admoueat, ut ex tenebris pupilla dilateretur : (80.) desit tamen in usu esse hodie, nec eo utimur nisi in tubis minoribus portatilibus. *Secundum* genus est *Tubus Astronomicus*, in quo utrumque vitrum est conuexum, sed ita locatum, ut focum utrumque habeant communem interpositum. Habent hi campum multo ampliorem quidem, sed obiecta repræsentant in situ inuerso, quod, cum in obseruandis sideribus nihil officiat, effecit ut ad usus Astronomicos vnice adhibeatur hoc telescopium, a quibus etiam nomen accepit. Docuit autem *Hugenius*, quomodo hæc, adhibito speculo, obiecta spectanda sistant etiam erecta, l. c. pag. 146. *Tertium* genus dicitur *Tubus Terrestris*, qui ordinarie conficitur ex tribus vitris ocularibus conuexis, obiectiuum itidem conuexo, & obiecta in situ naturali erecta ostendit, campumque tenet pariter satis amplum, atque nomen accepit, quia ad spectanda corpora terrestria remota commode adhiberi potest. *Quartum* genus dicitur *Tubus Newtonianus*, a *Newtono* inuentus, qui non solis lentibus vitreis, sed duobus etiam speculis constat, adeoque non per solam refractionem, sed per reflexionem quoque, obiecta spectanda exhibet, atque ob hanc etiam causam *Tubus Reflectens* vocatur, quo artificio longitudo tuborum, magna alias, mire contrahitur, maioremque nanciscitur com-  
dita-

ditatem. *Quintum* genus constituit *Tubus binoculus*, cuius ope obiecta utroque oculo simul spectari possunt, qui vero curiositati magis quam utilitati inseruit.

211.

Fig.  
87.

Rationem igitur reddituri primi generis horum Telescopiorum, nempe Tubi Hollandici, sint lentes conuexa A, & caua D, coniunctæ sic, ut huius focus virtualis O coincidat cum illius foco reali. Hæ si dirigantur ad obiecta longinqua, ab his incident in obiectiuam radii paralleli L & M, qui refracti peruenirent in focum suum O. (184.) Sed in itinere incidunt in lentem ocularem D, cavam, in quam sic incidunt, ac si ex puncto O venissent; in hac ergo lente denuo refracti, exeunt paralleli per BI & CK, (199.) atque sic oculo illabuntur. Ex hac igitur œconomia apparer, punctum obiecti L videri in I, in eodem latere, ex quo reuera iacet, adeoque obiecta cerni ab oculo erecta. Si abesset ocularis, oculus tamen in O distinctam haberet visionem, ob radios ad A parallelos incidentes, & paullo ad oculum postea conuergentes. Quia autem utraque lente efficitur, ut radii paralleli in A incidentes ex D iterum paralleli exeant; & ex radiis parallelis distincta fit visio: pater, oculum etiam in O rei obiectæ distinctam habere visionem; sed simul quoque aspectum haber.

pro-



propiolem, quia putat radios parallelos profluere a lente D: ergo diametri obiecti apparentes erunt in ratione inuerfa distantiarum, (88.) hoc est, diameter apparens apud A, quæ hoc casu diameter vera dicitur, erit ad diametrum auctam in oculo apud O, vti  $DO : AO$ , in ratione distantiae focorum vtriusque lentis. Denique posita pupillae diametro  $BC = d$ , in quam nempe extremi radii BI & CK incidere possunt, longitudine tubi  $DA = l$ , & ductis rectis per centrum obiectiui vitri BAH, CAG, erit campi diameter apparens angulus  $GAH = BAC$ , & semidiameter apparens BAD. Est autem  $DA (l) : DB (\frac{1}{2}d) = \text{sinus totus} (1) : \text{tangente} \text{ diametri campi} = \frac{d}{2l}$ . Ex quo manifestum est, quo apertior sit pupilla: eo maiorem esse campum eiusdem tubi, vnde profluit experimentum *Hugenii*; (210.) deinde, quo longior sit tubus, hoc est, quo magis augeat obiecta, eo minorem esse eiusdem campum, pro eadem pupilla.

## 212.

Deinde pro secundo genere tuborum, sint duæ lentes conuexæ A & D, in illam, obiectiuam, incidant e longinquo radii paralleli L & M, qui collecti in foco O inde exhibunt rectis viis OC, OB, continuariis, atque sic iterum paralleli ex oculari exhibunt per CK & BI; quare oculus apud IK con-

P. III.

Q

fini-

stitutus videbit punctum obiecti L in directione CK, hoc est, ex parte opposita ipsius L; quod idem cum reliquis etiam obiecti punctis accadat: patet, oculo obiectum videri inuersum. Si oculus in O positus esset, videret obiectum distinctum per obiectiuam lentem A, illapsum nempe per radios parallelos L & M, & deinde demum ad O conuergentes. Idem oculus locatus in foco ipsi O opposito P cerneret hoc obiectum pariter distinctum, ob radios BI, CK, parallelos, sed propius positum, putans nempe obiectum in ipsa oculari BC esse situm; erit igitur, vti prius, obiecti magnitudo vera ad auctam vti PD ad AO, hoc est, vti DO ad AO, distantiae focorum. Ducantur ex B & C rectæ per centrum obiectiuæ BAH, & CAG, atque erit huius telescopii semicampus BAD; erit nunc autem BD dimidia diameter ocularis vitri; nam ob rectas FOC, EOB, tota ocularis ab obiecto repletur, cum in priori casu tantum pars aliqua ocularis repleatur, nempe BC, ob radios in hanc conuergentes, (Fig. 87) hic autem diuergentes; positis igitur diametro ocularis  $BC = D$ , longitudine tubi  $= L$ , erit in triangulo BDA,  $AD(L) : DB(\frac{1}{2}D) = \sinus\ totus(1) : \tan g.\ semicampi\ BAD = \frac{D}{2L}$ . In priore autem tubo idem semicampus erat  $\frac{d}{2l}$ ; ergo est campus tubi Hollandici ad cam-

campum tubi Astronomici  $= d : D$ , posita  
vtrunque eadem longitudine tubi, hoc est,  
vti diameter pupillæ ad diametrum vitri ocu-  
laris; vnde in tubo Astronomico campus  
multo est amplior, quam in Hollandico.

213.

Reliqua tuborum genera præcedentibus  
modis possunt explicari; sed inuentionis epo-  
cha valde est difficilis indicatu. Quanquam  
enim *Porta, Magiæ naturalis lib. 17, cap. 10,*  
publicatæ in anno 1589, indicium quod ho-  
rum fecerit, dicendo, si vtrāque, lentem  
nempe concavam & conuexam, recte com-  
ponere noueris: & longinqua & propinqua  
maiora & clara videbis: certum tamen est,  
telescopiorum vsum non prius inualuisse  
quam anno 1609; quo ipso anno *Simon Ma-  
rius* auxilio talis tubi, ex Belgio ad *Ioh. Phil.  
Fuchsum*, Marchionum Brandenburg. Consi-  
liarium Int. missi, satellites Iouis detexit. Vid.  
*Marii Mundus Iouialis, in Præf.* Siue iam in-  
uentor fuerit *Lippersheimius*, aut *Metius*; *Gal-  
ileus* certe in *Nuncio Sidereo* ingenue fatetur,  
se huius instrumeti  
traneò accepisse.  
riri possunt ex *D.*  
*de Phys. Tomo.*  
*ca, pag. 124.* Missi  
se apud Sinenses i  
mas, in quibus st  
etiam telescopica

Q<sup>a</sup>

vid.

vid. *Observations Mathematiques &c. faites en la Chine du P. Souciet*, pag. 3, unde antiquissimum telescopii vsum in Sina probare conari sunt; sed plura hic sunt, quæ efficiunt ut fidem nostram suspendamus.

## 214.

Telescopia insignia hucusque innotuerunt sequentia. *Hartsæker* lentem obiectiuam elaborasse dicitur foci 600 pedum, in *Fontenelle Eloge de M. Harts.* p. 275. *Hevelius* tubum ad vsus aliquot adhibuit longitudinis 140 pedum, vid. *Machinæ Cælestis pars prior* cap. 21. *Hugenius* tubo 23 pedum figuram Saturni detexit, & satellitem eius quartum, in *System. Saturnino* p. m. 537. Idem Societati Regiæ Anglicæ alium dono dedit longitudinis 123 pedum, optime elaboratum. *Cassinus* tubis 35, 40, & 70 pedum reliquos Saturni satellites tandem conspexit. *Campanus* 100 palmorum telescopium construxit, quo *Blanchinus* maculas Veneris observavit; vid. *Hesperii & Phosphori noua phenom.* Semper autem præstat habere telescopium breuius, in quo lentes sint exactissime elaboratæ, quam longius, obiectiuæ lentis minus exquisitæ. Docuit *Hugenius*, *Dioptr.* p. 142, tubum conficere ex tribus lentibus conuexis, qui obiecta & maiora, & erecta, & amplo in campo sistat. Sed hos non esse optimæ notæ legitur in *Diction. de Math. & de Physique*,  
tomo II,

tomo II, p. 441. Idem etiam inuenit vsum vtriusque lentis sine tubo, quod *telescopium aërium* vocauit, in *Astroscopia Compendiaria* descriptum, *Operum ipsius Lugd. 1724 editorum vol. I, pag. 261*, quo artificio ipse tubum 70 pedum facile rexit. Vsum autem telescopiorum non esse fallacem, experimentis & rationibus probat *Zucchi*, in *Philosophia Optica*. *Cartesius*, in sua *Dioptrica 1637 edita*, docet construere tubum Hollandicum valde magnum, qui vero ob paruitatem campi vix sensibilem nullius vsus esset; & mirum est, *Galileum* tali tubo 5 pedes longo potuisse morus satellitum Iouis indagare. *Keplerus* anno 1611 primus tubum Astronomicum ingenio suo inuenit in *Dioptrica sua*. *De la Hire* in *Mem. de Paris 1717, pag. 86*.

## 215.

Supereſt vt breuibꝯ adhuc indicemus machinas alias quasdam & *Dioptricas*, & *Catadioptricas*, quales ſunt (1) *Microscopia composita*, quæ etiam *Anglica* vocantur, quia ibi primum a *Drebbelio* confecta, poſt hunc autem alia inſignia elaborata ſunt ab *Hookio*, *Marſhallo*, *Bonanno*, & aliis. Includere ſolent hodie Angli ſolam lentem ocularem tubo conico, exeunti in foramen piſi magnitudinem habens; hoc foramen, ſi aquæ puræ immergatur, & extrahatur, tenebit guttam aquæ ſuſpenſam, quæ vices lenticulæ obie-

etiam gerit, & mire amplificat. Horum  
 omnium theoriā egregie perdocet *Hugemius*,  
*Dioptr. p. 176.* Et quodlibet quidem Tele-  
 scopium erit Microscopium, si lentem obie-  
 ctivā maiori intervallo ab oculari remoue-  
 ris. *Dechales Dioptr. lib. II, prop. 26.* (2) *La-*  
*terna Magica*; aut *Megalographica*, vel *Tau-*  
*maturga*, de qua paullo post (216.) separa-  
 tim adhuc, est laternæ quoddam genus, pi-  
 cturas exiguas in oppposito pariete multum  
 auctas depingens, in camera obscura, lam-  
 padis ope, aut etiam lucis solaris, in quo  
 casu vocatur *Microscopium solare*, aut *Appa-*  
*ratus solaris*, inuentus a *Celeberr. D. D. Lieber-*  
*kühnio*. Antiquioris autem illius laternæ in-  
 ventor est *Athan. Kircherus*, & requiritur in  
 hac, ut flamma in cistula accensa sit viuidis-  
 sima, oleo & gossypio alenda; ut picturæ  
 supra vitrum depictæ sint coloribus aqueis  
 & pellucidis, quo melius a luce lampadis  
 penetrantur; motus etiam imaginibus repræ-  
 sentatis comparari potest, quod mire dele-  
 ctat, si imagines ipsæ clam moveri, aut gy-  
 rari queant. Descriptionem perfectissime  
 dedit *Grævesande* tomo II, p. 873. (3) *Pole-*  
*moscopia*, sunt tubi inflexi, ad spectanda ob-  
 iecta oculo non in directum iacentia idonei;  
 quorum inuentor est *Hevelius*, qui hoc ipsis  
 nomen imposuit, quia eorum in bello usus  
 esse potest, ut quis supra vallum conspiciere  
 possit hostes aggredientes, nec tamen caput  
 ipsorum

ipforum ictibus exponat. (4.) *Helioscopia*, quæ sunt tubi Astronomici, per quos solem contueri licet; hic enim per telescopia ordinaria inspectus oculos fere necat. Hæc sequentibus modis absoluuntur. *Primo*, lens vtrique ex vitro colorato, sed pellucido tamen, constet. *Secundo*, cum *Hevelio* ante lentem ocularem tubi ordinarii teneatur duplex vitrum coloratum glutine connexum cum interposita charta, cui tenue foramen inflictum. *Tertio*, vitrum oculare tubi ordinarii fuligine candelæ accensæ inficiatur. *Quarto*, ante lentem ocularem teneatur duplex vitrum fuligine resinæ vel picis obductum, quo modo maculæ solares observari possunt; vid. *De la Hire Tab. Astron. pag. 72.* *Quinto*, sol per tubum in cameram obscuram intromittatur, eiusque species charta, ad tubi axem perpendiculari, excipiat, de quo vid. *Hugenius Dioptr. prop. 50.*

216.

*Atanas. Kircherus, Art. magna Lucis & Umbrae lib. X, part. III, lucernæ Magicæ suæ constructionem, licet imperfecte, exponit, & in Pref. Cryptologiæ novæ inventorem se pronunciat. Sed Koblbanfius in fine Tractatus sui, Neu-erfundene Mathematische und Optische Curiositeten, verum inventorem indicat Joh. Francisc. Griendel ab Aeb, Opticum Noribergensem. Kircherus solis lumen adhibuit,*

absente speculo cauo & lampade, quem vero modum fatetur ipse emendasse *Walgensteinium*, Danum, qui in meliorem formam hanc laternam reduxit, & magno suo lucro diuersis in Italia Principibus vendidit. *Iob. Zahn* animalia viua per eam repræsentauit; admouit etiam horologia nocturna, lampadis tpe per eam indicantia horas. *Weigelius* anno iam 1697 laternæ suæ auxilio exhibuit hircos arietantes, & vrsū, qui vnguib. suis virum peteret. Vid. *Ehrenberger* in *Dissert. Nouum & curiosum laterna Magicæ augmentum*, anno 1713 edita, in qua molæ alatæ, cuius alæ circumueunt, repræsentandæ artificium ostenditur.

217.

Referuntur huc etiam *Perspicilla*, Brillen, quorum inuentionem supra (207.) tetigimus, & cognitio generalis hæc est. *Myopis* oculum itaque corrigunt lentes concauæ. Nam quia hic propinqua distincte, remota confuse, videt, (84.) *kurzsichtig*: lens concaua eius oculo applicata efficiet, vt radii obiecti alicuius, paralleli incidentes, ita dispersi incidant, vt ex puncto propiori, foco nempe virtuali lentis, emanasse credantur, adeoque res remota spectetur tanquam propinqua. *Presbyta* vero oculum emendant lentes conuexæ. Cum enim hic remota distincte videat, propinqua autem confuse, (84.)

weit-



*zeitſichtig* oder *überſichtig* : vicinarum rerum radii ita transformandi ſunt, vt quaſi ex obiecto remoto oculum ingrediantur, quod fit per lentes conuexas. Lentium autem huic vel alteri oculo conuenientium menſuram definiet vel experientia, vel theoria, ſi obſeruatio prius inſtituatur in quam diſtantia hic vel ille obiectum videat diſtincte. De quo vid. *Hugenius Dioptr. prop. 32*; nec non *Dechales in Dioptr.*

## 218.

Post refractionem conſiderandi ſunt colores, qui originem illi præbent ſuam. Conſiderari poſſunt hi in corpore vel luminoso, vel illuminato. Illius generis ſunt albedo in ſole, rubedo in oculo tauri, qui forſan atmophæra fumosa cinctus eſt, flauedo in flamma ſebacea, cœruleus color in accenſo ſpiritu vini, ſulphure, &c. huius vero generis ſunt flores, panni, metalla; &c. Atque hi quidem varii, varias etiam naſti ſunt explicationes. *Ariſtoteles* quidem, *De Anima, lib. II, cap. 7*, cum omnia plena eſſe ipſi viderentur, neceſſario aſſumere debuit corpora quædam pellucida, per quæ alia oculis cerni poſſint, qualia poſuit eſſe aërem, aquam, glaciem, vitrum; ſed cum noctu nihil per hæc corpora videatur: dixit illa noctu potentia tantum translucere, quam potentiam cum lux ſola perficere poſſit: concludit, lucem eſſe actum translucidi

Qr

qua

qua talis. Quo ipso recte dixit; nihil enim hoc aliud est, quam lucem id esse, cuius ope videmus; dummodo naturam magis quam artem abstrusam in verbis suis sequi voluisset. De colore porro obseruauit, rem coloratam, cum ipsa distet ab oculis, pellucidum prius commouere debere; quam sensum afficere possit; cum autem color neque per opaca, neque per potentia tantum pellucida, videatur: statuit, colorem esse id, quod mouet corpus actu translucidum. Horum vero insufficienciam ipsi eius quidam sectatores agnouerunt.

219.

*Seneca, Natural. Quæst. lib. I, cap. 7*, cognita erant prismata triangularia vitrea, nouerat etiam, elici ex illis posse colores in iride conspicuos; quod phænomenum cum explicare studet, colores dependentes esse statuit a mixtura varia lucis & vimbæ; quam sententiam amplectitur quoque *Barroius, Lett. Opt. XII, §. 17*, cum asserit, *album* est, quod lucem copiosam, pariter vbique spissam, circumfundit; *nigrum*, quod lucem parcissime diffundit; *rubrum*, quod lucem effundit hinc inde confertam, atq; interstitiis vmbrosis diremptam; &c. multos vero colores ex simpliciorum contemperatione emergere. Hoc idem statuit quoque in *Mem. de Trevoux 1705, m. Aprili, p. 675*, *Nugnet*, quia in medio pellucido,

lucido, aëre ex. gr. nulli colores oriuntur, quoniam scil. ibi nullæ existunt umbræ.

220.

*Cartesii* explicatio huc redit, ut colores sint ipsum lumen, cum certa modificatione ad oculos reflexum. Tribuit nempe particulis simplicissimis, ex quibus materia lucis constat, duplicem motum, vnum directum & progressivum, alterum rotatorium; deinde cum huius vel illius, plus adest in luce, aut minus, alium atque alium exsurgere colorem statuit, ut quæ particulae multo validius rotari nituntur, rubicundum colorem efficiant, & qui paulo validius, flavum. Vid. ipsius *meteororum cap. VIII, § 7. Malebranchius* colores consistere dixit in lucis motu vibratorio fortiore aut debiliore; adeoque sonorum habere aliquam similitudinem, vid. *Mem. de Paris 1699, p. 17*, nec non *Entretiens Metaph. 12*. Quid vero *Newtonus* in hac re difficili præstiterit, breuiter videamus, dum alias quædam adhuc explicationes prætereundas censemus.

221.

Ad colorum itaque naturam in *Newtoniano* systemate explicandam observandum est, secundum nervosissimas notas *Clarkii ad Phys. Robaulti, P. I, cap. 27, § 52*, experientia compertum esse, radios lucis ex particulis compositos esse inter se dissimilibus, atque etiam inæ-

Fig. inæqualibus. Radius enim FE superficie re-  
 89. fringente AD, in loco tenebricoso, excep-  
 ptus non integer refringitur ad L, sed in  
 plures radiolos diffunditur ab L ad G vsque.  
 Ergo lucis particulæ eæ, quæ sunt omnium  
 minutissimæ, facillimè etiam & maxime a  
 superficie refringentis actione detorquentur  
 a via recta, (165.) reliquæ vero maiores mi-  
 nus. Et particulæ quidem lucis minimæ,  
 quæ maxime refringuntur, aut proxime ad  
 perpendicularem accedunt, radiolum sem-  
 per constituunt violacei coloris, qui vibra-  
 tiones excitat in retina oculi breuissimas, quæ  
 inde per solidas neruorum opticorum fibras  
 in cerebro sensum excitant huius coloris te-  
 nebricosissimi & languidissimi reliquorum  
 omnium, in quo existit, ex *Newtoni* obser-  
 vatis, ratio refractionis = 109 : 81, aut  
 1000 : 743. Quæ autem particulæ mini-  
 me refringuntur, aut maximæ sunt in lucis  
 materia, illæ radiolum constituunt rubei co-  
 loris, hoc est, vibrationes excitant diutur-  
 nas in retina ad sensationem mouendam co-  
 loris rubei, fulgentissimi omnium reliquo-  
 rum, in quo obtinet ratio refractionis = 4 :  
 3, aut 1000 : 750, ex quibus numeris pa-  
 tet, radium rubrum minus ad perpendicu-  
 lum accedere, aut minus refringi, quam  
 violaceum. Reliquæ particulæ, pro cuius-  
 que magnitudine & refrangibilitate in radio-  
 los itidem separatæ, vibrationes excitant in-  
 ter

termédias, ad sensationes colorum intermediarum excitandas, simili ratione, qua vibrationes aëris, pro sua ipsarum diuersa duratione, sensationes sonorum excitant diuersorum. Hinc itaque colores illorum radiorum non sunt aduentitiæ eorum modificationes, sed connatæ & necessariae ipsorum proprietates, adeoque immutabiles. Hinc etiam hæc separatio radiorum in prismatico vitreo, post duplicem refractionem, magis fit manifesta, vti mox videbimus.

222.

Intermittatur ergo in cameram obscuram radius solaris per foramen A, circiter  $\frac{1}{4}$  pollicis in diametro, atque is reflexus a speculo Fig. 90. BC, metallicò si fieri potest, & plano, incidat in prisma vitream D, ex quo deinde exeat horizontaliter per ER; ad quod efficiendum, ob altitudinem solis, speculum, aut etiam aliud prisma, vnice adhibetur; his ita constitutis opponatur huic radio horizontali refracto in distantia 15 aut 20 pedum charta alba verticalis, atque obseruabitur, imaginem, quam radius refractus format in hac charta, non esse rotundam, sed oblongam, terminatam ad latera lineis rectis parallelis, supra vero & infra arcubus circuli. Demonstratur per hoc experimentum, non omnes solis radios, in iisdem positos circumstantiis, eandem pati refractionem. Si enim  
radius

radii per prisma non transirent, aut, cum per hoc transeunt, omnes æqualiter refringerentur: formarent solis imaginem rotundam; quia ergo non æqualiter refringuntur, fit, ut ex radio minus refracto oriatur superior, ex magis refracto autem inferior, imaginis oblongæ ora. Hæc itaque est illa a *Newtono* primum detecta radiorum *diuersa refrangibilitas*, & hæc est radiorum solarium, quibus omne, quo fruimur, lumen debemus, *heterogeneorum*, hoc est, magis aut minus refrangibilium, Anatomia quædam; illi enim, qui in iisdem circumstantiis eandem etiam subeunt refractionem, vocantur *homogenei*. Idem hoc probatur quoque alio tentamine, quo duæ fasciæ sericæ, rubra & violacea, quadratæ aliquot pollicum, super charta nigra sibi mutuo coniunctim agglutinatæ, & bene illuminatæ, per prisma vitreum aspectæ apparent disiunctæ. Hanc diuersam radiorum refrangibilitatem se ante *Newtonum* inuenisse contendit *Hartsker*, *Journ. des Sav.* 1723 p. 195. Alias præterea Obiectiones, petitas ex infelici successu horum experimentorum a *Mariotte* factorum; ex inuentione hac prius iam a *Vossio* facta, vid. *Diction. Vniuersel de Math. & Phys. tit. Couleurs*.

223.

Cum radius solus ipse, irrefractus, candidus sit, & talis etiam in obiecta charta appareat:

pareat: in imagine tamen solis oblonga, præcedenti experimento producta, observatur. porro, eandem tinctam esse variis coloribus pulcherrimis, quorum ordo in casu experimenti memorato semper idem est, nempe superior *ruber*, hunc sequuntur descendendo *aureus*, *flauus*, *viridis*, *cæruleus*, *indicus*, infimus vero est *violaceus*. Hinc sine dubio fit, vt, cum solem intueamur, & oculos subito claudamus, clausis etiam his nobis appareant successiue iidem hi colores, ruber primo, deinde flauus, &c. & ultimus violaceus; vid. *Bannieres Traité Phys. de la lumière*. Patet exinde, diuersam radiorum solarium refrangibilitatem cum diuerso colore esse coniunctam, singulosque radios, prout magis aut minus refringuntur, colorem sibi proprium & immutabilem habere. Si vero memorati colores attentius considerentur, patebit, aureum & flauum reduci posse ad flauum solum, qui duo non nisi gradu differant; pari modo etiam cæruleum, & indicum, & violaceum, ad cæruleum solum referri posse; quo facto sequentes modo habentur colores, *ruber*, *flauus*, *viridis*, & *cæruleus*; atque cum porro viridis nihil aliud sit quam mixtura ex flauo & cæruleo oriunda, (224.) quod pictoribus optime notum est: deducitur exinde, colores non nisi tres originarios & primitiuos esse, nempe *rubram*, *flauum*, atque *cæruleum*; quod ab aliis iam animaduersum est, vid.

vid. *Franc. Aguilhonii Optica*, 1613 edita, pag. 40. Idem statuit etiam *Le Blon*, pictor magni nominis in Anglia, ac ex rubro, flauo, & cœruleo, omnes reliquos posse produci, ne nigro quidem excepto, *Journ. des Sav.* 1722, p. 46. Putatque *Illustr. Fontenelle*, esse tantum duos principales colores, rubrum & violaceum, cum flauus sit ruber diminutus, cœruleus sit violaceus debilitatus, viridis autem flauī & cœrulei mixtura. *Mem. de Paris* 1673, p. 163. Sequitur etiam ab hoc experimento, radios colorem rubrum ferentes minime omnium refringi, maxime autem huic deflexioni obnoxios esse coloris violacei radios. Porro colores hi iidem apparent, si vbicunque, & in qualibet a prismate distantia, excipiantur charta; reflecti quoque speculi ope possunt. Si imago hæc colorata excipiat charta perforata alicubi, vt ex. gr. solum lumen flauum transmitti possit, & hoc deinde alio prismate denuo refringatur, aut speculo reflectatur; observabitur, talem radium colorem sibi proprium constanter seruire, quæcunque illi accadat mutatio.

## 224.

Eadem solis imago oblonga excipiat in distantia 6 aut 7 pedum a prismate lente convexa, quæ radios omnes in focum suum congregabit. Si itaque eo in loco, vbi fo-

cus



cus conspicuus est, teneatur charta alba, disparebunt omnes colores, mutabunturque in meram albedinem; si eadem charta teneatur in distantia maiori quam focus est, redibunt colores, sed ordine positi inuerso. Vnde apparet, colorem album nihil esse quam commixtionem omnium colorum in radiis solaribus contentorum; & si radii solares vti ad nos perueniunt in totum ab aliquo corpore reflectantur, id apparere album; veluti nigrum est illud, quod debiles aut paucissimos, aut nullos, radios reflectat. In distantia autem maiori, quam focus est, colores inuersi repræsentantur, quia radii in foco se decussant. In eodem hoc experimento si color ruber charta nigra intercipiatur, euanescit albedo, mutaturque in colorem subcæruleum; eadem albedo vergit ad rubedinem, si radii cærulei & violacei intercipientur; si vero excludantur omnes colores præter flauum & cæruleum, eadem albedo mutatur in colorem viridem, vti etiam noctu, vel in camera obscura, si ad flammam candelæ sebaceæ corpus cæruleo colore tinctum aspiciatur, hic in viridem mutatur, quia nimirum hæc flamma flauedinem præ se fert, quæ cum cæruleo permixta viridinem efficit. (223.) Hinc etiam obiecta, per vitrum cæruleum cum flauo iunctum aspecta, viridia videntur.

225.

Si radii quicunque homogenei , ex. gr. rubri , ad imaginem oblongam solis formandam concurrentes , a quocunque corpore , quod colore alio præditum sit , excipiantur : apparebit illud rubrum ; in violaceo violaceum , & sic de cæteris omnibus. Optime hoc apparet in pannis vario colore tinctis ; vnde deriuatur , corpus quodcunque sub illo vel hoc colore nobis apparere idcirco , quod vi structuræ suæ , & conformationis partium in superficie , modo hos modo illos radios lucis copiosius reflectit , reliquos vero intra se absorbet. Vnde explicari potest , cur cæci quidam ex solo tactu de coloribus potuerint iudicare , vid. *Journ. des Sav.* 1666, pag. 646. Ita etiam quævis objecta apparent cærulea per vitrum cæruleum , rubra per rubrum ; & facies hominum cæruleo - flauo colore tinctæ videntur , si in camera obscura illuminentur a flamma spiritus vini accensis , quæ eundem colorem tenet. Vid. *Plinius*, lib. 35, cap. 15 ; *Reinzer*, *Meteorologia* pag. 239. Fluit hinc etiam explicatio tincturæ ex ligno nephritico factæ , quæ a radiis reflexis cærulea , a transmissis autem flaua videtur.

226.

**Fig.** Si totius imaginis solaris oblongæ longitududo AC, exclusa vtrinq̃ue ora semicirculari, diuidatur in partes æquales 360, tum earundem

dem deprehendit *Newtonus* includere colorem rubrum 45, aureum 27, flauum 48, viridem 60, cœruleum 60, Indicum 40, violaceum 80. Producatur recta AC in B, vt sit BC = AC, erit etiam BC = 360, & porro AB = 720, DB = 640, EB = 600, FB = 540, GB = 480, HB = 432, IB = 405, CB = 360, vnde sequens tabella prodit,

AB:DB = 720:640 = 9:8 tonus maior.

AB:EB = 720:600 = 6:5 tertia minor.

AB:FB = 720:540 = 4:3 quarta.

AB:GB = 720:480 = 3:2 quinta.

AB:HB = 720:432 = 5:3 sexta maior.

AB:IB = 720:405 = 16:9 septima minor.

AB:CB = 720:360 = 2:1 octaua.

Sin igitur fuerit in clauichordio

AB longitudo chordæ pro sono C, erit

DB	—	—	—	—	D.
EB	—	—	—	—	E molli.
FB	—	—	—	—	F.
GB	—	—	—	—	G.
HB	—	—	—	—	a.
IB	—	—	—	—	b.
CB	—	—	—	—	c.

quia scilicet, vti infra ostendetur, numeri vibrationum chordarum sunt in ratione inversa longitudinum chordarum. De hoc elegantissimo spectaculo, quo nempe euincitur, in coloribus etiam Musicam inesse, vid. *Newtoni Optica*, lib. I, parte II, prop. 3, p.

m. 165; unde recte olim *Kircherus* appellauit sonum lucis simiam, quamuis distincte hoc exponere non potuerit, vid. *Journ. des Sav.* 1738, Febr. pag. 207. Pertinet huc etiam *Clavichordium Oculare*, quo *Castellus* sperabat, sonos se & consonantias coloribus esse depicturum, ut oculis hi idem præstarent, quod illi auribus, utque surdus etiam Musicæ elegantiam possit peruidere, occasione forsan arrepta ex systemate colorum *Malebranchiano*. (220.) vid. *Journ. des Savans* 1738, p. 208; & *Oratio nostra de hoc inuento*, recitata *Petro-poli* 1742. Pro suo arbitrio, & leui quodam selectu instituto, colores etiam numeris exprimere conatus est *Duhamel*, in *Astron. Phys.* lib. I, p. 49, ubi statuit, colorem album habere lucis gradus 24, flauum 18, rubrum 16, viridem 12, cœruleum 9, purpureum 8, nigrum 6, atque dein ex ratione horum numerorum iudicat, quinam colores concordent & conueniant inter se, quinam vero non.

227.

Adiiciamus his quædam adhuc miscellanea, quæ partim ad priora referri, partim etiam de nouo addi debent. *Hartsoekerus*, *Cours de Phys.* p. 123, quatuor computat colores primitiuos, rubrum, flauum, cœruleum, & violaceum, ex rationibus ante (223.) allegatis; album reputat pro congregatione horum, & nigrum pro omnium priuatione.

Keple-

*Keplerus Dioptr. prop. 17*, pulchre describit lucis in prisma vitreum illapsæ tria genera radiorum. Incidat enim in tale prisma ABC Fig. 92. radius solis FD, hic in D quasi diuiditur ratione densitatis suæ, quæ nempe aliqua sui parte reflectitur (152.) in DI, & hic est radius *sincerus*, quia nempe vitro tinctus non est, cuius corpus nondum est ingressus; deinde DE in E iterum sic diuiditur, & in G exit *iridicolor*, propter geminam magnam refractionem; sed reflexus in E exit per MK, qui est radius vitri colore tinctus, adeoque *vitricolor*; nam docemur, ut ait, ex Opticis, radios lucidos tingi in mediis coloratis. Nesciuit autem vir optimus, radium etiam MK esse iridicolorem, sed debiliorem. *Fabri, Synopsis Opt. p. 159*, falso credidit, reflexionem pariter cum refractione diuersos parere colores. *Kircherus, in Mundi subterr. Tomo III*, dicit, iucundam illam variationem colorum, quam admiramur in columbis, paucis, &c. oriri ex diuersa refractione radiorum solis in ipsorum plumis, quas, microscopii ope, totidem prismata triangularia pellucida se deprehendisse contendit. An diuersitas colorum arguat quoque diuersitatem naturæ in corporibus, inquit *Boyleus, in Tract. de coloribus*. Idem quoque recenset historiam *Ioh. Vermaasen*, Ultraiectionis ad Rhenum viuentis, qui ex variolis anno ætatis 2 omnem visum amisit, postea vero ma-

gister organi pneumatici factus est ; hic colores tactu distinguebat, sed non nisi ieiunus; tæniā coloratā pollicis & indicis interposuit, melius distinxit pollice dextro quam sinistro, atque, ne fraus subesse possit, mantili velatus fuit dum colores indicaret; bis tamen errauit, appellando album nigrum, & rubrum cœruleum; addit autem *Boyleus*, se fuisse suspicatum, hunc hominem discernere colores per odoratum, ob ingredientia eorum apud tinctores.

228.

Admirabilia contingunt phænomena in mutatione coloris vnius in alium subita, cuius aliquot afferemus exempla. Capiatur solutio vitrioli Martis bene pellucida, misceatur ea cum solutione gallarum, & subito orietur color nigerrimus; cui si affundatur parum aquæ fortis, redit pelluciditas; restauratur vero nigredo, si denuo oleum tartari per deliquium instilletur. Hic liquor niger ita ortus est ipsum atramentum, quo scribimus, cauendum vero est a vitriolo, quod cuprum contineat, qualia sunt Cyprium aut Hungaricum, sed ad experimentum vocari debet eiusmodi vitriolum, quod ferrum contineat; atque hoc contusum in aqua pura soluatur, & filtretur per chartam bibulam, quod vtrumque pariter circa gallas obseruari debet. Pluribus autem aliis experimentis subita hæc colorum mutatio & resti-

restitutio potest demonstrari. Aquæ fortis aliquot guttulæ inspersæ chartæ cœruleæ huic subito aspergunt maculas rubras, pallorem postea assumentes. Syrupo violarum infundatur parum aquæ, ut illi maior fluiditas concilietur, tum duo repleantur illo calices vitrei, quorum vni si infundantur aliquot guttæ aquæ fortis, conspicitur color ruber; alteri infundatur oleum tartari per deliquium, orietur color viridis. Aquæ limpidæ iniiciatur parum mercurii sublimati abrafi, quod, si in aqua paulum agitetur, soluitur pelluciditate non mutata; huic solutioni infundatur oleum tartari, orietur color aurantius; infusis aliquot guttis spiritus vitrioli, aut alterius acidi, redit prior pelluciditas; ab affusione autem olei tartari particulæ mercurii sublimati in fundum calicis præcipitantur; unde idem hoc oleum adhiberi solet ad explorandas aquas, an salia hæ sibi permixta teneant. (P. I, 306.) Tincturæ ligni Brasiliæ affundatur spiritus vitrioli, mutabitur color rubeus in flauum, affuso oleo tartari redit ruber. Ita ego quoque deprehendi, spiritum vini rectificatum, qui ex radice curcumæ flauum odorem assumsit, mox rubrum assumere ab oleo tartari per deliquium, infusum postea spiritum vitrioli reddere flauum colorem cum efferuescentia; hoc phænomenum contrariatur regulæ a Mariotto traditæ, quod nempe tincturæ flauæ, ex

plantis eductæ, colorem suum intendant ex affusione liquoris alcalini, eundem vero colorem amittant ex affusione spiritus acidii. Vino rubro infundantur aliquot guttulæ olei tartari, fiet opacum & flauum, infuso spiritu sulphuris color pristinus redibit, quod experimentum est *Mariotti, Operum pag. 603.* Decem guttulæ solutionis auri, si mensuræ vni aquæ fluuiatilis infundantur, & postea adiiciatur æqualis portio solutionis stanni: in momento exsurgit color rubineus per totam aquam dispersus, *Frid. Hoffmanni Demonstrat. Physicæ curiosæ, demonstr. II, num. 6*; quod experimentum habet etiam *Kunckelius, in Laborat. Chym. cap. 26, p. 382*; color autem breui mutatur in sedimentum crassum, quo vitro deinde color rubineus tribui potest. Tincturæ rosarum rubrarum cum spiritu vini, albescenti adhuc, affundatur parum aquæ fortis, orietur color ruber; si affundatur priori oleum tartari per deliquium, prodit color viridis; si eidem priori commisceatur alba solutio vitrioli martis, oritur atramentum; si rubenti priori tincturæ adicias solum sal alcalinum, rubedo vertitur in viredinem; & si virenti tincturæ priori adicias spiritum acidum, mutatur in ruborem. Plura habent *Bœrbavius, Chem. vol. 2. Tentamina Florentina, P. 2, p. 93.* De coloribus varia & egregia vide apud *Mariottum, de la nature des couleurs, Operum pag. 196.*



229.

Chartæ puræ inscribantur literæ, calami recentis ope, cum solutione gallarum: erunt eæ inuisibiles, calore exsiccatæ; illinatur vero eadem charta solutione vitrioli Martis, cernentur literæ prius inuisibiles nunc distinctissime. Oritur enim sic rursus atramentum scriptorium. (228.) Solent eiusmodi liquores, quibus scriptura inuisibilis exarari, sed artificio quodam visibilis reddi, potest, vocari *Atramentum Sympatheticum*, cuius plura dantur genera apud Chemicos, veluti, solvatur salis Ammoniæ scrupulus in aquæ puræ vnciis duabus, hac solutione quicquid scribitur, illud non apparet, nisi igne calefactum. Vid. *Hellot*, in *Mem. de Paris* 1737, p. 105; qui hoc etiam adducit experimentum: capiatur mineræ Bismuthi, quæ cœruleum colorem refert, vncia vna, hæc contundatur, & in aquæ fortis vnciis duabus cum semisse solvatur caloris ope; hæc solutio, relicto sedimento, pura cum salis culinæ vncia vna imponatur retortæ vitreæ; ut leni destillatione humores exinde auolent; relinquatur ita sal cœruleum, quod, quamdiu calet, hunc colorem retinet, simulac autem frigescit, rubescit. Hoc sal ita rubens denuo solvatur in aqua pura destillata, orietur solutio lactescens, in qua sedimentum album terrestræ colligitur, & lixiuium rubrum oritur, quod ipsum est quæsitum atramentum.

R s

sympa-

sympatheticum, quod si purius desideretur, præcedens operatio erit repetenda. In vsum si illud adhiberi debeat, scribendæ erunt litteræ calamo puro in chartam puram, quo facto nihil apparebit, nisi charta admouetur calori forti, aut comburatur. Aliud vide apud *Lemery*, in *Cursu Chem.* pag. 390, ex auripigmento & calce viua præparatum.

230.

Quæ ad explicationem colorum in corporibus naturalibus conspicuorum spectant: sequentibus comprehendemus. Partes minimæ corporum naturalium omnes sunt aliquo modo pellucidæ. Hoc facillime conceditur ab illis, qui microscopiis tractandis sunt assueti; partes ipsæ etiam metallicæ, quamvis nondum pellucidæ, tales tamen fiunt, si in partes minores diuidantur, quod eis accidit, si in menstuis suis soluantur, quia tunc cum fluido ipso eandem adipiscuntur pelluciditatem; atque hoc ipsum eo magis patet, quoniam & corpora densiora quædam pellucida sunt. Nam obtegatur foramen, per quod lumen solis in cameram obscuram intrat, lamina tenui corporis opacæ fere cuiuscunque, ebore, digito, charta, ligno, &c. obseruabitur statim pelluciditas valde notabilis; quod etiam fit pollice candelæ ardenti noctu obuerso, in quo ipse vniguis fit pellucidus. Aurum tamen in hoc utroque statu positum non pellucet.

231.

231.

Quotiescunque lux incidit in laminas tenues pellucasas, separatur ea quoque in colores, quorum alii reflectuntur, alii transeunt, pro varia lamellarum crassitie. Probatum hoc ab experientia. Vitri enim ordinarii, aut vitri Moscovitici, lamellae si fuerint tenuissimae, colores statim per se referunt; idem faciunt etiam bullae aqua sapone incrassata calamo effatae, si multum sint extensae, atque sic lamina minutissima comprehensae. Sed omnium optime observari hoc potest, si vitrum obiectivum telescopii longioris, ad 50 pedes, ad aliud vitrum politum planum vel digitis apprimatur, vel cochleis adigatur, vel etiam duo prismata vitrea sibi ita iungantur; de quo vid. *Newtoni Optica, lib. II, P. I, observ. 1 & 4. & Grauesande in Experimentis*. Sic enim obtinentur tenuissimae lamellae aëris inter vtrumque vitrum conclusi, quae pulcherrimos & varios colorum annulos praesentes oculo sistunt. Quod facilius etiam sic *Newtonus, l. c. P. IV, obs. 1*, efficere iubet, ut radius solaris, diametri  $\frac{1}{3}$  poll. in cameram obscuram intromissus, paruum foramen chartae transeat, & in speculum cauum illabatur, quo facto radius reflexus chartam, ad distantiam foci speculi circiter, iisdem annulis coloratis optime pinget. Neque dissimiles gignuntur colores, si tenuis gutta olei ex gr. aurantiorum superfici-

eiei

ciei aquæ imponatur ; ob similem tenuissimam laminam ita oriundam. Hinc etiam vitrum, lapis, vel aliud corpus, libero soli expositum, si propius aspiciatur, innumeros colores reflexos ostendit; nam non modo radii illi, qui per corpus aliquod pellucidum transmittuntur, refringi solent, adeoque colores repræsentant, sed & illi etiam, qui prope illius extremitates feruntur, vti in radiorum inflexione ostendetur. (233.) Vid. *Clarkii annotationes ad Physicam Robaulti; pag. 189.*

232.

Hinc itaque iam explicari potest, unde oriantur corporum naturalium colores. Corpus enim tale quodlibet constat particulis minimis, (P. I, 27.) non interius tantum, sed etiam in superficie; hinc considerari potest tanquam vestitum lamellis indefinite parvis, & multis, diuersæ crassitie. Tales autem minimæ particule omnes pellucidæ sunt; (230.) & quia tenues sunt, colores referunt; (231.) ergo corpora naturalia sunt colorata. Hosce colores non habent in se, sed in sua superficie lucem illapsam refringunt in colores, quorum nonnullos reflexione reddunt, alios in se absorbent, & multis repercussionibus internis suffocant; videtur itaque corpus omne sub eo colore, cuius plurimi radii ab eiusdem particulis reflectuntur. Hinc corpora colorata pellucida  
sub

sub alio colore videntur, si conspiciantur a luce reflexa ab ipsis, quam si conspiciantur a luce transmissa, unde pro diuerso aspectu diuersitas colorum in plumis auium, in collo columbæ, in cauda pauonis, in tinctura ligni nephritici. Hinc etiam si corporum mutantur superficies, siue in asperiores, siue in læuiorem, aliter colorata apparent; ita charta aspera plus albet quam polita; argentum asperum albissimum est, politum vero multo minus.

## 233.

His ergo sic absolutis accedamus ad *quartam* lucis proprietatem, quæ ipsius *Inflexio*, vel *Inclinatio*, vel *Diffraçtio*, vocatur, & sequenti constat experimento. Radius solaris per foramen, cuius diameter sit circa  $\frac{1}{10}$  pollicis, in cameram obscuram intromissus excipiat in distantia aliquot pedum a tabella lignea, in qua scissura, duabus aciebus chalybeis terminata, detur: transibit radius solaris per hanc; sed si ita transiens in distantia 5 aut 6 pedum denuo excipiat charta, obseruabitur: fisti in ea imaginem radii admissi, sed ad huius vtrumque latus apparere adiunctum adhuc lumen debile, coloratum, quod cæterum luminis in caudis cometarum conspici non valde sit dissimile. Hanc lucis proprietatem primus detexit *Grimaldus*, vid. *Newtoni Opt. lib. III, ab initio, &*  
*leura*

*Journ. des Sav.* 1666, p. 643; unde etiam hoc experimentum duobus modis potest institui, vno *Newtoniano*, quem recensuimus; altero *Grimaldiano*, qui in his consistit: radio lucis, per exiguum foramen in cameram obscuram intranti, opponatur seta equina, capillus hominis, filum sericum aut metallicum: apparebit in charta opposita, umbram horum latiore esse, quam lucis directa propagatio eam efficit; adeoque lucis fluuium se ad hoc obstaculum in partes oppositas diuidere. Ad quos duos modos reuocantur omnia experimenta de Inflexione lucis hucusque instituta. Vtrumque explicant *Newtoniani* per attractionem corporis, feliciter quidem in modo eiusdem experimentum hoc instituendi. Alii vero per atmosphæram corpori cuicunque circumdatam, in qua sententia est *Illustris De Mairan*, in *Mem. de Paris* 1738, qui hanc lucis inflexionem habet pro vera refractione, facta ab atmosphæra corporis, iuxta quod radius transit.

## CAPVT V.

DE METEORIS AB IGNE ET LVCE  
PENDENTIBVS.

234.

**M**eteora, quibus supra iam (P. I, 439.) hunc destinauimus locum; sunt inter *Aquea* adhuc

adhuc residua *Iridis*, *Halonum*, *Parbeliorum* & *Paraselenarum*, & quorundam aliorum affinium; tum vero etiam inter *Ignea* considerationi nostræ subiiciemus *Lucem borealem*; *Stellas cadentes*; *Ignes lambentes*: *Fulgur*, *Fulmen*; & *Tonitru*. Primo quidem notare hic conuenit a veteribus iam adhibitam distinctionem meteororum in *Hypostatica* & *Emphatica*, seu *Vera* & *Apparentia*; illa sunt, quæ id, quod esse videntur, reuera etiam sunt, huiusque naturam & indolem vere etiam sustinent, veluti nubes, vapores, pluiæ, grandines, fulgura, fulmina; hæc autem, quæ reuera illud non sunt, quod esse videntur, vti halones, virgæ, irides, stellæ cadentes.

## 235.

*Iris* est arcus magnus, diuersicolor, conspicendus lucente sole in pluiæ guttulis per aërem delabentibus. Præcipua eius phænomena hæc sunt. *Primo*, *Iris* sæpius est duplex, quarum interior vocatur *Primaria*, exterior autem *Secundaria*, tertia si appareat, ea coloribus adeo languet, vt vix discerni possit, sed extra præcedentium vtramque posita, & omnes sibi sunt concentricæ. *Secundo*, in *primaria* colores sunt viuidi, atque, ab infimo incipiendo, acuto visui hoc ordine apparent: violaceus, purpureus, cœruleus, viridis, flauus, aurantius, ruber; quos

quos eosdem prisma vitreum a radio solis il-  
lapso, & refracto, ostendit. (223.) *Tertio*,  
in secundaria iidem hi colores, sed ordine  
inuerso, sursum ascendunt, & multo debi-  
liores, vt vix primarii eorum distingui pos-  
sint, vnde etiam hanc prioris reflexam tan-  
tum esse, in atra nube, statuerunt *Aristoteles*,  
& eius asseclæ. Idem hic colores numerat  
non nisi tres, maxime nimirum conspicuos,  
infimum cœruleum, medium viridem, &  
supremum rutilum; *Scaliger*, autem, *Exer-*  
*cit.* 80, defendit quaternarium, quia & ipse  
*Aristoteles*, adesse aliquando flauum, dicit;  
sed non ortum ex reflexione, verum ex ru-  
bri & viridis permixtione; vid. *Magiri Phy-*  
*siol.* p. 275. Sunt etiam, qui quatuor vsque  
ad septem irides vidisse se testantur; sed hi  
sine dubio irides cum halonibus confude-  
runt, quod pluribus obseruatoribus accidit.  
Hisce phænomenis explicatis, reliqua deinde,  
quæ iridi accidunt, sua sponte fluent.

## 236.

Horum itaque explicationem Physicam tra-  
dituri, eam pro diuersa cognitionis naturalis  
ætate dispecimus in periodos tres, *infanti-*  
*lem*, *iuuenilem*, & *virilem*, de singulis, histo-  
riæ causa, breuibus dicturi. Ad illam re-  
fero omnes, vsque ad tempora *Cartesii*, in  
qua, prætermisiss plane fabulosis, statuit  
*Anaxagoras*, iridem nasci ex refractione lucis  
solaris



solaris in nube densa, e regione solis, speculi ad instar, posita; *Pythagoras* putauit, iridem nihil aliud esse, quam resplendescentiam solis; *Epicurus* aërem humescentem, aduerso solis fulgore resplendescentem; *Aristoteles* asseruit, iridem esse arcum multicolorem, in nube rorida, opaca, & concava, ex radiorum solis oppositi reflexione apparentem; quibus etiam *Plinius* adhæsit; existimantes ideo omnes, nubem adesse veluti speculum concauum, e quo solis radii reflecterentur; sed, vnde arcum rotundum sistit nobis iris, vnde coloratum?

237.

Iuuenili periodo adnumero eas explicaciones, quæ a *Cartesio* circiter initium ceperunt, & refractiones reflexionesque lucis solaris distincte ad hoc phænomenum applicarunt. Primus itaque, qui hanc explicationem apprehendit, est *Marc. Ant. de Dominis*, Archiepiscopus aliquamdiu Spalatensis, in libro pererudito, *de radiis visus & lucis*; ex quo *Cartesius* ea, quæ de hac re tradidit, more suo, clam abstulit, vid. *Celeberr. Bruckerus*, *Historia Critica Philos. tomo IV, parte II, pag. 256*. Sunt quidem, qui *Keplero* attribuere cupiunt hoc inuentum, iridem nempe generari in guttis pluuiis, non in nube caua, dum nempe illas radii solares ingrediuntur, bis refringuntur, & in medio reflectuntur, teste hu-

ius rei epistola ad *Brenggerum* scripta anno 1605, quæ habetur in *Epistolis Job. Kepleri*, epist. 152, fol. 236. Verum enim vero si *Marcii Ant. de Dominis* liber de radiis visus & lucis, anno 1611 editus, per 20 annos pressus delituit, quod *Newtonus* expresse commemorat, *Opt. lib. I, P. II, prop. 9*; tum epocha huius inuenti cadit in annum 1591, *Kepleri* epistola multo antiquiorem, & quo anno *Cartesius* nondum natus erat. Vnde omnia suadent, dicti Archiepiscopi Spalatensis proprium hoc esse repertum. Neque vero prætereundum hic est, *Vitellionem* quoque in sua *Optica*, 1535 Norimbergæ edita, fol. 285, prop. 65, diserte & clare pronunciare, iridem ex reflexione & refractione radiorum corporis luminosi videri, quanquam hoc assertum nulla idonea delineatione explicet. *Cartesius* itaque in *meteoror. cap. 8*, iridem generari ex radiorum solis in guttulis pluviæ singulis facta refractione & reflexione distincte & Geometrice explicat, post *Marcum Ant. de Dominis*; diametrum iridis, experimento ab hoc pariter assumpto, inuenire docet, pila nempe vitrea aquis repleta, & suspensa in aduerso sole, eo usque donec colores appareant, & reliqua omnia rite explicat, præter colorum generationem, quam materiæ suæ subtili adscribit, putatque, lumen, seu album, ac umbram, siue nigrum, compositioni colorum iridis sufficere. Idem hoc

hoc similiter fecerunt *Is. Barrowius*, *Leſt. Optic. p. 85*; *Sturmius* in *Iridis admirandis*; *Marci* in libro de *arcu cœleſti*, 1648 edito; & alii complures.

238.

Tertia denique perîodus debetur ſagaciſſimo *Newtono*, quæ colores etiam iridis ex vera eorundem origine exponit. Cum igitur omni experientia compertum ſit, iridem eo tantum tempore aliquando apparere, quo ex vna parte cœli pluat, ex altera vero ſimul ſol ſplendeat: euidentis eſt, in his circumſtantiis omnes per pluuiam delabentes ſtillas a ſole colluſtrari. Harum conſideremus vnicam, a qua ratiocinium deinde ad omnes reliquas extendere poſſimus. Sit illa *AEFBH*, *Fig. 93.* & radii ſolis, ob immenſam eius diſtanti-  
am, in ſtillam incidunt paralleli *SA*, *SE*, (86.) ingreſſi guttam aquoſam, tanquam medium aëre denſius, refringuntur ad perpendicularum, (160.) & tranſeunt per *AB*, *EF*; in his punctis *B* & *F* partim iterum refringuntur iuxta *BI*, *FG*, exeuntes; partim vero reflectuntur per *BC* & *FH*, (152.) atque nova refractiōe in *C* & *H* maximam partem ſtilla egrediuntur per *CO* & *HK*. Hæc autem ſcena luditur in radiis, prouti e ſole illi egrediuntur, non duobus modo, ſed innumeris, omnibus inter ſe parallele incidentibus in ſtillam.

239.

Sed hac ratione iridem nondum contuemur, deest enim radiis stilla egredientibus CO, HK, parallelismus, ut in visus organum possint incidere, quod sufficiente copia fieri nequit, si fuerint diuergentes, quia sic pupillam oculi multis paralangis præterlaberentur. Consequitur itaque, radios CO, HK, gutta egredientes, parallelos esse debere, uti SA, SE, paralleli incidunt, atque tum demum eos iridis aspectum in oculo esse excitaturos. Atque hinc inter innumeros radios solares, omnes inter se parallele in stillam incidentes, soli illi vocantur ad iridem *efficaces*, qui post duplicem refractionem apud A & C, vnamque reflexionem apud B, paralleli denuo egrediuntur, atque ita demum oculum spectatoris viuide possunt afficere. Geometriæ iam hæc est opera, ut in circulo determinetur punctum illud A, in quod incidentes radii a sole paralleli, præscriptamque viam incedentes, apud C iterum paralleli cum infinite parua propinquitate egrediantur. Quod arduum sane problema commodius sic potest solui, si radius incidens SA, & egrediens OC, continuentur, donec se in P secuerint, ut constituent angulum SPO, cuius magnitudo investiganda est, ut sub illa radii indicato suo munere fungi possint. Qui soluerunt hoc problema, sunt *Cartesius*, *meteoror. cap. XIII*, p. 265.

p. 265, vbi ex calculis numericis, & tabula exinde concinnata, adeoque empirice tantum, & per ambages, quod ab elegantia Geometrica est alienum, determinauit angulum SPO per  $41^{\circ} 47'$ , & quem confirmauit experimento cum pila vitrea aquis repleta, & solis radiis illustrata, instituto. *Is. Barrowius, Lect. Opt. XII, p. 81*, primus difficilem hanc quæstionem pura Geometria enodauit. *Is. Newtonus, Optices lib. I, P. II, prop. 9, p. 222*, idem problema resoluit ex hac consideratione, quod angulus SPO omnium possibilium debeat esse maximus, quam eandem methodum distinctius exposuit *Whistonus, Prælect. Physico-Mathem. pag. 235*. *Iac. Hermannus* perspicaciam suam hic ostendit in *Journal des sçavans, tome XXXV, pag. 674*. *Saurini* resolutio legitur in *Memoires de Trevoux, 1701, m. Octobri*. Sed cunctorum industriam hic vicit *Ioh. Bernoulli, Operum tome IV, pag. 197*, vbi planissima & facillima in hæc penetralia perueniendi via ostenditur, quæ autem hoc loco tradi non potest.

240.

Inuentum igitur est, priorum virorum indagatione, si radius solaris incidens SA habeat rationem refractionis  $4 : 3$ , sitque adeo ex rubrorum numero: (221.) tum requiri ad radios efficaces angulum  $SPO = 42^{\circ} 1' 44''$ , quem eundem *Cartesius* statuit esse de-

S 3

bere

bere  $41^{\circ} 47'$  minus recte; & crassius adhuc *Maurolycus*,  $45^{\circ}$ . Similiter autem repet-  
tum est, si solaris radii incidentis statuatur  
ratio refractionis  $109 : 81$ , hoc est, si hic sit  
violaceus, (221.) tum requiri ad radios effi-  
caces iridis angulum  $SPO = 40^{\circ} 16' 10''$ ,  
priori angulo minorem. Horum radiorum  
vterque in oculum incidere potest simul. Ex  
inaequalitate enim horum angulorum Geo-  
metriae perito facile apparet, positis  $SP$  &  
Fig. 94.  $Sp$  parallelis lineis, vti sunt, (86.) rectas  
 $PO$ ,  $pO$ , esse conuergentes, adeoque ne-  
cessario concurrere in  $O$ , spectatoris oculo  
alicubi posito, qui igitur per rectam  $OP$  vi-  
debit rubrum colorem in  $P$ ; per rectam au-  
tem  $Op$  violaceum colorem in  $p$ , & inter-  
medios reliquos secundum ordinem suum,  
(223.) ex natura refractionis cuiuslibet debitae;  
ad quae autem singula obseruanda requiritur  
& oculus acutus, & iris bene distincta, vt  
singula quaeuis colorum confinia rite deter-  
minentur.

241.

Si ducatur recta  $OC$ , ex oculo spectato-  
ris  $O$  parallela radiis solaribus  $SP$ ,  $Sp$ ; erunt  
anguli  $SPO$ ,  $SpO$ , aequales angulis  $POC$ ,  
 $pOC$ . Consideretur nunc, illos esse con-  
stantes, (240.) neque alios cum coloribus in  
oculos illabi radios, praeter eos, qui tales  
angulos formant. Erunt ergo pariter anguli

li POC, pOC, AOC, BOC, constantes, vndecunque etiam a guttulis e latere & vbi-  
cunque positis affluant ad oculum. Erit igitur  
omnis iris basis coni alicuius recti, in  
quo verticem occupat oculus, & axis est li-  
nea recta ex oculoeducta, solis radio paral-  
lela OC, angulus præterea ad verticem est  
constans & immutabilis. Sed omnis talis  
basis, axi perpendicularis, est circularis, cu-  
ius quippe integram peripheriam interrumpit  
& secat terra, quæ interposita est, aspe-  
ctumque totius iridis plene circularis impe-  
dit. Si vero oculus supra horizontem in  
monte tantum eleuetur, vt, non impedi-  
re terra,  $42^{\circ}$  deorsum spectare possit in val-  
lem, vbi pluit: tum non truncatam, sed in-  
tegram, iridis peripheriam videret, & pun-  
ctum eius infimum Q quoque detegeret;  
quod *Iob. Franc. Pico, Mirandule comiti*, ac-  
cidisse legitur in *Magiri Pbysiol. Peripat. p.*  
*273;* & *Cardano, de subtil. lib. 14, cap. 70;*  
& *Ricciolo, Almag. noui pag. 83.* Atque nunc  
quidem angulus POC, qui idem est cum  
angulis AOC, BOC, QOC, vocatur *se-*  
*midiameter iridis*, quæ itaque semidiameter  
iridis maior, respectu radiorum rubrorum  
P, est  $42^{\circ} 1' 44''$  eadem semper, & in  
omnibus iridibus constans; (240.) minor  
autem pOC, respectu radiorum violaceo-  
rum, est  $40^{\circ} 16' 10''$ ; integra vero dia-  
meter maior  $84^{\circ} 3' 28''$ .

242.

At præterea circularis hæc fascia colorata latitudinem habebit Pp, cuius diameter, siue latitudo apparens, erit angulus POp, qui inuenitur, si ab angulo POC  $42^{\circ} 1' 44''$  subtrahatur angulus pOC  $40^{\circ} 16' 10''$ , vnde latitudo iridis apparens, siue angulus POp, semper est  $1^{\circ} 45' 34''$ . Omnia deinde hucusque exposita requirunt necessario, vt oculus spectatoris, ad iridem conuersus, pone se & a tergo suo habeat solem splendentem in S: ergo semper iridem inter & solem locatus esse debet spectator; vnde statim deducitur, fieri nunquam posse vt meridiei plagam versus appareat iris; requireretur enim sic sol positus ad septentriones, quod nobis in boreali hemisphærio viventibus non posse accidere Astronomia docet.

243.

Sit linea ex oculoeducta per iridem, ORH, horizontalis, & huic parallela TP. Atque erit *altitudo iridis* supra horizontem angulus POK; hic autem æqualis est POC — KOC = SPO — DOZ = SPO — SPT; est autem SPO =  $42^{\circ} 1' 44''$ , (240.) & SPT altitudo solis supra horizontem TP, quam vocabimus *a*; vnde igitur erit altitudo iridis supra horizontem =  $42^{\circ} 1' 44'' - a$ . Ex his facillima iam supputatione sequentia colligun-



Aguntur. *Primo*, si sol sit in ipso horizonte, aut altitudo ipsius = 0, conspicietur altitudo iridis supra horizontem sub angulo ipso  $42^{\circ} 1' 44''$ , ac iris simul repræsentabit integrum semicirculum, cuius nempe altitudo sit dimidia totius diametri iridis. (241.) *Secundo*, si altitudo solis sit  $42^{\circ} 1' 44''$ , tum altitudo iridis supra horizontem erit nulla; hoc est, nunquam a nobis conspici potest quicquam arcus cœlestis, si sol altius fuerit supra horizontem eleuatus quam  $42^{\circ} 1' 44''$ ; & in genere, quo magis eleuatus est sol, eo depressior est iris. *Tertio*, obseruari potest semidiameter iridis, non immediate quidem, sed mediate, si nempe vno eodemque momento capiantur altitudo iridis, & solis, supra horizontem; quarum summa bis sumpta efficiet diametrum quæsitam; qualem observationem cepit *Ricciolus*, *Almag. lib. II, p. 83.*

244.

Quoniam ad iridem generandam sol debet habere altitudinem minorem  $42^{\circ}$ , (243.) poterunt apud nos conspici irides quacunque diei hora, quamdiu sol hæret in signis australibus, hoc est, ab æquinoctio auctumnali, per hyemem, ad vernale æquinoctium vsque, nisi a tempore frigido guttulæ sint congelatæ. Nam cum altitudo æquatoris apud nos sit  $41^{\circ}$ , quamdiu sol est infra æqua-

S s

torem,

rorem, erit eius altitudo maxima cuiusvis diei infra  $42^{\circ}$ . Sole autem versante in signis borealibus, aliquot horis ab ortu, & totidem ante occasum, fieri possunt irides; minime autem tempore ad meridiem accedente, aut ab eodem declinante; quoniam scilicet in horum casuum utroque sol incipit acquirere gradum altitudinis maiorem quam  $42^{\circ}$ . Evidens itaque est, cur pluere possit, lucente sole, non tamen appareat iris.

245.

Vidimus, iridem esse basin coni recti, cuius vertex est oculus, axis autem recta ex oculoeducta, radio solis parallela, & diameter apparens constans, semper nimirum  $84^{\circ} 3' 28''$ . (§. 241.) Hinc facile colligitur, iridem, vel basin huius coni, esse minorem, si pluviæ guttulæ oculo sint propiores; extensiolem vero eandem spectari, si materia pluviæ ab oculis magis sit remota. Hinc si iridem versus celerrime accedas, contractionem continuo aspicies. Porro etiam patet, cessantibus ex aliqua parte stillis decidentibus, cessare ibidem quoque iridem; unde perspicuum fit, cur aliquando vnum modo crus, aut partes solæ cruris, in iride conspiciantur. In iride autem completa videbuntur crura insistere horizonti, quoniam a summo ad hunc usque grex innumerus guttularum continuatur. Reliqua vero  
phæ-

phænomena iridis, quod quilibet spectato-  
rum propriam sibi, & diuersam ab omnibus  
reliquis, videat, sed cum reliquis plane simil-  
limam; quod iris ad eam accedentes fugiat,  
ab ea recedentes insequatur; quod radii BI, Fig.  
FG, exeuntes e stilla, iridem visibilem for- 95.  
mare nequeant, quod valde mirum visum  
est *Whistono*, *Prælect. Physico - Mathem. pag.*  
*238*; quod iris apparere possit etiam post-  
quam sol occubuerit; cuius phænomeni ob-  
seruationem ipse feci anno 1744 d. 15. Iunii,  
st. v. Petropoli; & fecit *Cassinus* anno 1693  
d. 19 Iunii, vid. *Mem. de Paris huius anni*;  
quod atræ nubes præsentis iridis fulgorem  
non efficiant quidem, sed adiuvant tamen,  
vnde hanc quoque circumstantiam obseruant,  
qui iridem artificiosam oculis præsentem si-  
stunt, vid. *Gravesandii Phys. Elem. Tomo II,*  
*§. 3600*; explicata ex hisce fundamentis leges  
in *Dissert. nostra de Iride*, 1751 edita.

246.

Sæpius conspici quoque solet *iris secunda-*  
*ria*, priorem extus cingens, & altius posita,  
cuius natura, prioribus intellectis, brevissi-  
me potest explicari. Sint duæ guttulæ plu-  
viæ P & p, folis radiis expositæ, in quarum Fig.  
partes inferiores apud P & p incidant radii 95.  
solares, inter se paralleli SP, sp; hi, vti,  
prius factum est, refringentur ad Q, q, hinc  
reflectentur in R, r, sed iam denuo reflecten-  
tur

tur in T, t, atque tum demum exhibunt per TO, tO, in spectatoris oculum O. His exeuntibus eadem lex data est, quæ prius, (239.) ut nempe incidentes paralleli non quivis sint *efficaces*, sed ii soli, qui exeuntes iterum sibi sunt paralleli. Veluti ergo iris primaria oritur ex duabus refractionibus, & vnica reflexione, radii solaris: ita iris secundaria generatur ex duabus refractionibus, & duplici reflexione, eiusdem radii.

247.

Si calculus ineatur methodo *Bernoulliana*, (239.) & radiis incidentibus iterum ex oculo spectatoris ducatur parallela OC, inuenitur pro fasciculo radiorum parallele exeuntium rubrorum posci angulum  $tOC = 50^{\circ} 58' 54''$ , pro simili fasciculo radiorum violaceorum autem requiri angulum maiorem; nempe  $TOC = 54^{\circ} 9' 30''$ ; vnde iam in iride secundaria ordo colorum primariæ erit inuersus, superne enim ex T emicabit cœruleus, inferne autem ex t ruber. Hinc itaque patet, *Primo*, iridis secundariæ latitudinem semper esse  $3^{\circ} 10' 36''$ , adeoque multo latiore videri hanc, quam videtur primaria. *Secundo*, colores in iride secundaria omnes primariæ esse inuersos; desuper enim eos numerando occurrunt violaceus, purpureus, cœruleus, viridis, flauus, aurantius, ruber. Ex qua hac colorum inuersio-

ne

ne veteres Philosophi sibi imaginati sunt, totam iridem secundariam nihil esse aliud, quam primariam in nubibus, tanquam in speculo, reflexam; quod vero si esset, secundaria deberet habere etiam crura inuersa, hoc est, sursum reflexa, quod autem non fit, cum secundaria primariam semper cingat. *Tertio*, colores iridis secundariæ debiliores semper esse coloribus primariæ, quoniam nempe a duplici & refractione & reflexione multum debilitantur, in quarum vtraque multum radiorum perit ac dispergitur, aut absorbetur; hinc itaque rarius conspiciuntur secundariæ, nec nisi cœlum ex parte iridis nubibus obtectum sit maxime atris, & sol ex altera parte admodum viuaces emittat radios.

248.

De *tertiæ iridis* possibilitate dubitandum minime est, cuius nempe semidiameter esset, ex præcedenti methodo,  $138^{\circ} 20'$ , oriundæ ex duabus refractionibus, & triplici radii eiusdem reflexione; de existentia autem dubitant *Cardanus*, *Scalig. Exercit. 80, p. 5*, & plerique Physicorum alii; ob radios nempe solis per tres reflexiones nimis debilitatos, quam ut nostri sensus organum mouere adhuc possint, aptos forsan tamen ut aquilæ aut lyncis aciem adhuc excitent, maiore quam nos oculorum viuacitate præditarum. *Cartesius Meteoror. cap. VIII, p. 271*, ex aliq-

rum

runt narratione refert tertiam iridem visam, duas ordinarias cingentem, sed multo pallidior, nemo autem semidiametrum obseruauit.

249.

Ne autem in pulcherrimo hoc cœli spectaculo, quod certe totam fere Philosophiam exhaurit, nimis prolixi simus: pertractauimus reliqua huc spectantia in Dissertatione supra (245.) allegata *de Iride*, erroneam quippe explicationem *Maurulyci*; colores iridis; odorem, quem iris edere fabulose perhibetur; patellas iridis sic dictas, quæ nihil aliud sunt quam monetæ antiquæ; iridis existentiam ante diluuium, quæ ex eo sequitur, quod, existentibus omnibus causis efficientibus in actu secundo, effectus non possit non adesse. Nihilque hic addimus nisi sequentia. *Primo*, iridem nonnunquam, a lucente sole effici in guttulis roris prato incumbentibus, in fluuiorum magnis cataractis, atque in fontium salientium guttulis decidentibus roridis. *Secundo*, apparent etiam *Irides Lunares*, quamuis rarissime, ortæ exposito huiusque modo a luna; hæ colores spargunt maxime debiles, earumque arcus candidus magis quam coloratus spectatur, quia hic lumen lunæ, per se iam debile, magis adhuc debilitatur; tales in annis 50 duas tantum visas esse memorat *Aristoteles Meteor. 3*; vnā a se visam allegat *Verdries, Phys. p. 450.* aliam quo-

quoque obseruauit *Celeberr. Weidlerus*; ortam a luna fere dichotoma anno 1719, coloribus vix conspicuis; vid. *Eiusd. selectæ observationes cœlestes*. Consuli quoque porro hic possunt, *Hamberger, de Iride diluuii*; *Sturmius, de admirandis iridis*; *Parent, Recherches de Math. & Phys. tomo I*; *Dechales in mundo Mathemat. ad finem Dioptrices*.

250.

Iridi valde affines sunt *Halones*; aut *Coronæ*, *Plinio & Senecæ* dictæ; *Aræ*, vi vocis, *αλων, ωνος*, *Matth. III, 12, & Lucæ III, 17*, seu circuli, qui circa solem aut lunam, variorum colorum quandoque, cernuntur. Phænomena harum, ex *Hugenii Tractatu de Coronis & Parbeliis* potissimum desumpta, hæc sunt. 1) Sunt circuli rotundi, qui interdiu circa Solem, noctu circa Lunam, aut stellas etiam maiores, apparent, modo albi, modo, cum lucidiores sunt, variis insigniti coloribus, iridis instar. 2) Diameter apprens earum potest esse a  $2^{\circ}$  ad  $90^{\circ}$  vsque & plures adhuc, ut plurimum vero est  $45^{\circ}$ , qualem quoque inuenit *Mestlinus*, in *Cometa anni 1580*. 3) Tales circuli aliquando apparent plures, concentrici, & omnes luminare suum in centro habentes, cuius motum sequuntur & comitantur; annulorum coloratorum autem latitudo est circa  $2^{\circ}$  &  $7^{\circ}$ . 4) Interius referunt annuli colorem rubeum,

brum, exterius vero coeruleum, licet hic multum accedat ad albedinem. 5) Spatium intra annulos coloratos dicitur proprie *area*, & hoc obscurius semper videtur cœlo reliquo ambiente. 6) Nunquam pluuio cœlo cernuntur. 7) Non conspiciuntur ab observatoribus longe dissitis; ex *Actis Literar. Sueciae* ex gr. comparatis cum Observationibus Meteorologicis Petropoli factis patuit mihi, Halones, Parhelios, Paraselenas hic visas ibi non apparuisse, & vice versa. 8) Rumpuntur halones ab exortis ventis. 9) Ellipticam halonem observavit *Newtonus*, *Opt. lib. II, part. 4, observat. 13.* Artificiales etiam produci possunt, si respiciatur ad flammam candelæ accensæ ex transverso campanæ vitreæ, in qua aër aliquantum est rarefactus, quoniam sic vapores campana contenti redduntur densiores: deinde eadem in balneis circa lucernas accensas frequentissime cernuntur. Nullas conspici astris prope horizontem versantibus *Cartesius* tradidit; contrarium autem testatur *Celeberr. Musschenbrækius, Essai de Physique, p. 821.* Olim, quo minus veræ causæ aliquid halonum & parheliorum assignari potuit, eo magis vtrumque in omen tristis alicuius euentus trahebant, & formidinem iis hominibus incutiebant, in quo errore etiam versatus adhuc fuit *Mestlinus, Observatio comete anni 1577, pag. 58,* putans post hæc meteora semper insignes motus  
gen.



gentium cum bellis exortos fuisse, quod aliquot etiam exemplis comprobare allaborat; sed neque tales tumultus, neque etiam ventos aut turbines, ab his portendi melior hodie & cultior Philosophia docet, annumerans omnes hos tristes horrores fabulis anilibus & exagitatis.

## 251.

Quodsi nunc de explicatione huius meteoris quæramus, occurrunt primo veteres Physici; qui vero, vti prope semper alias, inanes nos dimittunt, allegantes, causam esse nubem densiusculam, continuam, & æqualem, stellis directe subiectam; vid. *Syst. Phys. Goth. lib. III, cap. 5*, quæ plane nullius in hoc negotio sunt momenti. Cum autem sit manifestum, causam huius meteoris non alte positam esse, sed hæerere in nostra atmosphæra, ex *phenom. 7 & 8*, hinc ad particulas glaciales confugerunt Physici recentiores, hærentes in aëre, per quas in transversum solem, aut lunam, aut stellam, aspicimus. Particulæ enim glaciales tales aut per se iam adsunt in aëre supremo, ob ingens frigus ibi semper regnans, vid. *Celeberr. Dan. Bernoulli, in Actor. Helvet. Tomo I, p. 39*; aut gutta pluuiæ in aëre pendens subito potest congelari, vti apud nos, per materiam frigorificam ibi generatam. (I, 329.) Statuit itaque *Cartesius*, coronas oriri ex refractione ra-

diorum Solis & Lunæ, aut stellarum, in planis stellulis ex glacie pellucida compositis, in atmosphæra copiose pendulis. Sed, ut ipse fatetur, ex his stellulis congelatis sequeretur, spatium intra coronam debere lucidius apparere reliquo aëre extra coronam, quod est contra *phanom. 5*. Qui defectus explicationis Cartesianæ annotatur in *Journ. des Savans 1667, p. 200*.

252.

Felicius autem hanc explicationem absolvit *Hugenius*, in *Tractatu de Coronis & Parbellis*, qui multos annos huic indagationi incubuit, atque tandem, occasione quinque Solium Warsaviæ 1658 visorum, in hanc sequentem incidit huius meteori enodationem, de qua affirmat, eam ita cum observationibus convenire, ut operam perditurus sit, qui aliam requisierit. Prioribus itaque congelatis stellulis hic substituit grana rotunda, constantia exterius ex glacie, vel aqua, pellucida, sed intus continentia pucleum obscurum, fortasse nivolum, quarum particularum magna copia inter solem & nos volitet; quales particulas in aëre dari certum est, quia, teste *Cartesio*, tales aliquando in terram decidunt, & grandinis fere grana omnia ita sunt comparata; pro coronis autem asseruit sufficere tales particulas minimas, minores adhuc semine raparum, manente tamen pro-

por-

portione inter totius guttæ moleculam, & nuclei intermediū inclusi & niuosi, opacique, magnitudinem.

253.

Fig.  
96.

Hinc itaque vt phænomena eo clarius deducamus, considerabimus primo vnicum tale granum, cum suo nucleo obscuro, in quod incident radii solares aut lunares AB, AE, &c. paralleli inter se; horum omnes duplicem sustinebunt refractionem, primam in ingressu materiæ fluidæ nucleum ambientis, alteram in egressu. Radius quidem incidens iuxta axin ABCD, & irrefractus transiens, (160.) statim in H retundetur, & in nucleo absorbebitur, quod idem etiam pluribus aliis radiis accidet, vt AE, qui refractus in F vltcrius non transibit, donec tandem incidens AG refracto suo GH nucleum stringet, & apud H exitum sortietur, vnde porro transibit noua refractione per HI, recedendo ab axe; similes vias prosequuntur omnes alii incidentes AK externi, qui per pellucidum transeunt, & post alteram refractionem longius semper ab axe secedunt, vt LM.

254.

Fig.  
97.

Volitet iam magna copia talium partícula- rum inter oculum O, in axe parti-  
culæ me-  
diæ ACO positum, & astrum, ex quo in  
eas superne radii omnes inter se paralleli in-

T a

cidunt;

cidunt; atque patet ex figura, nullum radiorum emergentium in hac particula in oculum posse illabi; nam refracti ex stringentibus nucleum DE, GH, oculum O prætervehentur, quod eo magis adhuc facient refracti a radiis remotioribus ab axe, qui longius adhuc ab hoc secedent, (253.) eoque magis etiam oculum præterlabentur. Ducantur itaque ex oculo O duæ rectæ OM, ON, parallelæ ipsis HG & EC, ut fiat parallelogrammum OPCQ, in quo igitur anguli oppositi ad O & C sunt æquales. Atque hinc facile iam ostenditur, nullam talem particulam intra angulum NOM constitutam radiorum aliquem ad oculum O posse deferre. Stringens enim *bc* refractum suum *cd* habet parallelum ipsi DE, aut NO, quare non in oculum perueniet; & remotiores adhuc, qualis *fg*, eo magis ab axe suo secedent; consequenter *gb* eo minus adhuc oculum feriet; unde ob defectum lucis radiorum totus conus NOM apparebit obscurus, & hæc est ipsa illa area circa astrum medium obscura, uti innuit *phenom.* 5. Porro particulae tales omnes extra angulum NOM positæ, non quidem omnes, sed plures, radios ab astro acceptos ad oculum transmittere possunt. Exempli loco sit vnicus *Alk*, qui refractus in *k* ad oculum O perueniet, atque sic innumeri alii; hinc itaque particulae omnes extra angulum NOM circum circa positæ luci-

lucidas peripherias repræsentabunt, & coloratas quidem, quoniam oriuntur a luce refracta; (218.) interioris vero areæ subobscuræ diameter apparens erit angulus NOM, siue, huic æqualis, DCG.

255.

Nunquam igitur pluuio cœlo cernuntur halones; ob nubes in tali statu nimium densas, & quia congelatæ particulæ hic requiruntur, non guttæ roridæ. Non conspiciuntur ab obseruatoribus longe dissitis; quia versantur hæ particulæ in atmosphæræ nostræ regione media, adeoque insignem habent parallaxin. Rumpuntur a ventis; quia ab his particulæ necessariæ facile ex situ suo requisito dispelluntur. *Newtonus* asperxit halonem ellipticam, quæ magis distabat a Luna inferius quam superius; quia peculiaris quædam hic intercessit refractio aëris, a nouis forsân particulis heterogeneis admixtis, vti ipse explicat *loco citato*; quare per hanc causam *Hugenianam* omnia halonum phænomena quam rectissime explicantur. Id vnicum superest adhuc explicandum, cur diametri apparentes halonum non sint constanter eadem, sed variæ in variis obseruationibus? Hoc eadem, qua præcedentia, deduxit *Hugenius* elegantia ex diuersa ratione semidiametri molis guttulæ integræ CB ad semidiametrum nuclei CH, ostendens, si dia-

Fig.  
96.

T 3

meter

meter coronæ fuerit  $45^\circ$  : requiri CB ad CH  $= 1000$  ad  $480$  ; si vero diameter apparens coronæ fuerit  $90^\circ$  , requiri CB : CH  $= 1000 : 680$  ; si dicta diameter sit  $44^\circ$  , posci CB : CH  $= 1000 : 473$  ; pro maiore igitur diametro apparente halonis maior subinde requiritur diameter nuclei ; hinc facilis quoque ratio dari potest, cur amplæ aliquando sunt coronæ cum oriuntur, multo autem contractiores, quando desinunt.

256.

**Fig. 98.** Methodus autem, qua problema hoc in allegatis casibus particularibus soluit *Hugenius*, generalis hæc est. Sit semidiameter molculæ totius MD, nuclei niuosi MF, atque incidat radius solaris HD, parallelus axi ; is primo refringatur per DC, quæ nucleum tangat in F, ac dein denuo per CK ; producantur HD in C, KC in L, & ducantur perpendiculares ad puncta incidentiæ D & C, quæ sint QDM, RCM. Iam, si KC esset radius incidens, is refringeretur per priorem viam CD & DH ; atque esset nunc angulus primo refractus DCM, qualis prius fuit CDM, qui duo anguli sunt æquales, ob triangulum DMC æquicrurum. Cum autem anguli refracti æquales habeant in eodem medio æquales angulos inclinationis, erunt anguli QDH & RCK æquales. Et pariter habent æquales anguli inclinationis æquales etiam

etiam angulos refractionis; ergo erit  $ODF = LCF$ ; est autem  $ODF = CPK$ , ob parallelas  $DO, PC$ ; &  $LCF = PCK$ , quia sunt verticales; ergo in triangulo  $CPK$  anguli ad  $P$  &  $C$  erunt æquales, consequenter  $P = \frac{1}{2} CKM$ ; sed ex præmissis, est  $CKM$  semidiameter apparens coronæ; ergo angulus ad  $P$  erit  $\frac{1}{2}$  diametri apparentis coronæ. Porro est  $PD : PM$  ratio refractionis, aut in hoc casu  $= 4 : 3$ , (163.) quod facile demonstratur ex Trigonometria; & in  $F$  est angulus rectus, ob  $DC$  tangentem, &  $MF$  radium in punctum contactus ductum. Positis igitur sinu toto  $= r$ ,  $CPK$  sinu  $= p$ , cosinu  $= q$ , &  $PD = x$ , erit  $PD (x) : PM = 4 : 3$ , hinc  $PM = \frac{3x}{4}$ ; est etiam in triangulo

$$FPM, r : \frac{3x}{4} = p : MF = \frac{3px}{4r}; \text{ nec}$$

$$\text{non } r : \frac{3x}{4} = q : PF = \frac{3qx}{4r}, \text{ vnde } FD$$

$$= PD - PF = \frac{4rx - 3qx}{4r}; \text{ atque hinc}$$

$$\text{fit } MD = \sqrt{(MF^2 + FD^2)} = x \sqrt{\frac{25r^2 - 24rq}{4r}}, \text{ quia est } p^2 + q^2 = r^2.$$

Atque ex his ita deductis habebitur,  $MD : MF = \sqrt{(25r^2 - 24rq)} : 3p$ ; ex quo fundamento sequentem computavi tabulam, quæ in hoc solo ab Hugueniano diffidet calculo,

## 296 CAP. V DE METEORIS

10, quod hic rationem refractionis assumfit  
250 : 187, ego autem vero proximam 4 : 3.

diameter Halonis	MD : MF
1° ———	1000 : 12.
10 ———	— 130.
20 ———	— 249.
30 ———	— 354.
40 ———	— 447.
44 ———	— 479.
45 ———	— 484.
50 ———	— 516.
60 ———	— 576.
70 ———	— 622.
80 ———	— 656.
90 ———	— 684.
100 ———	— 703.
110 ———	— 719.
120 ———	— 730.

257.

*Parhelii & Paraselenæ* sunt veri solis, & veræ lunæ, imagines spuriaë, iuxta luminare vtrumque spectatæ, modo plures, modo pauciores. Veteres causam definitioni incluserunt, dicentes cum *Aristotele*, 3 *Met. cap. ult.* parhelius est imago Solis, a latere eius in nube densa, plana, quiescente, & aquosa, tanquam in speculo, per radiorum solarium refractionem, expressa. Ita quidem sex simul Soles visi dicuntur in Polonia, anno



anno 1525, *Syst. Pbyf. Goth. p. 398.* Deinde Romæ anno 1629 simul quinque Soles visi sunt, Martii 20, a *Scheimero*, vid. *Hagenius l. c.* Rursus quinque visi sunt anno 1684, Martii 28, hora 7 a. m. duarum horarum interuallo; *Journal des Sav. 1684, pag. 172.* Plures eiusmodi observationes *Hevelius* accurate descripsit, atque edidit in *Append. ad Tractat. de Mercurio & Venere in Sole visis*, fol. 171; vbi etiam memorat, septem sibi Soles distinctos apparuisse anno 1661, Febr. 20, ab hora 10½ ad meridiem vsque, cum corona picta circa verum Solem, & circulo albo magno, per verum Solem transeunte, & ubique ab horizonte equaliter cum Sole, nempe 25°, distante, cuius diameter 130°, atque adeo centrum cum Zenith spectatoris coincidebat; præterea parheliorum aliquot caudas post se trabeant in ipso arcu circuli albi. *Gassendus, de meteor. cap. 6*, putauit, in vniuersum vsque ad vndecim Soles apparere posse. *Plinius* testatur, non plures simul ad suum æuū visos Soles quam tres; nec plures enumerantur inde ab *Aristotelis* tempore ad *Cardanum* vsque, quod mirum est, intra paucos annos, nostris nempe temporibus, contingere potuisse, quod tot seculis olim non fuerit factum. Sed causa huius rei esse potest, quod duo parhelii laterales, qui semper lucidissimi sunt, vni- ce ab imperitis obseruatoribus fuerint anno- tati, dum reliqui plerumque languidi admo-

dum sunt, ut pro nubeculis facile haberi possint. vid. *Hag. l. c. pag. 12.* Reliqua vero Parheliorum phaenomena praecipua huc redeunt. 1. Plerumque apparent tempore veris & auctumni. 2. Semper cum coronis, pictis aut non pictis, visuntur. 3. Semper spectantur aëre quieto, & nubibus crassioribus vacuo, ut aër fere serenus, sed aliquantum tamen subnubilus, videatur. 4. Magnitudo eorum eadem est, quæ Solis veri; figura a rotunditate interdum recedit, & lacera est; fulgorque debilior. 5. Latitudo parheliorum eadem est, quæ circuli magni, horizontalis, antea memorati. 6. Conspecti fuerunt tempore vnius horæ, immo etiam quatuor horarum. 7. Evanescent omnia successive & pedetentim primo ab vna, mox ab altera, parte, reditum crebro simulantia, donec penitus extinguantur.

258.

Causa elegantissimi huius phaenomeni in nostra atmosphæra sine omni dubio hæret. *Primo* enim semper cingitur illud corona, aut halone, quæ in nostro aëre existunt. (251.) *Secundo*, tempus postulat, quo cælum non quidem sit perfecte serenum, sed nebula tenui & pellucida obductum. *Tertio*, in locis parum a se distantibus vix conspiciuntur. *Quarto*, ordinariè apparent tempore brumali, aut verno, in mediocri frigore, spirante ven-

to leni ex plaga boreali. Quinto, cum desinunt, aliquando pluit, aut ningit cylindricis, vel spiculis oblongis. Veteribus autem allegata causa, nubes nempe densæ, nimium generalis est; in omnibus enim eiusmodi phænomenis atmosphæricis semper ad nubes, harumque reflexiones, confugerunt, tanquam claudi ad equos, nulla determinata expositione circumstantiarum; deinde videmus, densas nubes hic plane abesse, teste *phenom. 2*; nec vlllo modo perspicitur, quomodo ex nubibus densis coronæ, aut circulus ille albus horizoni parallelus, oriantur. Hinc etiam *Cartesius, de meteor. cap. 10*, pro causa allegat magnum quendam velut annulum solidum in aëre exortum ex glacie continua, pellucida, & polita. *Gassendus* oriri parhelios & paraselenas credidit, quando plures halones se interfecant; ita enim loca intersectionum ob geminaram lucem exsplendescere, quæ deinde ab ignaris pro Solis aut Lunæ imaginibus habeantur. Sed ex delineationibus accuratis ab *Hevelio* & *Hugenio* factis facile apparet, ibi etiam cerni parhelios, vbi coronarum intersectio nulla est.

259.

Solus autem perfecte ac determinate horum omnium originem & constitutionem explicuit iterum *Hugenius, de Coronis & Parhelis*; quæ vero explicatio cum ob circulos, va-  
rios

rios sibi repræsentandos imaginationem valde exerceat, nec sine multorum schematum ambage tradi possit: tentabimus conceptum tantummodo eius fœcundum excitare, atque ob oculos ponere, vt, qui plus elaborare in his cupiat, fundamentum habeat, cui tuto insistat. *Hugenius* itaque, vti ad genesis halonum vsus est sphærulis semiliquidis, quibus innatet intus nucleus niuosus: (252.) ita ad parhelios iam requirit similes cylindrulos, admodum exiles, densissimo agmine in aëre volitantes & pendulos, iterum semiliquefactos & superficiei aquosæ inclusos, in quorum medio autem maneat cylindrulus minimus ex niue tenuissima constans, luci imperuius, sed aquæ superficiali immerfus. Minime autem hæc corpuscula temere aut frustra fingi in aëre asserit, cum sæpius talia ex eodem magna copia decidant sub forma nivis aut grandinis. Sed vt erecti sistantur hi cylindruli madidi in aëre, quem eorum situm requirit latitudo parhelii eadem cum latitudine circuli magni, albi, & horizontalis, ex *phenom.* 9, adest in eorum cuiuslibet parte inferiori globulus aliquis annexus grauior, ex defluente humiditate exortus, ex cuius pondere cylindrulus in aëre verticaliter suspensus hæret, vt aræometrum in aqua. (P. II, 126.)

260.

Ex hisce nunc adumbrare poterimus genera-

nerationem parheliorum & paraselenarum, est enim vtriusque phænomeni eadem ratio. *Primo* ex eiusmodi cylindrulis, qualis est B, in cuius superficiem madefactam circumcirca incidit radius AB ex Sole vero A, oritur radius reflexus BO, qui nucleum niuosum penetrare nequit, quorum plurimi in oculum O perueniunt; vnde igitur hic, per productum retro hunc reflexum, videt lineam lucidam, tanquam in speculo cylindrico, Solis diametro æqualem, in C, secundum leges speculi, in concursu radii reflexi producti, & catheti incidentiæ; (127, & 154.) hinc ducta horizontali DE, & huic parallela FB, erit altitudo Solis  $ABF =$  angulo COE, quia ob reflexionem anguli apud B supra & infra æquales sunt, &  $FBO =$  COE, ob parallelas BF & DE. Oritur itaque ex iunctis imaginibus innumerarum talium linearum pellucidarum circulus ille magnus, albus, AGICH, cuius singula puncta eiusdem sunt altitudinis supra horizontem, eius nempe, quam tenet Sol verus, ita vt hic ipse etiam in hoc circulo comprehendatur, atque vt hic circulus sit horizontalis, aut horizonti parallelus, & consequenter ipsius centrum Z sit simul spectatoris in O Zenith; debet porro etiam latitudo huius circuli magni esse eadem cum diametro Solis; singuli præterea spectatores videbunt quilibet circulum sibi peculiarem, omnes tamen per  
verum

Fig.  
99.

verum Solem transeuntes; & si partes quædam languide, aut plane non, appareant, id orietur ex defectu cylindrulorum. *Secundo*, radiorum quidam ad latus vtrumque nuclei niuosi aquam transeunt, & refracti ad oculum perueniunt AKLO, vnde colores aduehant; (218.) ex quorum duplici refractione, vtrinque facta ad vtrumque latus cylindruli obscuri inclusi, in refracto OL producto fiuntur Solis imagines apud H & G, adeoque Soles spurii, aut parhelii. *Tertio* parhelius tertius I oriri potest, sed admodum debilis, ex facta in sectione cylindruli duplici refractione apud P & N, & vnica reflexione apud M. *Quarto*, quod caudam habeant parhelii quidam, producitur ex debiliore refractione in cylindrulis vicinis & efficacibus adhuc aliquantum ad hoc negotium. *Quinto*, si plures cylindruli supra alios positi sint, & efficaces, plures etiam parhelii in eodem circulo magno generantur. *Sexto*, his cylindrulis semper etiam permixti sunt globuli, qui ad coronas requiruntur; (252.) igitur circa Solem verum vna aut altera corona adesse poterit; quamuis etiam cylindrulos hisce halonibus producendis aptos iudicet *Hugenius*, l. c. pag. 26. *Septimo*, cœlum erit fere serenum, quia paruuli hi cylindri raram tantum & tenuissimam nubem efficiunt, qua Sol & cœlum obteguntur. *Octauo*, omnia hæc experimentis imitari licet, cylindro ligneo

gneo solido intra cylindrum cauum aqua repletum intruso & suspenso.

261.

De Paraselenis denuo tractare non opus est ; agnoscunt enim , vti iam innuimus , easdem cum parheliis causas. Sed alia adhuc phænomena huc spectantia non sunt prætereunda. *Primo* enim apparuerunt aliquando *Sol* aut *Luna in cruce* , qualem in *Luna* visam peculiari Dissertatione descripsit *Io. Andr. Schmidius* ; observauit etiam *Heuclius* , l. c. *Parisiis* crux *Lunam* regens observata est anno 1677, Maii 17, in Observatorio Regio, hora 2 mat. in qua diameter brachii cuiuslibet apparens erat  $12^{\circ}$  , latitudinis autem vtriusque eadem erat diameter, quæ *Lunæ*. Vid. *Journ. des Sav.* 1677, p. 178. In hac quidem tali cruce cœlesti *Hugenius* l. c. pag. 62, asserit, brachium horizontale generari a reflexione radiorum *Lunæ* ex cylindrulis verticaliter in aëre erectis, qui in parheliis circulum album magnum producant, cuius hoc brachium pars sit ; alterum vero brachium verticale originem suam debere reflexioni *Lunæ* factæ ex cylindrulis horizontaliter procumbentibus ; addit autem , *Lunam* valde humilem esse debere ad hanc apparentiam efficiendam. Idem hoc phænomenum sine dubio fuit, quod *Constantinus M.* anno æræ Christianæ 312, 7 Cal. Nouembris, contra Maxen-

Maxentium pugnaturus, Soli superpositum vidit, de quo legatur *Verdriesii Physica*, 1728 edita, pag. 456. Secundo, Sol in columna verticali oriens observatus fuit a *Christoph. Rothmanno*, celebri Astronomo, Castellis anno 1586, Ian. 2. vid. *Hugenius*, l. c. Deinde Parisiis a *De la Hirio*, anno 1702, Maii 11, qui columnæ altitudinem  $10^{\circ}$  deprehendit, latitudinem vero æqualem Solis diametro; vid. *Mem. de l' Acad. buius anni*, p. 141. Hoc phænomenum explicat *De la Hire* per nubes, quæ tenues sint, & horizonti parallele incumbant; idemque illustrat candela, per vitrum sebo inductum aspecta, cui sebo sulci paralleli horizontales prius digito inducti fuerunt. *Hugenius* vero idem phænomenum derivat a cylindrulis horizonti parallelis, vti modo ante. Tertio, Solis umbram in horologio solari observatam fuisse retrogressam, mense Iunio, circa meridiem, refert *Parent*, *Recherches de Phys. & de Math. Tomo II*, p. 256; cuius phænomeni consequentia naturalis nemini dubia, aut anxie inquirenda, erit, qui ex præcedentibus intellexit, (251.) in ipsa etiam æstate mediam aëris regionem refertissimam esse particulis glacialibus, grandini originem tribuentibus, quæ si a vento colligantur ante Solem ad densitatem aliquam, hunc non obscurant solum, vt disci argentei instar nudis oculis appareat, sed eiusdem radius quoque, subitam aliam refractionem, atque umbris

con-



consequenter mutationem, inducunt. Quarto, *Anthelium* quoque observauit *Heuëlius*, l. c. anno 1661, mense Sept. vt, Sole vero occidente, nouus in oriente emergeret. Hic vero nihil aliud fuit, quam parhelius in circulo albo & magno, quem antea indicauimus, valde extenso.

262.

Vocamur tandem ad *Meteora Ignea*, in quibus maxime conuenit notare distinctionem superius allatam, (234.) inter *emphatica* & *bypostatica*, quam alii etiam exprimunt per *splendentia*, & *ardentia*; cauendum porro, ne cum his confundamus nubium a Sole aut Luna illuminatarum colores rubicundos; aut crepuscula matutinum & vespertinum; aut tractus albidos viæ lacteæ, quæ ad astra referri debet. Ignea ergo meteora *Aristotelis* dicebantur, quæ ex fumo pingui, aut sulphureo, accenso oriuntur; quorum species sequenti ordine explicabimus, vt perlustremus. 1. *Fulgur*, 2. *Fulmen*, 3. *Tonitru*, 4. *Bolidem*, 5. *Stellas cadentes*, 6. *Draconem volantem*, 7. *Capram saltantem*, 8. *Facem*, 9. *Stipulas ardentes*, 10. *Ignem fatuum*, 11. *Ambulones incendiarios*, 12. *Castorem* & *Pollucem*, 13. *Ignem lambentem*, 14. *Lanceam ardentem*, 15. *Pyramidem*, 16. *Clypeum ardentem*, & 17. *Auroram borealem*.

263.

*Fulgur, Coruscatio*, est deflagratio exhalationis sulphureæ quieta & tacita, resplendens tantum sine sonitu, quales accidunt æstate circa horizontem post dies feruidos & æstuosos vesperi aut noctu. Materias eiusmodi inflammabiles sulphureas, oleosas, temporibus æstiuus a calore solis terræ, plantis, animalibus, expressas magna copia hærere & in atmosphæra natare, supra iam vidimus. (P. I, 391.) Quæstio igitur hic sola in eo versatur, qua ratione fiat, ut hæc igniaria in aëre incenduntur. Hoc autem triplici modo, nobis saltem cognito, fieri posse Auctores asserunt. *Primo*, si ingens copia fomitis talis adsit coaceruata & constipata, veluti experientia nouimus, fœnum ex. gr. humidum & compressum, fimeta dense coaceruata, sponte accendi, & in viuas flammæ erumpere, cum sulphurei vapores se colligunt, & valde comprimunt. Constipantur autem in libero aëre hæ exhalationes, quia sursum altius ascendere nequeunt quam grauitas ipsarum specifica permittit, descendere autem pariter nequeunt ob aëris pressionem, & nubes quoque impediens. *Secundo*, si priori noua accedat exhalatio, quæ se cum illa misceat; uti Chemia docet, plures dari materias fluidas & solidas, quæ secum permistæ flammæ vibrant; (P. I, 344.) veluti cum ad spiritum nitri fumantem, ex oleo vitrioli nitroque

troque confectum, oleum caryophyllorum affunditur; aut si parem sulphuris, aquæ, & limaturæ martis, copiam ad pulmentum redactam in vitro teneas obturato, aut sub terram defodias, in quo casu, rimas hac agente, post breue tempus flammulæ prorumpunt. Nihil vero horum omnium, & longe adhuc plurimum, suo tempore in atmosphæra deest. (P. I, 391.) *Tertio*, si radii Solis interdiu nubem rotundam perreptantes focum dioptricum (183.) forment, in tales exhalationes incidentem, vid. *Celeberr. Muschenbræckii Institut. Physicæ pag. 708; & Boernerii Physica, pag. 268.*

264.

Similis autem exhalationis sulphuræ deflagratio, cum sonitu & strepitu nubibus excussa, vocatur *Fulmen*; & sonitus auditus *Tonitru*, quod est murmur quoddam in nube; & fulmen vibratio luminis, quæ cum ipso fit tonitru, sed ante cernitur, proiecta sinuosis ductibus secundum varias directiones. Cum ergo fulgur tranquille deflagret, cum insigni fragore autem fulmen: necesse est ut exhalatio sulphurea talis adsit, quæ comburatur cum magno crepitu; sulphur enim in fulmine copiosum inesse omnia loca fulminata odore comprobant, teste *Plinio, Nat. Hist. lib. 35, cap. 15.* Pulueris nostri pyrii similis illa materia esse nequit, quia hic

deflagrans in aëre libero sonitum magnum non edit. Sed aliæ materiæ, nobis etiam cognitæ, in promptu sunt ex Chemia petitæ, videlicet aurum fulminans, pulvis fulminans, quorum hic componitur ex partibus tribus nitri purificati, duabus salis tartari, & vna sulphuris, bene contritis & permixtis; quo puluere si cochlear repleatur, prunisque imponatur, is colorem primo contrahit fuscum, tandemque cum magno fragore incenditur. Multis præterea aliis materiis idem effectus obtineri potest; vid. *Cel. Musschenbræckii Essai de Physique*, pag. 872. Et pluribus adhuc aliis mixturis natura vti hic potest, pro ratione soli cuiuscunque in altum eleuatis; vnde probabile fit, fulmina omnia non esse eiusdem generis, sed in variis regionibus diuersa; hinc etiam omnis illa exhalatio sulphurea, cuiuscunque generis fuerit, quæ ex vno priorum modorum (263.) incensa fragorem terribilem edit, commode vocari potest in genere *materia fulminea*. Dubium autem oriri hic potest, si Chemica tali ratione generatio fulminis explicetur, tum fore vt accensa semel illa materia consumatur integra & dispergatur, nihilque superstes eius maneat; cum tamen ex vna eademque nube plura fulmina excuti videantur; sed huic occurrit *Hombergius*, in *Hist. de l'Acad.* 1708, nempe materiam illam accensam statim iterum colligi, vt denuo accendi possit, cum

eum nequeat altius facile ascendere atque sic dissipari, quod in nostra aëris regione accidit, ob aërem circa nos grauiorem; aut si vi excussa aliquantum ascendat, statim rursus delabatur ad sedem priorem.

265.

Hæc itaque materia fulminea, per varios ductus anfractuosos hinc & inde per aërem in lineas diuisa quaquauerfum extensas, vbi alicubi incenditur, (263.) in sui medio, dehinc vtrunque incendium vehementissimum deuehit, vti ignis, cursorius dictus, donec illa linea sit combusta & exhausta, in quamcunque plagam directio fiat. Ex quo patet, cur tam incertos ductus fulmen sequatur, prouti nempe a ventis, aliisue causis, materiae fulmineae cursus & lineæ huc vel illuc inter se cohærent, & lineam incendiariam formant; deinde, cur consultum sit oboriente tempestate omnes domus aut conclauis ianuas & fenestras probe occludere, ne quid filorum istorum irrepere facile possit, & flammam pernicipalem illuc deducere; cur cauendum sit solícite, vt ne tempestate coorta æstu ipsi efferuescamus; vna enim cum sudore multi ex corpore nostro vapores egrediuntur sulphurei, qui dum a fulmine accenduntur, nos quoque percurimur; vid. *Celeberr. Krügeri, Philos. Natural. p. 768.* Fulmini itaque præ cæteris obnoxia erunt illa

## 310 CAP. V DE METEORIS.

loca, in quibus multum materiae fulminis  
aut sulphureae exspirat ex terra, veluti cir-  
ca montes igniuomos, & ubi ex solo copio-  
sum sulphur ascendit; hinc in Ægypto &  
Æthiopia vix fulminat; in Sicilia & Italia  
frequentissime; in Iamaica fere semper; vid.  
*Transact. Philos. num. 357*. Deinde eidem etiam  
propius subiecta sunt loca eminentiora; at-  
que ita se habere dicuntur quoque a quibus-  
dam turres pulvere pyrio repletæ, ob sym-  
pathiam, (P. I, 205.) vel rectius, ob exha-  
lationes. Fulminat vero pariter in medio  
oceano, quia tractus sulphurei per aquas sur-  
sum pelluntur, vti in fontibus quibusdam  
fit, quorum aquis si propius admoueat  
candela, illæ inflammantur; vid. *Commenta-  
rii Bonon. pag. 119*; nec minus materia fulmi-  
nea maribus per ventos aduehi potest. Fa-  
bulose autem fulmine non tangi dicta fue-  
runt olim 1. *laurus*, vnde Tiberius turbatio-  
re cœlo coronam lauream capite gestauit,  
quia fulmine afflari negetur id frondis genus;  
*Sueton. Tib. cap. 69*; *Plinius Nat. Hist. lib. II,*  
*cap. 55*; in notis tamen huic adiectis ab *Har-  
duino* experientiam hoc refellere pluribus te-  
stimoniis dicitur; 2. *figus*; 3. *hyacinthus*  
*gemma*, si vel in annulo gestetur; 4. *vituli*  
*marini pellis*, quam Augustus Cæsar ubique  
circumtulisse pro remedio memoratur pari-  
ter a *Suetonio cap. 90*; 5. *aquila*, *Plin. lib. II,*  
*cap. 55*; 6. *cellæ*, & loca alia subterranea, quon-  
iam

iam altius quinque pedibus fulmen in terram non descendere tradit *Plinius l. c*; vnde etiam Augustus ad omnem maioris tempestatis suspicionem se in abditum & concameratum locum recepisse dicitur a *Suetonio*, l. c. quod certe inter omnia tutissimum erit remedium.

266.

Hic Tubingæ expertus sum tempore novem annorum, tempestates fulmineas fuisse 131, vnde medio numero pro singulis annis prodeunt tempestates fere 15; vtplurimum primæ exortæ sunt mense Maio; mensibus hibernis tonuit hoc toto tempore ter, & semper flante fortissimo vento W aut SW, vnde ab his materiam fulmineam ex locis calidioribus aduectam fuisse censeo, non propriam huius nostri soli; constricta enim terra a frigore, niue, aut glacie, vix sulphuris quid exspirare potest. Neque vero impossibile est vt cœlo sereno fulminare & tonare possit, quod veteres auctores memorant, & *Scheuchzerus* quoque testatur *Meteorol. Helvet. pag. 2*; potest enim sub vtroque cœlo materia sulphurea ab aliis interfluentibus accendi. Fulmen ex terra in altum ascendisse vidit *Illustr. Maffeus*, & alii viderunt, *Journal des Savans d'Italie, tom. I, p. 188*. Minime itaque opus est vt putemus tonitrua, cum *Empedocle* & *Anaxagora*, oriari ab extinctione ignis in nubibus contenti;

vel vt cum *Cartesio* sentiamus, qui eadem lapsui nubium, & collisioni in se mutuo factæ, adscripsit, secutus fere *Senecam*, *Natur. Quest. lib. II, cap. 16.* Abundat enim aër vaporibus acidis, fermentescendo aptis, vti videre est ex eo, quod ferrum & cuprum rubiginem in aëre tam facile contrahunt, ignis accenditur sufflando, cordisque pulsus in animalibus respiratione conseruatur. Vid. *Newtoni Opt. pag. 326.* Quoties autem tonitru, vnico ictu generatum & absolutum, continuati murmuris instar diutius auditur, id exoritur a diuersis reflexionibus, in nubibus tam, quam in locis terrestribus, factis, vnde & in vallibus, quæ montibus altis cinctæ sunt, terribiles eiusdem mugitus resonant. Sonum moueri videbimus infra (300.) per milliare Germanicum, quod 22824 pedum Paris. statuitur in *Elem. Geographia Wolfianis*, §. 43, tempore 22 min. secund. adeoque per  $\frac{1}{4}$  mill. aut per distantiam semihorij interuallo percurrentam, in  $5\frac{1}{2}''$ ; lux vero per hoc interuallum tempore insensibili vibratur; (60.) vnde fit vt fulmen prius videamus, quam tonitru percipiamus, si procul a nobis sit remotum; atque cum pulsus sani hominis fere adæquet  $1''$ : tot semihorij a nobis distare fulmen tuto iudicare possumus, quoties 5 pulsus arteriæ numeramus a viso fulmine ad auditum tonitru. Quamuis igitur hoc artificio de absentia aut præsentia periculi



riculi certiores reddamur : sæpissime tamen in grauioribus tempestatibus expertus sum, mira quadam celeritate interdum rapi ad nos materiam fulmineam, aut ventis propulsari, vt, quæ paullo ante aliquot semihoriis abfuerat, nunc in momento quasi nobis proxima sit, vt fulmen & fragor nullo fere amplius interiecto tempore se insequantur, quod si accidat, non negandum est, proximè nos apud materiam fulmineam versari, adeoque periculo expositos esse summo.

267.

Effectus fulminis in tempestate grauiore admodum mirabiles & paradoxi vulgo recensentur partim, partim etiam reuera sunt. Loculis integris ac illæsis conflatur argentum & aurum; manente vagina gladius liquefcit; stat fracto dolio vinum; exhauriuntur etiam dolia intactis operimentis; *Seneca l. c. lib. II, cap. 31; & Plinius lib. II, cap. 51*; enecantur embryones in vtero, salua matre. *Seneca* quoque vinum fulmine gelatum dicit, *cap. 53*. Illud vero fit ex ignis natura, qua motus eius perniciosissimus rariora sine noxa transit corpora, si contigua adfuerint densiora; (*P. I, 352.*) fit enim ex hac eadem causa, vt glans plumbea, tenui papyro firmiter & sine rugis obducta, ad candelam admota liquefcere incipiat illæsa papyro. De reliquis vero liceat dubitare; aut si gelatum fuit vinum, id forsân magnæ abundantiae particularum

larum nitrosarum adscribendum fuit. (I, 329.) Si homines aut reliqua animalia fulmine tacta pereunt, in quibus nullum a fulmine vestigium apparet: id fit ab ingenti terrore, & a suffocatione subita, quam sulphur producit, vid. *Halesii Statica vegetabilium*, p. 227; tum ab aucta in immensum elasticitate aëris a flamma intensissima, & incredibili celeritate mota. Hinc commode explicatur phaenomenum *Scheuchzeri*, qui matrem, infantem suum brachiis gestantem, fulmine peremptam recenset, hoc plane saluo, quia nempe huic metus absuit, aut terror, & in tennerrima ætate suffocatio difficilior. Si vero in fulguratis adsint contusiones, læsiones, & vulnera lethalia: mortis causa in promptu est, ab immediato fulminis contactu petenda. Soli denique motui tremefacienti tonitruum debetur, & succussioni generali, cum fluida a tempestate corrumpuntur, ut fermentationem aut sistant, aut incipiant; cum lac, cerevicia, acescunt in cellis nec bene clausis, nec profundis; a solo enim hæc oriuntur motu intestino partium siue excitato, siue suffocato; (P. I, 73.) vid. *Ioh. Bernoullii Opera*, tome IV, pag. 522. Nihil igitur explicant distinctiones illæ veteribus usitatæ, quibus fulmen est vel *terebrans*, quod per poros facile transit, & argentum liquefacit intacto marsupio; ossa animalium carne illæsa; vel *discutiens*, quod ictu disrumpit arbores, quercus, tur-

res

res frangit & muros; vel *urens*, quod omnia in flammam vertit ac ædificia incendit.

268.

Pauca adhuc supersunt sequentia. I. Fulmina auerti posse, aut aliorum determinari, campanarum sonitu, aut tormentorum bellicorum explosione, vix mihi possum persuadere. Obstat enim experientia, qua certum est, anno 1718 in Gallia 24 ædes sacras, in vicinia sitas, simul fulmine fuisse tactas, in quibus omnibus campanæ pulsabantur, ad auertendam noxam; alias vero prioribus permixtas, in quibus nullus fiebat æris sonitus, mansisse intactas; vid. *Histoire de l'Acad. de Paris, anni 1719*. Amplam campanam sonantem in distantia 10 pedum ne tenuem quidem chartulam leuiter suspensam loco suo mouisse auctor est *Hartækerus, Cours de Phys. pag. 300*; neque etiam sonus aërem fugat aut dispellit, sed motum solum vibratorium aut oscillatorium, haud longe excurrentem, ipsi imprimit. Vid. de his *Richter, de vero fulminum loco natali*; nec non *Programma D. Wuchereri, Theol. & Phys. Prof. Ienensis, Germanice versum in Bærneri Physica, §. 246*. Priscillianistæ olim putabant, tempestates & fulmina esse opus Satanæ, qui fugari possit sono campanarum, tanquam suppellectilis sacre, baptismo tinctæ, unde iste error videtur profluxisse. II. Tractum fulmineum

mineum incensum multas secum deuoluere partes tam subito non combustibiles, easdemque summe calefactas accumulare in globum, qui decidat e cœlo, disrumpatur, & maximas edere strages possit, omni dubio caret, a captis obseruationibus Virorum Celeberr. *Musschenbrœkii*, *Institut. Physicæ* pag. 714, & *Krügeri*, *Philos. Nat.* §. 568, quorum hic eiusmodi globum diametri 6. pedum e cœlo delabentem vidit, paullo postea subito displosum; talem etiam sub lapidis forma Cordubæ a se visum, & odorem sulphureum spargentem, refert *Auicenna*, *Syst. Phys. Goth.* pag. 298. Dicitur talis, *lapis fulmineus, cuneus fulminaris, telum fulmineum*. III. Utilitates tamen etiam quasdam affert nobis tonitru, cum aërem purificat, & ab exhalationibus sulphureis liberat, vt ne noceant animalium sanitati; cum pluuiam eo tempore cadentem imbuit eiusmodi particulis, quæ vegetationi plantarum profunt; cum æstus ingentes temperat. Fabulis autem accensendum est, quod tonitru gignat tubera terræ, quæ fungorum instar sint, olim in magnis deliciis habita, vnde *Iuuenalis* dicit: *Faciunt lautas optata tonitrua cœnas*. IV. In explicando illo phænomeno, quo malus navis fulmine percussus fuit, acus vero magnetica infra eum locata nihil quidem damni accepit, ita vero tamen mutata fuit, vt plagarum loca opposita indicaret, inscio nauta, qui diu pro-

progredi nauem ratus retrogressam tamen postea expertus est, quod refertur in *Journal des Savans*, Tomo 5, pag. 74, difficilis explicatio est, si magnetem effluuiis non dirigî assumas; (P. I, 269.) quamuis ipse sim expertus, directionem acus magneticæ a crebris & vehementibus tonitruum concussionibus aliquam subiisse mutationem; *Nouor. Commentar. Acad. Scient. Petropol. Tomo I, pag. 145.*

## 269.

Sequitur nunc *Bolis*, Feuerkugel, Feuerballen, quam dicimus globum ardentem magnum, rapidissime per aërem delatum, & plerumque caudam aliquam post se trahentem. Talium exempla plurima cognita sunt & descripta. In Alsatia anno 1630 talis globus lapideus cœlo delapsus, niger, ponderis circa 300 libr. & in quo indicia apparent quod ignitus fuerit, conseruatur Enfishemii. vid. Celeberr. *Musschenbr. Essai de Physique pag. 793. Hartsækerus*, inter cometas eos referens, memorat vnum m. Martio 1719; alium in Italia visum eodem mense 1676, cuius distantia a terra circa 100 milliaria Italica, aut 25 Germanica, calculo subducta fuit, & cuius displosio totam Florentiam tremore concussit; tertium illum, qui, teste *Plutarcho*, temporibus *Anaxagoræ* cœlo demissus fuit, ac illa ætate in Chersoneso visebatur adhuc; quartum 1706 in Græcia, 72 libras pon-

ponderantem, & sulphur exspirantem. *Cours de Phys.* pag. 262. Alia exempla occurrunt in *Iourn. des Savans* 1676, pag. 133, Florentiæ iterum visa. Alii tales globi apparuerunt in Silesia, atque vicinis regionibus, anno 1717 Aug. 10, nec non 1721 in magna Germaniæ parte, vid. *Acta Erud. Lips.* 1708, pag. 526. *Gassendus* aliquem conspexit diametri duplo maioris lunari. *Kirchius* similem conspexit Lipsiæ, 1686, descriptum in *Ephemeridibus suis*, sub semidiametro lunæ, qui tanta luce noctu omnia collustrabat, ut eius ope sine candela literas legere quis potuisset; sensim evanescentem, qui tamen altitudinem sex miliarium Germ. habere debuit, unde diameter ipsius vera pedum 335 concluditur. Alius conspectus fuit Bononiæ anno 1719, cuius diameter apparens æqualis lunæ plenæ, colore quasi ardentis camphoræ, cum tanta luce, quæ solis orientis esse solet; apparebant in eo quatuor voragines fumum exspirantes & flammulas ardentes, cum cauda septies diametrum superante; altitudo calculo æstimated fuit ad minimum 3 mill. Germ. diameter vera autem 3560 pedum; loca, super quæ transiit, graui sulphuris odore infecit, & cum fragore tandem dissiliit. *Comment. Acad. Bonon.* p. 286. Similiter quoque bolidis species fuit illud ingens lumen, a *Montanario* observatum 1676, Mart. 31, Bononiæ, quod transibat supra vniuersam Italiam celeritate 160 mill.

mill. Ital. in 1 min. primo, vbicunque erat verticale, fragores crepitantes eius audiebantur, & Ligurni sonus tanquam explosarum ballistarum. Distantia huius a terra iudicata fuit 8 mill. Germ. vid. *Illustr. de Mairan, Traité de l'Aur. bor. pag. 65.* Videntur quidem tales bolides esse nubes integræ, e sulphureis potissimum, sed & aliis quoque, materiis inflammabilibus, exortæ a terræ motu alicubi factò, in quo ingens cauerna sulphurea aperta fuerit. Vid. *Celeberr. Musschenbroek Institut. Phys. p. 706.* Sed cum ad distantiam earum a terra, reliquis meteoris longe maiorem, attendimus, facile inclinamur in sententiam *Halleii*, qui ex numero meteororum eas reiecit, statuitque oriundas non ab exhalationibus terrestribus, quæ eo-  
vique perungere nequeant, sed a particulis minimis, quibus tellus & eius regio summa aëris in cursu suo occurrit, nouiter ortis, nec satis celeriter adhuc solem versus tendentibus; vid. *Philosoph. Transact. Num. 341.*

270.

Venit nunc *Stella cadens, stella transcurrens, ignis volans, scintillæ volantes, & Ciceroni traiectio stelle*, dicta, quæ est exiguus globus ignitus, per atmosphæram cœlo sereno abductus & in terram decidens, quæ magnitudine apparente stellam refert, adeoque sensibus nostris illudit, vt stellam discurrere cre-

P. III.

X

dant.

dant. Talis observatur noctu tantum, non, quod interdiu nullæ cadunt, sed hoc tempore ob lucis diurnæ claritatem cerni nequeunt. Eadem spectatur plerumque vere ac autumno, quanquam Petropoli anno 1741 Nouembris 25, in summa serenitate, & frigore acerbissimo, monstrante nimirum Thermometro Fahrenheitiano gradus 0, noctu plures vidi. Constant materia glutinosa & sulphurea, quæ incensa (263.) leniter & lente conflagrat. Materiam talis stellæ cadentis in terras delapsam referunt aliqui deprehensam esse tenacem, flavescentem, nigris & exiguis maculis distinctam, ex qua inflammabile omne sit absumentum; quanquam alii hanc materiam in solo inuentam coruorum, & aliarum avium, fordes esse credant; vid. *Merretti Pinax pag. 219.* Arte easdem imitatur, si camphora cum nitro, & limo terrestri, per spiritum vini irrigetur, & globuli exinde formentur, qui incensi, & per aërem proiecti, stellam cadentem cum simili tenaci mucore tandem superstitite referunt. Easdem materiæ Electricæ adscribit *Celeberr. Waizius*, vid. *Krügeri Philosoph. Nat. p. 774.* Veteribus generaliter ventos prælagire credebantur; vid. *Virgil. Georgic. I. v. 365; Plinius, Hist. Nat. lib. XVIII, cap. 35.* Eadem porro hac explicatione continentur etiam *Draco volans*, qui est similis materia viscosa & sulphurea inflammata, deorsum oblique cadens, &  
maior



maior, cui inexperti draconis volitantis formam tribuere solent; nec non *Capra saltans*, quæ est eiusmodi incensio subsultans; pariterque *Fax*, & *Stipule ardentes*, cum plures eiusmodi flammulæ simul descendere videntur. Vid. Perillustr. L. B. de *Wolff Physica Germ. pag. 466*; *Crusii Physica pag. 100.*

271.

*Ignis fatuus*, *erraticus*, *ambulo*, *Irrwisch*, *Irrlicht*, sunt vna, aut plures faculæ, magnitudine candelæ accensæ, prope superficiem soli, in distantia 6 aut 7 pedum, hinc & inde errantes per aliquot horas. Extinguuntur subinde, & subito in alio apparent loco; cum forsan in motu suo aliquandiu ab arboribus aut dumetis absconduntur; mutantur magnitudine sua & figura; nihil incendunt, sed odorem tamen sulphureum emittere aliquando sentiuntur; sequi fugientes dicuntur, & fugere insectantes, quod partim ex errore visus proficisci potest, partim quoque ab aëre, a fugientibus post se tracto, & ab insectantibus ante se protruso. Frequentiores sunt in locis calidis, Hispania, Italia, Africa, quam apud nos; in agro Bononiensi toto anno apparent, & copiosiores adhuc in hieme, terra niue oblecta; frequentiores etiam in locis paludosis, pinguibus, cœmeteriis, prope fimeta, & loca suppliciorum. *Robertus Fludd*, talem persecutus,

cutus, eam tandem in solum deiecit, deprehenditque manibus materiam viscosam & lubricam, spermatis ranarum instar, cum nigris & exiguis maculis, testante *Decbales, de meteoris, Tomo IV Mundi Mathem.* Nihil aliud esse videntur quam materia oleosa & phosphorea, ex putrefactis plantis, cadaveribus, ardore solis præparata, lucens tantum. Vnde fabulas quilibet agnoscit, cum dicuntur esse animæ ex purgatorio errantes, aut cacodæmones, qui malignitate sua viatores in deuiâ, præcipitia, & fossas, abducant, (I, 14.) vti nugati sunt *Sennertus, Epitom. Physicæ lib. IV, cap. 2; & Cardanus, de var. rerum lib. XIV, cap. 69.*

272.

Referuntur huc *Ignes fatui ardentes*, vel *Ambulones incendiarii*, qui non tantum lucent, vt priores, sed incendunt etiam recta straminea, & ædes ipsas; quales olim in Germania, elapso seculo in Gallia, hoc adhuc seculo in Holsatia & Italia, exstiterunt, figuræ rotundæ, sed ad magnitudinem disci lunaris incrementales, & cursu celeritatem hominis currentis adæquantes. Deinde huc etiam pertinent *Castor & Pollux*, qui sunt ignes fatui, in oceano fluctibus commoto nauibus adhærentes. Si duo fuerint tales ignes, dicto nomine appellantur; si vnicus tantum, vocatur *Helena*. Ex superstitione duo illi vete-

veteribus felices iudicati fuerunt, & navigationi fauentes; hæc autem sola inimica & infauſta. Vnde etiam Caſtoris & Pollucis imagine nauium apluſtria exornabantur. Vid. *Acta Apoſt. XXVIII, 11; Horatius, Carminum lib. 1, Ode 3; Seneſca Nat. Quæſt. lib. 1, Plinius, Nat. Hiſt. lib. II, cap. 37.* Cernuntur in antennis, & funibus, mutant ſedem ex ſede vti volucres; ſæpe etiam duobus plures; ſed nihil exurentes aut corrumpentes. Tradunt nauæ nihil eos eſſe aliud, quam lumen piſculorum, qui cum collis fluctibus & vndis in altum excuſſi ad quolibet nauium partes iaciuntur, iſque adhærent, & lucent quamdiu viuunt. Vid. *Celeberr. van Muſſchenbrœk Inſtitut. Phyſicæ pag. 701.*

273.

*Ignis lambens* non vrit, ſed lambit quaſi tantum innoxie, conſpicuus in crinitis omnium animalium partibus, iubis equorum, præcipue cum peſtinantur, & veſtibus quoque. De hoc habes apud *Virgilium, Aeneid. II, 682, de Aſcanio; & Liuium lib. I, p. m. 25, de Seruio Tullio; & Plinium, Nat. Hiſt. lib. XXXVI, cap. 27.* Hic autem ad meteora male refertur, quia non ex atmophæra oritur. Eſt enim nihil aliud, quam vera phoſphori animalis ſpecies, per frictionem excitati & proleſti; aut vero fluidum electricum attritione expergeſactum, probante *Celeberr. Waizio, Abband-*

*Abhandlung von der Electricitet, cap. 5; atque hinc lucens & quandoque crepitans. Pertinent huc etiam magni illi tractus luminosi, qui a muscis tantum noctu gregatim volantibus, & phosphori lucem ex omni parte corporis exspirantibus, oriuntur, veluti observatum fuit in insulis Antillis, atque in Italia a Vallisnerio.*

274.

Quæ supersunt adhuc meteora, ea altius repetenda sunt, ac ab ipso Sole deducenda, a quo in nostram atmosphæram tanquam hospites veniunt, & sequenti ordine cohærent. *Cassinus* senior, Celeberrimus Galliae Astronomus, cui nihil fere cœlum suorum occlusit, anno 1683 die 18 Martii, primum observavit, extincto iam crepusculo vespertino, sed cœlo sereno, lumen ab horizonte occiduo, & ab occulto iam sole, oblique protensum in Ecliptica ad verticem fere usque, inferne latius, superne sensim in cuspidem desinens, cum via lactea, aut cauda cometæ, comparandum, tantæ raritatis, ut minimas etiam fixas non occultaret, valde tamen conspicuum, & formæ triangularis valde oblongæ. Singulare hoc repertum orbi erudito indicavit in *Journ. des Sav.* eiusdem anni, & observationes plures instituit usque ad annum 1688, quas publicavit in tractatu peculiari, *Decouverte de la lumiere céleste, qui paroît dans le Zodiaque.* Hisce observationibus postea

postea alii passim solerter incubuerunt, atque idem hoc lumen, *Cassinianum* breui post dictum, aut *Zodiacale*, quia huius ductum sequitur, hodie adhuc obseruari potest, tempore verno quidem post solis occasum, autumnali autem ante solis ortum, rarius hieme & æstate, rarissime autem eodem die vesperti & mane simul, in tempestate serena, quam nec crepuscula, nec luna, impediunt. Triangulum semper refert, mane & vesperti visum, cuius elongatio a sole est a  $50^{\circ}$  ad  $103^{\circ}$ , amplitudo in horizonte ab  $8^{\circ}$  ad  $20^{\circ}$ , angulus ad verticem a  $10^{\circ}$  ad  $26\frac{1}{2}^{\circ}$ ; hæc cuspidis aliquando truncata apparuit, aliquando parum incuruata; & lux integra quandoque per plures annorum decades non videtur; vti *Cassinus* certissime affirmavit, aliquot annis ante 1683 eam visibilem non fuisse, cum ipse sæpius in illis annis attentissime lustraret omne cælum pro cometa indagando. Augetur & diminuitur, aliquando euanescit. In zona torrida optime cerni potest, ob ascensum ibi *Eclipticæ* per totum annum verticalem. Denique mouetur vna cum sole circa terram ab ortu in occasum, motu primo & diurno intra 24 horas per totum cælum. Hoc lumen mirum sane, & miraculum cœli cognitione Physica dignissimum, explicate ac illuminate tractauit, atque ad meteororum scientiam adaptauit, non minori soliditate quam ingenio, *Illustris Dom. De*

*Mairan, in Traité Physique & Historique de l'aurore boreale, Parisiis 1733 edito, cuius operis nunquam intermorituri breuem epitomen hic aliquam traditurus sum, ad propagandam eminentem hanc doctrinam.*

275.

Primo quidem dubium esse posset, cur non olim etiam visum fuerit hoc lumen, nostro seculo tam nitide conspicuum? Sed ut non semper ad nutum oculos nostros incurrat, præter causas allegatas, efficiunt etiam obliquus eclipticæ situs per dimidium fere annum supra horizontem nostrum conspicuus, neque minus facile etiam confunditur ab inexpertis cum via lactea cœli. Nunquam deinde immediate a sole extensum, aut ab vno solis latere integrum, conspici potest, quia a solis splendore, atque ab ipso crepusculo etiam, obscuratur; in eclipsibus tamen solis totalibus sæpius iam detectum fuit in parte sua solem proxime ambiente, circuli lucentis instar, quem *Keplerus, Astron. Copern. lib. VI, pag. 895, adscribit substantiæ crassæ circa Solem, non hic in nostro aëre, sed in ipsa sede solis interdum circumfusæ, quæ resplendet radiis solis, apparetque, etiam tecto sole, ut flammula circulariter emicans; hæc materia non semper est soli circumfusæ.* Ut etiam Peripateticorum scholæ, & præiudicia de solis puritate, multum remorari potuerunt talem materiam cir-

et solem agnoscendam aut conspiciendam, conspexit eam tamen, & disertissime descripsit, *Childrey* circa annum 1659 in sua *Britannia Baconica*; conspexerunt eandem quoque veteres, sed sub alia facie, sub specie nimirum meteori, quod *Lanceam ardentem*, *Turrem*, *Titionem*, *Conum luminosum*, *Pyramidem*, *Clypeum ardentem*, quibuscum in figura perfecte conuenit, appellauerunt; de quibus optandum certe esset, vt accuratiores descriptiones horum ad nos transmisissent. Atque alia quidem adhuc vestigia occurrunt lucis huius sublimis inter veteres conspectæ.

276.

Cum igitur hoc lumen *Cassinianum* sequatur motum solis diurnum exacte, lucemque solis ad nos reflectat vt videri a nobis possit, sitque materia aut actu flagrans, aut vero facillime a radiis solaribus inflammabilis: sequitur certe, illud oriri a congerie vastissima materiæ, crassiusculæ, vndecunque solem versus labentis, quæ solem cingat, & quæ omni iure cum *Cassino*, hodiernisque vniuersis Astronomis, vocari debeat *Solis Atmosphæra*; diuersa agnoscenda ab æthere etiam ab illis, qui hunc statuunt, quoniam hic nusquam lucem a se retropellit vt conspiciatur. Cum vero in omni situ solis hæc atmosphæra appareat sub forma trianguli oblongi & cuspidati supra horizontem, erit eiusdem

X 5

for-

Fig. 100. forma lenticularis, cuius sectio aPqp, ita quidem, ut si S sit corpus solis, cuius æquator AQ, Poli producti in P & p, atque æquator continuatus in a & q, forma hæc lenticularis prodeat, si curua Pap circa axem Pp rotetur, ut sic corpus lenticulare prodeat, cuius aspectus inferior & superior sit circularis, desinens circumcirca in aciem, ad latus vero in peripheria circuli, ubique sit formæ triangularis oblongæ & cuspidatæ; ubi quidem situs constans terræ ad solem efficit, ut hanc lentem semper aspiciamus ex parte aliqua aciei, aut æquatoris solis producti; nunquam vero ex aliquo loco prope axem productum, unde semper hæc figura nobis apparet triangularis, nunquam vero circularis. Sol circa æquatorem suum conuertitur tempore  $25\frac{4}{5}$  dier. uti ex motu macularum eius plene constat. (Vid. *Dissertatio nostra de atmosphæra solis & maculis solaribus secunda*, §. §. VIII. & IX.) Prope æquatorem igitur eius, in omnibus punctis disci circularis aq, maior dabitur vis centrifuga particularum, quam illarum, quæ propius ad polos rotationis P & p accedunt; (P.I, 199.) unde patet, cur supra æquatorem solis tam extensa sit hæc atmosphæra.

277.

Iam vero porro atmosphæra Solis ut plurimum extenditur ad ipsam terræ orbitam. Fig. 101. Sit enim sol cum atmosphæra sua in S, terra in



in puncto quodam orbitæ suæ T, & extendatur atmosphæra ad V vsque; cadat linea recta ex terra per solem ducta in fixam A, & ex eadem ducta in extremitatem atmosphærae in fixam B, atque erit angulus ASB, elongatio máxima puncti supremi atmosphærae V, datus ex obseruatione. (274.) Inueniemus ergo distantiam ipsius V a sole S eodem modo, quo inuenimus distantiam planetæ inferioris a sole per elongationem maximam eius; nam in triangulo VTS, rectangulo ad V, est ang. BSA = ang. VTS, ob immensam fere distantiam fixarum, quare habebitur analogia hæc, sin. tot. : TS = sin.

$$VTS : VS = \frac{\sin. VTS}{\sin. tot.} . TS; \text{ ex quo statim}$$

patet, posito VTS = recto, qualis sæpissime esse solet per obseruationes, (274.) esse VS = TS, adeoque extremum atmosphærae solis pertingere ad ipsam terræ orbitam vsque; quod multo magis accidere debet, si angulus ABS sit recto maior, quo casu tota nostra atmosphæra inundata esse debet atmosphæra solis, ob raritatem suam, non quidem sub forma propria, sed sub aliena, nobis tum visibili, quæ varios effectus, & considerata phænomena, circa nos efficere valet. Cum autem semel cadere cœpit particula aëris solaris versus nostrum aërem, ad hunc motu rapidissimo non ita diu post per-  
tingit,

tingit, fertur enim in vacuo infinities fere perfectiori, quam est *Guerikianum*. (P. I, 135.)

278.

Fig. 102. Vt vero distinctius cognoscamus omnia, quæ de atmosphæra solis dicta hucusque sunt, consideremus in quolibet Globo cœlesti artificiali meridianum loci alicuius HZ RN, in quo Z & N Zenith ac Nadir; P, R, poli æquatoris A Q, HR Horizon, CV circulus crepusculorum  $18^\circ$  infra priorem depressus,  $\text{P} \odot$  Ecliptica. Versetur iam sol in  $\text{H}$ , & sit æquinoctium vernale V in ipso horizonte occiduo, erit iam sole in CV posito crepusculum vespertinum finitum; atmosphæra igitur solis, extensa fere ad ductum Eclipticæ, apparebit sub horizontem eleuatam in trianguli oblongi forma BDC vsque ad pleiades, aut hyades, sub angulo DBR valde ad rectum accedente, nempe apud nos sub angulo  $65^\circ$ , vnde etiam optime eadem cernitur circa hoc tempus, pròpe æquinoctium vernum nempe, post solis occasum, mensibus nempe Februario, Martio, & Aprili; dimidiatae autem huius atmosphærae partis DEF portio illa BEFC, quæ est infra horizontem demersa, & soli propior, visibilis non erit. Altero mane, in horizonte ortivo, supra hunc ascendet dimidium inferius E  $\text{P}$  F, sed sub situ DBR ad horizontem valde obliquo, prouti Globus optime ostendit,

dit, nempe tantum  $18^{\circ}$ , vt, nisi aër sit defæcatissimus, nihil eius sub aspectum oculorum cadere possit. Atque has ratione omnia atmosphæræ solaris allegata phænomena commodè & ad oculum demonstrari possunt.

279.

Quodsi vero omnia cœli astra mutationibus obnoxia sunt: eædem manifestæ maxime etiam erunt in hac atmosphæra, aut luce Zodiacali, materia scilicet tam tenui, sed tantum quoque extensa. Anno igitur adhuc 1681 nihil eiusmodi vidit *Cassinus*, mensibus ad hunc aspectum idoneis, cum sæpius tamen illa cœli loca, in quibus apparere debuisset, cometæ quærendi causâ, peruestigaret. Circa annum 1672 Parisienses Astronomi aliquot, Regis iussu, missi fuerunt in Indias orientales, & occidentales, atque etiam in Zonam torridam, sed nec hi quicquam atmosphæræ huius detexerunt, quamvis hæc maxime apta sit aspiciendæ huic luci, ob rectum Eclipticæ ascensum & descensum in horizonte per totum fere annum, breuitatem crepusculorum, & serenitatem cœli. Censendum itaque est, nihil visibile huius materiæ in cœlis exstitisse vsque ad annum 1683, quo primus eam detexit *Cassinus*; vidit deinde anno 1684 *Noël* in China tanta frequentia, vt eam nominaret *Crepusculum secundum*; visa porro deinde est in  
regno

regno Siam annis 1687 & 1690, & Norimbergæ anno 1694 ab *Eimmarto*. Elongationem eius a sole auctam fuisse 33 gradibus in 37 mensibus auctor est *Cassinus*.

280.

*Aurora* tandem *borealis*, quam mox ab eadem solis atmosphæra deriuabimus, commode ab Auctoribus dispescitur in *Placidam* & *Coruscantem*; prior in terris borealibus crebrior est & sæpius quotidiana, sub formæ arcus circa  $40^{\circ}$  alti septentriones occupat, aut accurate, aut cum parua declinatione; virgas lucidas verticem versus mittit, & luce quieta splendet; hæc autem rarior, cœlum versus omnes plagas obsidet, in partes dissipata est, quibus breuissimæ, aut nullæ, adhærent virgæ, splendor eius undulare aut trepidare putatur. Vtraque dicitur alias etiam *Ignis borealis*, *Chasma*, *Hiatus*, *Fouea*, speciem exhibens aperientis se & dehiscientis cœli, *Syrmata*, & *Coruscationes boreales*. Veteribus iam descriptum meteorum est, videlicet *Plinio*, *Nat. Hist. lib. II, cap. 265*; *Aristoteli Meteorologic. lib. I, cap. 4*; *Seneca, Quest. nat. lib. I. cap. 15*. *Aristoteles* certe lucem hanc verticaliter ludentem comparat cum flamma ab accensis stipulis orta; flammæ tremulas vocat capras saltantes; speciem arcuatam *chasma* nominat, interius spatium, quod nigrum plerumque est, voraginem; virgæ nostræ illi

illi sunt trabes, quas ex chasmate ascendere dicit. Plerumque autem cum apparebat, dicebatur veteribus *cælum ardere*, putabaturque *igneas acies in cælo dimicare*; vid. *Paullus Diaconus*, lib. XVIII; & innumeri fere alii. Nomen auroræ borealis accepisse dicitur a *Gassendo*, quamvis contrarium facile ostendi possit, vid. *Illustr. de Mairan*, l. c. pag. 96. Plura phænomena non accumulabo, sed in explicatione quædam adiiciam, peti autem possunt ex *Commentar. Acad. Scient. Petropolit. Tomo I*, pag. 352; & *IV*, pag. 121; & *IX*, pag. 316; ex *Celeberr. Musschenbrækio, Institut. Phys.* pag. 690; ex *Illustris de Mairan Traité de l'aurore boreale*, cuius fundatissimam & elegantissimam explicationem hic penitus sequar, & in compendium redigam.

281.

Auroram igitur borealem in atmosphæra nostra contineri abunde probat ipsius motus diurnus, quem cum terra, huiusque atmosphæra, habet communem, ut adeo nobiscum relative quiescat, (I, 65.) etiamsi ad summam aëris regionem sit eleuata. Quamvis enim a qualibet auroræ borealis facula, aut nubecula ardente, tutum iudicium de ipsius parallaxi, & distantia a terra, formari nequeat, quia confundi inter se possunt illæ, nec vna eademque pro scopo eligi: factum tamen est in tanta huius meteori frequen-

quentia, iam inde ab anno 1716; vt idem præcise eius aliquod punctum in locis remotissimis fuerit obseruatum, atque ita determinatum, vt quam tutissime ipsius parallaxis fuerit definita; quo ipso satisfactum esse putes desiderio virorum perspicacissimorum *Perillustri L. B. de Wolff*, in *Physica vernacula* p. m. 475, edit. 1723; asserentis, illud auroræ borealis, quod in diuersis locis videatur, non esse idem punctum, sed eiusdem tantum generis; & *Celeberr. Musschenbrækii*, *Institut. Phys.* §. 1638, statuentis, certum non esse, idem esse lumen, & vnius loci, quod per vniuersam Europam fulsit; vid. ad hoc dubium responsio *Illustr. de Mairan*, pag. 54. Euitatur enim aptissime hic error, si in duobus locis remotis attendatur non ad vagam & incertam aliquam faculam, sed ad summitatem arcus supra horizontem conspiciui, vtrinque aut exacte versus boream, aut sub eadem declinatione ab hoc, visi; vel si ex communicatis circumstantiis, in diuersis locis animaduersis, ex fixarum situ, iudicari possint, in vtroque eiusdem nubeculæ ardentis capras fuisse obseruationes. Talis fuit lux borealis illa, anno 1726 Octobris 19, quæ & Petropoli & Lisbonæ visa fuit, de cuius vtriusque loci situ Geographico bene constat. Sin igitur statuatur in vtroque visam esse auroram borealem in ipso horizonte, tum prodit altitudo eius a terra 35 mill. Germ.

**Germ.** sed hæc suppositio plane falsa est, ad minimum quippe Petropoli mihi & aliis visa fuit altitudo eius supra horizontem  $40^{\circ}$ , ex quo deducitur distantia eius a terra 120 mill. Ex aliis observationibus eiusdem auroræ, factis Parisiis & Romæ in summitate arcus, deducitur distantia materiæ borealis a terra 160 mill. Talis etiam fuit in luce boreali 1730, Febr. 15, trabecula quædam, lucida & colorata, quæ eadem observata simul fuit Genevæ a Clariss. Cramero, & in Monte Pessulano ab amico, quæ dedit distantiam huius trabeculæ 96 mill. **Germ.** Cum ergo certum sit, lucis borealis materiam versari in atmosphæra nostrâ: evidens est, huic multo maiorem tribuendam esse distantiam a terra, quam quæ communiter traditur, nempe ad summum 12 mill. **Germ.** & patet altitudinem eius ascendere forsan ad 200. mill. **Germ.**

282

Hinc itaque iam cadunt omnia illa argumenta quæcunque, quibus auroram borealem a vaporibus aut exhalationibus terræ nostræ derivare hucusque fuimus conati. *Primo* enim, materiæ crepuscularis altitudo est circa 12 milliar. quæ vix tantillum aliquid luminis ad nos deubnat, ex cuius nempe observationibus & durationibus didicimus hucusque tantam esse atmosphærae ex-

timæ nostræ a nobis distantiam; qua ergo veri specie materia lucis borealis, 13 vicibus magis remota, & tam ingenti raritate in hac altitudine prædita, tantam lucem in terra efficere posset, vt scriptura eius ope legi queat, si a materia terrestri proueniret. *Secundo*, meteora omnia ab exhalationibus terrestribus profecta, in regione aliqua integra, limitibus suis, sæpius arctis, continentur, ex. gr. vnus decennii; ignes boreales vero sæpe per 60 aut 100 annos plane non apparent, aut paucissimæ obseruantur; mox autem in alio seculo fiunt frequentissimæ. Idem aliquod principium posset necesse tam vniforme in vno, & tam difforme in altero, casu? *Tertio*, ab exhalationibus terræ nulla ratio reddi potest, cur ignis borealis semper spectetur ad boream; materia enim a ventis deberet dissipari, & modo in hac modo in alia plaga deflagrare & collucescere. Terræ enim polares non tenent plus materiæ inflammabilis quam nostræ, in quibus tonitrua, terræ motus, eruptiones montium ardentium, omnesque ignes aërei, multo frequentius apparent quam ibi. Certum quidem videtur, bolides valde a terra distantes, nempe 3, 6, 8, aut 25 milliar. (269.) oriri nihilominus ab exhalationibus terræ, vnde idem ab aurora quoque boreali, quamuis multum eleuatione, effici posse videtur. Sed, vti altitudo bolidis 25 mill. valde incerta est, &



& multo iure reicienda , aut postponenda altitudini alteri , ab Astronomis Bononiensibus repertæ, i circiter mill. ita reliquæ altitudines ex. gr. 8. mill. nimis adhuc superantur ab altitudine auroræ borealis 160 mill. deinde nubium distantia a terra maior non est, quam circa  $\frac{1}{4}$  mill. vid. *Tacquet* , *Geom. Practica lib. I, cap. 5, probl. 15* ; neque irides, halones, parhelii, quæ plurimum affinitatis cum luce boreali habere videntur, alius ascendant ; hæc igitur materia vt ad. 160 mill. ascendere posset , ingentem deberet acquirere tenuitatem, ex qua nullum amplius splendorem sensibilem demittere ad nos posset ; vt taceamus , nondum euictum plane esse quod bolides ab exhalationibus terræ generentur. (269.)

283.

Nec porro glacies , & niues, terrarum & marium borealium possunt esse caussa ignis borealis , quamvis commode explicarent situm eius septentrionalem. Nam *primo*, ignis borealis ita esset merum crepusculum ordinarium & consuetum vespertinum ac matutinum a sole reflexum , quod longe aliter se habet in igne boreali, qui per semisecula sæpius non apparet ; cum in ipsis etiam terris maxime borealibus Islandia , Greenlandia , Spizbergen , nulli peregrinatores eius meminerant circa 1671. *Secundo*, stratum  
Y a aëreum

aëreum radios solis ab hac glacie acceptos reflectans Parisios, vsque in solstitio hiberno deberet esse eleuatum ad 180 mill. Germ. sed quomodo deinde hi radii effectum sensibilem lucis edere possent in tanta longinquitate, quem nec edunt in crepusculorum distantia 12 mill? unde hæc reflexio multo minus fieri poterit in nubibus. *Tertio*, altitudo arcus in aurora boreali deberet crescere & decrescere cum declinatione solis; deberetis esse valde eleuatus supra horizontem in æstate, & valde humilis in hieme. *Quarto*, conspiciuntur ignes boreales magnifici aliquando tempore æstiuo, veluti 1730, Iunii 21, quo tempore nives boreales non sunt adeo copiosae. *Quinto*, pars infima lucis borealis deberet esse magis splendescens, ob reflexionem viuacior in nubibus inferioribus, cuius vero plane contrarium apparet.

284.

*Halleius*, & alii post ipsum, tentarunt deuare auroram borealem a materia magnetica; cui sententiæ fauet, quod illa primumque etiam a Borea declinet, & frequentissime quidem ad Occidentem, vti acus magnetica apud nos. Vid. *Mem. de l'Acad. de Paris* 1730 pag. 147. *Ad primum*, hæc declinatio non semper adest, sed aliquando tantum; vid. *Commentarii Acad. Petropol. Tomo IX, pag. 124. Secundo*, dubium est, an materia magnetica

gnetica in rerum natura existat. (P. I, 256.)  
 Tertio hæc materia ad minimum est inuisibilis, quomodo ergo lucem nobis reflectere, & nos versus emittere posset in tanta distantia? Quarto neque sperandum est ut ea impregnetur exhalationibus terræ, quoniam omnia corpora, nullo excepto, velocissime penetrat.

285.

Remotis igitur omnibus illis causis, quæ in explicatione lucis borealis maximam hucusque probabilitatem nactæ sunt, superest ut cum *III. Mairano* breuiter ostendamus, qua ratione omnia eius phænomena ab atmosphæra solis quam facillime consequantur. Quamuis igitur aurora borealis sæpius diffundatur per integrum cælum: incipit ea tamen aut desinit semper in plaga boreali, unde etiam nomen suum ante *Gassendum* consecuta est. (280.) Ex hisce autem principiis eadem quoque spectari potest apud polum australem, unde sine dubio pariter existent auroræ australes, licet hucusque ob defectum spectatorum non obseruatæ. Cur igitur auroræ boreales hanc sibi semper eligant sedem, in causa sunt, aër septentrionalis crassior, qui ex sensibili refractionis Astronomicæ (177.) augmento se prodit, atque aprior est ferendis particulis atmosphærae solaris; tum vero potissimum motus diurnus terræ

vna cum toto aëre suo. Atmosphaera igitur solis aduentans ad nostram (277.) depellitur continuo ab huius motu circulari, atque exinde orta vi centrifuga, alterutrum vel vtrumque polum versus, quoniam scilicet maior vis centrifuga particularum aëris nostri est, quo propius ad æquatorem accedimus, & minor, quo magis ab eo discedimus versus polos; (P. I, 199.) aër solaris autem a reliquo corpore suo abreptus, nullam tenet talem vim, quia desit agitari motu circulari. Subducit igitur se celeritate sua maiore aër noster penetrationi absolvendæ ab aëre solis, adeoque hunc diffundit ac dissipat ad loca vis centrifugæ minoris vtrunque, hoc est, ad ista, quæ proxime polis adiacent, vnde fit vt aër solaris tandem ad polum colligatur. Sed occurrendum hic est graui alicui dubio; si aër supra æquatorem maiori quoque præditus est tenuitate, vtpote altior & magis extensus, poterit ex hac sola causa aëri solari ingressum concedere. Verum enim est, aërem supra æquatorem esse tenuiorem; Parisiensi ex gr. parte  $\frac{1}{385}$  huius, vid. *Ill. de Mairan pag. 98*; at vero si in mensuram etiam inquiramus primæ causæ, sunt certe vires centrifugæ aëris nostri in diuersis latitudinibus vti harum confusus; (P. I, 199.) adeoque sub æquatore & Parisiis vti 100 ad 66. Erit igitur Parisiis accedendo ad æquatorem incrementum vis

centrifugæ ad augmentum tenuitatis in aëre  
vtri  $\frac{1}{18}$  ad  $\frac{1}{89} = 9826 : 100 = 98 : 1$ ; vn-  
de manifestum est, augmentum tenuitatis  
nullius fere momenti esse in respectu ad vim  
centrifugam, & consequenter hanc maxime  
præualere.

286.

Declinat autem interdum a vera boreali  
plaga summitas arcus auroræ borealis, cum  
primo apparet, gradibus 10 ad 20, vtpluri-  
mum occidentem versus, rarissime autem  
ad orientem; neque noua est hæc declina-  
tio, aut nostris demum temporibus visa,  
aut huic vel alteri climati propria, sed ge-  
neralis ratione temporis atque loci. Cum  
enim aëris solaris portio diu apud polos ho-  
spitatur, seseque ad motum aëris nostri di-  
urnum accommodauit perfecte successu tem-  
poris; tum circulum perfectum circa polum  
terrestrem describit, atque sic inflammatio-  
ne tandem incensa nihil a borea declinat. Si  
vero nondum diu versata fuerit in nostro  
aëre, neque adeo motum circularem aëris  
nostri assumserit: tum citius iusto accensa a  
polo declinabit, & frequentissime quidem  
occidentem versus, quia occidentalis atmo-  
sphæræ nostræ pars vltima est omnium reli-  
quarum, quæ atmosphæræ solari occurrit,  
quæque idcirco recentissime aëre solari est  
imprægnata, cum in reliquis partibus in-

terea potuerit aliquantum dissipari temporis mora interiecta. Integer itaque hic aëris solaris recentis aceruus, mixtus cum nostro aëre in regione suprema, accumulatus versus occidentem, & calefactus coctusque a radiis solaribus, frequentissime ante accenditur quam potuerit motui terræ diurno obsequi penitus, & hinc sæpissime occidentem versus declinat.

287.

At vero reliquorum phaenomenorum in aurora boreali conspicuorum expositionem præterire me cogunt instituti nostri limites; simili perspicuitate deductam, continuisque observationibus innexam. Indicio igitur solo tangam adhuc segmentum obscurum aliquando horizonti insistens; arcu vno, aut aliquot, cinctum lucido; columnas & radios, aut iactus lucidos, cum scissuris in arcu exinde ortis; vibrationes lucis & undulationes, cum apparente fumo aliquando; tranquillitatem & silentium omnium harum aurorarum, strepitum enim aut susurrum ex tanta distantia inde apud nos exaudiri posse vetat etiam aëris, qui soni vehiculum est, ibi summa raritas, omni vacuo Guerikiano præferenda; concursum radiorum in Zenith, aut coronam auroræ dictam; peluciditatem materię, & colores subinde exorientes; & reliqua, quæ omnia ex fonte indicato quam optime & cum summa voluptate poterunt hauriri.

CAPVT

## C A P V T VI.

DE

### MOTV AERIS, SONO AC VENTO.

288.

**M**otus aëris duplex ordinarie esse solet, vnus tremulus, cum in parua quadam eius copia vibrationes vel oscillationes exoriantur, sese mutuo insequentes, sine insigni locorum mutatione, qui vocatur *Sonus*; cuius scientia absoluit *Acusticam*, quam primus sub hoc titulo, disciplina peculiari, tractare coepit *L. C. Sturmius*; alter, quo ingens aliquod volumen aëreum adipiscitur motum progressiuum solum, successiuum, cum celeritate, vbi fit vndatio tantum aliqua, non autem reperiussa vibratio, qui motus dici solet *Ventus*, & propterea recte ab antiquis describitur aëris vnda fluens, fluxus, effusio, flumen. De illo igitur priori, de hoc autem posteriori, loco agemus. Perbreuis quidem in hoc negotio fuit veterum Philosophia, veluti quidam eorum cum *Epicuro* sonum fluminis instar ex corporibus sonoris pulsatis emanare statuerunt; alii cum *Aristotele* naturam soni posuerunt in fractione & rptione aëris, exorta ex vehementi corporum collisione, mallei ex. gr. & campanae, quorum celeri conflictu aër interceptus disrumpatur. Inter recentiores primi fuerunt

runt *Cartesius*, & *Fabry*, qui sonum consistere in motu aëris tremulo & subsultorio suspicati potius sunt, quam distincte explicuerunt. Aliquam cum hoc motu aëris vibratorio analogiam tenent undulae illae circulares, ab iniecto lapillo exortae in superficie aquae placide stagnantis; sed in multis ab eo dissident, uti postmodum explicandum erit, quamvis haec undulatio visa fuerit *Gassendo* olim totam soni theoriam exhaurire, atque in scenam producta iam a *Vitruvio*, cuius videatur *de Architect. liber V, cap. 3*, una cum notis ab eruditissimo commentatore *Perrault* adiectis.

289.

Quicquid igitur aëri inducere valet motum vibratorium, illud omne etiam excitare potest sonum. Generaliter ergo omnes illae causae, quae aut aërem subito comprimunt, ita tamen ut libere relaxare se possit, aut vero eundem fortiter iam ante compressum subito dimittunt: ad sonum producendum sunt idoneae. In utroque enim casu aër cum aëre colliditur, quod cum tanta celeritate fiat, ut aër perculsus ictum tam subito effugere, aut illi se subducere, nequeat, sed illi obstaculum momentaneum opponat: fit necessario, ut in hoc condensetur, quantum potest, deinde autem se hic iterum subito dilatet, vi suae elasticitatis, & in nouo loco  
ad



ad aliquam distantiam, denuo accumulerur ex priori causa, atque sic porro, de loco in locum, donec evanescat ob materialium interiectarum resistantiam; ex quo igitur globuli aërei nanciscuntur contractiones atque expansiones finito tempore a se invicem separatas; hinc ergo motus vibratorius existit, & consequenter sonus exoritur. Hoc quidem optime intelligi potest ex chorda metallica tensa, plectro concitata, quæ sonum ita edit, & cuius motus vibratorius celerimus oculis nudis quoque perspicui potest. Hæc enim dum has vibrationes peragit, aëris globulos ferit magna cum præcipitatione, & quasi in instanti, qui autem cum in instanti cedere nequeant: (P. I, 78.) comprimuntur, & relaxati continuato motu vibratorio novas patiuntur compressiones, unde sonus oritur, & aër tremulus toties ad aurem alliditur, quoties chorda redierit. Ita etiam, qui manu sola campanam sonantem attingit; totam contremiscentem sentit; quæ, uti chorda tensa, & vibrata, cis & ultra situm suæ quietis ex impetu concepto rapidissime excurrit, ita similiter ex figura circulari ellipticam assumit ab ictu facto, & hanc subito mutat in transversam, deinde iterum in priorem, donec tandem penduli instar conquiescat. Abunde hinc patet, si quod corpus vibrationibus suis debeat producere sonum: illud debere esse elasticum,

## 346 CAP. VI DE MOTU AERIS,

cum, ex quo malleus ligneus sonum etiam semper excitat minus clarum quam ferreus in eadem campana. Ex quibus iam melius intelligimus, quid ad naturam soni requiratur, quam ex Schotto, *Magia Phonolog. P. II, lib. 1*, dicente, sonus est qualitas, orta ex corporum se collidentium virtute sonativa.

290.

Ex hac generali causa deriuantur tres sonorum excitandorum modi præcipui. *Primus*, cum corpus solidum, elasticum, contremiscens, aëri celerrimos tremores recipiatos inducit, quales soni oriuntur ex chordis tensis & vellicatis, ex campanis, tympanis, instrumentis illis Musicis, quæ lingula, siue lamina elastica, sunt instructa, quorsum etiam referri debet vox omnis animalis. *Secundus*, cum aër ante, aut modo iam, compressus subito se restituendi spatium acquirit, quod fit in pulvere nitrato, fulminante, auro fulminante, in bombardis, in tonitribus, in sibilis ventorum celeriter ad corpora dura allisorum, in virgis creberrime per aërem agitatis. *Tertius*, si aër subito comprimatur ac dilateretur in tibiis, aut aliis instrumentis Musicis, quæ inflata tinniunt. De quibus paullo post ulterius erit dicendum. (295.)

291.

Assumamus vero hucusque sonum in aëre  
gigni

gigni & confistere, huncque eius quasi vehiculum esse, quo a fonte, corpore nimirum sonoro, quaquaversus circumferatur; nec enim res aliter se habere potest, cum nihil nisi aër circa aures nostras adsit, quod in his mutationem efficere possit. Deinde idem quoque demonstratur experimento manifesto. Campanula enim in fulcramento aliquo suspensa supponatur recipienti vitreo, aërque probe exhauriatur, observabitur: motum in vacuo hanc campanulam nullum edere sonum, eandem vero, simulac aër denuo admittatur, sonare. Absente igitur aëre nihil adest amplius, quod sonum ad aures deuehat. In presenti autem experimento bene attendendum est, ne tremor campanulae per partes solidas, e quibus suspensa est, propageretur, quod facile fit, nisi suspendatur ex filis lineis, & fulcimentum imponatur pulvillo molli, ut tremores exorti languescant & extinguantur, nec extra spatium recipienti inclusum proserpant. Patet vero simul etiam, sonum transire posse per vitrum; eundemque augeri in densitate aëris maiori. Illud sine dubio fit exinde, non quia aër per vitrum transit, quod facere nequit, (P. I, 382.) sed quia in appulsu suo ad vitrum, tanquam corpus elasticum, similes huic tremores conciliat, qui deinde ad con-tingentem aërem denuo, sed debilius, priori similitudine propagantur; contra ac putavit  
*Kircher*

*Kircherus, Musurgia lib. I,* dicens, si quis intra vas vitreum hermetice clausum consisteret, eum sonos foris excitatos minime percepturum, ob vitri soliditatem inter omnia corpora maximam.

292.

Chorda siue metallica, siue ex intestinis animalium contorta, pondere in alterutro sui extremo probe tensa, plectro leniter vellicetur, atque observabitur, hanc primo sonum distinctum edere; secundo deinde eam durante hoc sono situm suum, recta extensam, mutare atque itus reditusque, ad intervallum sensibile excurrentes, absolvere, donec cessante hoc motu sonus tandem extinguatur. Idem tremor corporum sonantium solidorum in aliis quoque oculis cerni potest experimentis. Nempe si globus cuiuscunque materiae, pisum etiam, libere e filo suspensus campanulam metallicam contingat ex vna parte, ex opposita vero pulsetur campanula eadem, resiliet ab hac globulus iterato. Docet porro vulgaris experientia, ab exploso tormento bellico, aut alio vehementi sono edito, fenestras, immo aedes ipsas, contremiscere; neque minus globus aliquis impositus incudi malleo percussae resiliit exorto sono. Iam vero in Mechanica sublimiori docetur, in chorda tali longitudinem habente  $\approx 4$  scrup. pedis Rhen. pon-

pondus proprium =  $q$ , pondus, quo tenditur =  $p$ , sumendo scilicet longitudinem, pondusque, non totius chordæ, sed eius solum partis, quæ inter vtrumque magadium tremula redditur, esse numerum vibrationum, quem hæc chorda tempore vnus secundi absoluit =  $\frac{355}{113} \sqrt{\frac{3166p}{aq}}$ , vbi 113 : 355 est ratio diametri ad peripheriam Circuli, & 3166 scrup. pedis Rhen. denotant longitudinem penduli simplicis, quod singulis secundis oscillat. (P. II, 166.) Cum itaque caperem chordam orichalcicam, in qua  $a = 2310$ ,  $q = 2\frac{1}{8}$  gr.  $p = 478$  gr. hæc percussa nullum sonum edidit, quem vlllo modo modo percipere potuissem, quamuis quolibet secundo absolueret 54 vibrationes; manentibus omnibus, excepto pondere appenso  $p = 4$  vnc, aut 1920 gr. agnouì sonum quendam satis distinctum, edente chorda vibrationes 96 in vnico secundo; idem hoc expertus sum cum chorda orichalcica, quæ Nro. 1 signantur, in qua erat  $a = 2310$ ,  $q = 22\frac{3}{8}$  gr.  $p = 2$  lb aut 15360 gr. absolvente hac 96 vibrationes in priori tempore; vbi quidem pondera ita sunt intelligenda, vt 1 libra Amstelodamensis habeat 16 vncias; 1 vncia 8 drachmas, & 1 drachma 60 grana.

293.

Concludo exinde, ad sonum producendum sufficere solum motum corporis sonori,  
*totalem,*

*totalem*, minime vero simul etiam requirit  
tremorem aliquem *partialem*, particularum  
insensibilium; sed illum esse debere tantæ  
celeritatis, ut ad minimum absoluat in se-  
cundo unico vibrationes 96 aut 100, unde  
etiam in clauichordiis infimo C. tribuuntur  
116 vibrationes pro tono choralis, qui altior  
est camerali. Corpus tardius vibrans nimis  
debilem, & pro nullo habendum, produ-  
cet sonum; quo celerius vibrabitur totali-  
ter, eo magis distinctum excitabit sonum,  
unde non perspicio; cuiam usui esse possit  
motui totali coniunctus simul motus partium,  
vbi visum fuit *Perralto*, *Carréo*, *De la Hirio*,  
multisque recentiorum; vid. *Celeberr. Musi-*  
*schenbrækius*, *Institut. Phys.* pag. 606; *Celeberr.*  
*Nolletus*, *Leçons de Physique*, Tomo III, p. 401;  
argumenta enim, quæ ab allegatis viris so-  
lertissimis afferuntur, faciles responsiones ad-  
mittere videntur. Quod enim, vbi *De la*  
*Hirius* asserit, *Mem. de Paris* 1716, pag. 266,  
forceps, vel tenacula, metallica digitis com-  
pressa, & subito remissa, vibrationes qui-  
dem, sed sonum non, edat, id non fit ex  
defectu motus partium coniuncti cum tota-  
li, sed ex defectu sufficientis celeritatis in  
motu totali, qui in minuro secundo vix de-  
cem absoluit vibrationes; cum autem in len-  
ta hac oscillatione crurum alterutrum ferro  
atingitur, hoc æquivaler ictui novo inflictio,  
ex quo patet aliquis sensibilibus huius cruris vi-  
bra-

brationes adeo celeres acquirit, ut hæc iam ad sonum, vel fremitum aliquem, producendum sint efficaces. Eadem responsio recurrit, cum obicitur: plectrum, non colophonia exasperat, sed sebo inunctum, sonos in fidibus provocare. Cum nix supra campanam ceciderit, ex pulsata multo minus sonabit, quia huius motum totalem illa impedit. Si denique chorda longa percussa sonet, plures audiuntur soni ab aure exercitæ & acuti, non ex hac ratione, quod partes insensibiles vna mouentur & clangorem proprie producant, sed quia omnis chorda vehementius aliquoties & oblique percussa primo motum totalem habet  $A C D B$ , qui sonum principalem efficit, & Fig. deinde adhuc alium partialem quidem, non 104 autem partium insensibilium, quæ nihil ad sonum conferunt, sed partium sensibilium  $A E C$ ,  $C F D$ ,  $D G B$ , quæ superiores sonos acutiores leniter principali immiscent; id quod natura curvæ elasticæ in hisce vibrationibus genitæ ex Geometria docet. Vid. *Celeberr. Eulerus, Tentam. noue Theor. Musica, pag. 23.*

294.

Prospectum itaque soni iam est origini, quærendæ in motu vibratorio corporis elastici totali, non partiali, particularum quippe insensibilium, quas *Celeberr. Nollet* ex-

P. III. Z presse

presse requirit *l.c.* pag. 401, cuius numerus vibrationum in 1<sup>va</sup> ad 100 circiter ascendit. Prospectum est eiusdem propagationi, ratione *loci*, ut sonus nempe proficiatur ex vno loco in alium, quod fit per elasticitatem aëris; & propagationi etiam respectu *temporis*, quæ oritur a repetitione, renouatione, & inculcatione frequentissima corporis sonori ad instar penduli oscillantis, alias enim sonus non duraret nisi per oculi vnicum momentum. Propagari autem sonus solet non per solum aërem, sed transfertur is quoque per aliarum fibrarum metallicarum, lignearum, motum tremulum a sono exortum, quod supra patuit, (291.) ex præcautione in campanula adhibenda, quæ in vacuo pulsatur. Hoc obseruare licet, si tabulæ lignæ imponatur vasculum mercurio puro plenum, haudque procul ab hoc locetur campanula fulcimento solido insitens; si enim pulsetur campanula, cernentur in superficie mercuriali oblique inspecta circuli plurimi concentrici moti, qui tremorem ipsius indicant, quem campana pulsata ex tremore suo ipsi communicat mediante tabula, cui insistit vtrumque; si enim campanula supra tabulam eleuata manu teneatur, ut tremores suos cum ligno communicare nequeat, & denuo pulsetur, tum certe nulli tales circuli apparent.



295.

Numerus vibrationum a chorda vibrante editarum in 1<sup>va</sup> indicari potest calculi facilis ope. (292.) In campanis vero difficillimum esset ex earum forma & pondere cognitis, qualem sonum daturæ sint, determinare. At tamen, si campanæ fuerint similes, ut fere semper construuntur solent, & ex eadem materia confectæ, facile apparet, sonos tenere rationem reciprocam subtriplicatam ponderum, ita ut campana octuplo leuior edat sonum eodem tempore duplo plures oscillationes absoluentem, & quæ vices septies fuerit leuior, peragat vibrationes triplo frequentiores. Vid. *Celeberr. Euleri Tentamen nouæ Theoriæ Musicae*, pag. 13.

296.

Tibiarum theoria non adeo cognita est omnibus hucusque, feliciter tamen eruta a *Celeberr. Eulero*, l. c. pag. 16, cuius præcipua commemorabimus. Qui ad primum modum hoc sonorum genus referunt, (290.) atque putant ipsam fistulam motum vibratorium celerrimum induere: hi non explicabunt illud experimentum, quo certum est, tibias cylindricas longitudine æquales eosdem etiam edere sonos, quomodocunque amplitudine, crassitie, atque ipsa materia, inter se differant; pondera enim corporum vibratorum quammaxime in calculum numeri

Z a

oscil-

## 354 CAP. VI DE MOTV AERIS,

oscillationum influunt, vti vidimus. (292.)  
 Qui internam tantum tibiae superficiem tremulam reddi arbitrantur, in idem incommodum incidunt. Causa igitur horum sonorum ita comparata esse debet, vt a sola tibi-  
 arum longitudine dependeat.

297.

Ex structura tibi-  
 arum attendenti statim pa-  
 tebit, aëre in illas ingrediente comprehen-  
 sum in his aërem secundum longitudinem,  
 in transuersum ad latus tibiae inferius, com-  
 primi, qui cum se rursus expandat, & ni-  
 mis quidem, ob imperum acceptum, com-  
 primeretur rursus a pondere atmosphærico,  
 vt ita motus tremulus in tubo producat,  
 qui causa soni proxima est. Aëris enim pe-  
 ristomio inflati, ac ad aciem proxime in aper-  
 tura superiori factam irruentis, lamella te-  
 nuis aliqua inter latus tubi & aërem conten-  
 tum irrepit, atque sic hanc lateraliter secun-  
 dum totam suam longitudinem comprimit.  
 Chordæ enim ordinariæ vnico loco pulsatae  
 sonum edunt; chorda autem talis aërea pulsu  
 ad vnicum locum facto, ob interruptas partes,  
 contremiscere nequit simul per integram lon-  
 gitudinem, sed ab integra lamella irrepente  
 debet simul comprimi. Vnde etiam interna  
 tubi superficies dura læuisque esse debet, ne  
 aëri irrepenti cedere, nec illi in tubo conten-  
 to locum se expandendi dare, possit, nec mo-  
 tus repens aëreæ lamellæ impediatur.

298.

298.

Perficit ergo aër in fistulæ tubo eodem modo oscillationes suas intransuersum, ac chorda tensa; atque positæ tibie longitudine  $a$  scrup. ped. Rhen. amplitudine  $= b^2$ , densitate aëris ad densitatem mercurii  $m : n$ , & altitudine mercurii in Barometro  $= k$  scrup. Rhen. dabitur in tibia chorda aërea, aut fasciculus quidam earundem, longitudinis  $a$ , & ponderis proprii  $mab^2$ ; (P. II, 95.) quæ chorda aërea tenditur a pondere, quod æquale est pressioni atmosphære, hæc autem æquipollet cylindro mercurii, cuius basis est  $b^2$ , eadem cum amplitudine tibie, altitudo  $k$ , quocirca pondus tendens erit  $nkb^2$ , ex quibus substitutis in formula superiori (292.) oritur numerus vibrationum chordæ talis aë-

$$\text{reæ in } 1'' \text{ absolueendarum} = \frac{355}{113} \sqrt{\frac{3166nkb^2}{a.mab^2}}$$

$$= \frac{355}{113a} \sqrt{\frac{3166nk}{m}}.$$

Constat autem ex observationibus Meteorologicis, in maximo calore naturali esse densitatem aëris ad densitatem mercurii  $= m : n = 1 : 12000$ ; in minimo autem calore naturali  $= 1 : 10000$ ; tum vero etiam maximam apud nos Barometri altitudinem esse 2460 scrup. ped. Rhen; minimam vero 2260 eorundem; Barometro igitur & Thermometro ad maximas altitudi-

$$\text{nes consistentibus erit sonus tibie } \frac{960771}{a},$$

Z 3

atque

atque iisdem instrumentis ad minimas altitudines stantibus, sonus erit  $\frac{840714}{2}$ , quorum ratio quamproxime est uti 8 : 9, vel integri toni maioris. (305.) Sumamus vero inter hos duos mediocrem  $\frac{900000}{2}$ , atque tot oscillationes in vnico minuto secundo: producet. tibia longitudinis 4: in tempestate mediocri. Quæ igitur tibia 116 vibrationes edit in 1<sup>o</sup>, longitudinis esse debet 7, 758 ped. Rhen. ad sonum C producendum, (293.) & talis etiam in praxi assumitur vulgo 8 pedum. Paret ex his etiam ratio, cur tibia initio grauius sonet, quam cum iam probe sit inflata; ipso enim vsu & inhalatione aer, qui tibie inest, calefit successiue; nec non cur fortius inflatæ octauam edant; (293.) & cur in orificio inferiori contactæ & clausæ sonum octaua grauiorem reddant.

299.

Excitari etiam potest sonus valde acutus & penetrans in calice vitreo pertenui, si in margine huius superiori digitus aqua subinde madefactus leniter circumducatur, & clangor quidem hic ipse ille est, quem calix malleolo percussus per se edit. Vid. *Schwenterii Delicia Mathem. Physica*; & *Galilei, Mechanica Dialog. I, pag. 89.* Si calix hic aqua ipse repleatur, ut eo commodius semper possit digitus humore imbui: tum  
crispa-

crispationes in superficie aquæ breuissimæ & celerrimæ prope oram vitri manifestæ fiunt, quales supra in mercurio (294.) indicauimus. Ex quibus omnibus igitur patet, digiti madefacti circumductu nihil aliud effici, quam vt calix tenuis in motum vibratorium cieatur, perinde ac si malleolo percuteretur, vnde hæc soni productio pertinet ad modum primum. (290.) Sunt porro eiusmodi vibrationes tam in chordis, campanis, quam in aliis corporibus elasticis sonantibus, omnes æquabiles & æquidiuturnæ, atque adeo ab initio percussione ad finem vsque eundem edunt sonum, quoniam æquiualet oscillationibus penduli simplicis, finitis quidem, sed valde exiguis. (P. II, 168.) Initio tamen, si pulsatio fuerit nimis vehemens, & vibrationes iusto ampliores, chordæque detorsio ex situ naturali nimis magna, sonus acutior editur quam postea remittentibus vibrationibus, ex quo fit, vt tum soni minus grati & irregulares audiantur. Vehementia denique ac fortitudo sonorum decrescit in duplicata ratione distantiarum, vti lucis propagatio per spatia perpetuo fit languidior; (85.) in maioribus enim distantis sonus diffunditur in maius spatium, in dupla nempe distantia spatium circulare, in quo perceptibilis est, fit quadruplo maius, quam in simpla, manente tamen aggregato omnium pulsuum eodem.

300.

Celeritas soni talis est, vt in vnico minuto secundo is diffundatur per  $4\sqrt{3166nk}$  scrup. si densitas aëris fuerit ad densitatem mercurii  $= 1 : n$ , ac altitudo Barometri  $= k$  scrup. pedis Rhen. Quodsi ergo vti ante (298.) fuerint  $n = 12000$ ,  $k = 2460$ ; & alia vice  $n = 10000$ ,  $k = 2260$ , prodeunt ibi 1222 pedes Rhen. hic vero 1069, cuius medium 1145 fere cum obseruationibus *Flamsteedii*, & *Derhami* congruit. Variæ autem obseruationes in hanc rem institutæ diuersas quoque prodiderunt soni celeritates, quas in hac tabula perspicere licet. Inueniunt enim hanc celeritatem, in pedibus singuli suis, tempore vnus minuti secundi,

Academici Florentini	—	—	1185.
Galli celebres	—	—	1172.
Robervallius	—	—	560.
Gassendus	—	—	1473.
Mersennus	—	—	1474. aut 1281.
Flamsteed, Halley, Derham	—	—	1142.
Boyleus	—	—	1200.
Roberts	—	—	1300.
Walker	—	—	1338.
Newton	—	—	1088.

Vid. *Celeberr. Musschenbroëkii Experimenta Academiae del Cimento*, pag. 113. Nouissime autem Academia scientiarum Parisina hanc soni velocitatem, explosis multis tormentis per  
loca

loca circumiacentia & intermedia, noua cura determinauit, ex quibus experimentis omnibus patuit, *primo*, eam esse in 1'', & aëre quieto, 1038 pedum regionum, hancque eandem manere, si directio venti sit perpendicularis ad rectam, quæ iungit locum, in quo tormentum exploditur, & locum, in quo sonus auditur; *secundo*, ventum aduersum retardare sonum, secundum vero accelerare eundem, quantitate pedum illa ipsa, quam ventus in 1'' absoluit; *tertio*, celeritatem non variari in sono magis aut minus forti, tempore sereno aut pluuio, noctu aut interdiu, distantia paruis aut magnis, diuersa directione tormenti, differenti terrarum interiectarum dispositione, aut diuersa aëris densitate. Vid. *Mem. de Paris 1738.*

## 301.

Campanula pulsata in mediis aquis sonum, qui audiri possit, edit quidem aliquem, sed diuersum a priori, & maxime debilitatum. Oritur hoc ex ea causa, quia aqua, & alia fluida similia, elasticitate carent. Optime enim sonus propagatur per corpora elastica, veluti per aërem, qui, quo densior est, aut quo maiorem tenet elasticitatem, eo fortioorem sonum excitat, meliusque promouet. Hinc fides instrumentorum Musicorum confici solent ex orichalco aut chalybe, ex intestinis animalium, siue  
Z 5
folis,

## 360 CAP. VI DE MOTV AERIS,

solis, siue filo argenteo circumuinctis, quas circa annum 1680 inuentas esse memorat *Perrault*, in *notis ad Vitruuii lib. VI, cap. 1.* Hinc etiam instrumenta Musica ipsa ex lignis exsiccatis, & probe elasticis, parantur. Ex percusso plumbo nullus oritur sonus, nisi in certo quodam casu, quem detexit *Illustr. De Reaumur* in *Memoires de Paris* 1726, pag. 244; neque etiam clangor existit ex aqua in aliud vas effusa. Ex eadem causa campana metallica sonare desinit, si occultam fissuram teneat, quia nempe inepta est ad edendos tremores aliquamdiu continuatos, parte vtraque fissurae subinde secum collisa; cui vitio remedium afferri solet hoc, vt fissura tenuis ferra reddatur amplior, ex quo deinde fit, vt continuatis vibrationibus partes crenae desinant secum collidi. Quae *Celeberr. Nollet* hic disputat contra incompressibilitatem aquae, nos non tangunt, (P. I, 307 & 308.) & legi possunt in *Leçons de Physique Experimentale*, Tomo III, pag. 415. De sententia *Illustris De Mairan* in propagatione sonorum per aërem ingeniosa, vid. *Mem. de Paris*, 1737, & contra eam *Celeberr. Euleri Opuscula*, varii argumenti, p. 202. De modo calicem vitreum clamando disruptendi, vid. *Perillustr. L. B. de Wolff*, *Experim. Tomo III*, pag. 89.



302.

Præcedentia satis docuerunt, sonum, qui hoc maioris aut minoris grauitatis suæ respectu iam *Tonus* dicitur, *grauiores* esse illum, in quo vibrationes tardius se insequuntur, aut qui in minuto secundo pauciores absoluit oscillationes; *acutiores* vero esse eum, in quo vibrationes celerius se insequuntur, & qui in vnico min. secundo plures efficit oscillationes. Ita ex. gr. eadem chorda, longitudinis 2310 scrup. Rhen. & ponderis proprii  $2\frac{3}{8}$  gr. ab appenso pondere 2 libr. vibrationes minuti secundi edidit 272, cum sono clarissimo; ab appensis autem 4 libr. vibrauit 385<sup>es</sup>, clarissime iterum; ab aucta igitur tensione redditus fuit eius sonus acutior; eadem denuo, sed tensa tantum 1 libra, grauiorem edidit sonum, nempe vibrationum tantum 193. Porro vnicus talis sonus vocatur *simplex*; *compositus* vero sonus est, qui constat pluribus simplicibus, simul sonantibus; de quibus memorabile est, horum quosdam simul auditos animum permulcere, eique placere; alios vero sensibus quasi minari & displicere. Illud si fuerit, talis sonus compositus vocatur *Consonantia*, hoc autem si acciderit, *Dissonantia*; in quarum scientia deinde versatur *Musica*.

303.

Vnde autem id oriatur, vt animus in consonan-

sonantia acquiescat, a dissonantia vero abhorreat, non vnicum fuit omnium semper iudicium, neque tamen adeo multiplex. *Pythagoras* igitur meditabundus, cum auditui aliquod excogitare posset adminiculum firmum, prope fabri ferrarii officinam obambulans audiuit malleos incudem pulsan-tes, sonosque congruos reddentes; agnouit enim in illis concentum diapason, diapente, & diatessaron, alium vero adhuc symphoniae expertem; cumque ipsi primo visum esset, pulsan- tium vires diuersitatem sonorum efficere, officinam ingressus mutare malleos iussit, sed manebat sonorum proprietas; hinc pondera malleorum examinauit, quorum erant quinque, hic autem reiectus est, qui cunctis reliquis erat in consonans; reliquorum deinde pondera inuenit uti 6, 8, 9, & 12 librarum. Vnde deum reuersus ex eodem paxillo suspendit quatuor chordas æqualiter longas & crassas, sed gravatas ponderibus repertis ab infima parte, reperitque, pondera 6 & 12 efficere consonantiam illa iam ætate dictam diapason, aut nostram octauam; pondera 6 & 9 producere diapente, aut quintam hodiernam; sed 6 & 8, nec non 9 & 12, procreare diatessaron, aut quartam. Vid. *Celeberr. Bruckeri Historia Critica Philos. Tomo I, pag. 105, 71* *Boëthius in Tract. de Musica, lib. I, cap. 10. & alii, præsertim Censorinus de die natali, cap.*

10; *Gregorii Astron. Physica & Geom. Elementa, Pref.* Exinde igitur Philosophus ille acutissimus rationem consonantiarum, quibus aures delectentur, latere intellexit in proportionibus facile perceptibilibus, quales sunt modo allegatae, nempe 1 ad 2, 2 ad 3, 3 ad 4, 8 ad 9, &c. etiamsi nondum constitisset ipsi, quo pacto hae rationes ab auditu percipiantur; atque hinc statuit, illud, quod voluptate nos perfundit in Musica, non positum esse in arbitrio hominum, aut a consuetudine tantum dependere, quae *Aristoxeni* erat sententia, sensu solo & consuetudine harmoniam diiudicantis, & hac ex causa Pythagoræos ridentis. Vid. *Bruckerus l. c. pag. 1056.*

304.

*Pythagoram* igitur nos sequentes chordam aliquam inter duo hypomochlia extendamus pondere quocunque, aut eandem quoque adducamus solo clauo; quale instrumentum appellari solet *Monochordum*; tum hypomochlium interponemus in medio chordæ, ac partem vtramque vellicabimus, audietur sic exactus vnisonus. Postea, longitudine chordæ diuisa in partes æquales tres, ponamus hypomochlium in loco C, ut ita AC sit 2, Fig. CD = 1, atque percipietur sic in AC sonus 104. grauior, in CD acutior, ita quidem ut vtraque pars simul mota exhibeat perfectam octavam.

Fig. 105. **vam.** Porro secta chorda in partes quinque,  
 sistamus hypomochlium in D, ut partes AD  
 & DF sint longitudinis 3 & 2, atque sic per-  
 cipiemus quintam. Similiter deprehendo-  
 mus quartam, tertiam utramque, & reli-  
 quas omnes consonantias atque dissonantias,  
 pro cuiuslibet partis separata longitudine.  
 Quodsi iam inquiramus in numeros vibra-  
 tionum ab his chordis editarum, paret utram-  
 que portionem AD, DF, eodem pondere esse  
 tensam, adeoque  $p$  esse constans; & cum  
 præterea, ob adhibitam chordam eiusdem  
 ubique crassitiei, pondera propria chorda-  
 rum partialium sint uti earundem longitudi-  
 nes, hoc est  $q$  uti  $a$ : erit, si ad solam ratio-  
 nem respiciamus, diuidendo utrinque per  
 numeros constantes, salva manente ratione,  
 numerus vibrationum uti  $\sqrt{\frac{1}{2}}$ , hoc est uti  
 $\frac{1}{2}$ , in ratione longitudinis chordarum inuer-  
 sa; ut itaque numerus vibrationum 1'' edi-  
 tarum in chorda AC sit ad eundem in chor-  
 da CD = 1 : 2; in eodem ergo momento,  
 Fig. 104. quo AC absoluit vibrationem vnam, CD  
 absoluit duas; sed audio sic octauam: idcir-  
 co natura octauæ in hoc consistit, ut cum  
 longior chorda vibratur semel, breuior &  
 acutior vibretur bis, atque hoc semper con-  
 tinuetur, quamdiu utraque pars sonat; hoc  
 itaque sensu dicitur, octauam exprimi ratio-  
 ne numerorum 1 : 2, similiter quintam ratio-  
 ne

ne 2 : 3 , atque sic porro. Vid. *Galilei Mechanica Dialog. I, pag. 94.* Quo sensu Cicero dixit, *de Orat. 138*, duæ sunt res, quæ permulceant aures, *sonus & numerus* ; & *Leibnitio* est Musica exercitium Arithmeticæ occultum, nescientis se numerare, animæ nostræ. *Epist. ad Illustr. Goldbachium.*

305.

Tabula igitur præcipuorum interuallorum Musicorum hæc est, ex egregio Opere *Celeberr. Euleri, Tentamen nouæ Theoriæ Musicæ, pag. 112.*

<i>Nomen Interualli</i>	<i>Ratio.</i>
Diaschisma — —	2025 : 2048.
Comma — —	80 : 81.
Diesis, <i>διεσις</i> — —	125 : 128.
Hemitonium minus — —	24 : 25.
Limma minus — —	128 : 135.
Hemitonium maius — —	15 : 16.
Limma maius — —	25 : 27.
Tonus minor — —	9 : 10.
Tonus maior — —	8 : 9.
Tertia minor, <i>ημιδιτονος</i> ,	5 : 6.
Tertia maior, <i>διτονος</i> , ex tono maiore & min.	4 : 5.
Quarta, <i>δια τεσσαρων</i>	3 : 4.
Tritonus, quod interuallum est quasi 3 tonorum, Quar- ta abundans, aut Quinta deficiens, Quinta falsa,	

con.

# 366 CAP. VI DE MOTV AERIS,

continetur rationibus

—	—	—	18 : 25.
—	—	—	32 : 45.
—	—	—	45 : 64.
—	—	—	25 : 36.
Quinta, <i>δια πέντε</i> ,	—		2 : 3.
Sexta minor	} Hexachordum		5 : 8.
Sexta maior			3 : 5.
Septima minor	—	—	9 : 16.
—	—	—	5 : 9.
Septima maior	—		27 : 50.
			8 : 15.
			135 : 256.
			25 : 48.
Octava, <i>δια οκτώ</i>			1 : 2.
Vnifonus	—	—	1 : 1.

ex qua pater, consonantias omnium hominum testimonio suauissimas, quæ sunt vnifonus, octava, quinta, quarta, sexta maior, tertia maior, numeris etiam minoribus exprimi, hoc est, ratione facile intelligibili & mensurabili animæ proponi; dissonantias autem numeris maioribus, & ratione vix, aut difficulter, aut plane non, comprehensibili, qualis est tritoni 45 : 64, aut septimæ maioris 135 : 256, ex quo Pythagoræ assertum quam maxime extra dubium ponitur. (303.) Tres autem soni, rationem 4, 5, 6, tenentes, quintam nempe, cum interposita tertia maiore, appellari solent *Trias harmonica*, veluti F, A, c; aut C, E, G.

306.

Est autem, vti facile apparet, *Interuallum Musicum* distantia soni grauioris ab acutiore quocunque; ita vt quo maior sit differentia inter illum & hunc, eo maius etiam dicatur interuallum; vel est mensura discriminis inter sonum grauiorem & acutiorem. Omnia interualla octaua minora, vocantur *simplicia*, quæ autem octauam excedunt, *composita*. Diesis, comma, & diaschisma, sunt interualla *minima*, quia distantiae eorum vix percipi auditu possunt, adeoque maioribus interuallis addita, aut demta, hæc non mutare censentur, sed relinquere eadem; neque actu ipso in Musica occurrere solent, sed hunc in finem solum adhibentur, vt, quoniam meræ consonantiæ *puræ* in octaua integra existere nequeunt, per hæc minima interualla, & nihilo fere æquipollentia, ostendi possit, quantum vna vel altera *impura* & sui generis vera consonantia deficiat, aut supra eam abundet. Ita ex. gr. B: f habetur vulgariter pro quinta pura, est tamen reuera quinta pura cum diaschismate, adeoque impura & falsa; nam ad quintam puram  $2:3$ , addatur diaschisma,  $2025:2048$ , orietur ratio composita  $2.2025:3.2048$ ,  $= 675:1024$ , quam rationem reuera habent duo toni B & f. Sit enim B ad veram quintam  $z$ , quam ita designo, quia in Clauichordio non existit,  $= 2:3$ , atque est  $z:f =$

P. III.

Aa

2025:

# 368 CAP. VI DE MOTV AERIS,

2025 : 2048 ; multiplicata hac vtraque proportionem erit Bz : zf, aut  $B : f = 2.2025 : 3.2048$ . Nouo igitur nomine diaschismatis opus erat ad indicandum ; quantum B : f vera quinta sit altius interuallum ; atque ita similiter de reliquis statuendum. Veluti est

$$\begin{array}{l} \text{tertia minor} \text{ --- } = 5 : 6 \\ \text{Comma} \text{ --- } = 80 : 81 \end{array}$$


---

$$\begin{array}{l} \text{tertia minor demto} \\ \text{commate} \text{ --- } = \frac{5}{81} : \frac{6}{80} \\ = \frac{1}{18} : \frac{2}{37} \\ = 27 : 32 \end{array}$$

quale interuallum est Fs : A. Est enim etiam hoc casu ,  $Fs : z = 5 : 6$

$$z : A = 81 : 80$$

$$Fs : A = 5.81 : 6.80 = \frac{5}{80} : \frac{6}{81}$$

Porro est

$$\begin{array}{l} \text{Sexta maior} = \text{ --- } 3 : 5 \\ \text{Diesis} = \text{ --- } 125 : 128 \end{array}$$


---

Sexta maior cum diefi

$$\begin{array}{l} = 3.125 : 5.128 \\ = 3.25 : 128 \\ = 75 : 128 \end{array}$$

quale interuallum est Gs : f. Si quæratu-  
 quale interuallum sit 3 : 8, subtrahatur octa-  
 va, orietur  $\frac{3}{4} : \frac{8}{8} = 3 : 4$ , est ergo 3 : 8  
 octaua cum quarta. Si auferatur a quinta  
 2 : 3, quarta 3 : 4, restat  $\frac{2}{3} : \frac{3}{4} = 8 : 9$ ,  
 qui est tonus maior, ex qua differentia ve-  
 teres



terres primum videntur hausisse ideam toni maioris. Vid, *Keplerus*, *Harmonices mundi*, lib. III. p. m. 3. Si quintæ addatur quarta, oritur  $2. 3 : 3. 4 = 1 : 2$ , hoc est, octava. Si a diefi auferatur comma, oritur  $\frac{125}{128} : \frac{125}{128} = 10125 : 10240 = 2025 : 2048$  diatichisma, quod igitur est differentia inter diefin & comma.

307.

Antiquissimum Musicae genus, quod a *Mercurio* inuentum dicitur, in octaua non continebat nisi tres sonos, aut, inclusa octava, quatuor, ex quo tale Instrumentum *Tetrachordum* dictum est, nempe F, G, c, f, expressos numeris 8, 9, 12, 16. Variis deinde adhibitis correctionibus viguit diu genus *diatonicum Ptolemæi*, duplex continens tetrachordum, complexum hisce literis & sonis,

F	—	120
G	—	128
A	—	144
H	—	160
c	—	180
d	—	192
e	—	216
f	—	240

ex quo hodierna intervalla nomina adhuc retinent sua, nempe octava, quæ cum primo est sonus octauus, septima, quæ cum primo

## 370 CAP. VI DE MOTU AERIS,

est sonus septimus, & pariter quinta, quarta, tertia, & secunda. Illud autem genus, quo hodie utimur in Clauichordiis, Organis, & similibus instrumentis Musicis perfectis, auctum est variis semitoniis interpositis, & vocatur *Diatonico - Chromaticum*, cuius literæ & soni sunt sequentes :

C	—	384
Cs	—	400
D	—	432
Ds	—	450
E	—	480
F	—	512
Fs	—	540
G	—	576
Gs	—	600
A	—	640
B	—	675
H	—	720
c	—	768

ex qua tabula statim dignoscitur, quamnam rationem teneat quisque sonus ad quemlibet alium. In eadem octaua autem auris exercitata distinguere potest sonos ad minimum 43 diuersos, vid. *Mem. de Paris, 1700.*

308.

Supereft vt indicemus quoque, quomodo cuiusvis consonantiæ *gradus suauitatis* debeat inuestigari. Numerorum minimorum, qui

quibus consonantia exprimitur, ex. gr. Tritoni illius, qui exprimitur per  $32 : 45$ , quaeratur communis diuiduus minimus, per *Euclidis Elem. VII, prop. 36*, qui est 1440; hic resoluatur in omnes suos diuisores simplices, 2. 2. 2. 2. 2. 3. 3. 5; a quorum summa 21, subtrahatur numerus horum diuisorum vnitate minutus 7; remanet gradus suauitatis, qui in hoc exemplo est XIV. Hæc regula per inductionem probatur a *Celeberr. Eulero, l. c. Cap. II*. Inuenitur per eam Gradus suauitatis primus, seu summus, in vnifono. In octaua gradus II; in octaua dupla III; in quinta IV; in quarta V; in octaua quintupla VI; in sexta maiore, & tertia maiore, VII; in sexta minore, tertia minore, & tono maiore, VIII; in septima minore vtraque IX; in tono minore X; &c. Consonantiarum trisonarum, & multisonarum, gradus suauitatis simili modo deprehenditur; veluti triadis harmonicae IX; quintæ cum quarta V. Consonantiae numeris 1, 2, 3, 6, expressæ suauitatis gradus est IV; vt & consonantiae 1, 2, 3; consonantiae 1, 2, 3, 4, 6, 12, gradus suauitatis est V. Dicitur autem *consonantia completa*, cui nullus sonus addi potest, quin ipsa consonantia ad altiore gradum sit referenda, veluti 1, 2, 3, 6; *incompleta*, cui sonus aliquis addi adhuc potest, manente eodem suauitatis gradu, veluti 1, 2, 3, cui addi potest adhuc sonus 6.

309.

Quisnam suauitatis gradus insit in duarum consonantiarum successione, regula eadem cum exposita habetur, nisi vt prius singuli soni vtriusque consonantiæ debitis numeris exprimantur, hoc est talibus, qui eundem numerum pro basi, aut infimo C, supponant, horumque minimus communis diuiduus inuestigetur; ambæ enim consonantiæ successionis tanquam simul sonantes considerari debent. Quæritur ex. gr. quem duæ hæ quintæ C, G, & D, A, in successione immediata habeant gradum suauitatis? sunt hi quatuor soni, pro eadem basi, aut ad idem infimum C, ex tabula (307.), 384, 432, 576, 640, vel diuisi per 16, minimi 24, 27, 36, 40, quorum communis est diuiduus minimus  $2^3 \cdot 3^3 \cdot 5$ ; vel ita per diuisores simplices scriptus, 2. 2. 2. 3. 3. 3. 5, cuius gradus suauitatis est XIV. Vides igitur, cum quintæ singulæ gradum venustatis habent IV, easdem sibi mutuo succedentes acquirere gradum XIV, adeoque tritonis æquiparari 18 : 25, aut 32 : 45. Quam veram causam esse credo, cur vetent Musici adhibere vnquam duas quintas immediate sibi succedentes; quod de octauis etiam intelligendum est, quæ ita ex gradu suauitatis II descendunt ad IX. Minime igitur veram causam huius dissonantiæ tetigit in *Mem. de Trevoux* 1703, m. Octob. pag. 1762, qui

qui statuit, nimiam hic symmetriam & uniformitatem displicere animæ; propius tamen ad verum accessit *Keplerus*, *Harmonices mundi lib. III*, p. m. 84, dicendo, quintas, aut tertrias, non omnes esse eiusdem distantia, aut interualli, sed reuera diuersas fere omnes inter se.

## 310.

Si in Monochordo capiantur chordæ communis tales duæ portiones, quæ sint inter se vti diagonalis quadrati ad latus huius, vel, vti  $\sqrt{2} : 1$ , erunt vibrationes in minuto secundo editæ in ratione inuersa harum longitudinum, hoc est vti  $1 : \sqrt{2} = 1000 : 1414 = 500 : 707$ ; reuera autem incommensurabiles erunt hi duo soni, eorumque vibrationes nunquam congruent, quia nullam exercent vnionem periodicam; vnde existunt Dissonantiæ essentialis, quales tamen in Musica ordinaria non occurrunt. Vid. *Mem. de Trevoux*, 1704, m. Mart. pag. 466. Accedit vero dicta dissonantia essentialis satis prope ad quartam, vnde huic fortasse duritatis quid adhuc adhæret.

## 311.

*Sectio monochordi* vocatur huius diuisio in tales partes inæquales, vt singulæ longitudine sua referant eos numeros, qui in tabula prima aut secunda superiori (307.) pro singulis tonis occurrunt; illa est sectio mo-

nochordi diatonica, hæc autem diatonico-chromatica. Hæc igitur adornatur, si totius chordæ alicuius vibrantis longitudine diuisa in partes æquales 7177, talium tribuantur partium inæqualium primæ 768, secundæ 720, tertiæ 675, atque sic porro, ex quibus hæc tonos singulos duodecim, cum octaua, clangore expriment. Aliam autem multo parabiliorem describit *Sturmius, Mathes. Iuuenilis tomo I, pag. 691*; si chorda ten-

**Fig.** 106. **sa** AB diuidatur primo in partes quatuor æquales, in C, E, G, deinde rursus in tres per D, F, habebitur sic monochordum diuisum ad principales consonantias Musicas, adhibitis ponticulis, exhibendas aptissimum. Est enim, si AB diuisa intelligatur in partes 12,

CD, FG	—	1.	AE, CG, EB	- 6.
DE, EF	—	2.	AF, DB	- 8.
AC, CE, EG, GB		3.	AG, CB	- 9.
AD, DF, FB	—	4.	AB	- - - 12.
CF, DG	—	5.		

per quas omnes consonantiæ poterunt præsentari, exceptis interuallis minimis, hemitoniis, tritonis, & septima maiore. Alias methodos idem hoc perficiendi, & quidem *Galilei* falsam, supponentem octauam = 50363 : 100000; & *Kepleri*, vid. huius *Harmonices mundi lib. III, pag. 48*.

312.

Tensæ sint in monochordo duæ chordæ tenues ad vnisonum reductæ, & propius iuxta se positæ; alterutra earum vellicata obseruabitur, alteram quoque, etiamsi plectro intactam, sonum tamen subtilem edere, cum tremore visibili; adeoque chorda pulsata chordam aliam non pulsatam secum in sonitum trahit, si tensa fuerit sibi consonæ; dissonæ vero tensam immotam relinquit, dicente *Keplero*, l. c. pag. 14, qui hoc experimentum per se quidem sane quam mirabile vocat; vide illud etiam apud *Dechales*, *Mundi Mathem. T. IV*, pag. 2. Cum nihil adesse videatur primo intuitu, quod alteram chordam moueat: hinc a veteribus hoc exemplum eum in finem allegatur, vt actionem vnus corporis in aliud existere posse probent, sine aliqua intermediente causâ, quos effectus *qualitates occultas* vocabant generaliter, hunc autem, & alios similes, speciatim *Sympathiam*; (P. I, 205.) *Aristoteli* enim sonus erat qualitas Metaphysica quædam, non motus aut vibratio. Ex vera autem soni natura phænomenum hoc ita explicatur, vt ex vellicatæ chordæ motu tremulo similis motus aëri circumiacenti communicetur, qui ad chordam quiescentem vicinam pertingit, & cum hac quoque hunc communicat, facile recipiendum ob æquales vtriusque longitudines & tensiones, vt sic chorda quie-

scens aptissima & paratissima sit hisce vibrationibus obtemperandi; nullus enim itus aut reditus ulli priorum contrarius incurrit itui aut reditui huius, unde chordæ silentis motus increfcit eouſque, vt ſonus tandem audiri poſſit.

313.

Fig. 107. Multo autem maiorem admirationem affert nobis hoc experimentum, ſi illud inſtituatur ad modum *Walliſii*, *Operum tomo II, cap. 107, pag. 466*, vti habet *Sauueur*, *Mem. de Paris, 1701*. Chorda nimirum AB diuidatur in partes æquales quotlibet, ex. gr. quinque, tum nouus ponticulus ſupponatur in C, vt portio chordæ AC ſit  $\frac{1}{5}$ , CB autem  $\frac{4}{5}$  totius. Vellicata portione AC videbitur CB ſtatim contremiſcere, non autem per integram ſuam longitudinem, ſed per interualla, vt medium inter CD, inter DE, EF & FB, euidenter vibretur, nodi autem huius undulationis in D, E, F quieſcere pergant; quod ipſum magis conſpicuum ſit, ſi tenues chartulæ ſemiplicate inſideant nodis ſingulis, & ſingulis etiam mediis, quo factò vibretur AC ſatis modice, ſed repetitis vicibus, obſeruabitur, chartulas has mediis inequitantes deſilire omnes, reliquis, quæ nodis inſident, non turbatis. Communicat igitur omnino AC motum ſuum cum CB, aut potius cum, non obſtante



stante ponticulo apud C, continuat ductu serpentino, quod Curiaë elasticæ proprium est, vid. *Commentar. Petropol. T. XIII, p. 120; Celeberr. Euleri Musica, pag. 23.* Vnde circumstantiæ huius experimenti facile explicantur.

## 314.

Si quærat, ad quamnam distantiam sonus aliquis audiri possit, responderi potest, diuersimode hoc fieri, atque tum dependere ab intensitate soni, tum vero etiam ab eiusdem conseruatione, vt ne libere possit se dilatare in expansionem sphæricam. Neglecta hac, sola illa perfecit, vt tormentorum bellicorum Florentiæ explosorum sonitus audiretur Liburni, atque longius adhuc, ad 55 milliaria Italica, aut  $13\frac{3}{4}$  Germanica, per terras montosas, nec fauente vento. Gallis expugnantibus Genuam idem sonitus auditus est Liburni, ad distantiam 90 mill. Ital. vid. *Transact. Angl. N. 113*, siue ad  $22\frac{1}{2}$  mill. Germ. Conseruationis vero soni effectum ostendunt tubi & canales longi, quorum parietes sonum versus medium tubi, tanquam ad viam regiam, reflectunt, vt hic, parum intensus, illibatus, immo auctus etiam hac reflexione, ad alterum extremum perferatur; quod etiam testatur *Kircherus Musurgie lib. IX, cap. 3*, de aquæductibus Romanis 600 pedes longis, inflexis quoque, qui vocem debilem immissam per totam hanc longitudinem

## 378 CAP. VI DE MOTU AERIS,

dinem deducunt. Recensetur in *Journal des Savans*, 1666, pag. 195, ex Hieronymi Magi tractatu de tintinnabulis, ad maiorem distantiam extendi sonum campanæ tinnientis in planicie aliqua, quam supra montem positæ, atque omnium longissime prouehi clangorem illarum, quæ in valle sunt constitutæ.

315.

Fig. 108. Reflectitur sonus a corpore læui, elastico & duro, lucis instar, duplicem in modum, primo, in locum a corpore sonante diuersum; & secundo, redeundo ad eundem, ex quo profectus fuit. Illud fit in conclauibus elliptice fornicatis, ABC, vbi E & D sint duo ellipseos foci, seu puncta acustica, quorum vni E si applicatum fuerit os loquentis, alteri autem D auris audientis, vox in E quantumuis submisisse prolata audietur distincte in D, per radios sonoros EG, GD; EB, BD; EF, FD; ex vno puncto egredientes, & per reflexionem in alterum punctum collectos, ex natura ellipseos, ita quidem, ut nemo consistens in alio huius fornicis, elliptici loco sonum in E prolatum exaudiat. Secundum accidit, si sonus reflectatur, ut ad locum originis suæ regrediatur, ibique denique distincte a priori edito percipiatur, quæ soni reflexio *Echo* vocatur; estque adeo vocis aut soni repercussio aut imago, qualem per septem turres in Cyzico, Bithyniæ vrbe, inter

inter miracula mundi numerat *Plinius*, lib. XXXVI, cap. 15; in porticu Olympiæ septies quoque redditam vocem *Plutarchus* significat, de garrulit. Fabulam Echus elegantissimam vide apud *Ovidium*, *Metam.* 3. v. 358. Hinc quicquid repercutere sonum valet ad eum locum vnde venit, causa Echus est, muri, moenia urbium antiqua, tecta ampla regulis strata, aedes integræ, rupes, silvæ densæ foliis obseptæ, saxa anfractuosa, aqua, immo & nubes, sonum reddunt; hinc tonitruum murmura, (266.) & mugitus tormentorum exploforum, fortiores aëre nubilo quam sereno. Si plura quoque fuerint eiusmodi obstacula reflectentia, eo pluries repetita audietur echo, debiliior quidem semper, quo ex loco magis exsulto aduehitur.

316.

Ponamus distantiam loquentis ab obiecto reflectente =  $a$  ped. Paris. cum vero tales pedes 1038 absoluantur æquabiliter a sono tempore 1'', requireret spatium  $2a$ , per quod nempe sonus abit atque redit,  $\frac{2}{119}$  min. sec. potest autem ab exercitato Musico tonus a tono distingui, si posterior priorem non nisi  $\frac{1}{3}$  sec. insequatur, quoniam 9 sonos in vnico secundo edere illi instrumento possunt distinctos inter se, ad quod ergo requiritur  $\frac{2}{119} = \frac{1}{3}$ , aut  $a = 57\frac{2}{3}$  ped. Paris. quæ minima est distantia, in qua echo vix adhuc distinguitur.

guendis sonis poterit excitari, cum in minoribus exoriatum tantum clangor aliquis confusus, in quo sonum a sono distinguere non licet. Pro distantia Echus cognoscenda eius locum versus exclama breuiter vnā syllabam, atque pendulo observa post quot secunda illa redeat, ex. gr. post 5'', atque erit  $\frac{a}{v} = 5$ , aut  $a = 2595$  pedum Paris. Quod si autem examinare velis, quot syllabarum esse possit echo, ponam durationem tuarum vocum esse  $d''$ , atque erit tempus elabens a fine clamoris tui ad primum reditum  $= \frac{a}{v}$  — d secund. ut itaque statim, cum tu desieris, echo adsit, pone hunc valorem  $= 0$ , unde fit  $a' = 519d$ ; possunt autem in 1'' pronuciari syllabæ decem celeriter, ergo echo statim post clamorem tuum præsto erit, & decem syllabas eadem celeritate repetet. Quomodo echo *heterophona* construenda sit artificio quodam, docet *Kircherus*, & ex eo *Schottus*, *Magia Nat. Tomo II, pag. 117.*

317.

Instrumenta, quorum ope clamores ad loca magis diffusa proferre homo potest, quam naturaliter liceret, vocantur *tubæ Stentoreæ*, aut *tubi Stentoreophonici*. Talium tubarum, ex materia elastica confectarum, quarum orificio superiori os clamantis commodè potest inseri, altera vero apertura est amplior, labiorum instar reflexa, prima in-  
ventio

ventio debetur *Sam. Morlando*, Equiti Anglo, qui phaenomeni huius, diu animo ante agitati, primum experimentum dedit anno 1670. vid. *Sturmii Colleg. Cur. P. II, p. 143*; & *Journ. des Sav. 1672, p. 16*. Quamvis enim *I. B. Porta*, *Mag. nat. lib. XVI, cap. 13*; *Kircherus*, in *Musurgia*, protulisse iam dicantur similia instrumenta: hæc tamen intelligenda sunt de solis rubis cylindricis, qui aliquem quidem, magnum vero effectum in augendo sono non edunt, quibus etiam in templis bassus cantum augere solebant, circa annum iam 1654; quod *Sturmius* imitatus est, *l. c. pag. 151*. Dicitur quoque *Alexander M.* tali usus cornu, quo milites dispersos ad intervallum 100 stadiorum sua voce congregare potuerit; sed hæc buccina erat, minime vero tuba Stentorea. vid. *Sturm, l. c.* & *Kircherus, Ars magna lucis & umbræ lib. II*.

318.

Quamvis autem de figura talis tubæ res nondum sit confecta, ob incompletam adhucdum soni cognitionem, cum is per tubos varii generis decurrit, & propellitur: aliquot tamen viri præclari in ea eruenda cum fama ac laude versati sunt. *Morlandus* quidem, experientiam hic maxime confutans, primam fecit ex vitro, altam  $2\frac{2}{3}$  ped. cum apertura inferiore 11 dig. alteram ex ære, longam  $4\frac{1}{2}$  ped. aperturæ 12 dig. cum  
valuu-

valvula coriacea, quæ voces facile transmittet, regredi autem non pateretur, quacum ad distantiam 2550 ped. Angl. distincte locutus est, vento contrario; tertiam longitudinis 21 ped. cum apertura 2 ped. Sed buccinæ vulgaris instar inflexam, & in compendium redactam, qua ad  $\frac{3}{4}$  mill. Germ. sonum protulit distinctum.

319.

*Cassegrain* anno 1672 sequenti modo figuram hanc absolvere conatus est, ut caperet  
 Fig. in recta CF, assumpta pro axe futuræ tubæ,  
 109. partes CD, DE, EF, respectivæ 8, 16, 32, partium æqualium, & erectis perpendiculis CB, DH, EI, FK, tribueret partes easdem 8, 4, 2, 1; obtentis ita punctis B, H, I, K, hinc & inde curvam lineam libero manus ductu delineari iussit, ut habeatur curvitas tubæ integræ ABKG, circa axem CF rotandæ, cui deinde superne apud F commodum epistomium inseritur. Huc enim reducitur prolixa methodi huius descriptio: vid. *Dictionnaire de Math. & de Phys.* Tomo II, pag. 315, & conf. cum *Sturmii Coll. Cur. l. c.* Sed facile ostenditur, hanc curvam KIH B hac lege nullam aliam esse, quam Hyperbolam æquilateram ad suas asymptotas relatam, quod breviter sic demonstro. Producat axis FC in R, ut sit etiam  $CR = 8 = CD$ ; atque tum erit, per constructionem,  
 RC

$RC \times CB = 8.8 = 64$ ;  $RD \times DH = 16.4 = 64$ ;  $RE \times EI = 32.2 = 64$ , &c. unde cuiuslibet abscissæ veluti RE, & semiapplicatæ respondentis EI, rectangulum erit constans, quæ proprietas soli Hyperbolæ conuenit, cuius R est centrum, recta RF vna asymptotorum, & huic perpendicularis MRE altera, facientes rectum angulum apud R. Verum, cum peruiideri nequeat, ex quam ratione Physica hic interesse debeat Hyperbola; nec quicquam aliud alleget *Cassegrain*, quam campanarum fusores, optantes campanam octaua grauiorem, prioris capere diametrum duplam; (295.) euidens quidem est, tubæ huius sonum debere fieri grauiorem, nihil vero in constructione adest, quod ostendat, eundem simul etiam futurum esse intensiorem & fortiolem; unde negotii & operæ plus illarum est ex hac operatione rei propositæ, quam emolumentum.

## 320.

Meliori itaque consilio opus hoc aggressus est *Hafius*, in *Dissert.* quæ Lipsiæ prodiit anno 1719. Suadet hic multo cum maiori fundamento tribuere tubæ Stentoreæ cameram primo ellipticam circa axem AM rotatam ABCED, cuius foci sint in F & f, ille prope os loquentis, hic in ipso angustiori foramine CE, hianti in tubum inferiorem parabolicum CFGEHI, in ima sui parte

P. III. Bb Fig. 110. extror-

extrorsum aliquantum reflexum, cuius focus communis sit ille prior idem *f.* Ita enim fiet, ut radii sonori, apud *F* cameram ingressi, ad parietes ipsius reflectantur omnes & colligantur in alterum focus *f*, ex natura ellipseos; (315.) hinc nova reflexione peracta ad latera parabolæ, ex huius natura egredientur omnes inter se paralleli, atque sic ad magnam distantiam, eadem fere intensitate, promouebuntur. Hanc *duplicem* vocat tubam auctor; si vero *simplici* quis voluerit esse contentus, omissa camera elliptica adhibeat solum tubum parabolicum, quod etiam *Gravensandio* placuit, *Phys. Elem. Math. Tomo II, pag. 650.*

321.

Inuenio autem, ad effectus hucusque descriptos varias aduocandas esse causas. *Prima* est *Conservatio* soni per parietes tubæ, quibus retinetur ut ne ab ore in sphaeram statim integram diffundatur, adeoque valde debilitetur; (299.) quamobrem is, qui aurem ad alteram tubæ extremitatem admouet, sonum vehementiorem etiam sentit, quam si ex ipso clamantis ore eundem excepisset, quia in hanc solam plagam integer propellitur. (314.) *Secundo* adest magnum talis soni incrementum *Reflexio*, qua fit, ut in tubo etiam cylindrico sonus per *A* immissus & recta progrediatur per axem *AB*, sed simul etiam ad latera elastica per *AC*, *AD*, impingat, tum refle-



reflectatur per CE, DE, ad modum radiorum lucis, quod in tota peripheria circuli circa diametrum CD circumducti accidit, unde hic reflexus cum directo in E coniunctus, vnitus, & aggregatus, iam fortior est in E, & similiter per EF, EG, denuo adaugetur, vt maiorem iam teneat intensitatem in H, atque sic porro. Quæ intensitas eo magis increfcer in tuba diuergente, in qua maior semper maiorque aëris moles in motum conciratur ab hac reflexione, unde oritur vt sonus totalis valde intensus ex orificio B prodcat, atque sic in aërem liberum emitatur tandem, ac si plures simul clamores suos coniunxissent. Fluit ex hoc, fortior rem esse tubam, quæ est longior; & sonum ea exire grauem, obrusum, & horrifonum, quia magnum aëris volumen ita commotum vibrationes suas tardius iam edit, quam si ex ore solo profluxisset. *Tertio* consideranda est totius aëris intra tubam contenti *Compressio*, directe, & per reflexionem, facta. Constat enim ab experimento *Hauksbee*, *Cours de Phys. Exper. par Desaguliers*, Tomo II, p. m. 450, campanulam in aëre duplo, triplo, plus condensato sonantem ad duplo & triplo etiam maiorem distantiam audiri. Quæ compressio igitur cum a forti, & cum impetu immisso, aëre necessario aliquantum hunc debeat comprimere: longius deinde sonus propagatur, unde pu-

to valde approbandas esse eiusmodi tubas inflexas, & præcipue cameram ellipticam *Hasianam*. (320.) Accedit denique in tubis parabolicis *Directio* per radios sonoros parallelos, quibus adhuc denuo horum separationi, quantum fieri potest, resistimus in libero aëre.

322.

Omnes autem hæ cautelæ nunquam tamen permittent, ut perfecta talis tuba elaboretur, aut, ut radii sonori plane non separentur; fieri enim nequit ut propiores, ac intermedii, adstantes nihil soni prodeuntis percipiant, quantumvis agyræ fallaces & imperiti promittere hoc audeant. Deinde quoniam, uti modo dictum est, voces tubæ emissæ tardius per aërem prouoluuntur: syllabæ etiam lente pronunciandæ sunt, ut in loco ad quem distincte intelligantur; maximoque clamore, quantum cuius per vires licet, eæ sunt tubæ quasi intrudendæ, ut sono maxima possibilis intensitas naturalis, adiuuanda dein instrumento, concilietur. Vsu denique non carent tubæ Stentoreæ, & quidem egregio, terra marique. Ita enim in tempestatibus, procellis, tenebris nocturnis, nauigia ad vocis ordinariæ interuallum appropinquare tum non ausa, mutuo se consilio iuuant; in eadem naue remiges & nauæ mandatis reguntur; præfectus classis ad  
spar-

sparsas naues commode sua mandata emit-  
tit ; vnde etiam hodie omnes fere naues,  
præsertim Anglicæ ac Russicæ, hisce tubis,  
mediocribus saltim, instruuntur. Vt præter-  
eam reliquos vsus in obsidionibus, pugnis, va-  
riis vitæ necessitatibus, hunc solum adiiciam,  
posse eos quoque sonos, quos inermi aure  
percipere ob distantiam vix valemus, admo-  
to ad orificium angustius sensorio, facile ac  
distincte intelligi; quales minores tubæ acu-  
sticæ, surdastris eximie inferuientes, data  
quoque opera ab artificibus construi solent.

## 323.

Auris partes præcipuæ, per *Aurem*, *artifi-*  
*cialem* dictam, optime demonstrandæ, sunt  
sequentes. Exterior eius *substantia cartilagi-*  
*nosa* est & elastica, vt eo facilius ab aëre  
tremulo in similes concitetur vibrationes,  
sed membranis obducta, ne sonis peregri-  
nus clangor quidam aspergatur; his omni-  
bus aër tremulus, in parula auris parte col-  
lectus, deducitur in *concham*, in cuius fun-  
do incipit *meatus auditorius*, ellipticæ cauita-  
tis, aream habentis totius externæ auris re-  
spectu vti 1 ad 50, vnde intensitas soni au-  
rem ingredientis quinquagesies maior est  
quam in aëre naturali. Hunc serpentino  
ductu progredientem excipit *tympanum*, ob-  
lique positum ad illum, ne sonus hoc nimis  
violenter feriat, vt ne a sonis vehementio-

## 388 CAP. VI DE MOTU AERIS,

ribus membrana tympani rumpatur, quo actum esset de auditu; sequitur interior *cavitas tympani*, in qua iacent tria ossicula, *malleus*, *stapes*, & *incus*, dicta, quæ musculis suis partim *membranam tympani* tendunt, remittunt, conuexiorem aut planiorem reddunt, partim idem efficiunt cum *membrana fenestra ovalis*, quæ labyrinthi initium occludit, ut aer utrobique contentus harmonice cum sono, utramque membranam afficiente, contremiscat. In hanc eandem cavitationem tympani hiat quoque *tuba Eustachiana*, per quam aer liber ex ore intrat in cavitationem tympani, ut aer hic contentus eiusdem semper sit elasticitatis cum aëre ordinario, quem ore haurimus, adeoque aer tympani accipiat a sono eundem motum tremulum, quem habet externus extra aurem. Huius auxilio igitur per os apertum quoque audire sonum propinquum valemus. Hic ergo motus tremulus porro communicatur cum *labyrintho*, per quem denuo auctus pertingit tandem in *neruum auditorium*, qui leniter stimulatus eundem perfert ad cerebrum. Mechanismo igitur sequente auditus peragitur. Sonus in aëre externo excitatus allabitur ad planiciem auris, ingreditur intensior redditus concham, & meatum auditorium, concutiens ita membranam tympani; hac tremente aer, qui est in cavitate tympani, ad vadas sonoras pariter

riter redigitur, quæ ferunt membranam fenestram oualis, cuius ictibus aër in labyrintho inclusus, ad motum concitatus, ad nervum auditorium deferitur, efficitque ut anima, huius iam motus conscia, de sono externo iudicare possit.

324.

Considerandum itaque nunc adhuc venit meteorum illud unicum, quod aëri debetur, atque *Ventus* dicitur. *Terræ enim motus*, pro secundo aëris meteorolo olim habiti, rectius hodie pertractantur in Historia naturali, quæ intra terræ globum comprehensa inuestigat. Veteres ventum definiebant per meteorum aëreum, genitum ab exhalatione calida & sicca, cui vapores sint mixti, quæ euecta sit virtute astrorum, & lateraliter mota. Hanc venti essentiam stabilire conati sunt ab experimento æolipylarum, quod *Cartesius* etiam adhuc approbavit sua explicatione, sed nimis generale est, quam ut quicquam ex eo possit deduci. (P. I, 379, 380.) *Keplerus*, qui terram magnum quod animal esse putabat, ventos etiam ministerio pulmonum ab ea efflari credidit, sicuti a reliquis animalibus, *Harmonic. lib. IV, cap. 7*. Optime vero hodie definitur per fluxum, aut flumen, aëris; per motum sensibilem aëris & vaporum in eo contentorum; non enim aliter differt ven-

rus ab aëre stagnante, ac fluuius ex lacu egrediens ab ipso illo lacu. (288.)

325.

Causa ventorum generalis est, quicquid æquilibrium aëris stagnantis tollit, veluti omnis aqua in eum locum affluit, in quo pressio contraria æquipollens rumpitur. Ita, si in antlia pneumatica, clauso epistomio, embolus intrudatur, & aër compressus feruetur, donec epistomium referetur: hic commissus externo naturali, minus elastico, motus efficiet, & res leues, ipsi occurrentes, plumam suspensam ex. gr. veri venti instar commouebit. Idem accidet, si aër, campana exhaustus antea, intra hanc iterum admittatur. Destruitur autem in aëre æquilibrium *primo*, a Sole, eiusque vel calore, vel vi attractiua, quorsum Luna etiam referenda est; cum enim vtrumque hoc astrum aquas oceani attrahendo moueat, atque æstus marinos cieat, cur non efficere valeat idem hoc in aëre, fluido multum subtiliori, vti *Cardanus* hoc agnouit, *de rer. var.* I, 8; ita vt hanc vnicam ventorum causam assumferit *Clariss. D' Alembert*, in Dissertat. quæ præmium Academiæ Scient. Bero-  
linensis anno 1746 nacta est, *Reflexions sur la cause generale des vents*. *Secundo* vapores copiosi in aëre alicubi collecti aërem ibi den-  
torem reddunt, vt cum vicino quietem  
rum-

erumpat; hinc maxime ordinarium est, ut ab oceano venti profluant ad terras continentes, unde frequentissimus apud nos est Fauonius; atque hæc causa præcipue locum habet, ubi vapores fermentationem in aëre excitant, quod in grauioribus tempestatibus fieri assolet, ex quo accidit, ut venti subsultim, & iterato impetu, ex redeunte eruptione efferuescentiæ, prorumpant; notante *Nollet* l. c. pag. 491. Occulta vero efferuescentia in aëre excitatur experimento sequenti: capiantur duo calices aperti, in quorum vno sit spiritus salis Ammoniaci, in altero autem spiritus nitri; vtrumque hunc iuxta se ponendo, obseruabitur tenuis quædam nubecula in aëre ibi, ubi exhalationes vtriusque huius spiritus sibi commiscuntur, atque ibidem etiam, teste Thermometro, sensibilis calor exorietur. Idem accidit cum vapores subterranei erumpunt, quod metalli fossoribus aliquando accidit. *Tertio*, cum subito descendunt nubes per insigne spatium, ex quo ventus spirans oritur. *Quarto*, cum folia arboribus immensa copia decidunt, & in putredinem abeunt, quod auctumno fit, ex qua putrefactione ingens aëris multitudo, carceribus suis liberata, in atmosphæram transit, atque hanc accumulatur; vid. *Celeberr. Nollet Leçons de Phys. Exp. T. III, pag. 493*, aut cum tempore verno contrarium huius accidit. Qui etiam quinto venti erumpunt

## 392 CAP. VI. DE MOTU AERIS,

variis in locis ex terræ visceribus, montibus, qui *Aeolæ* dicuntur, qualem in Italia sinum describit *Kircherus* in *Mundi subterr. Lib. II*; immo per maria venti quandoque assurgunt; de quibus vid. *Celeb. Musschenbrækius, Institut. Phys. pag. 735*. Ventus ergo excitari potest particularis versus quemcunque locum propinquum machinæ ope, si nimirum per cavitatem aliquam ampliorem aqua continuo affluens descendat, aut intra eam ventilabrum circumrotetur, ut aer commoveatur, quo facto per tubum graciliorem, qui in cavitatem hiat alicubi, aer motus deducetur ad locum quemvis, quo artificio per aquas in officina ferraria Italica prunæ continuo quasi folle excitantur, vid. *Journ. des Sav. tome I, p. 366*. Referri huc etiam debet ventilator *Halesii*, aptus ad purificandum aërem, de quo vid. *Dict. de Mathem. & de Phys.* Prognostica ventorum magno numero leguntur apud *Franc. Baconum de Verulamio, in Historia Ventorum.*

326.

Diuisio ventorum prima ad Geographiam spectat, qua nempe alii sunt *cardinales*, alii *collaterales*, plagarum respectu, ex quibus ad nos veniunt. Philosophi quidam apud *Aristotelem, Meteor. cap. 13*, hoc respectu vnicum tantum ventum admittebant, insanè certe



certe ratione, quia ventus tantum sit aër motus. *Iberialces* apud *Strabonem* duos tantum recipiebat, sibi oppositos, Boream & Notum. Poëtae Græci & Latini quatuor appellant, Austrum, Eurus, Aquilonem, & Fauonium. *Andronicus* apud *Strabonem* in turri octogona octo ventos disposuerat. *Plinius*, lib. II, cap. 47, & *Seneca*, *Quest. nat.* lib. V, duodecim recipiunt. *Vitruuius* habet viginti quatuor; hodierni nautæ triginta duos, atque etiam plures. In *Physicis* autem *Cardinales* quatuor appellationem *Vitruuianam* *Architect.* Lib. I, cap. 6, merito retinent, quam & *Athenienses* olim secuti sunt, vid. *Varen. Geograph.* lib. I, cap. 20, ut ille, qui prodit ex meridie, vocetur *Auster*; qui ex plaga opposita, *Septentrio*; qui ab ortu solis æquinoctiali, *Solanus*; & qui ab occasu solis æquinoctiali, *Fauonius* dicatur; deinde qui inter hos sunt *Collaterales*, secundum eundem auctorem, NO *Aquilo*, SO *Eurus*, SW *Africus*, & NW *Caurus*, appellentur.

327.

Veteribus quoque familiaris erat distributio ventorum in *Statos*, & *non Statos*; illos, vel anniuersarios, vocabant, qui quotannis semel, certo aliquo tempore, spirarent, veluti *Ornithiæ*; *Chelidoniæ*; *Rhodonæ*, qui sentirentur cum rosæ florent; *Etesiæ*, qui singulis annis in diebus canicularibus spirarent,

rarent, ac ardores solis lenirent; & horum quidem causam, utpote aquilonarium, *Aristoteles* & *Theophrastus* a liquatione niuium & glaciei sub ultimo septentrione, & spiritu niuali in altum sublato, reperierunt. vid. *Phys. Gotb.* p. 321; *Magirus*, pag. 307. Vocantur aliqui etiam *Prouinciales*, qui proprii sunt soli cuidam prouinciæ, ob montes, a quibus reliqui venti arcentur, aut ob angustiam regionis, neque proin se late diffundunt.

328.

Sed magis notanda venit distinctio ventorum a recentioribus peregrinatoribus detecta, ex qua venti per totum orbem terrarum sunt vel I, *Generalis*, vel II, *Periodici*, vel III. *Variabiles*. *Ventus generalis* & *constans*, *Passat-Wind*, per totum annum deprehenditur in zonæ torridæ maribus, flans per oceanos. *Aethiopicum*, *Atlanticum*, *Pacificum*, & *Indicum*, eadem semper celeritate; cuius causa vnica est Sol. Sit enim hic in puncto aliquo æquatoris, atque exinde atmosphæram sibi subiectam calefaciet, vimque elasticam aëris imminuet, ut frigidior aër ex parte boreali tam, quam ex australi, in hoc æquatoris punctum irruat; sed interea sol progreditur, & tractum aliquem longiorem calefacti aëris in hoc efficit Fauonium versus extensum, qui pariter minus elasticus est, & a solano se insequente premitur; ex quo  
man-

manifestum est, aërem in hemisphærio boreali vrgeri a duabus plagis, septentrione nimirum & solano, vnde ex compositione motus, (P. I, 106.) ventus orietur perpetuus Aquilo; & ex pari ratione in hemisphærio australi constans Eurus; quod ipsum observationes perpetuæ docent, nisi quod circa litora terrarum continentium paucae quaedam anomaliae dentur; & sub æquatore ipso idem hic ventus generalis fit solanus ipse. Talis anomalia memorabilis existit circa litora Guineæ in Africa, circa quæ ventus generalis, qui Aquilo ad solanum accedens esse deberet, reuera est Africus. Oritur hoc forte ex solo Guineæ arenoso admodum, vehementer a sole æstuante, & diu æstum conseruante, ad quem idcirco locum minus resistentem aër circumiacens impellitur. Interim tamen hinc efficitur, ut duo hi venti sibi directe contrarii æquilibrium aëris aliquod producant in amplo spatio inter Guineam & Americam interiecto, latitudinis borealis a quarto ad decimum gradum extensæ, eiusdemque meridiani cum Insulis Hesperidum. In hoc spatio dominantur fulmina, imbres, procellæ, malaciae, se subito excipientia, flantibus sæpe ventis directionum omnis generis; id quod ex fundo huius oceani, magnam copiam materiae fulminis eructantis, proficisci debet.

Ex his igitur palam fit, ventum generalem minime oriri a motu terræ vertiginis, qui atmosphæram aliquanto post se relinquar, veluti nonnullis visum fuit. Nam terra atmosphæram non post se relinquit in toto motu suo annuo, cur igitur hoc faceret in motu diurno? deinde ventus generalis, vti vidimus, non est Solanus, sed Aquilo vel Eurus, quorum directio mutatur aliquantum pro vario solis in Ecliptica loco; porro ventus generalis percurrit, in minuto secundo pedes 8 vel 10; punctum æquatoris autem in eodem tempore 1427 pedes Paris. (P. I, 79.) Si denique hoc ita se haberet, tum vbiuis terrarum, in omnibus montium excelsorum cacuminibus, solanus perpetuus spiraret, quod contra omnem est experientiam. Efficitur etiam ab hoc vento generali, vt nautæ, Indiam Orientalem ex Europa petentes, multum euagari debeant, discedendo ad Tropicum Capricorni vsque, vt quantum fieri potest, hunc ventum effugiant; reuertentes vero in Europam multum ab eo promoueantur. Tum etiam illi, qui ex Acapulco ad insulas Philippinas nauigant, iter hoc 1500 mill. German. sine vlla velorum mutatione 90 dierum tempore tranquille absoluunt, regredientes vero longos anfractus, extra zonam torridam

dam, septentrionem versus, quærere & ventum generalem euitare debent.

330.

*Periodici* venti deprehenduntur in solo Oceano Indico, ut hic denuo videas, quantum insulæ crebræ interiectæ venti generalis œconomiam turbare possint; in Oceano quippe Pacifico, nullis terris distincto, inuarius hic leges suas, & solis viam, sequitur, uti etiam in Oceani Indici parte australiori, ab insulis remota. Hi igitur vocantur etiam *Anniuersarii*, Belgice *Moussons*, *Motiones*, qui hunc in modum periodos suas consuetas absolunt. Ab Aprili ad finem Septembris usque, per sex menses, inter Sumatram & Madagascarem perpetuus spirat lenis *Eurus*; reliquis autem sex mensibus directe contrarius *Caurus*. Similiter deinde alternant inter Malabariam & sinum Persicum *Africus* impetuosus & pluuus, deinde directe contrarius *Aquilo*, lenis & serenus; inter Zanguebariæ litora & Madagascarem *Fauonius*, & non directe contrarius *Eurus*; prope Siam, Malaccam, & litora Chinensia, *Africus* atque iterum directe contrarius *Aquilo*. Quotiescunque inuertuntur hæ *Motiones*, aer in nonnullis locis quietus persistit, nescius quasi quorsum se inclinet; sed in aliis locis desinunt venti summa cum furore, & subito plagam oppositam occupant. Horum ventorum

totum periodicorum causa nondum extra omne dubium posita est; videntur autem pendere a montibus, eorumque exhalationibus, quas statis temporibus expirant, tum etiam a resoluta niue.

## 331.

*Variabiles* tandem venti sine omni cognita sunt lege, sed reliquas zonas peragrant cum mira, necdum ab ullo comprehensa, variatione & directionis, & celeritatis, & durationis; præcipue qui inferius in atmosphaera observantur tanta laborant inconstantia ob montes, silvas, ædificia, & reliquas circumstantias, ut nihil certi unquam ex illis deduci queat, quare, suadente *Halleio*, semper considerandi sunt superiores, qui in hæc particularia non ita incurrunt. Causas agnoscunt hi venti omnes illas, atque plures adhuc, quas supra (325.) allegauimus. Nos hic Tubingæ in valle satis patente ad fluuium Nicrum siti sumus, circumdati in vicinia montibus mediocribus, qui hiatus satis angustos habent versus plagas NW; SW; S; O; sed in distantia  $\frac{1}{2}$  circiter mill. German. versus N iugum montium præaltum, ad Stuttgardiam usque extensum, & silvæ densæ, nobis imminet quasi, quæ a *pulchris fagis* nomen acceperunt; deinde versus W ad 3 mill. Germ. nos includit ille montium & silvarum tractus altissimus, qui *Silua nigra* dicitur;

dicitur; ad S denique nos deñus obuallat, in distantia  $1\frac{1}{2}$  mill. iugum montium versus O recta exporrectum, quod *Alpes Suevicas* vocamus; vt itaque sola plaga orientalis, quantum angustus vallis hiatus permittit, nobis liberior sit relictus. In his itaque vrbis nostræ circumstantiis expertus sum, ex numero annorum nouem medios arithmeticos capiendo, spirare apud nos quolibet anno

	dies		dies
Fauonium	— 61.	Aquilonem	— 15.
Solanum	— 60.	Caurum	— 11.
Africum	— 26.	Austrum	— 11.
Septentrionem	20.	Eurum	— 6.

qui faciunt simul 210 dies ventosos, vt liberi a ventis sint 155 dies.

332.

Vt de celeritate ventorum iudicare etiam aliquantum possimus, ex captis in Anglia obseruationibus constitit procellam impetuosissimam anno 1705, mense Augusto, percurrisse in quolibet minuto secundo pedes Lond. 66; aliam magis adhuc furibundam 81; quod quidem experimentum instituitur plumam permittendo violentiæ venti, & spatium mensurando, quod illa abrepta in tempore aliquo cognito percurrit. Sed huic scopo exactius obtinendo inseruit peculiare instrumentum, sub *Anemometri* nomine cognitum;

gnitum , qualia iam inuenerunt *Huetius*, *Journ. des Savans* 1722, pag. 175; *Perill. L. B. De Wolff*, *Ærom.* §. 182 ; atque alii , quos videre licet in *Diction. de Math. & de Phys.* Meam methodum definiendi numerum pedum a vento absolutorum exposui in *Comment. Acad. Petropol. Tomo IX*, pag. 352.

## 333.

*Follis* vulgare instrumentum est , sed per-  
vile tamen , quo ventum quaquaversum  
emittere possumus. Constant illi plerum-  
que duobus planis ligneis , corio sibi ita  
combinatis vt diduci & comprimi possint,  
adeoque aër inclusus ad exeundum per an-  
gustum tubulum cogi ; accipiunt aërem si  
aperiantur, reddunt iterum, sub venti for-  
ma , si complicantur. Quamvis enim li-  
gnum facile aërem transmittat : (P. I, 382.)  
fit tamen celeritate compressionis, vt aër, qui  
tempore aliquo opus haberet ad lignum pene-  
trandum, multo citius per foramen apertum  
tubi, nullo impeditum obstaculo, effluat, at-  
que per idem hoc quoque multo celerius  
interiora, diductione ab aëre euacuata, oc-  
cupet, quam fieri illud per lignum possit  
non absque mora. Ventum igneum effice-  
re artificio supra (P. I, 380.) docuimus. Omne  
incendium paullo extensum semper comi-  
tem habet ventum vehementem, ob vim  
elasticam aëris ab igne imminutam, (325.)  
&



& hinc aërem externum densiorem huc vi sua irruentem, quod testatur etiam *Verulamius*, *Historia ventorum*; & *Frid. Hoffmannus*, in *Observat. Barometricis*, *Operum Tomo V*, pag. 19. Arbores multo difficilius sternuntur a vento rapido tempore hiemali quam æstiuo, quoniam hoc durante foliis indutæ sunt, atque adeo plus aëris moti recipiunt. Denique qualitas ventorum accedit ipsis ex illis locis, per quæ spirant; hinc Favonii frigent apud nos, quamdiu niues tempore verno in silva nigra nondum diffugerunt; sed hument simul, quoniam ex maribus ad nos adueniunt.

334.

Utilitates tandem venti habent vix enumerandas. Aërem a putredine liberum servant, eundemque inquinatum purgant ab omnibus exhalationibus noxiis, nostris propriis etiam, & materiam fulmineam dissipant, æstusque solis in æstate sæpius intolerabiles leniunt ac temperant. Vapores transferunt ex vno loco in alium, atque sic tellurem exæstuantem irrigant; calorem etiam hieme terris disitis frigidioribus aduehunt, semina variarum plantarum circumferunt, atque in altissima recta disiciunt, ubi paulum quid terræ nacta illa læte germinant. Vix potest exprimi quantum debeamus ventis in navigatione, in molis alatis, atque aliis machinis, quæ ab illorum vi commo-

Cc 2

ventur.

ventur. Homines refrigerium sibi procurant flabellis; fabri ferrarii augmentum ignibus suis follibus; agricola fruges purgat a stipulis leuioribus & puluere vanno, quam ex Germania Galliae illatam primum esse dicit sua ætate *Celeberr. Nollet, l. c. pag. 501*; quanquam alias *Virgilius, Georg. I, 166*, mysticæ vanni iam faciat mentionem, quæ, ut interpretes in notis addunt, est vas vimineum latum, in quod rustici congerere frugum primitias solebant, & Libero sacrum facere, unde mystica dicebatur.

## CAP. VII.

## DE ELECTRICITATE.

335.

**A**ntiquitus cognita iam fuit proprietas electri, quod succinum, aut ambra citrina, hodie vocatur, qua, cum fricatur illud, paleas, festucas, atque alias res leuissimas, ad se trahit atque allicit, aliquandiuque retinet. Recentioris ævi Philosophis hæc indoles denuo, & cum cura seculo nostro digna, examinata non vera solum, sed aliis porro haud minus mirandis phænomenis comitata, deprehensa est, quæ omnia simul sumta corporis alicuius *Electricitas* vocantur, seruatō nomine ab antiquis ad nos deriuato. Est igitur hodie *Electricitas* corporum

porum quorundam ea proprietas, qua attritu, molli vel valido, perfricata, vel a sole aut alio igne calefacta, aut etiam percussa & icta, vim acquirunt cum omnibus corporibus non electricis communicandam, res varias leuiusculas ad distantiam aliquot pollicum attrahendi & repellendi, deinde etiam in tenebris lucendi, interdum etiam scintillas eiiciendi, atque inflammandi, hasque virtutes longissime propagandi. Quas proprietates singulas totidem demonstrabimus experimentis.

## 336.

Notari autem præcipue hic debet, corpora omnia diuidi dupliciter hoc respectu. Sunt enim quædam *Electrica per se*, *Idioëlectrica*, aut *Electrica proprie sic dicta*, quæ per frictionem & calorem electricitatem acquirunt. Talia maxime cognita hodie sunt, succinum modo memoratum, quod omnia corpuscula exigua & leuia, fumum quoque, allicit, sibi que adiungit, excepta sola flamma; Gemmæ, adamas præsertim, & rudis magis quibusdam electricus visus est quam politus; CrySTALLUS; Resinæ; Sulphur; Alumen; maxime autem Vitra, quorum alba quædam egregia sunt, quædam vero non, colorata minus generosa obseruantur, ob admixtas metallorum calces; illa, quibus multum inest salis alcalini, celerrime humorem

ex aëre attrahunt, (P. I, 242.) & hinc parum valent; vid. *Celeb. Waitzius, von der Electricitet*, pag. 9; porro Porcellana; Pix; Resina Colophonia; Cera signatoria; Animalia viua pilosa & plumosa, vti feles, canes, aues; denique etiam sericum nigrum, aut cæruleum. Pro corpore autem electrico habendum est tale, quod in aliqua distantia, non immediato contactu, attractionem exerceat; in hoc enim adhærent quandoque puluisculi quidam agglutinati, ob scabritiem, corporibus reuera non electricis. Sunt deinde reliqua omnia non Electrica per se, sed *Electrica per Communicationem, Symperielectrica*, vel *Electrisanda*, quæ nempe electricitatem non acquirunt dum fricantur, sed eam recipiunt a solo propiori alio corpore per frictionem & calorem ad electricitatem perducto; qualia sunt Animalia glabra, Metalla, semimetalla, candefacta etiam, Terræ, Pulueres, qui ob paruitatem fricari nequeunt, tum illa corpora, quæ aliquantum calefacta mollescunt; omnia fluida, & humentia, vel madefacta. Sæpius difficile est determinatu, quænam corpora per se sint electrica, quænam non; silet enim aliquando electricitas, quæ alio tempore, ac alia tempestate, luculenter se prodit. Ita ex. gr. obseruatum est a *Celeb. Du Fay*, magnetem non nisi fricatum & calefactum simul signa electricitatis edere. Quo sæpius tentatum fuit

fuit corpus aliquod ad electricitatem edendam, eo etiam celerius eandem rursus ostendit, quasi habitu acquisito, quem iterum perdit, si diu otiosum iacuerit, observantibus *Mus-schenbrækio*, *Bosio*, *Nolletto*.

337.

*Primo* igitur, cum in tradita definitione corpus perfricari debeat, aut calefieri: de frictionis & calefactionis hic instituendæ modo & *Mechanismo* erit agendum. Quod si igitur corpus aliquod per se sit examinandum, illud libera manu ad papyrum aut pannum laneum, fricatur, ac attenditur, num leuiuscula alliciat, nec ne. Si vero, quod frequentius usu venit, corpori non electrico electricitas sit concilianda, hoc est, corpus electrificandum: tum plerumque adhibetur vitrum. Quod ut prius ipsum electrificetur, plurimi hodiernum adhuc optimum esse putant, si hic quoque attritus libera fiat manu, & capiatur tubus vitreus, albissimus, apertus vel clausus vbicunque, longus 20 vel 30 pollices, diametri 2 poll. ut tantum sinistro pugno commode sua extremitate teneri queat; nihil enim porro huc facit amplitudo tubi, crassities autem limbi sit  $\frac{1}{4}$  vel  $\frac{1}{8}$  poll. Tum is charta pura, aut panno laneo, desuper fricetur fortiter, ita tamen ut desinat frictio, cum manus fricans descendendo ad manum tenentem pervenit, quod tamen non perpetuo requiritur; hoc-

que sæpius repetatur. Tum tubus hic valde fit electricus, attrahens aliquando ad 12 & plures poll. egregiamque electricitatem communicans cum corporibus quibuscunque symperielectricis, cuius phænomena legere licet in *notis*, a *Celeberr. Musschenbræ-  
kio Experimentis Academia del Cimento adie-  
ctis*, pag. 83, aut in *Celeberr. Desagulierii Cours  
de Phys. Experimentale*, Tomo II, *Lect. X*, pag.  
380, in Dissertatione hic inserta, qua Do-  
ctiss. hic Auctor præmium Academiæ Bur-  
digalensis de electricitate reportavit. Si  
modo tubus hic sit mundissimus in tota sua  
superficie interna & externa, ficcus, læui-  
gatus, & si opus fuerit, spiritu vini ante  
elotus & probe exsiccatus. Sunt vero quæ-  
dam corpora, quæ a radiis solis calefacta  
vim, perexiguam quidem, ostendunt teste  
*Boyleo*, de *atmosph. corporum* pag. 9; alia ca-  
lidiora ouo incubato non fiunt electrica si  
terantur, frigida tamen sunt valida, veluti  
resinæ vegetabiles, terrestres, & sulphura;  
alia e contrario vehementer debent incalc-  
scere, vt succedente frictione aliquam ac-  
cipiant electricitatem, veluti lignum Gua-  
iaci, buxus, ebur, ossa, cornua, balænæ,  
conchæ, corium, pergamenum, lapides,  
marmor, in quibus frigentibus nihil virtū-  
tis potest excitari, forsân quia in hoc statu  
aliquantum madent, & prius calore perfe-  
cte sunt exsiccanda. Ita etiam calamus an-  
feri-

serinus., per duas horas calidæ fornaci impositus, deinde vehementer ac diu perfrictus panno laneo, fistula sua pilum crispum arripuit, obseruante *Schillingio*, *Miscellan. Berolin. anno 1727, pag. 334.* Alia etiam malleo percussa, & icta, vim adipiscuntur, vti lacrymæ vitreæ incudi impositæ, & aliquoties concussæ; tum & placentæ sulphuræ, & cera signatoria; *Celeberr. Kratzenstein, Theoria Electr. §. 13.*

## 338.

Porro deinde alii fuerunt artifices, qui, vt laborem haud exiguum prioris frictionis brachio dextro ferendum, imminuerent, machinas versatorias & tornatorias construxerunt, & corpus in quo excitanda est electricitas, tam per se, quam ad communicationem, celerrime circumrotant, vt aliquantum etiam incalescat, vti Thermometri admoti ope cognosci potest. Fit hoc machinæ ope, per duas rotas, vnâ maiorem, alteram minorem, funis ductarii auxilio combinatas, quarum illa ab homine robusto vertenda est, vt ad minimum in vnico horæ minuto 120 gyrationes absoluat, & minoris ea magnitudo assumenda est, vt hæc ex. gr. absoluta gyratione vnica illius absoluat nouem; quo facto hæc minor rota, vel axis, simul cum corpore examinando, quod eidem axi iunctum est, tempore vnus mi-

nuti primi conuersionibus 1080 circumage-  
tur. Cum itaque hoc mechanismo corpus  
fricandum celerrime rotetur : frictio obti-  
netur admouendo ipsi leniter volam manus  
probe exsiccatae , aut pannum laneum , aut  
puluerinum ex corio vitulino pilis equinis ex-  
coctis , vel plumis subalaribus auium , reple-  
tum , ipsi machinae affixum , & vitro me-  
diocriter appressum , postquam manui , aut  
huic , terrae Tripolitanæ subtiliter pulueri-  
fatae , vel cretae siccissimae rasae , vel amyli ,  
aliquid fuit superspersum. His ita ordina-  
tis vitrum bene fricabitur , & insignis ele-  
ctricitas orietur , cum aliis non electricis  
communicanda. Rursus alii cylindrum vi-  
treum , sulphureum , aut , quod melius exi-  
stimatur , sphaeram amplam vitream , dia-  
metri 6 ad 17 poll. aut porcellanam , aut  
globum alium idioelectricum , rotant ope  
plectri , vel arcus talis , quo pandurae fides  
moueri solent , qualem ego machinam præ-  
cipue adhibeo , descriptam a *Gordono* , *Ver-  
such einer Erklärung der Electr. pag. 14* ; vti  
præcedens machina descripta etiam est *l. c.*  
*pag. 6* ; nec non in *Kratzensteinii Theoria Electr.*  
*pag. 2*. Augetur autem electricitas in sym-  
perielectricis eo magis , quo ampliores sunt  
tubi & globi fricati ; quo celerius circum-  
ducuntur ; tum quando cum *Celeb. Bosio* ,  
atque aliis , plures globi & cylindri rotati  
adhibentur , quorum excitata electricitas si-  
mul



mul sumta communicatur cum aliquo corpore.

339.

Pro hisce autem pariter ac pro sequentibus variæ & circumspectæ adhibendæ sunt cautelæ. Corpus, cuius electricitas excitanda est, debet esse siccum, & calens paululum, nisi circumstantiæ aliud suadeant; fricandum illud est manu plane sicca & dura, minime sudante, vel etiam panno laneo, sicco, calente, villo, corio, linteo, charta, cotoneo, aliisque mollibus, nihil enim hic valent dura & polita; & signum talis rubi iam bene electrici est, si aliquantum incaluerit; tum iuxta ipsius longitudinem ad intervallum  $\frac{1}{4}$  poll. digitus perductus ab effluviis incurrentibus crepitationem excitet, aut in tenebris lucem spargat; scopæ sic promotæ idem debent efficere. Axem rotationis parallelum esse debere axi terræ, nusquam legi, nisi in *Journ. des Sav. d'Italie*, tomo I, pag. 290. Corpuscula attracta omnis sunt generis, veluti folia metallorum dissecta, arenæ, lignorum scobes, exsiccata folia, fila, plumæ, præsertim subalares avium, cineres, fumus candelæ, &c, dummodo imponentur patinæ vitreæ, porcellanæ, aut ferreæ stanno obductæ, aliquantum calentibus; aut si cum *Gilberto*, de *Magnete lib. II, cap. 2*, cuspidi acutæ, acus magneticæ instar, imposita æquilibrentur. Nec etiam succedunt

dunt experimenta electrica vlla, quoties tempestas fuerit humida, aut instituantur ea in loco humido, vel in magno spectatorum numero, immo minus feliciter perficiuntur apud nos hieme quam æstate, nisi tempestas valde sit sicca, serena, & frigida.

340.

*Secundo*, attendere debemus ad *Communicationem*, quæ primum observata fuit a Boyleo, vid. *Du Fay*, *Mem. de Paris*, 1733, pag. 31. Vidimus iam qua ratione excitari possit electricitas corporum electricorum per se, facile aut difficulter, prouti hæc sunt magis aut minus electrica; sed dictum simul est, in quibusdam corporibus electricitatem nullam vlllo cognito modo posse prouocari immediate. Circa hæc vnica methodus est ea electricificandi per communicationem (336.) Communicare autem electricitatem cum alio corpore nihil aliud est, quam illud circumfundere effluuiis electricis ab alio illuc deriuatis; quod fieri potest cum omnibus hucusque exploratis corporibus sine vlla exceptione, modo fuerint idioelectricis bene fricatis imposita, ex iis suspensa, aut alio modo cum illis connexa. Veluti cum laminæ nostræ machinæ imponuntur quævis corpora non electrica, nix, glacies, poma, flores, arundo Hispanica, mensa integra cum varietate ciborum & rerum multarum

tarum diuersissimarum, aut candelabrum cum candela accensa, in qua flamma nullam ab electricitate mutationem subit; aut, cum aquam in cochleari paruo inferius admotam coni instar eleuatam spectamus. Ita homo integer, ad idioëlectrica non referendus, tali atmosphæræ deriuatiuæ, non propriæ, potest quasi immergi, eaque circumdari, aut, vti hoc vocant, *electrifiari*, quæ corpora hinc dicuntur *electrica per communicationem*.

## 341.

Sunt igitur hæc electricis ipsis æquiparanda, quia in hoc statu posita quælibet obuia corpuscula leuia pariter alliciunt, repellunt, scintillas eiiciunt, non secus ac electrica per se talia. Notata interim per experientiam hæc est differentia, quod effluvia electrica multo facilius & copiosius communicentur cum corporibus non idioëlectricis, quam cum idioëlectricis ipsis; quo enim electrica per se sunt generosiora, eo minorem copiam in se recipiunt electricitatis affusæ. Hinc per communicationem pix, sulphur, cera signatoria, vitrum, fasciæ sericæ cœruleæ aut nigræ, nihil fere, aut parum admodum, electricitatis in se imbibunt, sed totum flumen atmosphæræ electricæ illibatum vltius dimittunt, vnde etiam hæ sericæ fasciæ, cum antecedentibus, opti-

optimum sunt sustentaculum illorum, quæ electricitate perfundere cupimus. Hinc etiam homo electrificandus aut incumbere debet eiusmodi fasciis, aut insistere placentæ piceæ, vel sulphuræ, aut etiam eiusmodi fasciis, ut ne vis electrica ab ipso ulterius propagetur, sed in ipso maneat coercita quasi & inclusa.

342.

*Tertio* igitur iam occurrit *Attractio & Repulsio*, obuia tam in electricis per se, quam per communicationem, uti reliqua omnia. Harum utraque apparet manifestissime in tubo vitreo, libera manu fricato, vel in machinarum aliqua rotato. Ille autem tubus arena sicca repletus definit attrahere nisi in distantia  $\frac{1}{4}$  pollicis; excussa illico arenâ, attrahit ut ante. Explicatur hinc iucundum illud experimentum, quod a *Gordono* vocatum est *Sonitus campanarum electricus*, & describitur l. c. pag. 38; hoc enim sequenti modo peragitur, quem enucleatius describam, ut vera electrificationis idea exinde acquiratur. Cum cylindrus vitreus, puluillo affricatus, rotatur; concipit is largam virtutem *electricam per se*, (336 & 338.) quam communicat cum adiacente propius lamina ferrea, stanno obducta, (340.) & suffulta a fasciis sericis. (341.) Hæc itaque lamina iam est *electrica per communicationem*,  
aut.

aut *symperielectrica*, atque sic omnia præstat, quæ a corpore electrico per se agi possunt. Huic laminæ connexa est, fili ferrei circa ipsam circumducti ope, campanula; quæ igitur electricitatem pariter recipit per communicationem, quamvis ipsa per se electrica non sit. (336.) Hæc campanula vicinam habet aliam, verum aliunde ex prominenti brachio ligneo suspensam, neque connexionem cum bractea ferrea, ut ne fiat *symperielectrica*; inter utramque deinde dependet e filo pulsabulum ferreum, ex eodem brachio ligneo, & separatim quoque a bractea, ut nec in hoc vis electrica deriuetur. Illa igitur campanula, sola electrifata per communicationem, attrahit pulsabulum suspensum, adeoque facillime mouendum, (339.) quod cum clangore alliditur, at simul subito repellitur, ut oscillatione sua attingat alteram campanulam non electricam, cum clangore pariter, sed ibi simul electricitatem suam deponat, & nova oscillatione partim, nouaque partim attractione, utpote vacuum iam a vi electrica priore, ad priorem campanulam denuo accedat, lusumque hunc repetat, ut sonitus alternus audiatur, & ictibus quidem sensibilibus crebrioribus, quo magis fortiori rotatione electricitas increscit, (338.) donec omnia desinant post aliquod tempus, quam rotatio cessauit. Sphærulæ ligneæ aut vitreæ super aquam electrifaram

natan-

natantes , attrahuntur a digito non electri-  
fato , sequunturque huius cursum , quod  
ita est explicandum. Globulus is electri-  
fatus deberet ad se trahere meum digitum. ex  
gr. quod cum fieri non possit dum retinetur  
digitus: accedit ipse globus ad digitum; vn-  
de manifestum est, attractionem etiam hanc  
esse mutuam & reciprocam , & globum æ-  
que attrahi a digito , ac digitus attrahitur a  
globo. Vid. *Experim. Academiæ del Cimento* ,  
*pag. 88.* Quod eodem modo etiam fit in  
Magnete, eiusdemque attractione. (P. I, 247.)  
Ex hisce motibus, & acu magnetica gyros  
ducente, cum electricitatem nacta est, edi-  
dit anno 1750 *Imaginem motuum cœlestium vi-*  
*ribus electricis effectam* , *Celeb. Wincklerus.*

## 343.

*Quarto* nunc excutitur *Lux* , cum electis  
*Scintillis* , & *inflammatione*. Tubus igitur vi-  
treus , cylindrus , vel globus , noctu , aut  
in camera obscura , fricati , simul ac electri-  
fantiur , lucent ibi quam maxime , in quo  
loco frictio exercetur , quam quoque in aliis  
subinde locis ; si ab aëre vacui sint , magis  
etiam intus lucent , & lumine vibranti il-  
lustrantur ; constat enim , effluvia electrica  
copiosissime ingredi vacuum , dumque in hoc  
operantur , vitra extrinsecus pigritiam in  
electricitate ostendere. Si corpori materia  
electrica perfuso admouetur digitus ex. gr.  
vel

vel clavis ferrea bene polita , propius : tum, scintilla eiicitur cum crepitatione aliqua , & dolore quodam digiti , coniuncta , conica , cuius apex ad digitum versus est ; sæpius etiam tale symperielectricum sua sponte scintillas , & lucem eiicit conicam , vti ensis in cuspide & acie sua ; atque stella octogona , e tenui lamina metallica excissa , & in sustentaculo suo corpori electrificato imposita. Quæ autem corpora scintillas eiaculantur , sunt ferre sequentia : Metalla , Cutis humana , Cutis viuorum aut mortuorum animalium , Caro cruda , assa vel cocta , deinde Vinum , Aqua , Spiritus vini , Mercurius , Poma , Pyra , Cerasa , Lac , Butyrum , Caseus ; oportet autem semper , vt alterutrum horum sit electrificatum , alterum non , ab vtroque enim electrificato nihil scintillarum editur ; ita homo electrificatus , admoto alicubi digito sibi , non scintillat ; nec etiam lignum scintillas prolicit , hinc in præcedente catalogo non continetur.

344.

Inflammatiō deinde commodissime procuratur in essentia vegetabili , aut spiritu vini ; hic enim infundatur parua portione cochleari argenteo minori , & sic admoveatur electrificatæ laminæ nostræ ferreæ , in ea distantia vt scintillæ oriri possint , a quarum prima si spiritus non accendatur , cochlear hinc & inde paullo moveatur , atque ita effectus

consequetur. Si vis electrica debilis fuerit, cochlear non repleatur integrum, ne partes eius omnes madefiant, adeoque debiliores proiciantur scintillulae; aut cochlear aliquantum calefiat; aut incendatur ante spiritus, rursusque extinguatur, quam admoueat. Simili modo incenduntur oleum oliuarum, butyrum liquefactum, &c. Vid. *Gordon, l. c. pag. 52.* Idem hoc absolui etiam potest ense nudo, cuius mucro appositus sit cylindro fricato, & cochlear cum spiritu vini admotum capulo. Ita quoque homo electricus solo digiti sui apice spiritum ab homine alio non electrico porrectum in flammam conicit.

345.

*Quinto sequitur Propagatio*, quae ad insignem distantiam exporrigitur. Haec peragitur affigendo catenulam ex filis ferreis connexam, vel funem praelongum, etiam hi enim corporibus non electricis accensentur, altero sui extremo laminae ferreae machinae nostrae, illamque ex filis sericis caeruleis vel nigris ad clauos ferreos suspendendo in parietibus spatiosi cuiusdam conclauis, aut in aërem liberum, ad longitudinem aliquot centenorum pedum, immo usque ad 5000 pedes. Vel etiam idem hoc vnum extremum manu sua capere potest homo electricus, alterum vero pondere annexo suspendi ex annulo fili serici. Admoueantur  
de



deinde huic alteri extremo res leuiusculæ, quæ minime attrahentur : simulac autem rotatione electricitas vigere incipiat, viuide subsilient, orientur scintillæ, & absolui poterit inflammatio, vti prius dictum fuit, atque hæc omnia in temporis mora aliqua vix sensibili.

346.

Nunc igitur per experimenta stabilitis omnibus illis, quæ ad Electricitatem referri hodie possunt : videamus porro breuissime, quid ad eius Theoriam facere queat, non quidem penitus absoluendam, hæc enim in profundo puteo demersa adhuc iacet, sed ad tentandam solum, & aliquatenus attingendam; quibus adiiciemus ea, quæ monenda hinc & inde adhuc occurrent. In quibus maxime sequemur *Celeberr. Mussenbrækium*, qui, dum aliorum de hac re instituta accurate expendit, & in propriis experimentis magna copia perficiendis elaborauit, optimus hic iudex eligi potest. Videntur itaque experimenta omnia id primum edocere, consistere electricitatem in subtilibus exhalationibus, quæ in corporibus idioelectricis partim delitescunt, partim aliunde aduolant, partimque iterum auolant, atque sic omnia leuiuscula illuc adducunt, deinde rursus abducunt. Si igitur motus ex crepitatione, attractione, & repulsione, oriatur : turbæ hæc facta vt per totam atmosphæram electricam

Electricam diffundatur necesse est. Sed quænam natura est horum effluuiorum ; vnde motus hic ipsis conciliatur ? Fluidum corporeum constituere hæc effluuia multis rationibus patet , afficiunt enim omnes sensus humanos ; quia ore & palato accepta saporem acidum produnt , & nares odore graueolenti spiritus vitrioli , aut phosphori , occupant ; auditum feriunt crepitatione , & nonnunquam explosione , quæ ad 100 passus pertingit ; videntur oculis adhærentes , lucidorum penicillorum instar , in corporum angulis & apicibus ; tactui denique repræsentantur vri tenuissima tela , aut lenissimum flamen , corpora cingens.

347.

Electricitas in idioelectricis excitata diu perdurare potest , si hæc sint in aëre libero & sicco conseruata , in tubis nempe vitreis , & sæuiente gelu , ultra horam , in globis autem amplioribus per 12 horas ; si vero pannis inuoluantur laneis , & vitro includantur , cera Hispanica signatoria , sulphur , colophonia , hæc vim attrahendi seruare possunt vsque ad decem menses , quod tempus plurimum tantum horarum deprehendit esse *Guerikius*. Si phiala vitrea , longiori collo prædita , ad dimidium impleatur aqua fontana , frigida , non fluuiali , & orificium occludatur cera signatoria , per quam transeat  
tenus

tenue filum ferreum in aquam, atque electricitas rotatæ sphaeræ per hoc filum transmittatur in aquam aut immediate, aut vero tubi ferrei electrificati ope, hæc copiosissimam electricitatem recipit, & sæpius per 36 horas conseruat. Hæc phiala quando capitur vna manu, filo ferreo autem propius admouetur altera, scintilla exploditur sæviens, & mirum in modum vehemens. Idem fit infundendo aquæ loco mercurium, oleum tartari per deliquium, vrinam, atramentum, &c. Exiguam autem hoc modo electricitatem ostendunt arena, grandines plumbi, olea, &c. Vid. *Celeberr. Muschenbrœckii Institution. Physica*, pag. 208.

## 348.

Plumula filo suspensa intra vas vitreum simplum, duplum, immo sextuplum, ab admoto tubo fricato allicitur, manifesto indicio, effluvia electrica non ambire tantum corpora, sed per interiora eorum penetrare, vti hic per tot vitra. Idem efficitur in fluidis, quod patet, si eadem plumula includatur vitro superius aperto, quod operculo cauo sit rectum, cui fluidum possit infundi; pergit enim etiam sic plumula moveri a tubo fricato. Deinde, vtcunque tanquam lene aliquod flamen, aut subtilissima tela, hæc effluvia tactui apparent: (346.) nullius tamen venti actione diffari aut abigi possunt, veluti

commoueti se a vento rapido etiam radii solis non patiuntur. Ex quibus concludere licet, quanta subtilitate effluvia electrica sint prædita. Per idioëlectrica autem reliqua parum penetrant hæc effluvia, nisi illa aqua prius sint madefacta. Eadem porro quia per spatium 5000 pedum excurrunt vix interiecta temporis aliqua mora: (345.) iterum patet, illa esse mobilissima, & proinde fluidissima.

349.

Ad fricatum corpus idioëlectricum excitari non solum effluvia, quæ in hoc corpore delitescunt, sed aduolare huc etiam aliunde alia ex aëre, atque ex solo subiacenti, exinde potissimum probari posse videtur, quia machina electrica solo, ætheribus, lapidibus, glaciei, & terræ liberæ, imposita multo maiorem copiam electricitatis colligit; dum nempe hæc corpora transitum materiæ electricæ permittunt, (341.) quam si machina & operarius insistant placentæ piceæ, quo casu parca efficitur electricitas, prohibito nempe affluxu exhalationum externarum; ita ut fluidum electricum dispersum videri possit per aërem & omnia corpora, quæ in superficie sunt nostræ telluris. Idcirco ut corpora idioëlectrica perfricata vim ostendant suam, necesse est ut fluidum electricum undecunque liberrime possit affluere atque effluere, hoc est, circulationem suam absol-  
vere.

vere. Hinc igitur omnis generis corpuscula electrica adducuntur, atque dein aueruntur, quod ut fiat, requiritur omnino ut effluvia electrica cum ipsis corporum particulis minimis collidantur, easdemque abripiant secum, per solos enim meatus transeundo corpuscula secum non abriperent.

350.

*Celeberr. Du Fay* observavit, ab electrico corpore attrahi ad maximam inter omnes distantiam fasciam sericam nigram, deinde ad minorem reliquas hoc ordine, albam, coruleam, rubram; colorem vero ipsum nihil huc facere exinde liquet, quia omnes hæ fasciæ aqua madidæ, cera vel gummi oblitæ, eadem vi alliciuntur ac repelluntur; tum etiam quia in album iniectis variis coloribus, per prisma vitreum separatis, (223.) nullum attractionis aut repulsionis observatur discrimen. Maior itaque attractio dependere hic videtur a maiore pororum obstructione, colorum tincturis inducta, aut a diuersa vi electrica ipsarum tincturarum.

351.

Nullum corpusculum ab idioelectrico, aut symperi-electrico, ante repellitur, quam attigerit suum attractorem, aut valde vicinum ipsi factum fuerit; cuius deinde materia electrica circumfusum & imbutum abigitur demum; deinde in aëre natat, donec aut cum hoc, aut

Dd 4

cum

cum alio non eléctrico in aëre volante, communicauerit acceptam suam electricitatem, atque sic orbatum vi sua prima denuo a prior attractore alliciatur ad similem sortem subeundam. Hinc igitur duæ particulæ, eadem electricitate circumfusæ, repellunt se, si agere in se mutuo ob distantiam possint. Hinc porro, quoniam eiusmodi particulæ repulsæ in aëre sicco aliquot minutorum tempore electricitatem acceptam seruant: patere potest, aërem hanc non adeo promte in se absorbere, adeoque corporibus idioelectricis esse annumerandum; (341.) quod exinde etiam confirmatur, quia alias omnium corporum electricitas per aërem, tanquam corpus non electricum, subito dissiparetur, nec per momentum uspiam durare posset. Quoniam porro in aëre humido aut a pluuiis, aut a multorum hominum exhalationibus, parum electricitatis produci potest: (339.) conspicitur ab his humoribus absorberi, quicquid vis electricæ aëri inest, neque quicquam eius aduolare posse ad corpus fricatum, sed illud solum frictione excitari, quod ipsi corpori fricato modice inest. Plura non addimus, sed cum *Celeberr. Musschenbrækio* statuimus; præstare hic iudicium suspendisse, donec ab experientia plura erunt detecta.

352.

Merentur tamen historiæ tam, quam vltioris illustrationis causa, indicari adhuc  
tantum

tantum hæc sequentia. *Primo* experimentum illud, quod supra (347.) descripsimus, inventorem habet ipsum *Celeberr. Musschenbræckium*, & vocari solet *Ictus fulminis electricus*, Gallice *Coup foudroyant*, *Experimentum Commotionis*, aut *Leidense*, quia & scintilla edita magna est, & ictus cum illa coniunctus terribilis, cuius percussione morituum se credebatur *Celeberr. Auctor*, neque eundem totius Galliae pretio se repetiturum aiebat, ita iuncturas ille manuum atque pedum, cum præcordiis & intestinis contuderat quasi ac confregerat. Ictu simili in caput veruecis directo hunc subito enecavit *Delor*, auemque *Abbas Nolletus*, vid. *Dict. de Math. & de Phys. tomo I, pag. 234*, & peculiarem tractatum de hoc Exp. *Celeberrimi Winckleri; Starcke der Elektrischen Krafft des Wassers*. Per hanc conuassationem violentam neruos emortuos in paralyticis animari iterum posse suspicati sunt quidam, vnde ad curas Medicas hoc experimentum pertraxerunt plurimi, contra tumores ex frigore, immo contra podagram, quorum agmen duxit *Clariss. Sauvages*, Medicus Montis Pessulani; vid. *Experiences sur l'Electricité par M. Fallabert, pag. 376*. Aliquando cum aliquo effectu, si fides relationibus constet, sæpissime autem frustra, adhibitum est metuendum hoc remedium; quare non desunt, quibus imprudenter illud applicari persuasum sit, putentque non solum

fulmen hoc electricum, sed debiliorem etiam electrificationem, funesta esse posse ægroto, auctis doloribus, sexui præsertim sequiori. Vid. *Dictionar. l. c. pag. 236; & Schæfferi, Die Krafft und Wirckung der Electricitet bey gelebmtten Gliedern, anno 1752 edita.*

## 353.

*Secundo* occurrit *Beatificatio*, quam *Celeberr. Bose, Wittebergæ* ita vocavit, cum electrificando personam in eum perduxisset statum, ut circa caput splendor materiæ electricæ appareret nimbi instar, qualis capitibus sanctorum & beatorum appingi solet. Non autem eodem, sed paullo inferiore, successu repetitum fuit hoc experimentum à *Monnierio, Deloro*, hocque solum productum, ut a fronte duo penicilli lucidi emerent in tenebris, quod *Moyssificationem* appellarunt. Vid. memoratum *Dictionar. l. c. pag. 91*; quod ex illo forsan ortum est, quia in diuersarum regionum atmosphæris diuersa etiam, & diuersæ copię præstantiæque, hospitatur materia electrica, de quo conqueritur quoque *Celeberr. Musschenbræk. Institut. Physic. p. 223.*

## 354.

*Tertio*, indicium faciendum est *Experimenti Frankliniani*, quod Philadelphiae in Pennsylvania primo captum fuit per *Beniam. Franklinum*. Hic enim præcedens Experimentum Leidense (352.) repetens, & multa varietate



re tractans , reperit fulmen illud eousque posse intendi , vt lamellæ aureæ exinde liquefiant , comitemque huius semper adesse odorem sulphureum , & phosphoreum ; ex quo in suspensionem incidit , materiam fulmineam in atmosphæra terræ hærentem (264.) eandem esse cum materia electrica , quia ex utraque idem odor emanat ; id quod antea iam prædixerat *Celeberr. Winklerus , Elektrische Krafft des Wassers 1746 edita , §. 155.* Cum autem sciret , ferri cuspidem globo fricato electrico obuersam ostendere penicillum lucentem , (343.) similem fere flammæ ignis fatui , cuspides adeoque attrahere & colligere materiam electricam : imaginatus sibi est fore vt materia fulminea nubium , tonitrua producens , in tali ferro præalto , & valde acuto , supra culmen tecti alicuius erecto , si fuerit similis electricæ , talem penicillum sit acquisitura , & scintillas editura , vti in reliquis hoc accidit experimentis electricis. Id quod ipso etiam effectu fuit comprobaturum. A rubigine vero ferrum debet custodiri , aëris quippe iniuriis expositum , id quod optime fit illud deaurando. Trahebatur deinde hoc periculum ad auertendos ab ædibus nauibusque fulminum ictus , affigendo parti inferiori virgæ ferreæ filum metallicum , & hoc deducendo , in aliqua distantia ab illis , ad terram aut aquas vsque , vt ita per hoc symperielectricum fulmina sine noxa deri-

deriuentur in hæc loca auersa. Repetitur  
deinde eodem successu, hoc experimentum  
fuit in Gallia, m. Maio 1752, cum virga  
ferrea tenui, placentæ piceæ insistente; por-  
ro etiam in Academia scientiarum Petropo-  
litana sæpius tentatum est eadem primum  
forte, a *Richmanno*, Membro eiusdem Aca-  
demiæ, sed exitu tandem ita infelici, vt, fa-  
cta improuisa materiæ electricæ explosione  
violentissima, naturæ hic sedulus scrutator  
fulmine fuerit ictus, anno 1753 d. 26 Iulii  
st. v. & subito exanimatus, lethiferorum ho-  
rum ignium præsentiam sua morte, tanquam  
alter *Plinius*, demonstrans. Confer. *Sam-  
lungen Electriccher Versuche bey Gewittern*; 1752.

355.

Finem facere iuuat succincta quadam re-  
censione Historica totius huius negotii ele-  
ctrici sequentem in modum. Electri diser-  
tam mentionem facit *Plato*, & simul *Magne-  
tis*, cum in *Timeo* dicit: eadem ratio est de  
aquarum fluxibus, de fulminum impetu, de ele-  
ctri mirabili illo attractu, lapidisue illius, qui  
*Heraclius* nominatur; reuera nullius horum at-  
tractio fit. Causam vero subnectit, ad quam  
intelligendam altero Platone opus est; mul-  
toque distinctius hanc expressit, quamuis ve-  
ram non tetigerit, *Thales Milesius*, qui re-  
bus quibusdam inanimatis, veluti Magneti,  
Electro, ob hanc ipsam attractionem, ani-  
mam

nam tribuit; *Diog. Laërt. in vita Thaletis. Aristoteles, de mirabilib. auscultation. p. m. 1092,* describit Electrum quidem ita, ut ex populis arboribus distillet, simile gummi, eo quod instar lapidis indurescat, & collectum ab incolis in Græciam deportetur; sed de attractione nihil meminit, quamvis *Laërtius, l. c. lib. I, segm. 24,* testetur, etiam hanc ipsi fuisse cognitam. Cognitam pariter fuisse perhibetur *Theophrasto Eresio*, nec non *Dioscoridi. Plinius Nat. Hist. lib. XXXVII, cap. 3,* gigni illud dicit in insulis septentrionalis oceani, ac a Germanis vocari Glessum; quod etiam *Tacitus, de mor. Germanor.* affirmat. Ille autem porro dicit: attritu digitorum accepta caloris anima trahunt electra in se paleas, ac folia arida, quæ leuia sunt, ac, ut magnes lapis, ferri ramenta quoque. Idem similiter *l. c. cap. 2,* memorat, in Syria feminas verticillos inde facere, & vocare *harpaga*, quia folia, & paleas, vestiumque fimbrias, rapiat. Memoriam porro huius & lapidis, & virtutis attrahendi, prodiderunt posteris, exscriptor ille *Plinii Solinus*, tum *Strabo*, *Geographus*, ac etiam *Plutarchus, Question. Platon. tomo 2,* qui rursus ad animam quandam, aut flammam animaleam, in re tam obscura confugere velle videtur.

356.

Ab illa veteris Philosophiæ ætate alium silentium est Electri, aut Succini, ad *Guilielm.*

*lielm. Gilbertum* vsque, hoc est, per quindecim fere secula. Hic autem primus resuscitauit hanc indagationem & auxit, in *Physiologia Noua, siue Tractatu de Magnete*, anno 1633 edito, *ubi libro II, cap. 2*, vim electricam primus tribuit aliis adhuc multis corporibus, veluti gemmis, adamanti præsertim, sulphuri, & vitro claro ac lucido, ceræ duræ sigillari; atque in eam tandem perducitur sententiam, vt putet omnia illa corpora esse electrica, quæ ab aqua originem duxerunt; electricam vero motionem produci a materia corporis, magneticam autem ab ipsius forma, *pag. 55*; ex quo differentiam vtriusque distincte indicat. Post hunc proximus incedit *Otto de Guericke*, ille Antiliæ pneumaticæ celebris inuentor, qui sulphur globo vitreo infusum, & fracto huic ereptum, axe transfixo primus perforauit & rotauit corpus electricitate donandum, ac admota manu fricuit; vnde obseruauit, omnia leuia cuiuscunque generis attrahi, sed eadem etiam repelli ab hoc globo; porro detexit continuationem attractionis per fila, crepitationem globi auditu percipiendam, & igniculos in tenebris spectandos; quæ omnia descripta sunt in *Experimentis Magdeburgicis anno 1671 editis*.

357.

*Academici Leopoldini del Cimento*, in Parte II Tentaminum suorum, sola adhuc frictione in-

Inquisiuerunt in proprietates electricitatis, in Ambra, aliisque corporibus; atque inter alia etiam docuerunt, hanc virtutem non sequi proportionem duritiei corporum: Smaragdum inter idioëlectrica esse referendum, quod *Gilbertus*, de *Magnete lib. II, cap. 2, pag. 53*, negabat; succinum omnia corpora ipsi oblata attrahere, excepta sola flamma; falsum esse, quod *Plutarchus* affirmavit, illud non attrahere corpuscula oleo illita, vel sebo, vel, ut alii dicunt, affricata plantæ, quæ Basilicum vocatur; atque hæc, & plura adhuc quædam, occasionem dederunt *Celeberr. Musschenbrækio* illustrandi etiam hoc caput notis doctissimis. *Rob. Boyle* longe plurima hic instituit experimenta, qui Theoriam quoque eorum dedit omnium hucusque optimam, in *Capite de Electricitate, Operum Vol. I, pag. 507*. Præter Smaragdum etiam Carneolum electricum inuenit, quem *Gilbertus* l. c. pariter negat ralem esse; inuenit præterea, in vacuo etiam persistere hanc vim, eandemque a calore nuuari. *Honorat. Fabry*, in sua *Physica*; *Sturmius*, in *Physica Electiua*; *Kircherus*, *Mundi subterr. tome II, lib. VIII*, sine nouis experimentis philosophati sunt de Electricitate, atque hic præsertim asserit, omnis generis metalla ad X & XX libras succini frusto se attraxisse, quod, quomodo verum sit, haud equidem intelligere possum; vid. *Nota Har-*  
*duini*

*duini ad Plinii Nat. Hist. cap. XXXVII, cap. 3. Cartesius denique in Princip. Philos. lib. IV, §. 184, in omnium horum explicationem adducit materiam primi sui elementi.*

358.

Post interuallum aliquod magna cum laude, circa annum 1700, in hanc scenam prodit *Francisc. Hauksbee*, & multa diligentia excoluit hanc materiam scriptis, in *Transact. Philosoph. & Experimentis suis Physico-Mechanicis*, 1709 editis, occurrentibus. Ex lucenti Barometro *Piccardi*, (P. I, 343.) quod a mercurii cum vitro frictione oriri iudicavit, hoc electricitate ambra superare statuit. Tubum igitur vitreum primus adhibuit fricatum, in quo fortem attractionem ostendit aëre pleno, vacuo autem valde debilitatam; crepitationem quoque, scintillas ipsas, sensum materiae electricae in manu, facie, produxit, postea adhibuit quoque sphaeras vitreas, ad imitationem sulphurei globi *Guerikiani*. *Stephanus Gray* propagationem tandem ad pedes 886 promouit; puerum octennem primus electrificauit, adeoque communicationem primus videtur obseruasse.

359.

*Du Fay*, in *Commentar. Acad. scient. Parisinae*, 1733, 1734, 1737, Electricitatem credidit esse attributum omnium corporum, neque desperauit metalla etiam talia efficere,  
quæ

quæ nempe per communicationem tam facile electricitatem recipiant. Propagationem extendit ad 1256 pedes. De meritis *Celeberr. Musschenbrækii* hac in re supra diximus. Primus inter Germanos videtur hic inclaruisse, in *Miscell. Berolinensibus*, Tomo IV, Io. Iac. Schilling, Prof. Duisburgensis. In historica Electricitatis indagatione omnium diligentiam superavit *Doppelmaierus*, *Neu-entdeckte Phænomena der Electricischen Kraft*, anno 1744 edita. Inflammatio primum successit *Ludolpho*, anno 1743, Medico Castrensi Borussia, cum spiritu vini ope ensis nudi peragenda, deinde *Celeberr. Lieberkühnio*, solius digiti auxilio peragenda; denique *Celeberr. Waitzii* præmium 50 aureorum reportavit, anno 1744, ab Acad. Scient. Regia Berolinensi, Dissertatione de his phænomenis perscripta, *Abhandlung von der Electricität und deren Ursachen*.

360.


Plurimos egregios alios libros, de Electricitate peculiariter editos, præter eos, quos in hoc Capite iam allegauimus, breui hoc adhuc complectemur catalogo. *Hausenii* Novi profectus in Historia Electricitatis, Lips. 1743. *Winkleri* Gedancken von den Eigenschaften der Electricität, Lips. 1744; qui egregius Tractatus Gallice versus prodiit, in *Recueil des Traités sur l'Electricité*, traduits de l'Allemand & de l'Anglois, I, Partie, Paris. P. III. Ec ris

ris. 1748. *Winckleri* Eigenschaften der Electricischen Materie, Lips. 1745. *Gordoni* Erklärung der Electricität, Erford. 1745. *Krügeri* Zuschrift an seine Zuhörer von der Electricität, Halæ 1745. *Bossi* Recherches sur la cause & sur la Theorie de l'Electricité, Witteb. 1745. *Piderit* Dissertat. duæ de Electricitate, methodo Mathematica conscriptæ, Marburgi 1745. *Winckleri* Die Stärke der Electricischen Krafft des Wassers, Lips. 1746. *Rœnnbergii* Vernünfftige Gedancken von den Vrsachen der Electricität, Wism. 1746. *Mülleri* von der Vrsache der Electr. als ein Anhang von Newtons allgemeiner Schwebhre, Weimariæ 1746. *Bossi* Tentamina Electrica tandem aliquando Hydraulicæ, Chymix & vegetabilibus utilia, Witteb. 1747. *Wagneri* Erforschung der Vrsachen von den Electricischen Würckungen, Lignizii 1747. *Watsoni* Experiences & Observat. de l'Electricité, Gallice versa & inserta superiori Recueil, II, Partie, Paris. 1748. In quo eodem adhuc apparet III Partie, *Prekxi* Essai sur la cause de l'electricité, traduit de l'Anglois, Paris. 1748, *Nolleti* Recherches sur les causes particulieres des phénomènes électriques, Paris. 1749. *Lalaberti* Experiences sur l'electricité, Paris. 1749. *Bianconis* Sendschreiben über die Electricität an den Herrn Grafen Algarotti, Basel, 1750. *Bunsen* Erklärung der Electricischen vnd Magnetischen Kräften, Lips. 1752.

F I N I S.

RERVVM





RERVM PRAECIPVARVM,  
IN TRIBVS HISCE PRAELECTIONVM  
PHYSICARVM PARTIBVS CONTENTARVM,  
AVCTORVMQVE PASSIM AL-  
LEGATORVM  
**INDEX**

NB. *Numeri maiores denotant Partem Libri,  
minores vero paginam.*



A.

**A**ctioni corporis cuiuscunque semper con-  
traria & æqualis adest reactio. II, 168

Acus nautica vel magnetica. I, 202  
eius cuspis & cauda. *ibid.*

Acustica scientia quid. III, 347

Æolipylæ, s. Æoli portæ quid. I, 305  
earum phænomena cum rationibus.

I, 305. sq.

Æquilibrium quid. I, 54  
unde oriatur. I, 54. 66

quando tollatur. I, 67

Ær quid. I, 307

Ê e 2

com-

- compressus in antlia pneumatica resistit  
I, 17
- habet pondus. I, 86 & 309. seqq.
- est fluidus. I, 308
- est corpus. I, 314
- videtur pellucidus & colore cœruleo  
tinctus. ibid.
- est elasticus. I, 315
- varia heterogenea in se continet. I, 316
- totum terrarum orbem ambit. I, 317
- in omnibus fere corporibus est præ-  
sensus. I, 318. seqq.
- nunquam mutari potest in aquam. I, 321
- pressionis aëris ponderosi determi-  
natio. I, 327
- cur eius pondus non sentiamus. I, 328
- quanta sit illius elasticitas. I, 335
- quantum possit rarefieri. I, 337. seqq.
- valde compressus nihil elasticita-  
tis suæ perdit. I, 338
- eius necessitas & utilitas. I, 342. seqq.
- aquæ vel alteri cuidam fluido  
résistit. II, 110. III, 15
- cur, venis animalis infusus, occidat. III, 23
- aëris contigui pressio in motu aqua-  
rum quid efficiat. III, 37. seqq.
- intensitatem lucis, per ipsum pro-  
pagatæ, insigniter minuit. III, 99
- inest ipsi vis refringendi. III, 194
- motus eius duplex. III, 343  
quo-

- quotuplici modo destrui eius æqui-  
 librium possit. III, 390. seqq.  
 corporibus idioëlectricis est adnu-  
 merandus. III, 422  
 Aguillonius Franc. III, 256  
 Album quid. III, 250. & 257  
 Altitudo debita quid. I, 101  
 Amontons. I, 330. II, 188. 190. 193  
 Angulus directionis quid. I, 69  
 eo minor est, quo maiorem consen-  
 sum inter se habent vires. I, 73  
 Angulus eleuationis quid. II, 146  
 incidentiæ quid. III, 84. 135  
 reflexionis. III, 84. 135  
 opticus. III, 101  
 anguli optici æqualitas æqualem effi-  
 cit rerum imaginem. III, 102  
 eius amplitudo tota continetur intra  
 angulum rectum. III, 106  
 angulus inclinationis. III, 172  
 refractus. ibid.  
 refractionis. ibid.  
 proportio angulorum in quonam sit  
 quaerenda. III, 178  
 Antipathia quid. I, 146  
 Antiperistasis quid. I, 146  
 Antlia pneumatica quid. I, 312  
 eius partes & phænomena. I, 312. seqq.  
 eius Elaterometrum. I, 313  
 eius campanæ, s. vasa recipientia. ibid.  
 Aqua quid. I, 241  
 Ec 3 puram

puram s. virginream natura denegat. *ibid.*  
 variæ eius species. *ibid.*

quomodo omnes aquæ possint purga-  
 ri. I, 242

aquæ puræ indicia. *ibid.*

an externa vi possit comprimi. I, 243. seq.

est porosa. I, 244

inest partibus eius minimis attractio. I, 246

continet aërem copiosum. I, 246. seq.

gaudet vi solvente. I, 248

per euaporationem non mutatur in  
 aërem. I, 249

nec in materiam terrenam. I, 250

duæ eius insignes mutationes. *ibid.*

illius vapor quid. I, 251

continet materiam quamdam fulmi-  
 nantem. I, 252

determinatus in aqua ebulliente ca-  
 loris gradus augeri nequit. I, 254

cur ignes exstinguat. I, 256

an ex sola caloris priuatione in gla-  
 ciem abeat. I, 262. seq.

quotuplex sit eius motus. III, 2

quomodo moueatur propria sua gra-  
 vitate & pressione aquarum super-  
 incumbentium. III, 2. seqq.

furfum mouetur motu retardato, de-  
 orsum vero accelerato. III, 12

celeritas aquæ, ex tubo prismatico  
 ampliori in angustio rem fluentis. III, 24  
 causa

- caussa motus eius irregularis in fontibus salientibus.** III, 22. seq.  
**ob denegatam in vacuo pressionem continua manere nequit.** III, 39. 41  
**quotuplici modo aqua, per fyringem hausta, eiici possit.** III, 43  
**Aristoteles.** I, 20. 30. 58. 86. 92. 117. 230. 266. II, 6. 164. III, 249. 286. 427.  
**Ars Ballistica quid.** II, 155  
**Artemon.** II, 68  
**Atmosphæra quid.** I, 317  
**eius altitudo.** ibid.  
**diuiditur in regionem infimam, mediam & supremam.** I, 349. seq.  
**parua eius portio eundem effectum præstat, ac integra.** I, 339  
**Atmosphæra solis.** III, 327  
**eius forma.** ibid.  
**eius extensio.** III, 328. seq.  
**Atramentum sympatheticum.** III, 265  
**Attractio quid.** I, 169  
**emphatica.** I, 172  
**illius proportio.** I, 174  
**variæ attractionum species in fluidis.** I, 178. sq.  
**Attributa corporum quid.** I, 8  
**alia sunt indubia, alia dubia.** I, 9  
**Attritus corporum, s. frictio quid, & quomodo oriatur.** II, 185. seq.  
**afficit sola corpora, in motu posita.** II, 188

- gradus frictionum vnde nascantur. II, 188. seqq.  
 remedia attrituum physica & mechanica. II, 191. seq.  
 attritus s. frictio primæ & secundæ speciei. II, 192  
 deriuandæ sunt exinde principales causæ omnium mutationum. II, 194  
 utilitates attractuum s. frictionum. II, 194  
 attritus adest in omni tubulo & epistomio. III, 15  
 maior est in foramine minori, quam in maiori. ibid.  
**Auris** partes præcipuæ. III, 387. seqq.  
**Aurora**, s. Ignis borealis. III, 332  
 eius distinctio in placidam & coruscantem. ibid.  
 continetur in nostra atmosphæra. III, 333 seqq.  
 nequaquam oritur ab exhalationibus terræ. III. 335. seqq.  
 nec a glacie vel niuib. terrarum & marium borealium. III, 337. seq.  
 nec a materia magnetica. III, 338. seq.  
 sed potius ab atmosphæra solis. III, 339. seq.  
 cur semper sibi eligat sedem borealem. III, 339. seq.  
 cur summitas arcus auroræ borealis interdum a vera boreali plaga declinet. III, 341. seq.  
**Axis** quid. II, 56  
 axis

axis in peritrochio, f. axis rotæ. II, 56

axis opticus. III, 110

utriusque axis optici concursu absolui-  
tur perfecta visio. III, 112

multum extendi voluntarie potest  
axium opticornm concursus. III, 113

axis incidentiæ. III, 172

refractionis. ibid.

## B.

Baconus de Verulamio. I, 7. 88. 111. III, 392

Bakerus. III, 236

Balianus. I, 81

Barometrum lucens. I, 274

simplex & compositum. I, 330

marinum. ibid.

caussa vel eleuationis vel depressionis  
eiusdem. I, 333

Barrowius. III, 60. 65. 73. 80. 140. 143.  
194. 250. 277

Baylius Franc. I, 32. 180. 315. 344.

Beatificatio quid. III, 424

Belidorius. I, 162

Bellinus. I, 149

Berigardus Claud. I, 92. II, 64

Bernoullius Dan. I, 240. II, 79. 81. 167

III, 9. 21. 30. 289

Bernoullius Ioh. I, 30. 34. 64. 276. 294

II, 167. III, 29. 59. 137. 194. 277.

Bilanx vel libra quid. II, 41

quomodo examinanda. II, 43. seq.

pigræ bilances. II, 47

- celeritas guttulæ cuiuslibet, in alveo  
 profluentis. III, 27. seq.
- Centrum grauitatis quid. II, 29  
 magnitudinis. II, 31  
 grauitatis commune. II, 37  
 motus. II, 45
- Chalybs, igne duratus, cur sit durior  
 molli, sed a minori pondere dis-  
 rumpatur. I, 23. seq.
- Chelonia quid. II, 56
- Childrey. III, 327
- Cicero. I, 50. 307
- Cistula parastatica. III, 82
- Clairaut. III, 194
- Clarkius. II, 167. III, 66. 140. 268.
- Claui chordium oculare. III, 260
- Clericus. I, 149
- Cochlea exterior & interior quid. II, 15  
 huius scytalæ. ibid.  
 potentiæ eiusdem proportio. II, 16  
 cochlea perpetua. II, 70  
 cochlea Archimedis. III, 33. seq.
- Cohærentia, s. firmitas corporum quid. I, 218  
 diuiditur in naturalem & artificialem. ibid.  
 in absolutam & respectiuam, s. trans-  
 versam. I, 221  
 illius proportio in corporibus homoge-  
 neis. I, 225  
 huius proportio. I, 226. seq.
- Collisio corporis quid. II, 167  
 directa & obliqua. II, 168  
 ex



- ex directa duorum corporum oritur  
 quies, aut translatio directa vtriuf-  
 que, ex obliqua vero, rotatio vtri-  
 usque aut alterutrius. II, 168  
 figuras corporum mutat. II, 169  
 Color quid. III, 250  
 colorum, ex refractione oriundorum,  
 explicatio Aristotelis. III, 249. seq.  
 Senecæ. III, 250. Cartesii. III, 251  
 Malebranchii. ib. Newtoni. III, 251. seq.  
 colores non sunt necessariae & immu-  
 tabiles radiorum proprietates. III, 253  
 quot, dentur colores originarii & pri-  
 mitivi. III, 255. seq.  
 Fontepellii de eorum numero senten-  
 tia. III, 256 Hartsoeckeri. III, 260  
 quando & cur inuersi repræsententur.  
 III, 257  
 cur cæci aliquando ex solo tactu de  
 illis iudicare possint. III, 258  
 coloribus inest musica. III, 259. seq.  
 eorum expressio numeris facta. III, 260  
 eorum mutatio subita in alios colores.  
 III, 262. seqq.  
 Columna s. turbo aqueus. I, 357  
 Cognitio rerum quotuplex. I, 3  
 Cometa quid. I, 350  
 Comiers. III, 55  
 Compassus nauticus quid. I, 202  
 Conatus excussorius quid. I, 104  
 Condaminus. I, 107  
 Con-

- Congelatio artificialis quid.** I. 261  
**Consonantia quid.** III, 361  
     cur in ea animus acquiescat. III, 361. seqq.  
     quomodo cuiusvis consonantiæ gra-  
     dus suauitatis debeat inuestigari.  
     III, 370. seqq.  
     consonantia completa & incompleta  
     quid. III, 371  
**Conus vitreus.** III, 173  
**Corona auroræ.** III, 342  
**Corpus quid.** I, 2  
     eius natura quid. I, 3  
     diuisio in eius naturale & miraculo-  
     sum. I, 3  
     eorum phænomena aut apparitiones  
     quid I, 3  
     eorum diuisio in tria regna, fossile aut  
     minerale, vegetabile & animale. I, 6  
     de eorum existentia & proprietati-  
     bus nonnisi sensuum ope conuinci-  
     mur. I, 8  
     extensio corporis, geometricæ & phy-  
     sice spectata, quid. I, 10  
     non constituit naturam corporis exten-  
     sio. ibid.  
     extensio geometrica diuisibilis mente  
     est in infinitum. I, 11  
     quod in extensione, physice confide-  
     rata, aliter se habet. I, 12. seqq.  
     licet corpus in subtilitates admirandas,  
     nullo ingenio comprehendendas,  
     possit diuidi. I, 15      soli-

soliditas corporis quid.	I, 16
competit omnibus corporibus.	I, 16
corpus imperfecte solidum, s. poro- sum quid.	I, 17
perfecte solidum quid.	ibid.
densius quid.	I, 18
rarius quid.	ibid.
perfecte solidum non datur.	I, 19
conflatum est omne ex materia solida & poris.	I, 20
nescimus in omni corpore quantita- tem materiæ propriæ.	I, 22
corpus homogeneous quid.	I, 24
heterogeneous quid.	ibid.
omnia fere corpora sunt heterogeneous.	ibid.
Corporis naturalis corruptio quid.	I, 25
eiusdem generatio quid.	ibid.
eius elementa nunquam annihilantur, sed perstant.	ibid.
corpus omne, siue motum, siue quie- tam, manet in eo statu, in quo se- mel est positum, nisi ab externis viribus eum mutare cogatur.	I, 26
mobilitas corporis quid.	I, 27
eius quiescibilitas quid.	I, 27. seq.
de nullo corpore dici potest, quod absolute quiescat.	I, 43
nec per se vilius corpus mouetur.	I, 44
nunquam per saltum, sed per omnia loca intermedia ex priore loco in aliu peruenit.	I, 48 magna

- magna celeritate quoduis in vniuerso  
 corpus mouetur. I, 48.  
 quando sit in æquilibrio. I, 66  
 corpora omnia terrestria tendunt de-  
 orsum verticaliter. I, 83  
 omnia feruntur ad centrum terræ, si  
 hæc perfecte sit sphærica. I, 84  
 omnia sunt graua. I, 86  
 corpus durum & molle quid. I, 157. II, 170  
 perfecte durum & molle quid. I, 157  
 talia non dantur. ibid.  
 corporum durorum & mollium va-  
 riæ species. I, 158 — 160. 167. 168  
 elasticum quid. I, 160. II, 170  
 eius, vti & mollium corporum, vires  
 ante & post conflictum, secundum  
 Cartesium, sunt eædem. II, 181. seq.  
 Corpus perfecte & imperfecte elasticum  
 quid. I, 161  
 perfecte elasticum non datur. I, 161. II, 171  
 corpus fixum quid. I, 300  
 volatile quid. ibid.  
 descensus corporum grauissimorum  
 in fluidis impedimenta. II, 109  
 adsunt in omnibus corporibus emin-  
 tiæ & cavitates alternantes vbique. II, 186  
 seq.  
 corpus lucidum quid. III, 77  
 illuminatum quid. ibid.  
 opacum quid. III, 77. 120  
 causa,

- caussa, cur quædam corpora sint opa-  
ca. III, 120. seq.  
partes minimæ corporum naturalium  
omnes sunt aliquantum pellucidæ III, 266  
vnde oriuntur corporum naturalium  
colores. III, 268. seq.  
corpus electricum per se, vel Idioë-  
lectricum quid. III, 403  
corpus electricum per communicatio-  
nem, s. symperielectricum quid. III, 404  
corpori non electrico quomodo ele-  
ctricitas sit concilianda. III, 405. seqq.  
corpora non idioëlectrica copiosius  
recipiunt effluvia electrica, quam  
idioëlectrica ipsa. III, 411  
corporum electricorum tam per se,  
quam per communicationem attra-  
ctio & repulsio. III, 412. seqq.  
Cossigny. II, 118  
Crepusculum secundum. III, 331  
Cuneus quid. II, 17  
eius vires. ibid.  
Cusanus. I, 347

## D.

- Dalence. I, 346  
Danaeus. I, 35  
Dechales. III, 56. 61. 80. 98. 131. 175  
194. 246. 249. 287. 322. 375.  
Declinatio vel Chalyboclisis magnetis  
quid. I, 204  
eius causæ. I, 205. seq.  
P. III. Ff De

- De la Hire. I, 76. 187. 280. 329. 360. II,  
7. 27. 52. 58. III, 168. 209. 245. 247. 304
- De Mairan. I, 112. III, 326. 333.
- Democritus. I, 150
- Densitas corporis quid. II, 73  
cur æstate deprehendatur minor. II, 97
- Derhamus. I, 237. 285
- Desagulierius. I, 112. 176. II, 116. III, 25. 406
- Des Hayes. I, 103
- Diaboli Cartesiani. I, 348. seq.
- Diameter æquatoris terræ Maupertuisii  
I, 84. seq. Newtoni. I, 85  
diameter grauitaris. II, 29  
diameter obiecti adparens. III, 101
- Diego Vfano. II, 159. 165
- Dighbæus. III, 61
- Diodorus Cronus. I, 46
- Dioptrica, vel Anaclastica aut Mesoptri-  
ca quid. III, 86. 171
- Directio, s. Verticitas magneticæ. I, 199
- Dispastus quid. II, 68
- Diffonantia quid. III, 361
- Dobrzenskius. III, 29. 48. 55
- Draco volans quid. III, 320
- Du Fay. III, 53. 410
- Du Hamel. III, 65. 168. 260
- E.**
- Echo quid. III, 378
- Efferuescentia quid. I, 275
- Ehrenbergerus. III, 248
- Eisenschmidius. II, 97
- Elasti-

- Elasticitas corporis quid.** I, 160  
**perfecta non datur.** I, 161  
**imperfecta omnibus fere corporibus**  
**inest.** ibid.  
**eius dores.** I, 161. seq.  
**variae de illius causa sententiae.** I, 162. seqq.  
**Electricitas quid.** III, 402. seq.  
**communicatio eius cum alio corpore**  
**quid.** III, 410  
**eius propagatio.** III, 416  
**in quo consistat.** III, 417  
**qualis sit natura effluviolorum electrico-**  
**rum.** III, 418. seq.  
**Elementa cur dicantur corpuscula vera.** I, 10  
**eorum figura est immutabilis.** I, 28  
**Epicurus.** I, 12  
**Ergata quid.** II, 56  
**Euclides.** III, 102. 104. 105. 107. 160  
**Eulerus.** I, 81. 88. 104. 111. 139. II, 130  
135. 143. 163. 166. III, 69. 194. 351  
353. 360. 365. 371. 377  
**Exhalationes subtilissimae sunt graues.** I, 86  
**Exhydria quid.** I, 357  
**Experientia quid.** I, 2  
**continet observationes & experimenta.** I, 2  
**Experimentum quid.** ibid. (seq.  
**Explosio quid.** I, 275

## F.

- Fabricius.** III, 162  
**Fabry.** I, 366. III, 138. seq. 168. 261  
**Fax, s. stipulae ardentes quid.** III, 321

- Figurabilitas corporis quid.** I, 228
- Flamma quid.** I, 302
- aër atmosphæricus ei alendæ summe  
    est necessarius. I, 304
- cur ascendat sursum in aëre. I, 305
- Fluiditas quid.** I, 232
- Fluidum quid.** I, 232
- attrahuntur fluida a corporibus soli-  
    dis. I, 179. seqq.
- an corpora sint in statu naturali, cum  
    sint fluida. I, 234
- fluida varias possunt subire mutatio-  
    nes. I, 235
- facile penetrant in poros aliorum cor-  
    porum. I, 237
- an eorum partes minimæ in continuo  
    motu sint positæ. I, 238. seqq.
- eorum motus continuus & tempora-  
    rius. I, 239. 240
- diuiduntur in tenuia & viscosa. I, 240
- in plana horizontali fluidum stagnat. II, 84
- particulæ eorum singulæ gravitatem  
    suam semper seruant. II, 89
- parua fluidi copia in æquilibrio tene-  
    re potest aliam immensam. II, 87
- modus cognoscendi eorum densitates  
    II, 87. seqq. 96
- omne fluidum motum mouetur in  
    plano inclinato. III, 23
- moueri potest aëris facta compressio-  
    ne. III, 44. seqq.
- omne fluidum specificè leuius ascendit

per



- per alterum specificè grauius, sine  
mutua permixtione. III, 48
- Flumen vel fluuius quid. III, 25
- eius alueus. ibid.
- status permanens fluuii. ibid.
- illius sectio. III, 25. seq.
- eius celeritas quomodo mensuretur.  
III, 28. seq.
- Focus imaginarius aut virtualis quid. III, 143
- realis quid. III, 174 (174)
- focus speculi caustici s. vistorii. III, 156. seq.
- Follis quid. III, 400
- Fons Heronis simplex & compositus. III, 45
- fontes fuctorii. III, 44
- Fontenellius. III, 256
- Foramen corporis occultum quid. I, 18
- Frictio horizontalis. II, 36
- Fulgur, s. Coruscatio quid. III, 306
- quomodo oriatur, ibid.
- Fulmen quid. III, 307
- cur tam terribilem edat fragorem. III, 307. seq.
- cur ex una eademque nube plura ful-  
mina excutiantur. II, 308. seq.
- cur tam incertos ductus sequatur. III, 309
- quænam loca fulmini præ ceteris ob-  
noxia sint. III, 309. seq.
- cur fulmen prius videatur, quam to-  
nitru percipiatur. III, 312
- mirabiles eius & paradoxi effectus.  
III, 313. seq.
- quomodo homines necet. III, 314
- Fumus quid. I, 302

**Funis ductorius quid.** II, 58  
**Fusio ignis quid.** I, 295

## G.

**Galaxia, s. Via lactea cœli.** I, 350

**Galenus.** I, 171

**Galilæus.** I, 12. 81. 88. 91. 97. 222. 225

227. 230. 324. II, 38. 127. 163. 165

III, 48. 68. 356. 365.

**Gassendus.** I, 29. 88. 98. 118. III, 96. 297. 299

**Gelu, ad quam profunditatem penetret**  
 terram in regionibus borealibus. I, 265

**Generatio corporis naturalis quid.** I, 25

**Geoffroy.** I, 283

**Gilbertus.** III, 428

**Glacies quid.** I, 258

aqua sua est leuior. ibid.

formatur ab aqua, omni aëre destituta. I, 259

continuas ex se emittit expirationes. I, 260

**Globus terræ, qui pensilis est, non cadit.** I, 88

est in eo æquilibrium grauium. ibid.

**Gordonus.** III, 408

**Grando quid.** I, 362

eius figura. I, 363

**Graue quoduis descendit in suo lapsu**  
 motu accelerato. I, 89. 97

grauia tendunt ad centrum terræ. I, 85

omnia simul sumpta constituunt glo-  
 bum nostrum terræqueum. I, 87

**Grauesandius.** I, 164. 283. II, 95. 135. 159

184. III, 8. 14. 18. 53. 83. 95. 123

127. 140. 246. 283

**Graui-**

- Gravitas quid.** I, 85. 113  
 a nullo corpore interposito potest im-  
 pediri. I, 114  
 agit in corpus motum & quiescens  
 æqualiter. I, 89  
 quomodo differat a pondere. I, 90  
 eius immutabilitas. I, 102  
 diminutio actionis in gravitate. I, 103. 106  
 gravitas pura quid. I, 104  
 variæ gravitatis causæ. I, 117—124  
 gravitas nostra terrestris ad lunam vs-  
 que extenditur. I, 109. seq.  
**Gregorius.** I, 112. III, 80. 93  
**Grewius.** I, 150  
**Guerikius.** I, 247. 312  
**Gulielmus.** III, 18. 21. 26

## H.

- Hainlinus.** III, 92. 96. 116  
**Halesius.** I, 341. III, 314  
**Halleius.** I, 206. 211. II, 167  
**Halones, s. Coronæ quid.** III, 287  
 earum diameter adparens. ibid  
 earum colores. III, 287. seq.  
 earum area. III, 288  
 cœlo pluvio nunquam cernuntur.  
 III, 288. 293  
 nec ab observatoribus longe diffitis. III, 293  
 rumpuntur ab exortis ventis. III, 288. 293  
 halones artificiales. ibid  
 halonum explicatio & causæ. III, 289. seq.  
 Ff 4 cur

- cur earum diametri adparentes non  
 sint constanter eadem. III, 293. seq.  
 Hambergerus. I, 182. 260. seq. 264. III, 287  
 Harrifius. II, 96  
 Harsdœrfferus. II, 35. 71. III, 36. 133  
 Hartsoekerus. I, 164. 187. 249. 301. 337  
 345. 358. 362. III, 35. 81. 90. 212  
 244. 254. 260  
 Haukbeeus. III, 430  
 Hautefeuille. III, 234  
 Helena quid. III, 322  
 Helioscopium quid. III, 247  
 Hellotus. III, 265  
 Henkelius. I, 220  
 Heraclitus. I, 266  
 Hermannus. I, 64. II, 79. 136. 167. III, 277  
 Hero. III, 137  
 Hertelius. III, 173. 211  
 Hevelius. I, 265. III, 244. 297. 305  
 Hoffmannus Frid. I, 103. 155. 243. 307  
 III, 214. 235. 264  
 Hombergius. I, 268. 295. 309. III, 212. 308  
 Horizontale quid. II, 41  
 Horoprer quid. III, 114  
 Hugenius. I, 11. 89. 97. 113. 122. 132. II, 135  
 138. 143. 166. 180. 200. III, 65. 178  
 180. sq. 225. 230. 232. 238. 243. 246  
 290. 298. sqq. 303. seq.  
 Humidum quid. I, 233  
 Hydracontisteria. III, 44  
 Hydraulica generalis, vel Hydrodyna-  
 mica quid. II, 3. III, 1  
 specia-

- specialis quid. III, 2  
 Hydrostatica quid. II, 2. 72  
 eius principia. II, 72 — 121  
 Hygrometrum, vel Hygroscopium quid. I, 345. II, 108  
 Hypotheses quid. I, 4  
 sunt ex Physica proscribendæ. ibid.  
 I.  
 Idiosyncrasia quid. I, 146  
 Ignis quid. I, 266  
 duo eius præcipui effectus. I, 267  
 est materia, s. corpus. I, 267. seq.  
 est grauis. I, 86. 268  
 est fluidus. I, 269  
 est in omnibus corporibus præsens,  
 elementaris scilicet & simplex. I, 270  
 expandit se in omnia alia corpora. I, 277  
 tenuissimas plurimorum corporum  
 particulas lente distendit. I, 282  
 plurima etiam contrahit. I, 286  
 quandoque tenuissimas corporum par-  
 ticulas rapidissime mouet. I, 295  
 Ignis fatuus, s. erraticus quid. III, 321  
 nihil incoëdit, sed odorem tamen ali-  
 quando emittit sulphureum. III, 321  
 eius materia. III, 322  
 Ignes fatui ardentes, s. Ambulones in-  
 cendiarii. III, 322  
 Ignis lambens quid. III, 323  
 male refertur ad meteora. ibid.  
 Imago obiecti quid. III, 140  
 locus eius optime determinatur ex  
 Ff 5 con

- concurſu duorum radiorum refle-  
xorum. III, 141. ſeqq.
- Imber, ſ. ſtillicidium quid. I, 358
- Inclinatio magnetis quid. I, 207
- Inclinatoria instrumenta magnetica. I, 208
- Inertia corporis quid. I, 26
- ſemper eſt proportionalis maſſæ cor-  
poris. I, 27
- & in quiete & in motu eſt vna eadem-  
que. ibid.
- eſt principium reſiſtendi omni muta-  
tioni ſtatus ſui. I, 53
- in corpore quieſcenti conſiderata au-  
dit vis mortua. I, 54
- in corpore moto vocatur vis viva. I, 58
- Inſinitum infinito contineri, ſenſu geo-  
metrico non repugnat. I, 12
- inſinitum extensionis & virtutis. ibid.
- Instrumentum quid. II, 8
- tranſcolatorium quid. III, 48
- Iris quid. III, 271
- primaria & ſecundaria. ibid.
- utriuſque colores. III, 271. ſeq.
- eius periodi tres, infantilis, juvenilis  
& virilis. III, 272. ſeqq.
- radii ad eam efficaces. III, 276
- ſemidiameter iridis. III, 279
- eius altitudo ſupra horizontem. III, 280. ſq.
- eo depreſſior eſt iris, quo magis eleua-  
tus eſt ſol. III, 281
- cur aliquando vnum modo erus, aut  
partes

- partes solæ cruris in iride conspi-  
 ciantur. III, 282  
 Iris lunaria. III, 286  
 Ifidorus. III, 134  
 Iurinus. I, 214 338

## K.

- Keilius. I, 96. II, 124. 131. 135. 166. 168. 172  
 Kepplerus. I, 86. 118. 140. 354. III, 82. 89  
 98. 121. 143. 164. 175. 178. 196. 197  
 261. 326. 373. 389  
 Kircherus. III, 247. 260. 261. 377. 380. 392  
 Kirstenius. II, 89  
 Kohlhanfius. III, 174  
 Kratzensteinus. III, 407  
 Krügerus. I, 253. 281. 299. III, 309. 316. 320  
 Kunckelius. III, 264

## L.

- Lactantius. III, 209  
 Lampas. III, 56  
 Lamy. III, 103  
 Lapis fulmineus quid. III, 316  
 Lapsus quid. II, 33  
 Laterna magica, f. Taumaturga. III, 246  
 eius inuentor. ibid.  
 Leibnitius, I, 2. 6. 58. 88. 231. 316. II, 183  
 186. 189. 200. III, 194  
 Lemery. II, 109. 266  
 Le Monnier. I, 210  
 Lens optica f. specillum. III, 173  
 variæ eius species. ibid.  
 eius axis. III, 173. seq.  
 eius

- eius poli, f. umbilici. III, 174  
 æqualiter conuexa, f. concaua quid. ibid.  
 inæqualiter conuexa quid. ibid.  
 lentis focus. III, 207  
 lens caustica vel vistoria quid. ibid.  
 collectiua quid. ibid.  
 Leutmannus. I, 284. 346  
 Leuitas positiua non datur. I, 86  
 Libellæ hydrostaticæ. II, 85  
 Liebknechtius. III, 217  
 Linea libera & non libera quid. II, 10. seq.  
 directionis corporum quid. II, 30  
 curua vnde oriatur. I, 127. II, 147  
 Linus Franc. I, 311  
 Lipstorpheus. II, 185  
 Liquidum quid. I, 233  
 Locus quid. I, 36  
 est vel absolutus vel relatiuus. ibid.  
 relatiuus potest manere idem, licet in-  
 terea absolutus mutetur. I, 37  
 non est superficies spatii continentis. ibid.  
 debet esse spatium, cuius pars est, ho-  
 mogeneus. ibid.  
 Longomontanus. III, 197  
 Lucretius. I, 91. 150  
 Lumen Cassinianum, f. Zodiacale quid.  
 III, 324. seqq.  
 cur non olim etiam visum fuerit. III, 326  
 vnde oriatur. III, 327  
 Luscius. III, 98  
 Lux quid. III, 77  
 triplex



- triplex eius radius. III, 60  
 variæ de eius natura sententiæ. III, 61  
 argumenta Aristotelicorum, quod  
 lux sit accidens, refutata. III, 62. seq.  
 est substantia & materia corporea sub-  
 tilissima. III, 63. seq.  
 quomodo a sole aut stellis ad oculos  
 nostros propagetur. III, 64. seqq.  
 de eius procreatione sententia Barro-  
 wii. III, 65  
 Empedoclis, Epicuri & Gassendi. ibid.  
 Cartésii. III, 65. 70  
 Newtoni, cum rationibus. III, 67 — 70  
 dubia soluuntur. III, 71 — 76  
 subtilitas particularum lucis. III, 79  
 eius celeritas. III, 79. 80  
 eius motus est directus, donec ab  
 aliis visibus alteretur. III, 83. seq.  
 eius intensitas. III, 99

## M.

- Machina quid. II, 6  
 simplex quid. ibid.  
 quot dentur simplices. II, 11  
 machinarum vis κατ' ἐξοχην. II, 7  
 onus earum vel obstaculum. ibid.  
 quid ad eas vel mouendas, vel in æ-  
 quilibrio tenendas, communiter ad-  
 hibeatur. II, 49 — 51  
 machinæ compositæ homogeneæ &  
 heterogeneæ. II, 63. seq.  
 machina percussoria quid. II, 172  
 machinæ

- machinae hydraulicae. III, 2  
 machina Cresbiana. III, 44  
 Magirus. I, 98. III, 272. 279  
 Magnes quid. I, 184  
   naturalis & artificialis quid. I, 185  
   eius proprietates. I, 185. 199. 204. 207  
   eius poli. I, 186  
   eius Axis. ibid.  
   eius Aequator. ibid.  
   eius Meridiani. ibid.  
   cur dicatur Terrella. I, 187  
   quantitas attractionis eiusdem. I, 188. seq.  
   variae de illo experientiae. I, 189. seq.  
   eiusdem sphaera actiuitatis. I, 190  
   eius armatura. , ibid.  
   pes armaturae quid. I, 191  
   poli eius artificiales. ibid.  
   obiectiones contra existentiam mate-  
   riae magneticæ. I, 197. seq.  
   Poli amici & inimici in duobus ma-  
   gnetibus. I, 201  
   quando dicatur Græcissare & Magi-  
   strissare. I, 204  
   variae de causis phaenomenorum ma-  
   gnetis sententiae. I, 209. seq.  
 Magnetismus quid. I, 146  
 Mariotus. I, 216. 225. 231. 235. 252. 314  
   333. 354. 358. 364. II, 87. 172. III, 25  
   46. 131. 254. 264  
 Marius. III, 243  
 Massa vel materia corporis quid. I, 18. II, 73  
   con-

- constans & variabilis quid. I, 18.  
 primi & secundi ordinis quid. I, 23  
 massarum ad pressiones & celeritates  
 elementares proportionales. I, 57  
 Materia frigorigica quid. I, 261  
 fulminea quid. III, 308  
 Materiae exspiratio quid. I, 299  
 exhalatio quid. I, 300  
 euaporatio quid. I, 300  
 halitus quid. ibid.  
 vapores quid. ibid.  
 Mathesis pura quid. I, 4  
 versatur in metiendis tam causis,  
 quam phaenomenis. ibid.  
 Maupertuisius. I, 84. 115. II, 160. III, 138  
 Mechanica quid. I, 55, II, 2  
 Melanchthon. I, 8  
 Mercurius, cur in hieme altius ascendat,  
 quam in aestate. I, 332  
 multum descendit, si aer cito & mul-  
 tum rarefiat. I, 333  
 Mersennus. I, 58. 224. 337  
 Meteorum quid. I, 349  
 cur in hieme frequentiores observen-  
 tur. I, 351  
 eorum divisio in aquae, ignea & aërea. ib.  
 in hypostatica & emphatica, s. splen-  
 dentia & ardentia. III, 271. & 305  
 ignea quid. III, 305  
 Microscopium quid. III, 230  
 simplex quid. ibid.  
 com-

- compositum quid. III, 230. & 241  
 eius campus. III, 231  
 diametri auctæ ad diametrum rerum  
 veram proportio in microscopiis. III, 231  
 microscopii simplicis vsus. III, 232  
 incertus est annus inuentionis eorun-  
 dem. III, 233. seq.  
 microscopiorum in genere mirabiles  
 effectus. III, 234. seq.  
 microscopium solare quid. III, 246  
 Mœglingius Dan. II, 52  
 Monochordum quid. III, 363  
 sectio monochordi diatonica & diato-  
 nico-chromatica. III, 373. seq.  
 Morus Henr. I, 312. II, 87. 112. seq.  
 Morlandus. II, 98  
 Motus corporis quid. I, 27  
 absolutus & relatiuus quid. I, 40  
 relatiuus potest esse quies absoluta, &  
 v. v. I, 42  
 motus soli corpori competit. I, 43  
 spatio opus habet, in quo exerceatur. ibid.  
 siue excitatus, siue suffocatus, est caus-  
 sa omnium in corporibus mutatio-  
 num. I, 45  
 argumenta contra eius existentiam. I, 45. seqq.  
 motus omnis fit in tempore. I, 48  
 variæ eius causæ, s. potentia. I, 49. seq.  
 eius determinatio vel directio. I, 51  
 motus æquabilis s. vniformis quid. ibid.  
 inæ-

- inaequabilis vel difformis quid. I, 51  
 eius impedimenta. I, 64  
 compositus & simplex quid. I, 68  
 unde compositus oriatur. ibid.  
 acceleratus & retardatus quid. I, 89  
 causæ motus accelerati variæ, a va-  
 riis Auctoribus allegatæ. I, 98  
 oscillatorius quid. II, 134  
 motus corporis naturalis & violentus. II, 164  
 de motu corporis proiecti variæ Au-  
 ctorum sententiæ. II, 165. seqq.  
 motus radens quid. II, 192  
 voluens quid. ibid.  
 ex utroque mixtus. ibid.  
 Moyificatio quid. III, 424  
 Musica quid. III, 365  
 tabula præcipuorum interuallorum  
 musicorum. III, 365. seqq.  
 interuallum musicum quid. III, 367  
 interuallum simplex & compositum  
 quid. III, 367  
 interualla minima. ibid.  
 Musicæ inuentor. III, 369  
 Musschenbrœk. I, 182. 185. 188. 192. 215  
 219. 222. 231. 236. 240. 259. 262. 284  
 304. 309. 314. 322. 339. 354. 363. II, 27  
 72. 82. 109. 114. 161. 195. III, 23. 63  
 66. 70. 128. 131. 194. 288. 307. 315  
 323. 334. 350. 358. 392. 419. 424  
 Myops quid. III, 98  
 P. III. G g quo-

quomodo sibi consulere possit. III, 128. sq.  
& 248

## N.

- Naturæ vires** quid. I, 3  
**Naturale** quid. I, 2  
**Nebula** quid. I, 351  
 eius causæ. I, 351. seq.  
**Nervus opticus** quid. III, 88  
**Newtonus.** I, 4. 30. 59. 60. 85. 91. 123  
 135. 141. 166. 188. 243. 302. II, 79  
 86. 135. 166. 168. III, 30. 66. 82. 139  
 142. 259. 267. 269. 277. 288.  
**Nigredo** quid. III, 236  
**Nigrum** quid. III, 250. 257  
**Nimbus** quid. I, 358  
**Nix** quid. I, 364  
 regularis eius & anomala figura. I, 365  
 recens delapsa valde rara est. ibid.  
 lucem fortissime reflectit. I, 366  
 eius utilitates. ibid.  
**Nolletus.** II, 189. 195. III, 48. 185. 200. 350  
**Normannus.** I, 194  
**Nubes** quid. I, 352  
 cur earum figura sit tam mutabilis. I, 353  
 diuersa earum a terra distantia. ibid.  
 magnitudo earum diuersa. I, 354  
 illarum usus. ibid.  
**Nuguetus.** III, 250  
**Nyctalops.** III, 98

## O.

- Observationes** quid. I, 2  
 distin-

- distinguuntur in vulgares & artificiosas. I, 2
- Oculus quid. III, 87
- eius palpebræ & cilia. ibid.
- nunicæ. III, 87. seq.
- iris. III, 88
- pupilla. ibid.
- camera anterior & posterior. III, 88. seqq.
- humores. III, 88. 89
- reliquæ de eius structura obseruationes. III, 90. seqq.
- oculus est camera obscura perfectissima. III, 92
- geometrice & absolute perfectus oculus non est. ibid.
- cur, duobus oculis prædiri, rem videamus tantum vnicam. III, 95. 115
- cur res, in retina inuersas, oculis videamus erectas. III, 95. seqq.
- oculus valens quid. III, 97. seq.
- cur bini dati sint oculi animantibus. III, 112
- quibus modis motum videre possimus. III, 116. seq.
- omnis mutatio in oculo vnde oriatur. III, 128
- caussa visionis confusæ remotorum. III, 128
- vnde oriatur vitium confusæ visionis vicinorum. III, 129
- Oppelius. II, 32
- Optica quid. III, 83
- Orbita quid. I, 132
- Organum hydraulicum. III, 56
- Oscil-

**Oscillatio**, vel vibratio prima & secunda quid. II, 134  
**centrum oscillationis penduli compositi.** II, 141  
**oscillationes fluidi**, in tubo contenti. III, 29. seq.

## P.

**Pancratia** quid. II, 71  
**Pappus Alexandrinus.** II, 6. seq. 26  
**Parabola** quid. II, 149  
**Pardies.** II, 5. 26. 32. 34. 52. 63  
**Parentius.** I, 316  
**Parrhelii**, s. **Paraselenæ** quid. III, 296  
     **præcipua earum phænomena.** III, 298  
     **earum origo & constitutio.** III, 298. seqq.  
     **quatuor alia, huc spectantia phænomena.** III, 303. seq.  
**Pendulum simplex** quid. II, 134  
     **non pondus adpensum**, sed penduli  
     **longitudo æstimanda est in eruendo**  
     **tempore oscillationis.** II, 140  
     **compositum** quid. II, 141  
     **celerius suas oscillationes peragit,**  
     **quam simplex eiusdem longitudinis.** II, 141  
     **eorum varii vsus.** II, 143. seqq.  
**Penicillus opticus** quid. III, 220  
**Pentaspastus** quid. II, 68  
**Penumbra imaginis solaris** quid. III, 109  
**Peritrochium** quid. II, 56  
**Perpetuum mobile dari non potest.** II, 195  
**Per-**



- Perraltus.** II, 7. III, 360  
**Perspicillum quid.** III, 233  
     eorum inuentor. ibid.  
**Physica, f. philosophia naturalis quid.** I, 1  
     versatur circa reddendas eorum, quæ  
     de corpore naturali obseruantur,  
     rationes. ibid.  
     eius principia. ibid.  
     eius vtilitas & dignitas. I, 7  
**Piccardus.** I, 110. 139. III, 58  
**Picturæ magicæ.** III, 223  
**Pila Heronis quid.** III, 46  
     eius vsus. ibid.  
**Pitotus.** I, 359  
**Planetæ omnes mouentur in ellipsis,**  
     in quarum foco alterutro sol est po-  
     situs. I, 141  
**Mercurius, cur a quibusdam vitreus**  
     iudicetur. III, 165  
**Planum inclinatum quid.** II, 10  
     leges motus corporis alicuius per pla-  
     num inclinatum. II, 122. seq.  
**Plato.** III, 426  
**Plinius.** I, 252. II, 117. seq. III, 134. 258  
**Pluua quid.** I, 356  
     eius causa præcipua. I, 357  
     differentia pluuiarum vnde oriatur. I, 358  
     rorifera, f. puluerulenta quid. I, 358  
     guttarum forma. ibid.  
     eius aqua est maxime impura. I, 359  
     eius vsus. I, 360

- earum diuifio in naturales & prodigio-  
fas. I, 360
- Polemoscopium quid. III, 246  
eius inuentor. ibid.
- Polinierius. II, 87. 89
- Polyedrum ſ. Polygonum quid. III, 222  
ad eorum formam fabricati ſunt mu-  
ſcarum aliorumque inſectorum  
oculi. III, 223
- Polyſpaſtus quid. II, 68  
mobilis & immobilis quid. ibid.
- Pondus corporis quid. I, 90  
eſt proportionale maffæ corporis. ibid.  
abſolutum & reſpectiuum quid. II, 13. 92
- Porta, I. B. III, 83
- Porus quid. I, 17. ſeq.
- Potentia corporis quid. I, 44  
eius directio quid. II, 4  
maior & valentior maiores etiam &  
valentiores excitat celeritatis gradus. I, 56  
abſoluta & relatiua quid. I, 78  
potentiæ momentum. II, 19
- Presbyta. III, 98  
quomodo ſibi conſulat. III, 129. 248. ſeq.
- Preſſio mediata & immediata quid. III, 51
- Principium compositionis virium aut  
motuum quid. I, 71  
reſolutionis virium & motuum quid. ibid.
- Proiici quando dicatur corpus. II, 145  
proiectio corporis perpendicularis aut  
verticalis quid. II, 146  
hori-

# INDEX.

469

horizontalis proiectio.	ibid.
obliqua.	ibid.
proiecti corporis semita, vel proiecto- ria.	II, 147
projectionis amplitudo.	II, 149
eius altitudo.	ibid. & 157
verticaliter sursum proiectum corpus fertur in linea recta motu retarda- to.	II, 151. seq.
usus doctrinae de motu proietorum grauium.	II, 164. seqq.
Pruina quid.	I, 361
eius utilitas.	I, 362
Pulvis fulminans quid.	III, 308
eius compositio & effectus.	ibid.
Punctum liberum, & non liberum quid.	II, 10
suspensionis.	II, 35
incidentiae.	III, 134
dispersionis.	III, 143. 174
visorium.	III, 156
radians.	III, 203
punctum concursus radiorum.	III, 174

## Q.

Qualitates corporum quid.	I, 9. 143
diuiduntur secundum ordinem sen- suum externorum.	I, 9
actiuae & passivae.	I, 144
materiales, s. reales, & immateriales, s. intentionales.	ibid.
primae & secundae, s. tangibiles.	I, 145
Gg 4	mani-

- manifestæ & occultæ. I, 145  
 gustabiles, s. sapores. I, 148  
 eorum ~~causæ~~. I, 149  
 variae illorum species. I, 150  
 olfactiles, s. odores. I, 152  
 eorum radices & vehiculum. I, 152. seq.  
 audibiles, s. soni. I, 156  
 visibiles, s. lux & colores. ibid.  
 tactiles, in quonam consistant. I, 157  
**Quies corporis quid.** I, 28  
 quotuplex sit. I, 41  
 absoluta simul quoque est quies rela-  
 tiva, sed non vice versa. I, 41. seq.  
 relativa saltem in sensus nostros in-  
 currit. I, 43  
 nihil est positivi, sed sola privatio motus. ib.  
 non admittit gradus. I, 44  
**Quintilianus.** I, 307
- R.**
- Radii Osculi quid.** I, 130  
**Radius Vector quid.** I, 141  
**Radius lucis quid.** III, 80. seq.  
 directus quid. III, 83  
 incidens. III, 84  
 reflexus. ibid.  
 refractus. III, 86  
 radio refracto videri quid aliquando  
 potest, quod directo cerni nequit. ibid.  
 & 135  
 radiorum inflexio, inclinatio, vel dif-  
 fractio. III, 87. 269  
 huius

- huius inuentor & experimenta. III, 269. sq.  
 an radiorum ex oculis emissione, an  
 vero eorundem ab oculis receptione  
 absoluitur visus. III, 93. seq.  
 per radium reflexum non videmus  
 obiectum ipsum, sed eius imagi-  
 nem. III, 140  
 radii solis non diuergentes, sed ad  
 sensum paralleli ad nos perueniunt. III, 203  
 radiorum refractorum aberratio. III, 206  
 radii solares heterogenei & homoge-  
 nei. III, 254  
 radius sincerus quid. III, 261  
 iridicolor. ibid.  
 vitricolor. ibid.  
 Ramazzinus. II, 114  
 Rastius. II, 116  
 Ratio quid. I, 2  
 Reaumur. I, 224. 258. 272. 308. II, 119.  
 III, 235. 360  
 Reflexio quid. III, 84  
 leges reflexionis lucis. III, 85  
 vnde oriatur. III, 139. seq.  
 Refractio lucis quid. III, 85. 171  
 refractio ad axem & ab axe. II, 172  
 ratio refractionis. III, 180.  
 explicatio refractionis Snellii. III, 181. sq.  
 Newtoni. III, 183. seqq. Cartesii. III,  
 185. seqq. Fermatii. III, 189. seqq.  
 Maupertuisii. III, 193. seq.  
 re-

- refraçtio lucis Astronomica unde po-  
 tenda. III, 195. seq.  
 refractionis adplicatio varia. III, 198. seqq.  
 refraçtio radiorum solarium diuerfa  
 diuerfum parit colorem. III, 255  
 Regnault. I, 204. II, 118. III, 235  
 Regnum potentiae. I, 6  
 sapientiae. ibid.  
 fossile aut minerale. ibid.  
 vegetabile. I, 6  
 Animale. ibid.  
 Atmosphaericum. ibid.  
 Marinum. ibid.  
 Regulæ Newtonianæ circa phenomena  
 naturalia. I, 4. seq.  
 Reinzerus. III, 258  
 Repulsio quid. I, 170  
 Resistencia medii quid. II, 188  
 eius causæ. II, 197. seqq.  
 eius incrementum. II, 199  
 Ricciolus. I, 353. III, 279. 281  
 Richerius. I, 109  
 Riegerus. III, 214  
 Roberuallius. I, 338  
 Rohaultus. I, 86. 98. 328  
 Ros quid. I, 354. seq.  
 tres eius species. I, 356  
 Rosarium. III, 34  
 Rota quid. III, 34  
 Rota dentata quid. II, 65  
 rotæ curriculum, vel laterna. II, 66  
 stella-

stellata quid.	II, 66
pectinata.	ibid.
coronata.	ibid.
Rubrum quid.	III, 250
Rüdigerus.	I, 119

## S.

Saurinus.	I, 120. II, 138. III, 277
Scaliger.	II, 74. III, 272
Schefferus.	III, 424
Scheuchzerus.	III, 311
Schillingius.	I, 216. III, 407
Schmidius, Ioh. Andr.	II, 55. III, 303
Schootenius.	II, 52
Schottus.	I, 253. 311. II, 35. 60. 75. 85. 91
Scientia quid.	I, 1
Scytalæ quid.	II, 56
Seneca.	I, 7
Siphon quid.	III, 36
hydrostaticus.	III, 39. seq.
factorius.	III, 40
hydraulicus, f. fluens.	ibid.
interruptus simplex & compositus.	III, 42
Situla Helmontiana.	II, 112
eius phænomena.	ibid. seqq.
situla catenis annexa.	III, 34
Situs quid.	I, 36
verticalis quid.	II, 41
Smith, Rob.	III, 96
Spl, in quam distantia idem efficiat radius directis, quod apud nos re- flexis, & in foco collectis.	III, 165 eius

- Solicitatio media quid.** I, 77  
**Sonus quid.** III, 343  
     **variæ de eo sententiæ.** III, 343. seq.  
     **eius causæ.** III, 344. seq.  
     **quotuplici modo soni excitentur.** III, 346  
     **sufficit ad eum gignendum motus cor-**  
     **poris sonori totalis.** III, 349. seqq.  
     **ratio soni in chordis.** III, 348. seq.  
     **causæ eiusdem in tibiis.** III, 353. seqq.  
     **causæ soni valde acuti in calice vitreo**  
     **tenui.** III, 356. seq.  
     **cur & quomodo fiat acutior.** III, 357  
     **quomodo decrescat eius fortitudo.** ibid.  
     **soni celeritas.** III, 358. seq.  
     **cur campanula pulsata in mediis aquis**  
     **aliud sonum edat, quam extra eas.** III, 359  
     **cur campana metallica, occultam fis-**  
     **suram nacta, sonare desinat.** III, 360  
     **sonus grauior quid.** III, 361  
     **auctior quid.** ibid.  
     **simplex & compositus quid.** ibid.  
     **ad quamnam distantiam sonus possit**  
     **audiri.** III, 377. seqq.  
     **quomodo reflectatur.** III, 378  
**Spatium percursum quid.** I, 51  
     **eius dimensio.** I, 95  
     **spatia isochrona.** II, 126  
**Speculum quid.** III, 132  
     **eorum antiquitas.** III, 133  
     **eorum origo.** ibid.  
     **variæ ipsorum species.** III, 134  
     pha-



- phænomena speculi plani explicata,  
III, 147. seq. 152
- phænomena speculorum sphaericorum,  
& convexorum & concavorum.  
III, 153 — 169
- speculi polus. III, 153
- eius radius. ibid.
- diameter. ibid.
- axis. ibid.
- speculum causticum vel vstorium. III, 155  
seqq.
- speculum, se ipsum comburens. III, 164. sq.
- specula cylindrica, semicylindrica &  
conica. III, 170
- Statera Romana vel Danica. II, 54
- eius cursor. ibid.
- tres illius species. II, 54. seq.
- statera composita. II, 65
- Statica vel Geostatica quid. II, 2. 4
- Stella cadens, transcurrent quid. III, 319. seq.
- cur noctu tantum obseruetur. III, 320
- eius materia qualis. ibid.
- quomodo ars eas imitetur. III, 320
- Stevinus. II, 29. 64. III, 143
- Strifelius. II, 52
- Sturmius. I, 177. 216. 233. 305. 323. 326  
343. 344. 347. 362. II, 75. 86. 111  
189. III, 35. 36. 39. 40. 52. 82. 212  
287. 374. 381
- Sucula. II, 56
- Swenterus. I, 325. 345. III, 356
- Sym.

Sympathia quid. I, 146  
 Syrix quid. III, 42

## T.

Tacquetus. II, 106. III, 137. 139. 146. 162  
 Tartaglia, Nic. II, 165  
 Taylorus. I, 180. 188  
 Teleologia quid. I, 5  
 Telescopium vid. Tubus opticus.  
 Tempus quid. I, 38  
   quomodo concipiat. ibid.  
   absolutum tempus quid. I, 38  
   successio idearum nostrarum non pot-  
     est esse mensura temporis absoluti. ibid.  
   relativum tempus quid. I, 39  
   periodicum quid. I, 133  
 Terra, est sensibiliter sphaerica. I, 85  
 Terrachordum quid. III, 369  
 Thales Milefius. I, 29. 241  
 Thermometrum, s. Thermoscopium  
   quid. I, 287  
   eorum praecipuae species. I, 287—292  
 Tirillatio quid. I, 165  
 Tonitru quid. III, 307  
   quomodo oriatur. III, 311. seq.  
   quare sonus multiplicetur. III, 312  
   tonitruum utilitates. III, 316  
   cur eorum concussionibus fluida cor-  
     rumpantur. III, 314  
 Toricellius. I, 97. II, 167. 200. III, 58  
 Transclementatio quid. I, 249  
 Trias harmonica quid. III, 366  
 Trispastus quid. II, 68

- Trochlea** quid. II, 58  
 mobilis, vel **Monospastus** quid. II, 61  
**Truchetus.** I, 97  
**Tschirnhusius.** I, 41. III, 149. 209. seq.  
**Tuba stentorea** quid. III, 380  
 eius inuentor. III, 381  
 eius figura. III, 381. seq.  
 causæ, ad effectus eius requisitos ne-  
 cessariæ. III, 384. seqq.  
 eius usus. III, 386. seq.  
**Tubuli capillares.** I, 212. II, 88  
 eorum phænomena. I, 213  
**Tubus ligneus** vel **argillaceus** præstat  
 plumbeo. III, 24  
 quomodo inferendus sit alueo supe-  
 riori. ibid.  
 tubus opticus quid. III, 237  
 ærius. III, 245  
**Toricellianus.** I, 309. seq.  
**Hollandicus.** III, 238  
**Astronomicus.** III, 239  
 terrestris. ibid.  
 reflectens, s. **Newtonianus.** ibid.  
**Binoculus.** III, 140  
 inuentionis eorundem epocha est in-  
 certa. III, 243. seq.  
**Tycho de Brahe.** I, 354  
**Tympanum aquis repletum.** III, 56  
 V.  
**Vacuum**, s. inane quid. I, 29  
 argumenta vacuo patrocinantia. I, 30. seqq.  
 eidem

- eidem contraria, Aristotelis. I, 33  
 Cartesii. I, 34. Leibnitii. ibid.  
 vacui, si quod datur, vniuersalis re-  
 quisita. I, 35  
 vacuum Guerikianum. I, 313  
 Toricellianum. ibid.  
 Valvula, s. Assarium quid. III, 43. seq.  
 Varignonius. I, 231. II, 131. 167. III, 54  
 Vectis quid. II, 11. 18  
 eius fulcrum s. hypomochlium. II, 19  
 eius brachia. ibid.  
 eius puncta. II, 23  
 vectis heterodromus, s. primæ spe-  
 cie. II, 23  
 homodromus, s. secundæ speciei. ibid.  
 vectis tertiæ speciei. II, 24  
 eorum vsus. II, 25. seq.  
 vectis compositus. II, 65  
 Velocitas corporis alicuius moti quomo-  
 do mensuretur. I, 51  
 Ventus quid. III, 343. 389  
 artificium, ventum igneum efficiendi.  
 I, 306  
 ventorum causæ. III, 390. seqq.  
 eorum diuisio in cardinales & collate-  
 rales. III, 392  
 eorum numerus. III, 393. seq.  
 eorum diuisio in statos & non statos,  
 & prouinciales. III, 393  
 in generalem, periodicos & variabiles.  
 III, 394. seqq.  
 vento-

- **ventorum periodicorum causæ.** III, 398
- celeritas ventorum quomodo indagari  
possit. III, 399. seq.
- **vnda sua ipsis accedat qualitas.** III, 401
- eorum utilitates. III, 401. seq.
- Verdriesius.** I, 150. 163. 241. 244. 264
- III, 286. 304
- Verulamius.** II, 97. III, 401
- Via curua solaris.** III, 195
- Virgæ.** I, 366
- earum origo. ibid.
- Virgilius.** I, 8
- Vis motrix quid.** I, 44
- mortua vel pressionis quid. I, 54
- eius mensura. I, 55
- viua vel percussione quid. I, 58
- cum motu actuali est coniuncta. ibid.
- eius actio maior est pro ratione inten-  
sitatis & durationis. I, 60
- normalis quid. I, 128
- tangentialis. I, 128
- Vires corporis totæ censendæ sunt effecti-  
bus suis integris proportionales.** I, 64
- virium corporis quantitas, secundum  
æstimationem Leibnitii.** I, 59. seqq.
- Newtoni & Cartesii. ibid. seq.
- vires centrales quid.** I, 132
- virium proportionales.** I, 142. seq.
- vis centripeta & centrifuga quid.** I, 131
- illa huic semper est exacte æqualis. I, 134
- tria illius genera. I, 135
- Vitellio.** III, 137
- Vitruvius.**

- Vitruuius.** I, 314. II, 6. 68. III, 34. 56  
**Vitrum elementare quid.** II, 89  
     causticum quid. III, 207  
     eius effectus. III, 211. seqq.  
     illorum præ speculis causticis commu-  
         nio & vsus. III, 218. seqq.  
     polyedrum quid. III, 222  
     polyoptrum quid. III, 224  
     oculare. III, 238  
     obiectiuum. ibid.  
**Vmbra quid.** III, 121  
     non mouetur. III, 122  
     obiecti alicuius eleuati, in planitiem  
         proiecta, inseruit metiendæ eiusdem  
         altitudini. III, 125  
     eius diuisio in rectam & versam. ib. seq.  
**Vnde.** III, 31  
     per circulum moueri videntur. ib. seq.  
     earum latitudo. III, 32  
     varie, secundum varias directiones motæ sese mu-  
         tuo non perturbant. III, 32. seq.  
**Voltaire.** I, 97  
**Volumen corporis quid.** I, 23. II, 73  
**Vossius, If.** I, 267. III, 181
- W.**
- Waizius.** III, 323. 404  
**Wedelius.** I, 150  
**Weidlerus.** III, 287  
**Whistonus.** I, 188. III, 66. 277  
**Willisus.** I, 150  
**Wincklerus.** III, 414. 425  
**Wolffius.** I, 64. II, 79. 139. III, 24. 51. 56. 82. 219  
     321. 334. 360. 400.
- Z.**
- Zahnus.** III, 176. 223  
**Zucchius.** III, 245











Fig. 9.





Fig. 11.





Fig. 14.




Fig. 15.







Fig. 16.













38.




Fig. 40.







Fig. 41.
















**Fig. 44**














































*Fig. 90.*




*Fig. 92.*


na povera



*Fig. 94.*





*Fig. 95.*















11.0 0 0




Fig. 109.




Fig. 110.




Fig. 111.







John Farrar



